

math


paris winter

de Wolff

inv. 7339

F. ANT. V. C. 74

REC 36265



INSTITUTIONES
JURIS NATURÆ
ET
GENTIUM
CHRISTIANI L.B. DE WOLFF.

INSTITUTIONES

JURIS NATURAE

OPUSCULUM

CHRISTIANI LEDEWOLFF

INSTITUTIONES
JURIS NATURÆ
E T
GENTIUM

In quibus ex ipsa Hominis Natura
continuo nexu

OMNES OBLIGATIONES

ET JURA OMNIA DEDUCUNTUR

A U C T O R E

CHRISTIANO L.B. DE WOLFF

Potentissimi Borussia Regis **CONSILIARIO**
INTIMO & Universitatis Halensis **CANCEL-**
LARIO & **SENIORE.**



V E N E T I I S,

Sumptibus HÆREDIS NICOLAI PEZZANA.

M D C C L X V I I I

SUPERIORUM PERMISSU, AC PRIVILEGIO.



INSTITUTIONES
IURIS NATURALIS
ET
GENTIUM

OMNES OBLIGATIONES

ET IURIS OMNIS REDUCTURUS

AUCTOR

CHRISTIANO L.B. DE WOLFF


Philosophus, Mathematicus, Jurisconsultus
et Historicus, etc.
Lectio 1. de Institutionibus



UNIVERSITÄT
HALLÉ

INSTITUTIONES IURIS NATURALIS
ET GENTIUM

P R Æ F A T I O.

 Ostquam opus arduum Juris naturæ & gentium absolvi & ad exitum perduxî, ut prodessem plurimis, ea, quæ in illo diffuse pertractata fuerunt, concinna brevitate in compendium coegi, & nunc sub titulo Institutionum Juris naturæ & gentium in publicum profero. Reddenda vero mihi est instituti hujus ratio. Cum amor veritatis mihi quasi natura sit insitus, ac ideo jam sæpe monuerim, me non alio fine ad studium Matheseos animum appulisse, quam ut causam tantæ certitudinis in Geometria intime perspicerem; ea cognita nihil mihi antiquius fuit, quam ut veritatem in aprico collocarem, nec assensum eidem præberem persuasus, sed convictus. Eodem animo ad jura enodanda accessi, & fontem omnis juris in natura humana deprehendi, quod dudum inculcatum a veteribus & a recentioribus repetitum, ast minime demonstratum, non opinione mihi persuasi, sed ad veritatem convictus fui. Ita vero mihi non modo innotuit modus, quo ipsa natura obligamur ad certas actiones committendas, vel omittendas; verum etiam omnis amplitudo Juris naturæ, qua ad quaslibet actiones humanas, qualescumque tandem illæ fuerint, extenditur, tandemque intellexi, quomodo jura positiva ex Jure naturæ fieri debeant, ut ab omni censura immunia a tribunali rationis minime vereantur, ne adversus se pronuntietur. Sequitur hinc, veluti sua sponte, ut etiam Juri positivo omni

vi P R Æ F A T I O.

non minus, quam naturali insit veritas & ea via demonstrationis patefiat, sicque quod pro jure habetur, vel habendum, ab eo, quod est, certo & accurate discernatur. Regit nimirum Jus naturæ sicut voluntatem omnium hominum in singulis actibus; ita etiam voluntatem legislatoris, cujus perinde libertas, ac singulorum hominum naturalis obligationem minime tollit. Ea igitur alio modo in lucem proferri non potuerunt, nisi vestigiis *Euclidis*, legum verioris Logicæ rigidi observatoris, insistendo, singuli termini exacta definitione explicarentur, propositiones singulæ sufficienter determinarentur, & non minus definitiones ita ordinarentur, ut sequentes per antecedentes penitus intelligantur, sed propositiones quoque ita, ut sequentium veritas per antecedentes pateat. Finem hunc mihi propositum ut assequer, in opere vasto Jus naturæ & gentium demonstrare aggressus sum, & idem nuper ad umbilicum perduxi, neque ullus dubito (absit jactantia verbis!) me omni Jurisprudentiæ lucem affudisse, & nunc demum intelligi, quod a *Cicerone* scite dictum, non ex duodecim Tabulis, nec ex edicto prætorum, sed penitus ex intima philosophia Juris scientiam hauriendam esse. Neque enim solum leges naturæ ad omnia jura tam privata, quam publica atque gentium extensæ in concordiam reductæ sunt, verum etiam si leges positivæ in quibus a naturalibus abeunt, ad normam naturalium juxta theoriæ naturalem legum civilium, seu positivarum, quæ ipsa pars haud infima est Juris naturæ, etsi hæctenus deserta & inculta, exigantur, inter Juris prudentiam naturalem & positivam pulcherrimus nascitur concentus, ita ut omnium una sit concordia, una consonantia. Qui Juris prudentiam colunt, imperiti plerumque sunt methodi, quæ sola ad

la ad scientiam ducit, nec amplitudinem Juris naturæ prospiciunt. Opus itaque nostrum non videtur esse ad ipsorum palatum compositum: multo minus autem captui tyronum convenit, quibus etiam obstat prolixitas. Quamobrem cum munus docendi Jus naturæ & gentium mihi demandatum sit; opera quoque mihi danda erat, ut cupidam legum juventutem ad solidam certamque juris scientiam perducerem, veris autem justitiæ sacerdotibus ad penetralia Themidos viam planam sternerem, ne longius, quam par erat, amplius videatur iter, quod in opere Juris naturæ & gentium ingressus sum. Finem hunc mihi propositum ut consequerem, in his Institutionibus complexus sum omnes definitiones & propositiones in opere majore contentas, paucis quibusdam exceptis, quæ per illas facile intelliguntur, nec quicquam omitteretur, quod ad omne jus privatum, publicum universale & gentium proprium spectat. Præterea, quod palmarium est, curæ maxime id habui, ut singularum propositionum rationes sufficientes inspiciantur, nec in definitionibus quicquam sumatur, quod obscuritatem quamdam adhuc in mente relinquat, quo minus penitus intelligatur. Ac propterea omnia in eum ordinem redegei, ut sequentia cum antecedentibus continuo cohæreant, & hæc per illa continuam lucem fundant. Equidem fieri non potuit, ut rationes evolvendo, quantum rigor demonstrandi exigit, & quod in opere majore præstiti, demonstrationes darem completas, quas præsens institutum non fert; id tamen non obstat, quo minus singulorum pateant rationes genuinæ, abunde satisfaciennes iis, quorum aciei lux clarissima adhuc officit, neque enim omnibus, ac nemini statim ipsum solem instar aquilarum intueri datum est, sed in luce meridiana initio cali-

gant omnes. Successive autem crescente luce mentis, quæ naturæ consuetudo est, maiorem lucem desiderant, qui in clarissima se versari arbitrabantur, & ita tandem evenit, ut, quod antea fastidiebant, nunc avidi appetant, nec satisfaciant nisi demonstrationes Euclideanum imitamenta. Et sic demum plenissime constabit, nos in opere vasto Juris naturæ & gentium non inutiles quassasse ambages, sed breviori via ad metam tendi non potuisse. Ceterum ut uno quasi conspectu exhibeam, quomodo ex ipsa natura humana tamquam fonte suo fluant omnes obligationes omniaque jura hominum, quædam adhuc mihi dicenda supersunt. Constat homo ex anima & corpore, & quemadmodum hoc ex variis componitur organis, quorum functiones conjunctim ad communem quemdam scopum tendunt, veluti organorum vitalium ad totius corporis, seu vitæ ac sanitatis ejusdem conservationem; ita animæ insunt diversæ facultates, quarum socio usu homo rationis particeps, qua a ceteris animalibus disjungitur, aptus efficitur ad vitam rationi convenientem vivendam. Illa aptitudo organorum ad functiones suas obeundum, facultatum ad suum usum, quem habent in vita hominis vivenda, perfectionem hominis essentialem absolvunt. Cum natura a veritatis tramite numquam ne latum quidem unguem discedens non ullam ferat contradictionem, veritatis perpetuo capitalem hostem; eidem non alia convenit actionum humanarum directio, quam ut determinentur per easdem rationes finales, per quas determinantur naturales, & sic cum naturalibus ad eandem metam tendant. Atque aptitudo actiones liberas sic & non aliter determinandi perfectionem hominis accidentalem absolvit: quæ ubi ad essentialem accedit, integram hominis perfectionem.

fectionem perficit. Et inde est, ut actiones hominum liberæ intrinseca bonitate atque malitia discriminentur. Cum vero homo per naturam in genere determinatus sit ad bonum appetendum, malum averſandum; bonitas intrinseca motivum est actionum committendarum, malitia omittendarum: unde nascitur obligatio naturalis, & directio actionum, quam diximus, induit formam legis ab ipsa natura latam. Ut obligationi huic satisfieri possit, concessa quoque homini esse debet facultas ea faciendi, sine quibus illi satisfieri nequit, & ita ex illa tamquam fonte derivatur jus cum ad usum rerum, tum ad certos actus. Ea vero est hominum natura, ut nonnisi conjunctis viribus & mutuo adjutorio ad illam perfectionem tendere possint, quæ unicus felicitatis fons est. Ac propterea officia erga seipsum cum officiis erga alios amico caritatis vinculo ipsa natura copulavit, ut ad utraque eadem sit obligatio necessaria & in se immutabilis. Enimvero cum non inexhaustæ sint hominis vires, nec ideo sine ratione profundendæ; officia aliis non debentur cum neglectu sui, & ultra id, quod in potestate est, nec iis, qui, quod ab aliis petunt, ipsimet in potestate habent. At quoniam nemini hominum natura competit jus in actiones alterius, sicut petenti de indigentia, ita præstituro relinquendum est judicium de neglectu sui & eo, quod in potestate sua est. Interest autem haud raro hominis alienæ opis indigi, ut de eo, quod ab altero petit, certus sit. Quamobrem ipsa natura eidem competit jus alios ad certas præstationes sibi obligandi, ita ut ad præstandum adigi possit, si nolit. Hinc enascitur quoad ea, quæ aliis debentur, differentia inter obligationem perfectam & imperfectam, unde porro oritur jus ad id, quod nobis debetur ab aliis, vel perfectum,

x P R Æ F A T I O.

fectum, vel imperfectum. Cessat differentię hujus ratio in iis, quę ne facias alteri prohibentur, cum semper certum sit id omittendum esse. Quamobrem quoad actus negativos perfecta est obligatio naturalis, ut alteri competat jus perfectum non patiendi, ut fiat, & facientem adigendi, ne faciat, aut in posterum denuo facere audeat. Quoniam denique nemini competit natura jus ad rem quamdam in singulari proprium; natura res omnes quoad usum earundem necessarium communes sunt. Ex hactenus dictis intelligitur, quinam sit status hominum naturalis, isque originarius, quem a natura habent. Enimvero non una fuit ratio, quę homines coegit, ut, lege naturę non invita, immo urgente, a communione primeva discedentes res antea communes juri proprio subjicerent. Atque hinc ortum est dominium, quod jus sibi obligandi alios ad certas prestationes latius extendit, operas rebus propriis equiparavit & obligationem rerum ac operarum communicandarum officiis superaddidit. Hinc prono alveo fluunt omnia jura rerum, tam in re, quam ad rem, quocumque demum nomine veniant, & jus defensionis ultteriores acquirit limites. Obligatio propagandi genus humanum cum generatione indivulso nexu copulat educationem, ac ideo parentibus tribuit jus quoddam in actiones prolis. Cumque eo fine contrahenda sint matrimonia, conjux unus ex consensu acquirit jus quoddam in actiones alterius. Et quia prestatio operarum perpetuarum pro alimentis perpetuis, in qua servitus naturaliter consistit, juri naturę convenit; ex subjectione oritur jus domini in actiones servi. Quamobrem cum jus in actiones alterius Imperii nomine veniat; patet jam origo Imperii privati, quo jus, quod vulgo dicitur, personarum continetur. Jam cum
singuli

singuli jura sua non satis tueri nec ab aliis in-
 vitis sine vi ac dubio maxime eventu conse-
 qui possent, immo nec commode sibi prospici-
 cere de iis, quæ ad vitæ sufficientiam faciunt,
 & felicitati serviunt; legi naturæ convenien-
 ter contractæ sunt societates civiles, & sic ex
 subjectione natum est Imperium civile, sive pu-
 blicum, ex quo jus omne publicum, seu civitatis
 universale derivatur. Denique cum jam civitates
 inter se spectari debeant tamquam personæ singu-
 lares in statu naturali viventes, in ea cadunt ob-
 ligationes & jura, quæ singulos in statu naturali
 viventes respiciunt. Inter ista jura cum etiam lo-
 cum habeat jus alterum ad certas præstationes si-
 bi obligandi; inde jura fœderum aliarumque pa-
 ctionum gentium manant. Et quia obligatio con-
 junctis viribus commune bonum promovendi per
 hoc tolli minime potuit, quod societates civiles
 contraxerint singulæ; sicuti vi illius ipsa natura ho-
 mines in universum omnes in societatem quam-
 dam redegit, ita etiam inter gentes societatem
 instituit, ex cujus custodia theoriæ naturali legum
 civilium convenienter deducitur jus quoddam ci-
 vili affine, quod, ut cum *Ulpiano* loquar, neque
 in totum a naturali recedit, nec per omnia ei fer-
 vit. Ex iis, quæ modo breviter dicta sunt, haud
 obscure liquere arbitror, jura omnia inter se con-
 tinuo connexa ex ipsa natura humana derivari,
 & patere, quod a veteribus dictum, ipsa natura
 jus esse constitutum. Plenius nexum hunc perspi-
 ciet, qui Institutiones ipsas attento animo perle-
 gere voluerit. Ceterum non vanus augur prædi-
 co fore, ut, si quis hæc Institutiones sibi fami-
 liares reddiderit, scientia juris solida veraque ani-
 mum imbuat, lucem plenissimam, quamprimum
 ea aciem ejus non amplius offendit, ab opere ma-
 jore

xii P R Æ F A T I O.

jore expectaturus, & qui animum ad jus civile appellit, nullo fere negotio notitiam ejus sibi compareret. Unum adhuc superest, quod monendum esse duxi, nimirum me in hisce Institutionibus nihil supposuisse, quod aliunde petendum sit, quemadmodum in opere majore Jus naturæ & gentium cum ceteris philosophiæ partibus connexum est, ut inoffenso pede in iis progredi liceat, etiam si in operibus nostris philosophicis lector non fuerit versatus; immo si vel maxime adhuc peregrinus & hospes fuerit in philosophia. Si quæ enim notiones aliundæ mutuandæ fuerant, eas una explicavi. Quemadmodum vero muneri, quod mihi demandatum est, satisfeci, ita nihil magis in votis habeo, quam ut omnes, qui labore nostro se juvari posse confidunt, eos, quos polliceor, inde percipiant fructus. Faciat Deus, juris, quod enucleavimus, ipse Auctor, ut veritas, & justitia floreat in omni terra.



CON.

CONSPECTUS

INSTITUTIONUM JURIS NATURÆ ET GENTIUM.

P A R S P R I M A.

De Jure naturæ in genere & officiis erga seipsum,
erga alios, & erga Deum.

- Cap. I. **D**E Actionum humanarum differentia,
earumque imputatione. I
- Cap. II. De Obligatione, Jure & lege, ac Juris
naturæ principio. 12
- Cap. III. De Obligatione & Jure hominum univer-
sali in genere. 23
- Cap. IV. De Officiis hominis erga seipsum & cum
iis connexis juribus. 36
- Cap. V. De Officiis hominis erga alios & juribus
cum iis connexis. 48
- Cap. VI. De Officiis erga Deum. 57

P A R S I I.

De dominio & Juribus atque obligationibus
inde nascentibus.

- Cap. I. De communione primæva & origine do-
minii. 67
- Cap. II. De modo originario acquirendi rerum domi-
nium. 76
- Cap. III. De obligationibus & Juribus ex dominio
oriundis. 90
- Cap. IV. De jure ex communione primæva residuo.
106,
- Cap. V.

Cap. V.	<i>De modo acquirendi derivativo.</i>	110
Cap. VI.	<i>De animi sui sensus alteri significandis.</i>	121
Cap. VII.	<i>De modo sese alteri obligandi, seu promissis & pactis in genere.</i>	132
Cap. VIII.	<i>De usucapione & præscriptione.</i>	159
Cap. IX.	<i>De actibus mere beneficis in præsens absolutis.</i>	165
Cap. X.	<i>De pretio rerum & pecunia.</i>	175
Cap. XI.	<i>De actibus beneficis obligatoriis, seu contractibus beneficis.</i>	184
Cap. XII.	<i>De actibus permutatoriis, seu contractibus onerosis.</i>	212
Cap. XIII.	<i>De contractibus, qui aleam continent.</i>	256
Cap. XIV.	<i>De quasi contractibus.</i>	267
Cap. XV.	<i>De jure in re aliena constituto, seu pignore & servitutibus.</i>	272
Cap. XVI.	<i>De dominio utili, ac inprimis feudo.</i>	286
Cap. XVII.	<i>Quomodo obligatio ex contractu tollatur.</i>	301
Cap. XVIII.	<i>De modo finiendi lites in statu naturali.</i>	310
Cap. XIX.	<i>De interpretatione.</i>	329
Cap. XX.	<i>De mortuis & nondum natis.</i>	338

P A R S III.

De imperio & obligationibus atque Juribus
inde nascentibus.

S E C T I O I.

DE IMPERIO PRIVATO.

Cap. I.	<i>De imperio & societate in genere.</i>	344
Cap. II.	<i>De matrimonio, seu societate conjugali.</i>	352
Cap. III.	<i>De cognationibus & affinitatibus.</i>	361
Cap. IV.	<i>De societate paterna & potestate patria.</i>	365.

Cap. V.

CONSPECTUS. xv

Cap. V.	<i>De jure hereditario, seu testamentis & successione ab intestato.</i>	375
Cap. VI.	<i>De servitute & societate herili.</i>	387
Cap. VII.	<i>De Domo.</i>	392

S E C T I O II.

DE IMPERIO PUBLICO, SEU JURE CIVITATIS.

Cap. I.	<i>De origine civitatis & imperi publici.</i>	395
Cap. II.	<i>De diversis Rerump. formis.</i>	402
Cap. III.	<i>De Rep. constituenda.</i>	413
Cap. IV.	<i>De Juribus majestaticis.</i>	426
Cap. V.	<i>De theoria naturali legum civilium.</i>	439
Cap. VI.	<i>De officio superioris & subditorum.</i>	443

P A R S IV.

De Jure Gentium.

Cap. I.	<i>De Jure Gentium in genere.</i>	449
Cap. II.	<i>De officiis gentium erga seipsas & inde nascentibus juribus.</i>	451
Cap. III.	<i>De officiis gentium erga se invicem, ac inde nascentibus juribus.</i>	457
Cap. IV.	<i>De dominio gentis.</i>	463
Cap. V.	<i>De fœderibus & sponsonibus.</i>	470
Cap. VI.	<i>De modo componendi controversias gentium.</i>	478
Cap. VII.	<i>De Jure belli gentium.</i>	482
Cap. VIII.	<i>De Jure gentium in bello.</i>	493
Cap. IX.	<i>De pace & pactione pacis.</i>	505
Cap. X.	<i>De Jure legationum.</i>	513

FINIS CONSPECTUS.

NOI RIFORMATORI

Dello Studio di Padova.

COncediamo Licenza a l'Erede di Niccolò Pezzana di poter ristampare il Libro intitolato *Christiani Wolfii Institutiones Juris Naturæ, & Gentium*, osservando gli ordini soliti in materia di Stampe, e presentando le Copie alle Pubbliche Librarie di Venezia, e di Padova.

Dat. li 29. Settembre 1768.

£ *Angelo Contarini Proc. Rif.*

£ *Alvise Vallareffo Rif.*

£ *Andrea Morosini 2º. Cav. Proc. Rif.*

Registrato in Libro a Carte 360. al Num. 2565.

Davidde Marchesini Segr.



INSTITUTIONES
JURIS NATURÆ
& GENTIUM.

P A R S P R I M A.

De Jure Naturæ in genere & officiis erga
seipsum, erga alios & erga Deum.

C A P U T I.

*De Actionum humanarum differentia,
earumque imputatione.*

§. I.

Actio nes internæ dicuntur quæ sola *Actio* nes
vi animæ eliciuntur; externæ au- interna
tem, quæ motu organorum cor- & exter-
poris perficiuntur. Sunt autem na, libe-
vel liberæ, quæ a libertate ani- ra ac
mæ quomodocumque dependent; necessa-
ria.
vel naturales, seu necessariae, quæ ab ea non
dependent, sed per essentiam & naturam ani-
mæ ac corporis determinantur. Unde patet,
actiones liberas externas non dari sine internis, cum
quibus coherent.

(Wolffii Instit. J. N. & G.)

A § 2.

§. 2.

Actio
positi-
va &
privati-
va,
seu ne-
gativa. Est præterea *Actio* vel *positiva*, quæ actu editur; *privativa* vero, cessatio actionis, quæ edi poterat. *Positiva libera* vocatur *Factum commissi-*
onis; *privativa*, seu *negativa Factum omissi-*
onis. Illa etiam *Factum simpliciter*, hæc *Non-fa-*
ctum appellatur. Sæpiissime sub *facto* etiam intel-
ligitur *non-factum*, pro *substrata materia*.

§. 3.

Impu-
tatio.

Quando homo libere agit, vel non agit, actionis *caussa libera* dicitur, quemadmodum etiam ejus, quod ex ea consequitur. Et *judicium*, quo *caussa libera* declaratur agens actionis suæ, vel ejus, quod ex ea sequitur, sive boni, sive mali, *Imputatio* appellatur. Quamobrem non *impu-*
tari possunt nisi actiones liberae, quatenus *liberæ sunt*, consequenter etiam *ea*, quæ in se spectate *naturales* quidem sunt, attamen ab actione quadam *libera præcedente dependent* (§. 1.)

§. 4.

Actio
coacta.

Coacte agit, qui ab alio vi externa impulsus agit, in actione sese habens per modum instru-
menti: *ast coacte patitur*, qui alterius in se actio-
ni resistendi vires non habet. In eo casu non-
resistentia est Actio privativa coacta. *Actio coacta*, cum libera non sit, (§. 1.) *imputari nequit*, nisi *cogenti*: si vero approbetur, *approbatio imputatur*.

§. 5.

Actio
invita,
volun-
taria.

Differt a *coacta Actio invita*, si quis facit, quæ non facere mallet, & contra, modo ali-
quod malum ex actione contraria emergens evi-
tare posset. Ei opponitur *voluntaria*, quæ nec
coacta, nec *invita est*. *Actio igitur invita est*,
si quis

si quis vi vel metu ab altero incusso permotus agit, vel non agit. At invitatus imputatur, etsi minus, quam voluntaria (§. 3.) ut qui invitatus agit aliquam habeat excusationem.

§. 6.

Sunt autem actiones liberae, vel deliberatae, *Actio deliberata, in-* quæ non nisi prævia consultatione eduntur; vel *deliberata, in-* indeliberatae, si quis nulla prævia consultatione agit. Est autem Consultatio actus intellectus, quo disquiritur, num sit agendum, aut non agendum, & quomodo agendum. Quamobrem cum actio deliberata magis libera sit, quam indeliberata (§. 1.) deliberata magis imputatur indeliberata, & quo magis deliberata fuerit, eo magis imputatur (§. 3.) *deliberata, in-*

§. 7.

Facultates animæ omnes per se aptæ sunt ad certos actus, & omnia corporis membra ad certas functiones, consequenter tam illæ, quam hæc destinantur certo cuidam fini, ad quem tendunt actiones naturales (§. 1.) Patet autem a posteriori, actiones liberas determinari posse vel per easdem rationes finales, per quas determinantur naturales, vel per diversas. *Determinatio actuum.*

§. 8.

Status in genere est coexistentia mutabilium, hoc est, eorum, quæ etiam aliter se habere possunt, cum iisdem fixis, quæ scilicet aliter se habere nequeunt. Estque vel internus, quatenus mutabilia ista subiecto insunt, vel externus, quatenus eidem adsunt, vel extrinsecus ad idem referuntur. *Status internus & externus.*

§. 9.

Perfe-
ctio.

Perfectio entis in genere est consensus in varietate, seu plurium a se invicem differentium in uno. Et *consensus* vocatur tendentia ad unum quid obtinendum. Ita perfectio horologii consistit in aptitudine, quam per structuram suam habet, accurate indicandi horam ejusque partes.

§. 10.

Imper-
fectio.

Ex adverso *Imperfectio* est dissensus in varietate, seu plurium a se invicem differentium in uno. Consistit aut *Dissensus* in contrarietate tendentiarum ad commune quid obtinendum. Ita oculus imperfectus est, si qua in structura ejus concurrunt, quæ impediunt, quo minus imago clara & distincta in fundo delineetur.

§. 11.

Perfe-
ctio es-
sentialis
& acci-
dentalis.
Actiones
ad eam
tenden-
tes.

Est autem *Perfectio essentialis*, quæ continetur consensu determinationum essentialium, per quas scilicet ens tamquam ens hujus generis, vel speciei concipitur. *Accidental* vero, quæ in consensu determinationum accidentalium cum essentialibus consistit; veluti si promptitudo utendi facultatibus animæ, vel organis corporis motoriiis acquiritur. *Perfectio* igitur *accidental* eandem rationem determinantem habere debet, quam habet *essentialis* (§. 9.) consequenter actiones liberae, quæ cum naturalibus per easdem rationes finales determinantur, ad perfectionem hominis ejusve statum tendunt (§. 8. 9.) & ideo quæ per diversas determinantur, ad imperfectionem tendant necesse est.

§. 12.

Actiones
bonæ,
malæ.

Cum bonum dicatur, quicquid hominem ejusque statum perficit, malum vero, quod imperfec-

fectio.

fectiorem reddit ; actiones liberae ad perfectionem hominis ejusque status tendentes, consequenter cum naturalibus per easdem rationes finales determinatae, bonae sunt ; quae vero tendunt ad imperfectionem hominis ejusque status, consequenter quae cum naturalibus non per easdem rationes finales determinantur, sed per diversas, malae sunt (§. 11.)

§. 13.

Actio in se bona est, quae, per determinationes essentielles, hoc est, eas, per quas tamquam talis actio concipitur, bona est. Et eodem sensu Actio in se mala intelligitur. Quae vero in se spectata nec bona, nec mala est, ea per se indifferens dicitur, quatenus tamen propter determinationes accidentales supervenientes ad perfectionem, vel imperfectionem nostram statusque nostri tendit, in bonam, vel malam abit.

§. 14.

Actiones igitur quatenus in se bonae sunt, vel malae, aut propter determinationes accidentales accedentes bonae, vel malae fiunt, bonitatem, vel malitiam intrinsecam habent, ut ideo opus non sit, eas demum jubendo fieri bonas, vel vetando malas.

§. 15.

Quoniam ea est hominis natura, ut bonum appetat, malum aversetur, actiones vero bonitatem vel malitiam intrinsecam habentes in se bonae & malae sunt, aut propter determinationes accidentales accedentes tales fiunt (§. 14.) consequenter motivum volitionis & nolitionis in se continent, ut, si distincte cognoscantur, eas velimus, vel nolimus; actiones intrinsece bonae, vel malae,

per se appetibiles, vel aversabiles sunt. Hinc autem porro patet, actiones ad perfectionem hominis ejusve status tendentes continere motivum volitionis & esse per se appetibiles, quæ vero tendunt ad imperfectionem hominis ejusve status, motivum nolitionis continere & esse per se aversabiles,

§. 16.

Reſtitu-
do actio-
nis .

Reſtitudo actionis est convenientia cum omnibus determinationibus hominis essentialibus, ut ſcilicet ea rationem ſufficientem in iis ſimul ſumptis agnoſcat, conſequenter per eas intel- ligi poſſit, cur talis potius eſſe debeat, quam aliter. Actio igitur recta requirit omnium ſacul- tatum animæ & facultatis locomotivæ corporis con- ſentientem uſum.

§. 17.

Deſe-
ctus e-
jus, cul-
pa, do-
lus.

Quamobrem ſi quid in actione libera deſidere- tur ex parte intellectus, vel voluntatis, vel deni- que facultatis locomotivæ, a rectitudine deſicit (§. 16.) Dicitur autem deſectus rectitudinis actionis vincibilis quoad intellectum *Culpa*; quoad vo- luntatem & noluntatem *Dolus*. In genere quo- que deſectus rectitudinis actionis *Culpa* voca- ri ſolet. Vincibile vero dicitur, quod uſu fa- cultatum vitari poterat: *Invincibile* vero, quod non poterat. Atque ideo patet, actiones non minus culpoſas, quam doſoſas agenti imputari (§. 3.) Ex adverſo autem *Invincibile* dicitur, quod uſu facultatum noſtrarum evitari minime po- terat. Quamobrem cum quæ caſu ſunt, nulla culpa antecedente, ea a nobis evitari impoſſi- bile ſit, veluti ſi grando ſegetem proſternit, inundatio domum ſubvertit; nobis quoque im- putari nequeunt (§. cit.)

§. 18.

§. 18.

Quoniam ignotum ut velimus, vel nolumus fieri non potest, ac ideo voluntas & noluntas ab intellectu, aut facultate cognoscendi dependet; *actio dolosa committitur a sciente ac volente, culposa vero nec a sciente, nec a volente.*

§. 19.

Culpa & dolus consistunt in defectu rectitudinis actionis vincibili (§. 17.) Defectus vincibilis a non-usu facultatum nostrarum, hoc est, omissione usus earundem a nobis concessi venit (§. cit.) Culpa igitur & dolus non-usui facultatum nostrarum debetur.

§. 20.

A non-usu distinguenda est Impotentia utendi, quæ est independentia usus a voluntate nostra, ut scilicet is nobis sit impossibilis. *Impotentia agendi.* Impotentia utendi facultatibus animæ ac corporis tribuenda, ea invincibilia sunt (§. 17.) consequenter ea imputari nequeunt, nisi illa culpa nostra fuerit contracta (§. cit.)

§. 21.

Actus ad facultatem cognoscitivam, quos supponunt actus facultatis locomotivæ in actionibus liberis, pertinentes complures sunt. Unde pro eorum diversitate diversæ sunt culpæ species. Ita defectus attentionis circa actiones nostras Incogitantia est; omissio actuum intellectus, quorum ope agenti innotescere poterat, quidnam ex actione sua sub præsentibus circumstantiis boni vel mali consequi possit, Inconsiderantia; defectus attentionis ad malum in dato casu eventu possibile, quod agens prævidere poterat, Improvidentia; determinatio sui ad agendum, seposito omni facultatum cognoscendi usu

ad rectitudinem actionis requisito, *Præcipitancia in agendo*; defectus iudicii, quid vi circumstantiarum præsentium fieri consultius sit, *Imprudentia*; absentia omnis sollicitudinis de rectitudine actionis, *Incuria*; omissio eorum, quæ certo fine fieri debent, non-usui facultatum cognoscendi debita. *Negligentia*. Hinc patet, cur plerumque omnes culpæ species sub nomine negligentia comprehendantur, & quod *Diligentia*, quæ eidem opponitur, sit commissio omnium illarum actionum, quæ certo fine committendæ, seu eorum omnium, quæ certo fine fieri debent.

§. 22.

*Culpa
media,
proposi-
tui.*

Datur etiam defectus rectitudinis actionis ob exceptionem in casu collisionis officiorum minus recte factam, quam *Culpam mediam* appellare lubet, alii *Culpam propositi* vocant, veluti si quis misericordia ductus solvit servum alterius compeditum, ut fugeret. Quod igitur culpa media sit, id fit a sciente, non tamen directe volente. Culpa hæc media ex inferioribus de collisione officiorum clarior evadet.

§. 23.

*Intentio
agentis
directa,
indirecta.*

Intentio agentis est volitio ejus, propter quod agens agit, veluti si testimonium perhibet, ut innocens damnetur. Estque *intentio directa*, qua id præcise intenditur, propter quod agens agit, ut in exemplo dato directe intenditur damnatio innocentis: *indirecta intentio* est, qua quidem agens per se non vult, quod ex actione sua sequitur, quod autem perinde ac id, quod vult, ex eadem sequi potest. Similiter alia *immediata* est, qua quid propter se intenditur, alia *mediata*, qua quid intenditur propter alterum, quatenus scilicet per hoc consequimur, quod intenditur.

§. 24.

§. 24.

Veteres *Dolum bonum* dixerunt simulationem voluntatis finis cuiusdam non illiciti causa factam. Unde in oppositione ad eum *Dolus malus* vocatur, de quo ante dictum (§. 17.)

§. 25.

Dolus malus dividitur in *dolum ex proposito*, quo malum, quod ex actione sua resultat, intendit agens sive directe, sive indirecte, & *Dolum ex re*, quo malum istud equidem agens non intendit, ubi vero idem ex facto cognoscit, eum, in quem redundavit, id ferre vult. Ita in priori casu gemma adulterina pro vera venditur a sciente; in posteriori a nesciente, sed pretium restituere nolente.

§. 26.

Concurrunt etiam haud raro homines ad actionem alterius, quatenus scilicet actione quadam sua ad actualitatem illius aliquid conferunt, vel actu intellectus, notionem actionis ignotae agentis animo insinuando, circumstantias in casu dato obvias patefaciendo, consilium dando, docendo motiva agendi aut non agendi, vel actu voluntatis, aut noluntatis, veluti iubendo, orando, vetando, adhortando, dehortando, comminando, alliciendo, sollicitando, suadendo & dissuadendo, cum istiusmodi actibus voluntatem & noluntatem alteri sufficienter indicemus; vel denique actu facultatis locomotive, veluti adjuvando, instrumenta ad agendum necessaria suppeditando, exemplum praebendo animo alterum ad idem faciendum invitandi. Facile patet, homines concursu suo ad actionem alterius ejusdem fieri participes, consequenter factum alienum, ad quod

concurris , tibi imputari , quatenus id a voluntate tua libera dependet (§. 3.), factum autem alienum , ad quod nullo modo concurris , imputari non posse. Diversi autem modi concurrendi ad factum alienum satis loquuntur , non minus culpam , quam dolum in concursu ad factum alienum committi posse (§. 17.) & factum alienum nunc magis , nunc minus imputandum esse (§. 6. 17.)

§. 27.

Consen-
sus quid
& quo-
plex .

Ad actiones internas pertinet *Consensus*, qui est volitio, ut fiat, vel non fiat, quod alter fieri, vel non fieri vult. Quodsi disertis verbis, vel alio signo declaratur, nos idem velle, quod alter vult, *Consensus* dicitur *expressus*; si vero aliunde, veluti ex factis & non-factis colligitur, *tacitus* vocatur, & idem *presumptus* audit, si probabiliter saltem colligitur. *Presumptio* enim est collectio probabilis rei dubiæ in casu singulari. Cum modus declarandi voluntatem ipsum actum non variet; *Consensus tacitus non minus verus consensus est, quam expressus.*

§. 28.

Dissen-
sus .

Opponitur consensui *Dissensus*, qui est volitio, ut fiat, quod alter fieri non vult, vel ut non fiat, quod is fieri vult. Patet autem, ut ante (§. 27.), *Dissensum* esse vel *tacitum*, vel *expressum*, & quinam *presumptus* dicatur, & *dissensum non minus tacitum, quam expressum esse verum dissensum.*

§. 29.

Ratiba-
bitio .

Declaratio autem consensus sive expressa, sive tacita ex postfacto accedens *Ratihabitio* appellatur. Quamobrem qui quod factum *ratihabet*, in id consensisse intelligitur, ut ideo perinde sit, ac si consensu suo factum fuisset.

§. 30. Ce-

§. 30.

Ceterum eodem sensu aliquid *expresse velle*, *Consen-*
vel nolle dicimur, & *volitio* aut *nolitio* *presumi.* *sus pra-*
 Probabilia possunt esse falsa, nec certo constat, *sumtus*
 utrum vera sint, nec ne. Quamobrem *consen-* *cur ve-*
sus etiam *presumptus*, aut *volitio* & *nolitio* *pres-* *sumtus*
sumta fallere potest, ac per consequens *vera* di- *nequeat.*
 ci nequit, sed pro vera habetur, donec contrarium
 probetur, quemadmodum probabile omne. Quod si
 ergo contrarium probetur, cum jam falsum es-
 se constet, quod pro vero habebatur; *presum-*
 tionem vincit veritas, ut illa jam cesset.

§. 31.

Cum consensum suum ex postfacto declararet, *Requisi-*
 qui factum alterius ratihabet (§. 29.); *tacita* *ta rati-*
bitio tacita supponit notitiam facti ratihabendi, cum- *habiti-*
 que consensus tacitus ex factis colligatur (§. *nis.*
 27.), eadem requirit factum, vel non-factum, quod
 agens velle non poterat, nisi factum, quod ratihaben-
 dum, supposito.

§. 32.

Ignorantia dicitur absentia notionis sive rei *Igno-*
 simpliciter apprehendendæ, sive iudicio cuidam *rantia.*
 respondentis. *Ignorantia* igitur non admittit ta-
 citam ratihabitionem (§. 31.), & si ea invincibi-
 lis fuerit, excusat; non vero, si vincibilis (§. 17.),
 atque hæc in culpam influit (§. cit.).

§. 33.

Scholastici eam *simplicem* vocant, & errorem
compositam ignorantiam appellant, quæ notiones *Igno-*
 combinantur, quæ combinari nequeunt. *Errat* *rantia*
 nimirum, qui propositionem veram pro falsa *compo-*
 habet, consequenter subjecto tribuit prædica- *sita, si-*
 tum *ve er-*
ror.

tum vel affirmativum, vel negativum, quod eidem tribui nequit. Unde *Error* dicitur disconvenientia notionis cum objecto. Patet autem, errorem vincibilem influere in culpam, nec excusare (§. 17.)

§. 34.

De ignorantia & erroris imputatione.

Similiter manifestum est, tam ignorantiam simplicem (§. 32.) quam compositam, sive errorem (§. 33.) vincibilem recte imputari (§. 3. 17.) Ex adverso autem liquet ignorantiam & errorem invincibilem imputari non posse. Atque idem statuendum est de actionibus ex ignorantia & errore profectis.

C A P U T II.

De obligatione, jure & lege, ac juris naturæ principio.

§. 35.

Obligatio activa.

Obligatio active sumpta, quam activam appellare lubet; est connexio motivi cum actione sive positiva, sive privativa. Consistit autem *Motivum* in representatione boni ex actione positiva, & mali ex negativa fluentis. Cum non velimus, nisi quod nobis tamquam bonum representamus, & nolimus, quod tamquam malum representamus; ex natura voluntatis & noluntatis patet, hominem aliter obligari non posse nisi motivum cum actione connectendo.

§. 36.

Dari obligationem naturalem.

Quamobrem cum actiones ad perfectionem hominis ejusque status tendentes motivum volitionis, quæ vero ad imperfectionem tendunt, motivum nolitionis contineant, ac illæ per se appetibiles, hæ averfabiles sint (§. 15.) ipsa natura
homo

homo obligatur ad committendas actiones, quæ ad perfectionem ejus atque status ejusdem tendunt, consequenter cum naturalibus per easdem rationes finales determinantur, sed non per diversas (§. cit.)

§. 37.

Quoniam impossibile est, ut idem simul sit & non sit, ideo necesse est, ut homo sic, non aliter actiones suas determinet, vitam homini, seu naturæ suæ convenientem acturus. Hinc moraliter impossibile dicitur, quod cum natura hominis tamquam agentis rationalis contradictionem involvit; moraliter autem possibile, quod nullam involvit, sed eidem convenit, hoc est, rationem sufficientem in eadem habet. Et moraliter necessarium est, cujus oppositum moraliter impossibile. Ipsa autem necessitas moralis agendi obligatio est, quam passivam, in oppositione ad activam (§. 35.) appellamus, vulgo autem simpliciter obligationem dicunt, activa insuper habita. Neminem obligari posse ad id, quod vel in se, vel ipsi impossibile, per se patet.

Moraliter possibile, impossibile, & necessarium, obligatio passiva.

§. 38.

Hæc autem obligatio tam activa, quam passiva, quæ ab ipsa natura venit, naturalis dicitur, ut ideo obligatio naturalis sit, quæ rationem sufficientem in ipsa hominis rerumque essentia atque natura habet: quæ cum immutabilis sit ac necessaria, obligatio quoque naturalis immutabilis & necessaria est, quippe quæ ponitur, posita hominis rerumque essentia atque natura.

Obligatio naturalis qualis.

§. 39.

Lex dicitur regula, juxta quam actiones nostras determinare obligamur. Vocatur autem Lex, naturalis & passiva.

Lex, naturalis & passiva.

tiva, divina, humana. *naturalis*, quæ rationem sufficientem in ipsa hominis rerumque essentia habet: aut *positiva*, cuius obligatio dependet a voluntate entis cuiusdam rationalis, & in specie *divina*, si a voluntate Dei, *humana* vero, si a voluntate hominis dependet. Lex naturæ communiter quoque *Jus naturæ* appellatur.

§. 40.

Immutabilitas legis naturæ. Quoniam *lex naturæ* rationem sufficientem in ipsa hominis rerumque natura habet (§. 39.), ideoque *obligationem naturalem continet* (§. 38.), hæc autem immutabilis & necessaria est (§. cit.), *lex etiam naturæ immutabilis & necessaria est.*

§. 41.

Auctor legis naturæ. Et cum Deum authorem habeat essentia atque natura hominis & rerum, qua posita, ponitur *lex naturæ* (§. 40.) & ejus obligatio (§. 38.); *Auctor legis naturæ ipse Deus est, & ad actiones suas eidem conformandas hominem obligat, sicque obligatio naturalis etiam divina est, & lex naturalis lex divina* (§. 39.)

§. 42.

Universalitas legis naturæ. Similiter quia *lex naturalis* rationem sufficientem in ipsa hominis rerumque essentia atque natura habet (§. 39.), & obligatio, quam continet (§. 40.) ponitur, ista posita (§. 38.); *lex naturæ omnes homines obligat, nec ab obligatione naturali ullus hominum liberari potest.*

§. 43.

Principium generale Juris naturæ. Ex eadem prorsus ratione *lex naturæ* nos obligat ad committendas actiones, quæ ad perfectionem hominis atque status ejusdem tendunt, & ad eas omittendas, quæ ad imperfectionem ipsius atque status

tus ejusdem tendunt, consequenter ad actiones liberas cum naturalibus per easdem rationes finales, non vero per diversas determinandum (§. 36. 39.); itidemque ad periculum omne a nobis & statu nostro avertendum. Atque hoc principium Juris naturæ generale ac universale est, ex quo continuo ratiocinationis filo deducuntur omnia, quæ Juris naturæ sunt, prouti ex sequentibus abunde elucescet. Cumque Deus homines obliget ad actiones suas legi naturæ conformandas (§. 41.); qui a voluntate divina Jus naturæ derivare volunt, principium hoc admittere tenentur.

§. 44.

Eam hominum esse indigentiam, ut nemo solus se statumque suum perficere possit, sed unusquisque aliorum indigeat auxilio, satis notum. Quamobrem cum lex naturæ homines obliget ad se statumque suum perficiendum & imperfectionem avertendam (§. 43.); lex naturæ homines obligat ad se statumque suum conjunctis viribus perficiendum, & unusquisque ad perfectionem alterius conferre obligatur, quantum potest, consequenter quantum fieri potest salva obligatione erga seipsum (§. 42.), & in quibus unus alterius ope indiget, quia scilicet nemini liberum, ut obligationi suæ erga se ipse desit (§. cit.), omittere autem actiones, quibus alter, vel status ejus imperfectior redditur.

Quod & quomodo homines sibi invicem obligentur.

§. 45.

Cum quilibet obligationi suæ satisfacere tenetur (§. 42.); cuique etiam liberum est ea facere, sine quibus obligationi naturali satisfacere nequit. Quousque igitur pateat hæc libertas, ex necessitate eorum ad satisfaciendum obligationi naturali estimandum.

De iis, quæ ad satisfactionem obligationi naturali necessaria.

§. 46. Fa-

§. 46.

*Jus
quid sit
& ejus
origo.*

Facultas ista , seu potentia moralis agendi dicitur *Jus* . Unde patet , *Jus* oriri ex obligatione passiva , nec *jus* ullum fore , si nulla esset obligatio , & lege naturæ nobis dari *jus* ad ea , sine quibus obligationi naturali satisfacere non possumus (§. 45.) Ita *jus* datur ad usum ciborum , quia corpus nostrum conservare obligamur , & id consistit in facultate de cibis obligationi huic convenienter disponendi . Quodsi ergo lex naturæ obligat ad finem , *jus* quoque dat ad media ; consequenter si medium nonnisi unicum fuerit , jure eodem utimur . Sine mediis nimirum fine potiri minime datur .

§. 47.

*Lex præceptiva,
prohibitiva,
permissiva.*

Lex naturæ dicitur *præceptiva* , quæ ad actiones committendas nos obligat ; *prohibitiva* , quæ obligat ad actiones omittendas ; *permissiva* , quæ *jus* dat ad agendum . Eadem divisio quoque convenit legibus positivis .

§. 48.

*Lex natura
perfectiva.*

Cum ea sit hominis natura , ut , quod melius altero esse cognoscit , eidem præferat , obligatio vero naturalis ponatur , posita hominis rerumque natura & essentia (§. 38.) & lex naturæ obligationem naturalem contineat (§. 40.) *lex* quoque naturæ nos obligat ad id , quod melius est , alteri præferendum , & quatenus nos ad hoc obligat , *Lex perfectiva* vocatur .

§. 49.

*Debitum, licitum,
illicitum.*

Id , ad quod agendum obligamur , *Debitum* ; ad quod non agendum , seu omittendum obligamur , *Illicitum* ; ad quod agendum tantum modo

do jus habemus, *Licetum* dicitur. Naturaliter igitur debitum a lege naturæ præceptiva venit: illicitum prohibitiva; licetum permissiva facit (§. 47.) *Honestum* vero in genere vocatur, quod legi naturæ convenienter fit, ita ut *Honestus* audiat, qui actiones suas quascumque ad normam legis naturæ componit, quatenus scilicet agere non vult, nisi quod salva obligatione sua & jure suo agere potest. Unde porro patet, quid sit *honeste vivere*.

§. 50.

Nullus foret juris usus, si aliis jus esset eundem impediendi, & lex naturæ sibi metipsi contraria foret, si uni daret jus ad agendum, alteri vero concederet jus usum illius pro lubitu impediendi: quod cum sit absurdum, lex naturæ, dum nobis dat jus, ceteros quoque obligat ad non impediendum ejus usum, ac inde nobis nascitur jus non patiendi, ut impediamur, consequenter impedire conanti resistendi. Et hæcenus apparet, quod lex permissiva non invita definitione legis in genere lex dicatur (§. 39. 47.)

De non
impe-
diendo
juris
usu.

§. 51.

Et quoniam obligatio in necessitate agendi morali consistit (§. 37.) naturalis vero prorsus immutabilis (§. 38.) si lex naturæ ad hoc agendum obligat, ad contrarium non agendum simul obligat, consequenter lex præceptiva una continet prohibitivam contrarii.

§. 52.

Lex naturæ nos obligat ad nos perficiendum (§. 43.) consequenter etiam ad facultatum omnium consentientem usum in agendum consequendum (§. 9.) Quamobrem cum actionum rectitudo

Obligatio ad recte agendum.
Rectum quid sit.

(Wolffii Instit. J. N. & G.)

B a con-

a consentiente usu omnium facultatum dependeat (§. 16.) ad recte agendum nos obligat. Et Rectum est; in quo ex parte nullius facultatis aliquid desideratur.

§. 53.

Ad re-
ctitudi-
nem a-
ctionis
requisi-
ta.

Quia in actione recta nihil desiderari debet ex parte ullius facultatis (§. 52.) ad actionem rectam requiritur ex parte intellectus notio actionis sufficienter determinata, atque judicium verum de ejus bonitate & malitia, vel jure nobis competente, ex parte voluntatis & noluntatis determinatio voluntatis per bonitatem intrinsecam, aut jus nobis competens, noluntatis per malitiam intrinsecam, aut absentiam juris, ex parte denique facultatis locomotivæ organorum corporis actionibus internis consentiens motus (§. 16. 14. 43. 46.) Latius hæc patent, quam primo intuitu videtur, cum ad quodlibet actionum humanarum genus, qualescumque tandem eadem sint, extendatur rectitudo.

§. 54.

Deco-
rum &
indeco-
rum.

Hominem decere dicitur id, cujus aliqua ratio continetur in iis, quæ eidem insunt, aut inesse concipiuntur, vel ejus statui, cur ita potius agere debeat, quam aliter: dedecet vero, quod cuidam eorum, quæ eidem insunt, aut inesse concipiuntur, vel ejus statui disconvenit, seu repugnat. Et id, quod hominem decet, Decorum; quod dedecet, Indecorum appellatur.

§. 55.

Lex na-
turalis
decori.

Cum lex naturæ urgeat perfectionem hominis (§. 43.) consequenter non ferat actionum externarum ullam contrarietatem (§. 9. 10.) ad actiones quoque decoras committendas, indecoras omit.

omittendas obligat. Datur igitur lex naturæ decori. Naturale autem hoc decorum, quod lex naturæ urget, non confundendum cum arbitrario, quod nonnisi hominum opinione pro tali habetur. Ex hæcenus dictis abunde patet Juris naturæ amplitudo.

§. 56.

Jus naturæ rationem sufficientem habet in natura & essentia hominum (§. 39.) Quod si ergo eandem habet in natura & essentia hominum ac brutorum communi, *Jus naturæ hominum & brutorum commune* dicitur, Jctis Romanis *Jus naturæ* in significato strictiori, sin in natura & essentia hominum propria, seu iis, quibus homo a brutis differt, *Jus hominum proprium*, Jctis Romanis *Jus Gentium*; si denique in iis, quæ quibusdam hominum individuis, aut uniorum insunt, *Jus quorundam hominum, aut unius proprium*. Unde etiam patet, quamnam sint obligationes omnium hominum communes, quamnam quorundam, vel unius propriæ. Et idem intelligitur de juribus ex obligationibus istis manantibus (§. 46.) Atque ideo homines nonnulli ad plura obligantur, quam ceteri: prouti suo loco distinctius docetur.

De di-
verſita-
te ſub-
jectiva
Juris
naturæ.

§. 57.

Actio juxta legem determinata, quatenus ad eam ita determinandam obligamur, dicitur *officium*, ac in specie *officium erga ſeipſum*, quod homo ſibi metipſi debet; *officium erga alios*, quod aliis debet; *officium denique erga Deum*, quod Deo debemus. Davi officia omnium hominum communia & quorundam, ſive etiam unius propria, ex modo dictis (§. 56.) patet.

Officil
definitio
& divi-
ſio.

§. 58.

Pecca-
tum,
trans-
gressio
& custo-
dia le-
gis.

Actio legi naturæ contraria *Peccatum* dicitur, estque *Peccatum commissionis*, si in actu positivo consistit, *Peccatum vero omissionis*, si in negativo, quando scilicet non fit, ad quod faciendum obligamur. Quemadmodum vero legem servare dicitur, qui facit id, ad quod faciendum obligat, & contra; ita eam transgreditur, qui contrarium facit, seu peccat. Hinc patet, quid sit *Transgressio legis*, cui opponitur *Custodia legis*, quæ est studium servandi legem.

§. 59.

Officia erga alios non debentur, nisi quatenus sunt in potestate præstantis, nec alter in iis sibi metipse sufficit (§. 44. 57.) Quamobrem si in potestate tua non sint, aut alter in iis sibi metipse sufficit, denegari possunt, jure denegandi tibi competente (§. 46.) Unde simul patet, quando sine jure denegentur, consequenter quando denegando peccetur (§. 58.)

§. 60.

Que-
nam sint
in pote-
state,
quenam
non sint.

Necefse igitur est, ut rite expendatur, quid sit in potestate nostra, quid non sit. Nimirum in potestate nostra sunt, quæ facultatum, virium ac rerum nostrarum usu, aliorumque ope ac auxilio consequi, vel evitare possumus. Ast non sunt, quæ facultatum, virium ac rerum nostrarum usu, aliorumque ope ac auxilio consequi, vel evitare minime valemus. Tibi autem imputandum est, quod in potestate non sit, si ipsemet in causa fueris, cur non sit (§. 3.) Usus vero habet hæc consideratio non modo in præstatione officiorum erga alios, verum etiam in aliis actionum generibus. Ita nulla obligatio extenditur ultra id, quod in potestate est (§. 37.)

§. 61.

Officia erga alios, ad quæ homo hominī naturaliter obligatur, vulgo officia humanitatis appellantur. Ea igitur jure denegantur, si in potestate tua non sint, aut alter in iis sibimetipſe ſufficit (§. 59.) conſequenter ſi ex parte præſtantis deſit potentia phyſica, vel moralis (§. 60.) ſeu, ſi id, quod præſtandum vel phyſice, vel moraliter impoſſibile ſit, ex parte autem ejus, cui præſtari debet, deſit indigentia invincibilis (§. 17.)

Officia humanitatis eorumque denegatio.

§. 62.

Ceterum obligatio alia primitiva eſt, quæ rationem proximam in eſſentia atque natura hominis habet; alia derivativa, quæ eandem in alia obligatione, vel aliis obligationibus & juriſibus ſimul habet. Et idem intelligitur de officiis (§. 57.) & quia ex obligationibus deſcendunt jura (§. 46.) ideoque cum iis ſimul puniuntur, de juriſibus quoque valet. Conſtans nimirum omnium obligationum ac juriſium inter ſe nexus eſt, ut alia ex aliis deduci continuo ratiocinationis filo poſſint, & veritatum inter ſe connexarum compagem conſtituant, quod ſystema appellatur, ac a nobis ſystema veri nominis dici ſolet, quia anguſtum hoc nomen, quemadmodum etiam aliis accidit, nimis profanatur.

Obligatio primitiva & derivativa.

§. 63.

In caſu emergente ſubinde contingit, ut pluribus legibus naturalibus, quibus ſimul ſatisfaciendum erat, ſimul ſatisfieri non poſſit, tumque Leges inter ſe collidi dicuntur. Cum igitur una alteri ſit præferenda, Exceptio ſit, & ea vincit, cui ſatisfaciendum, cedit autem ipſi altera, cui ſatisfieri minime poſteſt.

Collisio legum. Exceptio.

§. 64.

De le-
gum
collisio-
ne. Ita patet, in collisione legum praeceptivarum de officiis erga seipsum & erga alios, in casu collisionis officiorum erga seipsum & erga alios vincere officium erga seipsum; cum lex praeicipiens officia erga alios exceptionem actu contineat (§. 44. 59.) Et quia praeceptiva ad agendum, prohibitiva ad non agendum obligat (§. 47.) permissiva vero saltem ad agendum jus dat (§. cit.) consequenter actionem nonnisi licitam facit (§. 49.) in collisione legis praeceptivae, vel prohibitivae cum permissiva vincit praeceptiva, vel prohibitiva (§. 37.) Cum prohibitiva id, quod praeceptiva exigit, faciat moraliter impossibile (§. 37. 47.) lex prohibitiva vincit praeceptivam (§. 37.) Similiter in casu collisionis legum praeceptivarum vincit perfectiva (§. 48.) Alia dabimus suo loco, cum sicuti systema id non aliter permittit (§. 62.) ita nec ejus, quod in praesenti meditatur, imitamentum. Idem observamus in aliis.

§. 65.

De col-
lisione
eorum-
dem offi-
ciorum. Fieri potest, ut ad id, ad quod aliis promiscue qua hominibus obligamur, alia adhuc de causa obligemur, & sic obligatio ex duplici, vel etiam pluribus causis orta efficiatur fortior. Unde si idem officium pluribus praestandum, in casu collisionis vincit obligatio fortior, seu is praefendus, cui magis obligati sumus.

§. 66.

De ex-
ercitio
juris. Exercitium juris sunt ipsi actus vi ejusdem liciti ei, cui id competit. Jus enim ipsum in nuda agendi possibilitate consistit (§. 46.) Et jure suo utitur, qui actu facit, quod vi juris facere potest. Quamobrem nemo in exercitio juris
sui

sui impediendus (§. 50.) Cumque jus detur ad satisfaciendum obligationi (§. 57.) rectus juris usus is est, quem officia exigunt (§. 57.) in contrario abusus consistit.

§. 67.

Legis promulgatio est actus, quo ad notitiam legis ii perducuntur, quos eadem obligare debet. Quamobrem cum *lex naturæ* rationem sufficientem habeat in ipsa natura & essentia hominis rerumque (§. 39.) per hanc intelligitur, ad quænam nos obliget & jus det, consequenter, cum ejus notitia usu facultatum cognoscendi comparari possit, *promulgatione nulla opus habet*. At *leges positivæ* cum veniant a voluntate alterius (§. 39.) quæ ignoratur, nisi manifestetur, *promulgandæ sunt, nec obligare possunt, antequam publicentur*, cumque obligatio veniat a voluntate legem ferentis (§. cit.) *vel a die promulgationis, vel a termino in lege expresso obligant*. Quibusnam vero competat jus ferendi leges, suo dicetur loco.

De promulgatione legis.

C A P U T I I I.

De obligatione & jure hominum universali in genere.

§. 68.

Obligatio universalis est, qua quilibet homo tenetur, quatenus homo est. Et *jus universale*, quod ex ea oritur (§. 46.) est, quod homini cuilibet competit, quatenus homo est.

*Obligatio universalis
Jus universale.*

§. 69.

Quoniam obligatio naturalis in ipsa hominis essentia atque natura rationem sufficientem habet

Dari obligationes &

jura u-
niver-
salia, &
quanam
ea sint.

bet & cum ea ponitur (§. 38.) natura autem & essentia in genera omnium hominum eadem est; obligatio, qua homo, quatenus homo est, tenetur, in omnibus hominibus eadem est, consequenter jura, quæ homini competunt, quatenus homo est, omnis hominis eadem sunt (§. 46.) Atque ideo patet, dari obligationes universales & jura universalia. Immo cum in Jure naturæ ea potissimum tradantur, quæ ex natura & essentia omnium hominum communi deducuntur, in eodem quoque in primis explicantur obligationes universales & jura universalia.

§. 70.

Natura-
lis ho-
minum
equali-
tas.

In sensu morali homines æquales sunt, quorum obligationes & jura eadem sunt: ast inæquales, quorum non sunt obligationes & jura eadem. Homines igitur, qua homines, natura æquales sunt (§. 69.)

§. 71.

Præro-
gativa
natura-
lis nul-
la.

Cum Prærogativa sit jus, quod alicui præ aliis, eodem ceteroquin jure utentibus, competit; natura homini, qua homini, nulla prærogativa competit, nec ideo ulla datur prærogativa naturalis (§. 70.)

§. 72.

De eo
quod li-
citum,
illici-
tum, de-
bitum.

Immo quoniam natura homo omnis eadem jura habet & easdem obligationes (§. 69.) quod naturaliter homini uni, quatenus homo est, licitum, id etiam licitum est alteri, immo quod unus alteri debet, id etiam alter ipsi debet (§. 49.)

§. 73.

Qua-
nam al-
teri fa-

Hinc porro patet, quod jure tuo tibi non vis fieri ab altero, id nec alteri faciendum esse, & quod jure

jure vis fieri, id alteri quoque faciendum. Qui se-
cus faciunt, prerogativam affectant, qualis na-
tura non datur (§. 71.) & æqualitatem natu-
ralem tollunt (§. 70.) quæ quoad obligationes
& jura universalia subsistit, quamdiu homo
homo est, consequenter quamdiu existit (§. 38. 46.)
Quæcumque igitur facto hominum inæqualitates in-
troducuntur, quod fieri posse suo loco constabit,
officia tamen iis debentur, quæ homo homini debet,
seu officia humanitatis (§. 61.)

cienda
ex nota
facien-
da.
Et offi-
ciorum
erga
alios
perpe-
tuitas.

§. 74.

Jus connatum dicitur, quod ex obligatione
connata oritur. Est autem obligatio connata, quæ
cum essentia & natura hominis ponitur. Qua-
mobrem cum hæc propter essentia ac naturæ
immutabilitatem immutabilis sit, utpote ab ea
inseparabilis; Jus quoque connatum homini ita
inheret, ut ipsi auferri non possit: datur nimirum
ad satisfaciendum obligationi (§. 46.)

De jure
connato.

§. 75.

Præcedentia est jus prioritatis in ordine a
pluribus simul observando. Cum inter æquales
nulla sit præcedentia (§. 70.) natura quoque
nulli hominum præcedentia competit.

De præ-
ceden-
tia.

§. 76.

Natura hominum omnium eadem sunt jura
(§. 69.) Quodsi ergo tibi competeret jus in
actiones alterius, ut is actiones suas ad volun-
tatem tuam componere deberet, nec facere pos-
set, quod libet, ipsi vicissim idem jus in actio-
nes tuas competeret; quod cum sit absurdum,
præsertim cum id extendendum foret ad homines
promiscue omnes: natura nemini jus in actiones
alterius competit. In essentia & natura hominis, in
qua

De jure
in actio-
nes alter-
ius.

qua rationem sufficientem habet lex naturæ (§. 39.) adeoque omnis obligatio & jus ab eadem veniens, nulla continetur ratio, cur homini huic vel isti in hujus vel illius hominis actiones jus aliquod competere debeat.

§. 77.

De libertate naturali.

Sunt igitur natura actiones hominis independentes a voluntate alterius cujuscunque, nec is in agendo dependet nisi a seipso. Atque hæc independentia in agendo a voluntate alterius, seu dependentia a propria saltem voluntate Libertas dicitur. Natura igitur homines omnes liberi sunt. Cum tamen obligatio naturalis sit immutabilis (§. 38.) libertas obligationem naturalem minime tollit, nec quicquam in ea immutat.

§. 78.

Quamnam in de sit ceterorum obligatio.

Cum vi libertatis naturalis homo in agendo non dependeat nisi a seipso (§. 77.) vi ejusdem ipsi permittendum, ut in determinandis actionibus suis suum sequatur iudicium, nec ulli hominum rationem reddere tenetur, cur hoc faciat, vel non faciat, modo tibi nil faciat, ad quod non faciendum tibi perfecte obligatur (§. 80.)

§. 79.

De iudicio quoad præstationem officiorum humanitatis.

Atque hinc porro liquet, in præstandis officiis humanitatis standum esse iudicio præstantis, num in potestate sua sint, sicuti petentis de indigentia, consequenter si officium humanitatis denegatur, id petenti ferendum esse, nec ab eo alterum ad præstandum cogi posse. Hoc tamen non obstante, qui officium humanitatis sine jure denegat, peccat (§. 58.)

§. 80.

§. 80.

Atque hinc patet, quo sensu obligatio ad officia humanitatis imperfecta, & ipsa hæc officia imperfecte debita dicantur, nimirum ita dicuntur, non quasi obligatio naturalis imperfecta sit, ut aliquid libertati agentis relictum, utrum eidem satisfacere velit, an nolit, quod naturali libertati repugnat (§. 77.) sed quia petens cogere nequit alterum, ut id præstet (§. 79.) Ideo *imperfecta* dicitur *obligatio*, cui ut satisfaciatur, nemo cogi potest: sicuti ex adverso *perfecta* vocatur, cui ut satisfaciatur, alter cogi potest. Et propterea porro *jus perfectum* dicitur, quod conjunctum est cum jure cogendi alterum, si obligationi satisfacere nolit, ut satisfaciatur: *jus autem imperfectum*, quod jus ad coactionem non continet. *Jus perfectum* etiam simpliciter *jus* appellatur, præsertim in Jure civili, ubi nonnisi Juris perfecti habetur ratio: imperfectum autem a Grotio dicitur *Aptitudo*, ab Aristotele vero *Meritum*, quatenus dignus est, cui quid præstandum, ut præstetur. *Meritum* itaque officium humanitatis petentis indigentia est (§. 44. 57.)

§. 81.

Jus, quod lex naturæ dat ad satisfaciendum obligationi, cum ea necessaria & immutabilis sit (§. 38.) consequenter pati non tenearis, ut in ejus usu ab altero impediaris, *perfectum est*. Oritur nimirum ex perfecta obligatione ejus usum non impediendi (§. 66.) cui respondet jus non patiendi, ut is impediatur, quod cum sit perfectum (§. 80.) jus quoque unde ortum suum trahit, perfectum esse debet. Ac ideo *jus contrarium perfectum est* (§. 74.)

§. 82.

§. 82.

De jure
petendi
officia
humana-
ritatis.

Atque hinc patet, quoniam obligaris aliorum opem requirere in iis, in quibus tibi met-
ipsi non sufficit (§. 44.) *jus petendi officia hu-*
manitatis esse perfectum, etsi jus ad officia huma-
nitatis, ut hic & nunc ab hoc præstentur, sit imper-
fectum (§. 79. 80.) Cumque nemo alterum in
exercitio sui juris impedire debeat (§. 66.) nemo
quoque impediendus, quo minus officium aliquod hu-
manitatis petat, & si petit, æquo animo ferendum.
Quia officia humanitatis præstare non obliga-
mur nisi indigenti; ut petantur omnino neces-
sarium est.

§. 83.

De justo
& inju-
sto, æquo
& ini-
quo.

Injustum dicitur, quicquid fit contra jus per-
fectum alterius: *iniquum* vero, quod contra
imperfectum. *Fit autem contra jus alterius id,*
quo idem vel tollitur, vel diminuitur, vel usus
ejus quomodocumque impeditur; sicuti ex ad-
verso secundum jus alterius fit, quando nihil con-
tra id committitur, nec quicquam omittitur,
quod eodem stante fieri debet. Et *justum* ap-
pellatur, quicquid fit secundum jus perfectum
alterius: *æquum* vero, quod secundum imper-
fectum. Quoniam vero leges civiles quædam tole-
rant, quæ naturaliter injusta sunt, prout suo lo-
co videbimus; ideo civiliter *justum* arctius patet
naturaliter *justo*, & in oppositione ad hoc *æquum*
dicitur, quod soli naturali legi convenit.

§. 84.

De Li-
centia.

Cum libertate non confundenda est *Licentia*,
quæ contra obligationem naturalem & jus ex-
tenditur ad quidlibet, quod lubet, estque effre-
nata quædam appetentia ejus, quod lubet. Quo-
niam

niam cum obligatione naturali , a qua nullus homo liberari potest (§. 42.) pugnat; *licentia nulli hominum competere potest.*

§. 85.

Quemadmodum vero *Virtus* in genere est habitus actiones suas componendi ad legem naturæ; & *vitium* , quod ei opponitur , habitus actiones suas ratione contraria dirigendi, quam lege naturæ præscribitur: ita in specie *Iustitia* dicitur virtus, qua unicuique tribuitur jus suum perfectum, nihil scilicet faciendo, quod contra id fit, sed faciendo, quicquid secundum id fieri debet (§. 83.) & ex adverso *Iniustitia* vitium, qua alteri jus suum non tribuitur, faciendo nimirum, quod contra id est, & non faciendo, quod secundum id fit, Quodsi *Iustitia* extendatur ad jus omne, tam imperfectum, quam perfectum, & in qualibet actione spectetur, quatenus ad alios refertur, vel referri potest, si vel maxime seipsum respiciat, *universalis* appellatur, tumque in sensu strictiori accepta particularis audit. Ceterum *Iustitia naturalis* latius patet civili (§. 83.) & *licentia iniustitiæ mater est* (§. 84.)

De iustitia & iniustitia.

§. 86.

Quoniam nemo in usu juris sui impediendus (§. 50.) nec idem alteri auferri potest (§. 74.) nemo quicquam facere debet, quod est contra jus alterius, sed quilibet potius facere debet, quod secundum jus ejus fit (§. 83.) adeo unicuique jus suum tribuere, nullius vero jus violare, ac per consequens *iusti*, non *injusti* esse debemus (§. 85.) Et quia jus imperfectum perinde ac perfectum nascitur ex obligatione naturali in se perfecta, ita ut peccet, qui contra id agit (§. 79. 80.) æquos nos omnibus, iniquos nemini præbere debemus (§. 83.)

De iustitia & æquitate præcepta contrariis prohibitis.

§. 87.

§. 87.

*Injuria
quid sit
& quod
prohi-
bita.*

Violatio Juris perfecti alterius *Injuria* vocatur. Unde liquet, *injuriam prohibitam* (§. 86.) & *naturaliter illicitam esse* (§. 49.) Quamvis vero hactenus non stabilivimus nisi, jus connatum: suo tamen loco ostendemus, quæ de justitia & injuria hic dicuntur, ad jura quoque acquisita trahenda esse. Ceterum sicuti *licentia injustitiæ* (§. 85.) ita etiam *injuriis latas fores pandit* (§. 84.)

§. 88.

*De læ-
sione.*

Alterum lædere dicitur, qui jus perfectum ipsius violat, seu ei injuriam facit, & ideo omni læsioni inest injuria. Quamobrem cum nemini injuriam facere debeamus (§. 87.) *nemo lædendus est*. Quamvis vero læsio & injuria in eodem actu consistant: in eo tamen differentia conspicitur, quod læsio respiciat personam, cujus jus violatur, tamquam actus ab ipso minime ferendus; injuria autem violatio juris in se spectetur, citra respectum ad personam, cui fit, tamquam actus in se illicitus, seu jus ipsum, quod violatur, respiciatur. At sicuti justitia naturalis latius patet civili (§. 85.) ita etiam læsiones naturaliter latius patent, quam in Jure civili definiuntur. Clarius hoc elucescit ex iis, quæ mox sequuntur & quæ in posterum sequentur.

§. 89.

*De secun-
ditate
& læsio-
nis ex-
tensione
natura-
li.*

Quod lege naturæ prohibetur, cum in ommissione consistat (§. 47.) obligatio semper certa est. Ex obligatione igitur, quæ lege prohibitiva inducitur, enascitur jus perfectum non patiendi, ut alter faciat, ad quod non faciendum tibi obligatur (§. 46.) Quamobrem cum nemo sit lædendus (§. 88.) *cui libet homini natura comperit jus non pa-*
tienti-

tiendi, ut lædatur ab alio, atque hoc jus natura unicuique competens *Jus securitatis* vocatur, quæ in vacuitate læsionis consistit. Liquet hic porro, naturaliter læsionem extendi ad omnem actum lege naturæ respectu aliorum prohibitum, consequenter læsionem esse omnem actum, quo alter, vel status ejus redditur imperfectior (§. 44.) denegationem vero officii humanitatis læsionem non esse (§. 79.)

§. 90.

Quia pati non tenemur, ut alius nos lædat (§. 89.) læsionem intentanti resistere licet. Quamobrem cum actio, qua resistitur læsionem intentanti, defensio sit; homini natura jus defensionis competit; consequenter eidem liciti sunt actus, sine quibus læsionem a se avertere nequit (§. 46.) ex circumstantiis obviis determinandi.

De jure defensionis.

§. 91.

Similiter quia pati non tenemur, ut alius nos lædat (§. 89.) læsiones præcavere, consequenter alios obligare licet, ne nos lædant.

De læsionibus præcavendis.

§. 92.

Cum alterum obligare non possimus ad non faciendum, nisi cum actione conjungendo motivum (§. 35.) motivum autem nolitionis in representatione mali consistat; ei, qui nos actu læsit, inferre licet malum quoddam physicum (§. 91.) ne scilicet nos denuo lædat, vel ejus exemplum secuti lædant alii, vel etiam ipse, aut alii alios. (a)

Quomodo præcaveatur.

§. 93.

(a) Clariss. Auctor luculentius suam mentem exponit §. 154. usque ad §. 157. ubi omnia quæ hic docet juxta Evangelicam Doctrinam ibi explicat.

§. 93.

De pœ-
na &
jure pu-
niendi.

Malum physicum ob malum morale immif-
fum ab eo, qui obligandi jus habet, Pœna di-
citur. Natura igitur homini competit jus punien-
di eum, qui ipsum læsit. Et quatenus pœna ten-
dit ad mutandum animum lædendi, emendatrix
dicitur; quatenus vero ad deterrendum alios
a lædendo, exemplaris. Quamobrem cum pœ-
na se habeat per modum medii, & emenda-
tio animi lædendi ac metus iis incutiendus,
quos libido lædendi inceslere poterat, sint fi-
nes punientis: Magnitudo pœnæ æstimanda ex
circumstantiis obviis (§. 46.)

§. 94.

De jure
infinito.

Jus infinitum dicitur, cui in genere limites
præfigi nequeunt, ex circumstantiis in casu da-
to obviis demum determinandi. Est igitur
tamen jus defensionis, quam jus puniendi infinitum
(§. 90. 93.)

§. 95.

Jura
connata
que fiat.

Ex hætenus dictis patet, quænam sint jura
hominum connata, nimirum Jus ad ea, sine
quibus obligationi naturali satisfieri nequit (§.
46.) sub quo comprehenditur jus petendi of-
ficia humanitatis (§. 52.) & jus alterum sibi ob-
ligandi ad ea perfecte (§. 97.) æqualitas (§. 70.)
libertas (§. 77.) jus securitatis (§. 89.) & inde na-
tum jus defensionis (§. 90.) & jus puniendi.
(§. 93.) Quænam vero hinc alia jura descen-
dant, & quomodo legi naturæ convenienter
aliæ obligationes contrahantur, & alia jura
acquirantur, suo ostendetur loco.

§. 96.

§. 96.

Homo *persona moralis* est, quatenus spectatur *Persona moralis*, tamquam subjectum certarum obligationum atque jurium certorum. Atque hinc *status* ejus *status moralis*, *moralis* dicitur, qui per obligationes & jura *naturalis* determinatur; vocaturque idem *naturalis*, quatenus obligationes & jura, per quæ determinatur, naturalia sunt, seu vi legis naturæ eidem competunt. Ac ideo in *statu naturali* homines reguntur *solo jure naturæ*.

§. 97.

Enimvero quoniam homo, obligationi suæ satisfactorius, sapissime aliena ope indiget, interest autem ut de ea præstanda certus sit, & ipsi competit jus ad eos actus, sine quibus obligationi suæ satisfacere nequit (§. 46.) eidem quoque competit jus, alterum ad certas præstationes sibi obligandi, & hoc modo *jus perfectum* ad eas acquirit, ut cum antea denegatio esset ferenda, nunc ad eas cogi possit, seu vi compelli (§. 79. 80.) sicque quod erat voluntatis, nunc sit necessitatis, & non præstando alter lædatur & injuria committatur (§. 88.)

§. 98.

Violenta juris sui persecutio, qua vel læsionem intentatam, seu injuriam faciendam avet- *De jure belli.* tere, vel eos, qui læserunt, seu injuriam fecerunt, ad non lædendum in posterum obligare, vel denique ad præstationem, ad quam alterum nobis obligavimus, eum vi compellere conamur, quatenus alter eidem resistit, *Certatio* per vim dicitur. Status vero per vim certantium *Bellum* vocatur. Atque hinc patet, homini competere *jus belli*, & ejus causam justam non esse nisi injuriam vel faciendam, vel factam (§. 87. 83.) denegatam.

(Wolffii Instit. J. N. & G.)

C

tio-

tionem vero officii humanitatis justam belli caussam non esse (§. 79.)

§. 99.

De pace.

Pax opponitur bello, & ideo vocatur status, in quo bellum non est. Cumque nemo sit lædendus, consequenter ab omni injuria abstinendum (§. 88.) homines pacem colere obligantur, & ideo pax secundum naturam est, bellum contra eandem (§. 38.) cui non natura, sed malitia hominum obligationi suæ satisfacere nolentium locum facit, seu injuria (§. 98.)

§. 100.

De obligatione contracta & jure acquisito.

Ex antea dictis porro manifestum est, præter obligationes & jura connata dari quoque obligationes facto hominum interveniente ortas & jura per eas acquisita (§. 95.) quorum illæ obligationes contractæ; hæc jura acquisita appellantur. Patet quoque, neminem seipsum ab obligatione contracta liberare posse (§. 97.) nec jus ideo acquisitum, ex ea ortum (§. 46.) invito auferri posse; id quod supra de obligatione connata & de jure connato ostendimus (§. 42, 74.) Cum itaque obligationes sint connatæ, vel contractæ, & jura vel connata, vel acquisita; in genere jam constat, neminem se ab obligatione sua liberare, nec jus suum alicui invito auferri posse.

§. 101.

De jure communi & proprio.

Cum obligationes connatæ teneant homines omnes (§. 74.) contractæ nonnisi eum, quem tibi ad certam præstationem obligasti (§. 100.) & eodem modo jura connata omnibus hominibus promiscue, jus vero acquisitum nonnisi ei competat, qui alterum sibi obligavit ad certam præstationem (§§. cit.) inde liquet dari jura,

jura, tam quæ omnibus promiscue competunt, quam quæ nonnisi uni in singulari, aut pluribus junctim sunt, in oppositione ad omnes spectatis, competunt, & similiter obligationes, quæ eodem modo ad omnes, plures junctim, vel unum in singulari pertinent. Hinc *Jus commune* dicitur, quod omnibus promiscue competit; *proprium* vero, quod nonnisi uni, aut pluribus junctim, in oppositione ad ceteros omnes, competit. Et eodem modo intelligitur, quænam *Obligatio communis*, quænam *propria*. Patet autem, *jus proprium* eodem excludere ceteros omnes, & si pluribus junctim *jus proprium* est, id inter ipsos commune esse.

§. 102.

Status hominum naturalis, vel *originarius* est, quatenus determinatur per sola jura & obligationes connata; *adventitius* vero, quatenus determinatur per obligationes contractas & jura acquisita, vi solius legis naturæ. *Originarium* itaque homo a natura sola habet; *adventitium* vero nonnisi facto quodam humano interveniente. Facile quoque patet, ad *statum originarium pacem* (§. 99.) ad *adventitium bellum* pertinere (§. 98.) & quoniam bellum tendit ad tollendam, vel delendam injuriam, belli causam (§. 98.) bellum naturaliter permitti pacis causa (§. 99.) consequenter nec gerendum esse nisi propter pacem. Nimirum bellum gerere idem est ac per vim certare. Ne vero in discernendo statu adventitio ab originario subinde hæsitetur, notandum est, posse homini competere jus in se spectatum in statu originario, cujus tamen exercitium locum non habet nisi in adventitio, quatenus nimirum isti locum facit factum alterius. Exemplum habes in jure defendendi & puniendi, si originem utriusque curatius consideres (§. 90. 93.)

De statu
origina-
rio &
adven-
titio.

CAPUT IV.

De officiis hominis erga seipsum & cum iis
connexis iuribus.

§. 103.

De offi-
cium
diversi-
tate &
conjun-
ctione.

Homo tum se, consequenter tam animam, quam corpus, tum statum suum perficere debet (§. 43.) quantum potest (§. 37.) Dantur igitur officia erga animam, erga corpus & quoad statum externum (§. 57.) atque ea sunt coniungenda, non uni eorum ita studendum, ut negligantur cetera, & cui amplior est facultatum rerumque usus, & auxilium alienum majus, is ad plura præstanda obligatur.

§. 104.

De fin-
dio bono.
rum con-
sequen-
torum.

Cum bona animi sint, quæ animam; corporis, quæ corpus; fortunæ, quæ statum externum perficiunt; quilibet studere debet, ut ea consequatur animi, corporis ac fortunæ bona, quæ in potestate ipsius sunt (§. 103. 60.) consequenter sibi cavere a malis animi, corporis atque fortunæ (§. 51.)

§. 105.

De se &
aliis co-
gnoscen-
dis.

Necesse igitur est, ut homo seipsum cognoscat, quæ animam, corpus & statum suum, cumque cognitio sui cognitione aliorum promoveatur, quatenus apparet, quarum perfectionum & imperfectionum homo & status ejus sit capax, & quonam usu facultatum illæ obtineantur, quonam non-usu & abusus earumdem in has incidatur, etiam alios, eo sine spectator sedulus aliorum.

§. 106.

De per-
fectione
animæ.

Usus facultatum animæ consistit in eliciendis actibus: in consensu omnium usuum facultatum
om.

omnium animæ tam superiorum, quam inferiorum perfectio animæ consistit (§. 9.) Quam obrem cum homo se perficere obligetur (§. 43.) operam dare debet, ut aptus fiat non modo ad quemlibet facultatum animæ usum, sed etiam ad reducendum usus omnium facultatum in agendo ad consensum, quemadmodum jam supra docuimus (§. 52.) consequenter vitandus est tam facultatum non-usus, quam dissensus in agendo (§. 51.) Cumque promptitudo agendi habitus sit; homo obligatur acquirere habitus facultatibus suis utendi, earumque usus ad consensum reducendi.

§. 107.

Ac propterea homini competit jus ad ea, quæ De iura ad consequendum usum facultatum suarum & usus eo fine istos ad consensum reducendum necessaria sunt (§. 46.) *compete-
tente.*

§. 108.

Quoniam Intellectus facultas est, res distincte representandi, consequenter non solum a se invicem discernendi quæ rei eidem insunt, verum etiam judicia determinata formandi, ut scilicet vi eorum, quæ de subiecto sumuntur, eidem conveniat, vel repugnet prædicatum, & recte ratiocinandi; operam dare debemus, ut acquiramus habitum in objecto cognoscibili obvio ea distinguendi, quæ eidem insunt, judicia determinata formandi & recte ratiocinandi. Quoniam vero hoc fieri nequit, nisi valeamus attentionem conservare, hoc est, efficere, ut objecti, de quo cogitamus, nobis magis conscii simus, quam aliorum, quorum cogitatio animum una subit, vel subire poterat, & super iis reflectamus, hoc est, attentionem nostram successive ad alia aliaque dirigamus,

*De intellectu
persi-
ciendo*

gamus, quæ objecto insunt; curæ quoque habendum, ut omnem attentionis gradum, quantum datur, & habitum reflectendi acquiramus.

§. 109.

De appetitu
& aver-
sandi
faculta-
te perfi-
cienda,

Appetitus hominis generaliter determinatus est ad bonum appetendum, & facultas averfandi ad malum averfandum. Quamobrem cum perfectio appetitus consistat in determinabilitate nonnisi per bonum verum, facultatis autem averfandi in determinabilitate nonnisi per malum verum: ex adverso illius imperfectio in determinabilitate per bonum apparens, quod ex voluntate praesente, sed nocua aestimatur, huius autem imperfectio in determinabilitate per malum apparens, quod ex molestia praesente, sed minus nocua aestimatur; operam dare debemus, ut appetitus numquam feratur nisi in bonum verum, nec averfandi facultas abhorreat nisi a malo vero, consequenter studendum, ut bonum verum verumque malum ab apparente semper discernere valeamus. Et quia usus omnium facultatum consentire debent (§. 106.) opera imprimis danda est, ut appetitum sensitivum ad consensum cum rationali, si-ve voluntate, & averfationem sensitivam itidem ad consensum cum rationali, seu noluntate, consequenter, cum voluntas & noluntas ab actibus intellectus, appetitus sensitivus & averfatio sensitiva ab actibus sensuum & imaginationis pendeant, intellectum in representando bono vel malo ad consensum cum sensu & imaginatione reducamus.

§. 110.

De affectibus
regendis,
com-
pescen-

Ad appetitum sensitivum & averfationem sensitivam referuntur affectus, qui in appetitionibus & averfionibus vehementioribus consistunt: unde porro conficitur, operam dandam esse, ut

eos ad actiones legi naturæ convenientes dirigamus, hoc ^{dis} est, regamus, atque iis resistamus, ne in actus ^{sedan-} externos, legi naturæ contrarios, ad quos tendunt, ^{dis.} erumpant, hoc est, eos compescamus (§. 109.) & sicubi contingit eos nobis impedimento esse in agendo, & quando eorum regimen nondum in potestate est, ut extinguantur, ubi subito oriuntur, hoc est, sedentur. Unde liquet, habitus quoque voluntatis & noluntatis actiones legi naturæ convenientes determinandi acquirendos esse.

§. III.

Patet etiam, hominem obligari ad consequendum ^{Quorum} eorum scientiam, quæ ad bona & mala vera ab ^{scientia} apparentibus discernenda (§. 109.) & ad recte a- ^{compa-} gendam scitu necessaria sunt (§. 52. 53.) ^{randa.}

§. IIII.

Constat corpus humanum ex organis vitalibus, ^{De cor-} quæ vitæ ac speciei conservationi destinantur; ^{pore} sensoriis, quæ sensationi ac pendentibus inde ^{perfi-} actibus imaginationis ac memoriæ inserviunt, & ^{ciendo} vel externa, extus in corpore conspicienda, vel ^{Et con-} interna, intus latentia; & denique motoriis, quæ ^{servan-} ad motum localem corporis ejusve membrorum externorum faciunt. ^{do.} Perfectio igitur corporis, qua vivi, consistit in aptitudine se conservandi & speciem suam propagandi; qua sentientis, in aptitudine ideas rerum sensibilibus materiales producendi; qua se moventis denique, in aptitudine appetitionibus & averfionibus animæ convenientes motus producendi & situs tam totius corporis, quam membrorum ejus externorum determinandi (§. 9.) Ex his simul sumtis enascitur aptitudo conservandi harmoniam inter animam & corpus, in qua Perfectio corporis consistit: cui cum accedit perfectio animæ, quam ipsa hæc

harmonia exigit, *Perfectio hominis* prodit, quæ cum ex principiis Theologiæ naturalis constet, hominem tum quoad animam atque corpus representare Deum, in aptitudine Deum representandi consistit, ut scilicet in eodem conspiciatur quasi imago Dei, & ideo *athens perfectionem hominis intime perspicere nequeat*. Cum perfectio corporis, qua humani, supponat omnium membrorum integritatem, a posteriori autem constet, varios habitus facultatis locomotivæ acquiri posse; homo utique obligatur, integritatem omnium membrorum corporis conservare, & eos habitus facultatis locomotivæ acquirere, quibus ad recte agendum indiget (§. 106. 52.) consequenter eorum depravatio & jactura vitanda, adeoque corpus suum, ac ideo quoque vitam suam conservare debet, consequenter proprium sive autochiria illicita (§. 51.)

§. 113.

De san-
nitate
conser-
vanda
& recu-
peran-
da, ac
morbis
præca-
vendis.

Status ille corporis, in quo singulæ ipsius partes munere suo rite funguntur, *Sanitas* dicitur; status vero oppositus, quo una vel plures ad usus suos, quibus destinantur, aptæ non sunt, *Morbus*. Intelligitur autem hoc etiam de partibus fluidis, & in sermone vulgari morbus in primis attenditur in organis vitalibus. *Error*em externum vocat *Galenus* impedimentum actionis organi, ad quam producendam ipsum in se spectatum aptum deprehenditur. Cum omnes partes corporis conservandæ sint in eo statu, ut sint aptæ ad usum suum (§. 112.) homo obligatur sanitatem conservare, & a morbis sibi cavere, ne scilicet culpa sua in eos incidat; quodsi vero contingat eum morbo corripiri, operam dare, ut sanitati restituatur.

§. 114.

§. 114.

Homini igitur jus est ad ea, quæ ad vitam & sanitatem conservandam & recuperandam faciunt, consequenter, cum sanitas sine cibo ac potu conservari, nec semper sine medicamentis recuperari possit, jus ad usum earum rerum, quæ cibo ac potui inserviunt, & quarum usus ad sanitatem restituendam facit, quæque Medicamenta appellantur (§. 46.) Quoniam vero hoc jus sanitatis causa datur; cibus ac potus sanitatis conservandæ, non voluptatis ex eo percipiendæ causâ appetendus, consequenter a cibo ac potu insalubri nimiaque utriusque quantitate abstinendum, cumque Ebrietas status corporis sit, quo ex potu nimio functiones cerebri turbantur, consequenter homo primum usu rationis, inde porro imaginationis, immo sensus, tandemque ipsius facultatis locomotivæ privetur, ebrietatem fugere tenetur.

De jure
ad ci-
bum, po-
tum ac
medica-
menta.

§. 115.

Similiter patet, sanitatis causa corpus adversus injurias tempestatum vestimentis muniendum (§. 113.) ac homini esse jus ad eas res, quæ vestimentis eo fine necessariis conficiendis inserviunt, & ad eos actus, quibus conficiuntur, vel res ad ea necessarie parantur (§. 46.) observato simul decoro naturali (§. 55.)

De jure
ad ve-
stimen-
ta.

§. 116.

Quoniam etiam a posteriori constat: homines ædibus opus habere, ut ab injuriis tempestatum tuti laboribus & negotiis fungi, cibos præparare, corpus lassum somno reficere & res suas, quibus indigent, asservare & custodire valeant: non minus facile patet, homines ades commodas exstruere debere, & natura iisdem competere jus ad

De jure
ad adi-
um ex-
structio-
nem.

ad ea omnia , quæ ad eas extruendas necessaria , omnes etiam actus ad extructionem requisitos , etiam hic observato decore (§. 55.)

§. 117.

De pul-
chritu-
dine na-
turali
& arti-
ficiali
atque
orna-
mentis
corporis.

Pulchritudo naturalis dicitur, quæ corpori hominis natura inest. Consistit autem, quemadmodum a posteriori patet, in Symmetria, conveniente partium externarum ad se invicem & ad totum corpus proportionem; Eurythmia, similitudine partium, quæ ab utroque latere sunt mediorum dissimilium, conveniente earum figura atque colore. Ast artificialis vocatur, quæ facto nostro corpori conciliatur. Cum pulchrum sit, quod placet, consequenter pulchritudo naturalis ad aliud tendere nequit, quam ut placeas aliis, artificialis vero defectum naturalis suppleat & eam augeat; naturalem conservare debemus (§. 43.) & decori minimum gratia artificialis non illicita (§. 55.) Ac Propterea natura nobis jus est ad ea, quæ ad pulchritudinem artificialem corpori conciliandam faciunt. Dicuntur hæc Ornamenta, consequenter homini jus competit ad ornamenta, & ad ea, quæ ornamentis parandis inserviunt, eosque actus, quibus parantur & quos eorum usus requirit.

§. 118.

De felici-
tate &
infelici-
tate.

Felicitas est status voluptatis ac lætitiæ durabilis, quæ scilicet nec molestiam parit, nec in eam degenerat, seu innocua est: Infelicitas vero status molestiæ, nimirum animi, ac tristitiæ durabilis. Appetitus hominis natura determinatus est ad appetendum ea, ex quibus voluptatem percipit, consequenter generaliter ad felicitatem; averfatio vero ad averfandum ea, ex quibus molestia percipitur, consequenter ad

ad fugam infelicitatis. Homo igitur curæ habere debet, ut sit felix, & ne infelix fiat (§. 36.) consequenter ipsi jus est ad ea, quæ ad felicitatem quidpiam conferunt (§. 46.) Patet autem ex ipsa definitione felicitatis, veram ab apparente esse discernendam, ne scilicet, dum felix esse cupis, te reddas infelicem. Liquet porro, omnem molestiam quantumlibet exiguam esse aversandam, utpote felicitati adversam.

§. 119.

Vitam commodè transigimus, si, quæ a nobis agenda sunt, ea absque omni molestia peregere valemus, seu si ea ab actionibus nostris molestiam remouent: jucunde autem, si ea agimus, ex quibus voluptas innocua percipitur. Homo itaque curæ habere debet, ut vitam commodè ac jucunde transigat (§. 118.) consequenter ipsi jus est ad ea, quæ ad vitam commoditatem & jucunditatem faciunt (§. 46.)

§. 120.

Voluptas transitoria est, quæ nonnisi exiguo temporis spatio durat, numquam reditura, quales sunt delectationes sensuales. Quodsi innocua fuerit, ad felicitatem hominis quidpiam confert; si vero nocua, ad infelicitatem concurrir (§. 118.) Quamobrem voluptas transitoria licita est, si fuerit innocua; illicita, si nocua (§. cit.)

§. 121.

Rei nomine venit ens omne, quod nobis u-
sui esse potest, veluti ad vitam conservandam
& commodè atque jucunde transigendam, vel
ad animæ corporisque perfectionem quomodo-
cumque promovendam, imperfectionem vero
aver-

avertendam. Est autem vel *corporalis*, quæ sensu percipi potest; vel *incorporalis*, quæ sensu non percipitur, seu intellectu tantummodo concipitur, qualia sunt jura & habitus animæ. Sunt etiam vel *necessariæ*, quæ ad vitæ ac sanitatis conservationem & ad animam perficiendam requiruntur; vel *utiles*, quæ ad vitam commodè degendam faciunt; vel *voluptuariæ*, quæ nonnisi jucunditati inserviunt. Porro aliæ sunt *pure naturales*, quas natura sua sponte producit, aliæ *industriales*, quas natura nonnisi opera humana interveniente producit; aliæ *artificiales*, quæ arte humana parantur.

§. 122.

Quæ-
nam res
aliis
præfe-
rendæ.

Facile intelligitur, *res necessarias utilibus & voluptuariis esse præferendas* (§. 121.) utpote ab obligatione principali requisitas (§. 36.) *utiles autem voluptuariis*, cum voluptuariæ nonnisi sensus delectent (§. 121. 119.) ut cautus admodum esse debeat earum usus (§. 120.)

§. 123.

De re-
rum suf-
ficiente
copia.

Cum rebus necessariis homines carere nequeant (§. 121.) si natura non sua sponte eas tanta copia profert, quanta omnibus sufficit, earum proventum homines opera sua multiplicare debent, aut quas natura non profert, eas arte parare. Unde fluit obligatio ad culturam agrorum, hortorum, silvarum, rem pecuariam &c. Immo cum rerum quoque utilium & voluptuariarum licitus sit usus (§. 119. 121.) homines operam dare debent, ne desit sufficiens rerum utilium & voluptuariarum copia, ex prælatione utilium determinanda (§. 122.)

§. 124.

§. 124.

Quoniam *Labor* opera est, quæ rebus corporalibus & incorporalibus producendis, & vitæ commoditati, jucunditati & decori promovendis impenditur; *Otium* vero vacatio a labore, homines vero ad res non minus corporales (§. 123.) quam incorporales producendas obligantur (§. 108. 110. 121.) homini omni laborandum est, nemini otium: quatenus tamen sanitatis habenda est ratio (§. 113.) labor nimis, qui sc. cum dispendio sanitatis continuatur, ac nimis gravis, cui vires nostræ vix ac ne vix quidem sufficiunt, vitandus; & quatenus obligamur ad recte agendum (§. 52.) unusquisque labore suo recte perfungi, consequenter curare debet, ne res artificiales careant perfectione sua (§. 11. 16.) & sibi comparare eum facultatum usum, qui ad laborem recte obeundum requiritur. Et quoniam labor tam multiplex est, ut nullius vires omni sufficient, homines autem conjunctis viribus se statumque suum perficere debent (§. 44.) unusquisque eum laborem seligere debet, cui se parem sentit, ac ideo id vitæ genus eligere, ad quod aptus est, hoc est, eum statum, in quo vitam impendit labori, qui, ut recte obeatur, requirit usum facultatum per dispositiones atque inclinationes naturales acquisitu ipsi possibilem.

§. 125.

Aliorum de perfectione nostra judicium *Existimatio* dicitur, quæ verbis declarata, *Laus*; aliis autem actibus externis significata, *Honor* dicitur. Unde patet, laudem & honorem non esse in nostra potestate (§. 60.) nec quemquam alterum per se laudare ac honorare posse, nisi qui verum de perfectione alterius judicium per se ferre potest.

Quo-

Quoniam tamen obligamur nos statumque nostrum perficere (§. 43.) operam dare debemus, ut finis existimatione, consequenter laude ac honore digni. Et quoniam perfectio animæ consistit in habitibus intellectus & habitibus voluntatis legi naturæ convenienter determinandis (§. 106.) quorum illi *Virtutes intellectuales*, hi *morales*, vel etiam *virtutes simpliciter* dicuntur; existimationem, laudem ac honorem verum non pariunt nisi *virtutes intellectuales* atque *morales*, quas produunt facta, vel etiam verba, consequenter *bona animi* (§. 104.) *corporis vero ac fortunæ bona* nonnisi quatenus eorum acquisitio ab istis pendet, ut ideo sint existimationis, laudis atque honoris occasio.

§. 126.

De fama. *Fama* est communis hominum sermo de perfectione, vel imperfectione ejusdem, consequenter de dictis & factis, quæ eam produunt. Unde vel *bona* est, vel *mala*. Quoniam homo se perficere debet (§. 43.) & recte agere (§. 52.) operam dare debet, ut *fama bona* fruatur & *merita*, eamque servare, hoc est sollicitè sibi cavere, ne eam inquinet, ut *bona* in *malam* degeneret, consequenter si quæ fecit *bonæ famæ adversa*, factis contrariis eidem servire.

§. 127.

De gloria. Consentiens laus bonorum & peritorum, seu bene judicantium dicitur *Gloria*. Quæ igitur de laude dicta sunt, ad gloriam quoque applicanda.

§. 128.

De laude & honore non appetendo. Cum laus & honor non sit in nostra potestate (§. 125.) propter finem vero agamus; laudem ac honorem non intendere debemus tamquam finem,

finem, sed aliorum arbitrio relinquendum, num laudare ac honorare nos velint (§. 78.) consequenter laudem ac honorem appetere non debemus, ac propterea nec nosipsos laudare.

§. 129.

Quoniam homo seipsum cognoscere debet, quoad animam, corpus & statum suum (§. 105.) *Judicium de se & statu suo quale esse debeat.* iudicium de bonis animi, corporis ac fortunæ verum esse debet, nec in iis studio ac labori suo tribui, quod naturæ, fortunæ & aliis tribuendum, nec minus imperfectionem, quam perfectionem homo agnoscere tenetur, cum alias obligationi suæ satisfacere nequeat (§. 43.) Quia vero ex sensu perfectionis voluptas oritur per ipsam hominis naturam; voluptas ex perfectione sui & status sui percepta illicita non est (§. 49. 37.)

§. 130.

Fortuna est concursus caussarum minime prævisus ad effectum nobis vel bonum, vel malum, ac ideo vel secunda, vel adversa audit. *De officio hominis circa fortunam.* Quoniam itaque in potestate nostra non est (§. 60.) atque eam admodum variabilem experimur; fortuna secunda nimium confidere non debemus, nec adversa meliora desperare, eamque æquo animo ferre obligamur, ne scilicet reddamur infelices culpa nostra (§. 118. 17.) Quamobrem ne adversa præter opinionem nobis obvenientia animum perturbent; adversa, quæ in potestate non sunt, nobis representare debemus tamquam eventu possibilia, nec a nobis evitabilia: in quo præparatio ad futuros casus consistit.

§. 131.

Cum obligatio naturalis adeo necessaria sit (§. 38.) *De periculo vitando.* ut nemo hominum ab ea liberari possit (§. 42.) nemo

nemo hominum metu mali cuiusdam deterri de-
bet, quo minus faciat, quod legi naturæ convenit,
nec sese adduci patiatur necesse est, ut faciat, quod
legi naturæ contrarium. Quoniam vero omne pe-
riculum a nobis & statu nostro avertere debe-
mus (§. 43.) nemo quoque nulla urgente obliga-
tione subire debet periculum ullum, veluti vitæ,
aut integritatis membrorum amittendæ, aut
statum suum imperfectiorem reddendi. In ca-
su particulari, quid fieri debeat, docet exce-
ptio ob collisionem officiorum faciendæ (§. 64.)

§. 132.

De amo-
re pro-
prio &
dilectio-
ne sui.

Amor proprius est dispositio animi ex pro-
pria felicitate voluptatem percipiendi: Dile-
ctio vero sui constans & perpetua voluntas omni
studio id agendi, ut simus felices, ac per con-
sequens cavendi ne infelices evadamus. Quo-
niam itaque homo curæ habere debet, ut sit
felix, & ne fiat infelix (§. 118.) seipsum quoque
diligere debet. Et sicuti appetitus generaliter de-
terminatus est ad felicitatem; animus quoque
hominis naturaliter dispositus est ad volupta-
tem ex propria felicitate percipiendam (§. cit.)
consequenter amor proprius illicitus non est (§. 49. 37.)
ratione tamen dirigendus, ne felicitas apparens cum
vera confundatur (§. 43. 118.)

CAPUT V.

De officiis hominis erga alios & juribus cum
iis connexis.

§. 133.

De den-
tate
officio-
rum er-
ga se &
erga
alios.

Cum homo non modo se statumque suum
perficere, ac imperfectionem præcavere;
(§. 43.) verum etiam ad alterius ac status ejusdem
per-

perfectionem conferre debeat, quantum potest, salva obligatione erga seipsum, quando alter ipsius ope indiget, & ab his abstinere, quibus alter vel ejus status imperfectior redditur (§. 44.) homo quilibet alteri cuicumque debet, quod sibi, quatenus alter id non habet in potestate sua, ipse autem citra neglectum officii erga seipsum hoc alteri præstare potest, consequenter officia hominis erga alios eadem sunt, quæ officia erga seipsum (§. 57.) Hæc itaque ad alios applicanda.

§. 134.

Quilibet igitur homo alium quemcumque ope ipse indigentem juvare debet, ut consequatur animi, corporis ac fortunæ bona, quantum in potestate sua est (§. 104.) & per consequens cavere, ne alii incidant in mala animi, corporis ac fortunæ (§. 51.) Cumque lex naturæ auxilium non restringat ad certa bona; auxilium nostrum alteri denegare non debemus in consequendis bonis majoribus, quam quibus ipsi fruimur: quod cum fieri non posset, si alteri invideremus sua bona, nemini invidendum bonum, etiam quo ipsi caremus. Pugnat invidia cum ipsa hominis natura (§. 39. 44.)

*Auxilium in
acqui-
rendis
bonis
præstan-
dum a-
liis.*

§. 135.

Quoniam obligatio naturalis prorsus est immutabilis (§. 38.) si alter obligationi naturali non satisfacit, non ideo tibi permissum est, eidem non satisfacere, consequenter nec transgressionem legis naturæ exemplo aliorum tueri licet, nec officium erga alium ideo desinit deberi, quia ipse officio erga te deest: quod cum intelligatur etiam de iis, quæ lege naturæ prohibentur, officia humanitatis adhuc debentur etiam nos lædentibus (§. 88.)

*Num ob-
ligatio
natura-
lis tolli-
tur fa-
ctis cor-
rariis
alio-
rum.*

(Wolffii Instit. J. N. & G.) D §. 136.

§. 136.

De amo-
re & di-
lectione
alio-
rum.

Cum officia hominis erga alios eadem sint; quæ erga seipsum (§. 133.) unicuique constans & perpetua esse debet voluntas perfectionem ac felicitatem hominis alterius cuiuscunque promovendi (§. 43. 118.) consequenter cum in hac voluntate Dilectio alterius, in dispositione autem animi ad percipiendam voluptatem ex alterius felicitate Amor consistat (§. 132.) quilibet alterum diligere atque amare debet, tamquam seipsum (§. cit.) non vero odio prosequi (§. 51.)

§. 137.

Amicus,
inimicus
& amor
inimi-
corum.

Qui nos diligit, Amicus; qui odio prosequitur, Inimicus dicitur. Quamobrem omnibus amici esse debemus; nemini inimici (§. 136.) cumque officium erga alios non desinat deberi, quia ipsi desunt officio erga nos (§. 135.) inimicos etiam amare ac diligere debemus tamquam nosmetipsos (§. 136.) non vero odisse.

§. 138.

De stu-
dio ami-
citie.

Quoniam homines omnes sibi invicem amici esse debent (§. 137.) cuiuslibet opera danda est, ne alios sibi reddat inimicos, sed ut aliorum amicitiam acquirat & conservet: cum tamen ab obligatione naturali nemo liberari possit (§. 42.) amicitie causa non faciendum, quod legi naturæ contrarietur.

§. 139.

De ex-
emplo
aliis
præben-
do.

Perfectio animæ in virtutibus intellectualibus & moralibus consistit (§. 106. 125.) In his igitur propagandis seduli debemus esse, atque alios exemplo nostro virtutes intellectuales & morales docere & ad earum studium incitari (§. 136.) consequen-

sequenter exempla bona, quibus scilicet alios virtutes istas docemus & ad earum studium incitamus, aliis præbenda, mala vero, quibus alios vitia doces & ad ea perpetranda incitas, non prodenda (§. 51.) nemo ad vitia seducendus (§. cit.)

§. 140.

Cum eas actiones omittere debeamus, quibus alter vel status ejus imperfectior redditur, & ad perfectionem alterius conferre, quantum possumus (§. 44.) nemo impedire debet, quo minus alter perfectionem aliquam consequatur, nec impedire tertium, quo minus in hoc eum juvet. De non
impe-
dienda
perfe-
ctione
alterius. Intellegitur hoc de quibusvis animi, corporis ac fortunæ bonis (§. 134.) Patet etiam, neminem impedire debere, quo minus ab altero mala animi, corporis ac fortunæ arceantur, vel idem ab iis liberetur; multo minus sive per se, sive per alios, aliquo bono eundem privare (§. cit.)

§. 141.

Quia eadem sunt officia hominis erga alios, quæ erga seipsum (§. 133.) nemo integritatem membrorum corporis alieni quomodocumque vitare, aut membro quodam, vel saltem usu ejus alterum privare, nec sanitati ejus ullo modo nocere, sed vitam & corpus alterius, quantum potest, conservare, & ut a morbis ægrotus convalescat curare debet (§. 112. 113.) consequenter nemo alterum vita privare, seu occidere debet (§. 51.) ut ideo homicidium dolo vel culpa commissum (§. 17.) quorum illud dolosum, hoc culposum dicitur, sit naturaliter illicitum (§. 49.) Et quia nemini jus est seipsum vita privandi (§. 112.) nec volentem occidere licet. De cura
corporis
alieni.

§. 142.

De studio
famae
alienae.

Ex eadem ratione patet, nos quoque *operam* dare debere, ut alii fama merita fruantur (§. 126. 133.) Quamobrem cum fama bona sit communis hominum sermo de perfectione, consequenter de factis & non factis aliorum sermo (§. 126.) non modo unumquemque tanti existimare debemus, quanti meretur, verum etiam honorem meritum exhibere, meritamque laudem tribuere (§. 125.) consequenter famae, existimationi, honori ac laudi aliorum detrahere, hoc est, eam diminuere non debemus (§. 51.) multo minus eo animo falsa in vulgus spargere, hoc est, alios calumniari.

§. 143.

De injuria
specialiter
dicta.

Lesio honoris & famae alterius quomodocumque facta injuria specialiter dicitur, eaque realis, quae fit facto quodam; verbalis, quae verbis. Nemo igitur alterum injuriare debet (§. 142.)

§. 144.

De jure
in inju-
riantes
nobis
compe-
tente.

Nascitur hinc *jus non patiendi*, ut alter nos injuriat (§. 89.) natura ideo nobis competens: unde porro eodem modo, quo supra (§. 90. 92. & 93.) infertur, nobis competere *jus famam nostram defendendi* & *injuriantem puniendi*, consequenter licitos esse actus, sine quibus fama defendi ac finis pæne, qui est emendatio animi injuriantis & metus incutiendus aliis, quos libido injuriandi inceslere poterat (§. 92.) obtineri nequit.

§. 145.

De igno-
minia.

Existimationi opponitur *Ignominia*, quae est judicium aliorum de nostra imperfectione, consequenter *veram ignominiam non parium nisi vitia*,

tia, atque propterea facta, quæ eadem produnt, & defectus virtutum intellectualium (§. 125.) quatenus iidem culpæ tribuendi (§. 17.) Et idem, quod de his, de malis corporis & fortune valet. Immo bona fortune ignominie sunt, quatenus eorum acquisitio vitiis debetur.

§. 146.

Contemptus dicitur actus quicumque externus, quo significatur, alterum honore ac laude indignum esse; Contumeliæ sunt actus externi, quibus alteri ignominia afficiendi animo imperfectiones exprobramus; Vituperium denique sermo, quo alteri defectus perfectionis impuramus. Facile autem patet, neminem esse contemnendum, & omnes contumelias, convicia, vituperium esse injurias specialiter sic dictas, consequenter naturaliter illicita (§. 143.)

§. 147.

Cum vi libertatis naturalis unicuique permittendum, ut in determinandis actionibus suis suum sequatur iudicium, nec is ulli hominum rationem earundem reddere teneatur, quamdiu nil facit, quod est contra jus alterius (§. 78.) sinistrum de aliorum actionibus iudicium verbis aut factis declarare, quamdiu nil sit contra jus tuum, libertati naturali repugnat, consequenter ea involvit jus exigendi, ne sinistre alter de te iudicet, siue verum sit iudicium tuum, siue minus.

§. 148.

Infamia est communis hominum de vitiis alterius opinio, quam supra famam malam diximus (§. 126.). Cum operam dare debeamus, ut fama bona fruamur (§. cit.) ab infamia nobis cavere debemus, & quia aliorum quoque fama no-

bis curæ esse debet (§. 142.) nemini infamiam adspargere. Hinc vero porro liquet, facta, quæ nimirum vitia produnt, nonnisi infamare.

§. 149.

De libello famoso.

Libellus famosus dicitur scriptura, qua alteri facta infamantia imputantur. Cum ejus author, sive lateat, sive nomen suum profiteatur, infamiam alteri adspargat; libellum famosum conscribere naturaliter illicitum (§. 148.)

§. 142.

De tuenda fama aliena.

Quoniam aliorum fama nobis curæ esse debet (§. 142.) ea adversus calumniatores & obtrectatores defendenda, quantum in potestate est. Differunt autem obtrectatores a calumniatoribus. Sicuti enim calumniatores falsa in vulgus spargunt, infamandi animo; ita Obtrectatores laudi alienæ adversa,

§. 151.

De jure defendendi alios & ipsos juvandi in puniendo.

Competit homini jus non patiendi, ut quis ipsum lædat (§. 89.) ac ideo adversus læsionem intentatam se defendendi (§. 90.) & eum, qui actu læsit, puniendi (§. 93.) Quoniam igitur aliis debemus, quod nobismetipsis (§. 133.) jura autem nobis natura data sunt ad satisfaciendum obligationi (§. 46.) ideo nobis quoque competit jus non patiendi, ut alius lædatur ab alio, eumque adversus læsionem intentatam defendendi, & lædentem puniendi, si auxilio nostro indiget.

§. 152.

De auxilio belli.

In defensione sui, pœnæ exactione & violenta juris prosecutione ad consequendum id, quod nobis perfecte debetur ab altero, quæ defensione assimilatur (§. 90. 88.) bellum consistit (§. 98.)

Al-

Alterum igitur, cui ius belli est, in bello iuvare, si auxilio nostro indiget, naturaliter licitum.

§. 153.

Quoniam nobis competit ius eum, qui actu *De rea-*
læsit, puniendi (§. 93.) is ad pœnam patiendam *tu es de-*
obligatur. Atque in hac obligatione *Reatus con-*
sistit, sicuti subtilius ab eo distingui potest *merito.*
Me-
ritum pœnæ, sive *Demeritum*, ut accipiatur pro
ea qualitate facti, ex qua læso nascitur ius pu-
niendi lædentem, cui respondet in hoc obliga-
tio pœnam patiendi, sed quæ istud pœna di-
gnum efficit, quamvis communiter ab eo non
distinguitur.

§. 154.

Offensa dicitur actio, sive positiva, sive pri- *De of-*
vativa, ex qua alter molestiam animi iure per- *ensa.*
cipit: quæ cum felicitati repugnet (§. 118.) quam
promovere etiam quoad alios tenemur (§. 136.)
neminem offendere debemus. Quoniam vero nemo
ab obligatione naturali liberari potest (§. 100.) &
ut quisque iure suo utatur permittendum (§. 66.)
Offensa nulla est, sed perperam pro tali habetur,
si quis facit, quæ facere obligatur, aut iure facere
potest. Sicuti autem *offensa* ejus est, qui offen-
dit; ita *Offensio* ejus, qui offenditur.

§. 155.

Quoniam neminem odisse debemus (§. 136.) *De vi-*
consequenter cum *Odium* consistat in dispositio- *diâ.*
ne animi ex alterius infelicitate, seu molestia
animi atque tristitia (§. 118.) voluptatem per-
cipiendi, nemini molestiam animi creare, nec
obligatio hæc tollitur facto alterius eidem con-
trario (§. 135.) *molestiam animi alterius appetere*
non debemus, qui nos offendit, nec per conse-

quens male alteri facere, quia nobis male fecit, seu malum malo referre. Dicuntur Vindicta omnes actus, quibus malum malo refertur; & cupiditas vindictæ, qua molestiam animi alterius, qui nos offendit, appetimus. Quamobrem patet, vindictam esse illicitam, & nos habere debere animum ab omni vindictæ cupidine alienum, consequenter eundem quoque abesse debere ab exercitio juris puniendi & se defendendi, nobis competentis (§. 90. 93.) Atque propterea in puniendo & defensione non intenditur malum alterius; sed in casu priori securitas in posterum, in posteriori propulsatio læsionis imminantis (§. 90. 91. & seqq.)

§. 156.

De talione. Talio vocatur par vindictæ, qua scilicet quis tantum mali patitur, quantum fecit. Quamobrem cum vindicta omnis illicita sit (§. 155.) talio quoque illicita est, consequenter Jus talionis naturale nullum (§. 49.) ac propterea in exercitio juris puniendi talio non attendenda, neque ideo juris naturalis est, ut, qui alterum occidit, morte puniatur.

§. 147.

De offensa & pœna condonatione. Ignoscere, seu offensam condonare dicitur, qui cupiditatem vindictæ deponit. Quoniam itaque animus ab omni vindictæ cupidine alienus esse debet (§. 155.) ad ignoscendum faciles esse debemus. Ast quia pœna exigi debet absque vindictæ cupiditate (§. cit.) condonatio offensæ non continet condonationem pœnæ, seu omissionem exercitii juris puniendi. Ea ipsi vero de causa pœnæ duriori locus non est, si leniori finis ejus obtineri potest, immo non exigenda, si sine ea idem finis obtinetur.

§. 158.

§. 158.

Similiter quia in defensione intenditur propul-
fatio læsionis imminens, non vero malum al-
terius (§. 155.) & ex circumstantiis obviis deter-
minandi sunt actus liciti ad læsionem averten-
dam (§. 90.) si læsio imminens lenioribus mediis
propulsari potest, non utendum durioribus.

De mo-
derami-
ne de-
fensio-
nis.

§. 159.

Et cum bellum geratur juris sui tuendi ac
consequendi causa (§. 98.) in bello tanta vi uti
licet, quanta ad consecutionem juris sui & supe-
randam resistantiam vi iusta factam requiritur. Et
hoc modo actus in bello liciti ab illicitis di-
stinguuntur.

De vi
licita in
bello.

C A P U T VI.

De officiis hominis erga Deum.

§. 160.

CONSTAT actiones naturales non solum ho-
minis, verum etiam rerum ceterarum in
universo ita determinari, ut, qualia Deo con-
veniant attributa, inde colligi possit. Quam-
obrem cum actiones liberæ per eandem ratio-
nem finalem determinandæ sint (§. 43.) actiones
autem hæ dependeant a voluntate hominis, per
motiva determinandæ (§. 1. & cit.) homo actiones
liberas omnes determinare debet per motiva ab attri-
butis divinis desumpta. Atque hinc intelligitur,
quomodo perfectio hominis tandem consistat in
aptitudine representandi Deum (§. 112.) & per
consequens naturalis obligatio dirigendi actiones li-
beras ad perfectionem nostram continet obligationem
determinandi easdem per motiva ab attributis divi-
nis desumpta (§. 43.)

De a-
ctionibus
liberis
per mo-
tiva ab
attribu-
tis divi-
nis de-
sumpta
deter-
minan-
dis.

§. 161.

§. 161.

De illu-
stratione
gloriae
divinae.

Qui actiones liberas per motiva ab attributis divinis desumpta determinat, eas ad gloriam divinam dirigit (§. 127. 125.) Quamobrem cum directio actionum ad gloriam Dei Illustratio gloriae divinae dicatur; homo gloriam Dei illustrare obligatur (§. 160.)

§. 162.

De directione
actionum ad
perfectionem
mundi.

Cumque eodem modo intelligatur, perfectionem hujus universi consistere in aptitudine representandi Deum; qui actiones suas dirigit ad gloriam Dei, easdem dirigit ad perfectionem totius universi (§. 160. 161.) Homo igitur natura obligatur actiones suas dirigere ad perfectionem totius universi. Atque hinc patet, actiones legi naturae adversas sive peccata deformare mundum, opus Dei.

§. 163.

De agnitione
Dei.

Quoniam homo actiones suas per motiva ab attributis divinis desumpta determinare debet (§. 160.) Deum agnoscere obligatur, consequenter cum ex contemplatione universi & eorum, quae in eo sunt ac fiunt, attributa divina nobis innotescant, universum hoc & ea, quae in eo sunt atque fiunt, contemplari, tum etiam seipsum & actiones naturales suas; ac inde mens in Deum ascendere debet. Et propterea homini jus est ad omnes actus, quibus verum naturalium cognitio promovetur, & ad usum omnium rerum eidem inservientium. Cumque aliis ad eadem obligemur, quae nobis debemus (§. 133.) alios quoque ad agnitionem Dei perducere debemus, quantum in potestate est.

§. 164.

§. 164.

Vult Deus, ut actiones nostras ad legem naturæ componamus (§. 41.) Quamobrem eas juxta eandem dirigere debemus, quia Deus vult, ut hoc fiat (§. 160.) *Voluntas igitur hominis generaliter determinanda ad agendum, quod Deus vult, & voluntas ad non agendum, quod Deus non vult, ac ideo constans & perpetua esse debet, hoc est, prorsus immota in casu dato, & eadem in omni.*

De generali voluntatis & voluntatis determinatione

§. 165.

Obscuratio gloriæ divini est declaratio verbis factisque facta, quod quis Deum habeat pro ente imperfectionibus instructo, quæ summæ ejus perfectioni repugnant. Quamobrem cum gloriam Dei illustrare, adeoque tam verbis, quam factis declarare debeamus, nos ipsum habere pro tali ente, quale est, summe scilicet perfecto (§. 161.) *obscuratio gloriæ divini lege naturæ prohibita (§. 51.)*

De obscuratione gloriæ divini

§. 166.

Blasphemia dicitur dictum vel factum quodcunque in contemptum vel contumeliam Dei vergens. Quamobrem cum eadem gloria Dei maxime obcuretur (§. 165.) *blasphemie lege naturali omnium maxime prohibita (§. cit.)* Quoniam homini jus nullum competit in actiones alterius, quamdiu nil facit, quod est contra jus perfectum ipsius (§. 76. 78.) consequenter jus puniendi nonnisi in eum, qui ipsum læsit (§. 93.) *homini natura competit jus puniendi obscurationem gloriæ divini atque blasphemias: quatenus tamen curæ habere debet, ut alios ad agnitionem Dei perducatur, quantum in potestate est*

De Blasphemia

est (§. 163.) eidem competit jus ad eos actus, quibus gloriam Dei obscurantem, vel ipsum blasphemantem peccati sui convincere potest.

§. 167.

De pietate, im-
pietate
& hypo-
crisis.

Pietas dicitur virtus, actiones suas per motiva ab attributis divinis desumpta determinandi, seu gloriam divinam illustrandi. Quamobrem pii esse debemus (§. 160. 161.) Ex adverso Impietas est vitium, quo quis actiones suas ad voluntatem Dei componere non vult. Ea igitur lege naturali prohibita (§. 164. 51.) Hypocrisis est pietatis simulatio, quando scilicet actus saltem externi, præsertim verba, vox, vultus ac gestus pietatis speciem præ se ferunt, a qua tamen actus interni procul absunt. Quamobrem cum lex naturæ requirat consensum actionum internarum & externarum (§. 52.) hypocrisis lege naturæ prohibita (§. 51.)

§. 168.

De obedientia
Deo
præstanda.

Obedientia est promptitudo faciendi, quod vult alius, & non faciendi, quod non vult. Quamobrem cum voluntas nostra generaliter determinanda sit ad agendum, quod Deus vult, & noluntas ad non agendum, quod non vult (§. 164.) Deo obedire obligamur, consequenter inobedientia, obedientiæ opposita, lege naturali prohibita (§. 51.)

§. 169.

De amore
Dei.

Deus summe perfectus est. Quamobrem cum voluptate perfundatur animus, quando nobis conficii sumus perfectionis alicujus, quod a posteriori constat; summa Dei perfectio agnita summa quoque voluptate perfundit animum. Dispositio animi ex summa Dei perfectione volu-

voluptatem maximam percipiendi *Amor Dei* dicitur; & *Amor complacentiæ* audit, qui in sola voluptatis perceptione ex alterius perfectione terminatur. Quoniam itaque Deum agnoscere obligamur (§. 163.) ad perfectionem vero ejus summam nihil conferre valeamus, summa enim alias nondum esset; *Deum super omnia amare debemus, amorque Dei amor complacentiæ est.*

§. 170.

Deus summe bonus est, & quicquid boni vel natura habemus, vel aliunde obtinuimus, Deo acceptum ferendum. Quoniam itaque Deus est bonus in nos, ex collatione autem bonorum in nos facta, seu beneficiorum agnitione oritur amor benefactoris; *Deus amandus quoque est, quia bonus in nos.* Cum bonitas divina, quæ in collatione bonorum consistit, ad summam Dei perfectionem pertineat; *Deum amare, quia bonus in nos, est ejus bonitate seu beneficentia delectari, consequenter amor ex contemplatione bonitatis divinæ ortus sub amore complacentiæ continetur* (§. 169.)

*De Deo
amando
quia bonus
in
nos.*

§. 171.

Qui alterum amat, nil facit, quod ipsi displicet, sed facere studet, quod placet, consequenter non facit, quod ejus voluntati adversum. Ex amore igitur nascitur sollicitudo animi nil faciendi, quod voluntati alterius adversum, quæ *Timor filialis* dicitur, in oppositione ad *Timorem servilem*, si quis metu pænæ adactus facit, quod vult alter, vel non facit, quod a se fieri non vult. Quamobrem cum *Deum super omnia amare debeamus* (§. 169.) eundem quoque *super omnia timere debemus, timore scilicet filiali.*

*De timore
Dei.*

§. 172.

§. 172.

De re-
verentia
erga
Deum
& laude
divina.

Homo bonitatem Dei summam agnoscere, & quantum potest, alios quoque ad ejus agnitionem perducere debet (§. 163.) atque per eam, tamquam motivum, actiones suas liberas determinare (§. 160.) Quamobrem cum actiones externæ cum internis consentire debeant (§. 51.) nec alios ad agnitionem perfectionis summæ Dei perducere valeamus, nisi actibus externis; *homo verbis ac factis significare debet, se perfectionem Dei summam agnoscere, ac ideo eundem maximi facere*; quæ declaratio cum Reverentia dicatur; ad reverentiam erga Deum obligamur, cumque in his ipsis actibus laus & honor consistat (§. 125.) eidem debitum honorem atque laudem tribuere.

§. 173.

De fidu-
cia in
Deo &
acquies-
centia
in pro-
viden-
tia di-
vina.

Ex theologia naturali constat, Deum providentia sua tantumdem in nos boni conferre, & tantumdem mali avertere, quantum salva ipsius sapientia fieri potest, & si qua nobis obveniant mala, ea in bonum finem dirigere. Qui veritatis hujus convictus est, se totum resque suas providentiæ divinæ committit ac dubios omnes eventus, nec propter futura angitur, sed curam omnem abjicit, quomodo in posterum res casuræ. Quoniam itaque homo Deum agnoscere obligatur (§. 163.) & virtus, qua se resque suas omnes providentiæ divinæ committit, *Fiducia in Deo*, qua vero appetitum & aversionem moderatur ex sensu certitudinis de rectitudine actionum divinarum in gubernatione hujus universi tam positivarum, quam privatarum, *Acquiescentia in providentia divina* dicitur; *homo fiduciam in Deo collocare, seu eidem con-*

confidere, ac in providentia divina acquiescere, consequenter non diffidere, & sorte sua contentus esse, quæque ipsi eveniunt mala tranquillo animo ferre debet (§. 51.)

§. 174.

Laus Deo tributa *Celebratio nominis divini dicitur. Quamobrem nomen divinum celebrare (§. 172.) consequenter attributa divina & opera ejus, & beneficia nobis atque aliis præstita in bonorum collatione, & malorum declinatione, vel eorundem in bonum finem directioni nobis exhibita commemorare (§. 12.) & quanti ea faciamus, significare debemus (§. 172.) Cumque in specie celebratio nominis divini ob beneficia nobis aliisque præstita, cum significatione voluntatis præstandi officia debita, Gratiarum actio dicatur, Deumque etiam ob beneficia exhibita amare (§. 170.) ac ideo voluntas nostra determinata esse debeat ad officia debita præstanda (§. 171. 57. 41.) Deo gratias agere debemus.*

De celebratione nominis divini.

§. 175.

Constat, Deum esse datorem omnis boni, & providentiæ ipsius tribuendum, quod bona præsentia conserventur, futura veniant & mala depellantur, aut, nisi hoc fiat, in bonum finem dirigantur, quemadmodum jam ante monuimus (§. 170. 173.) Quamobrem cum hæc agnoscere (§. 163.) & per motiva inde desumpta actiones nostras determinare debeamus (§. 160.) a Deo quoque petere debemus, ut bona, quæ dedit, conservet atque in posterum etiam conferat, mala vero depellat, aut, si obveniant, in bonum finem dirigat. Hæc voluntatis nostræ significatio cum *Invocatio Numinis, a nonnullis cum addito mentalis dicatur; Deum invocare debemus. Et quia actiones externæ cum internis consentire, nec hæc ab il-*

De Oratone.

ab illis abesse debent (§. 52.) sermo autem quo Deum invocantes eidemque gratias agentes verbis ore prolatis significamus quæ cogitamus, *Oratio* dicitur; *oratio lege naturali præcepta*. Patet autem, quattuor esse orationis species, quarum una de bonis conservandis & obtinendis, secunda de malis avertendis, vel in bonum finem dirigendis, tertia de gratiis agendis agit, & quarta denique pro aliis hominibus interceditur. Has cum distinguat Apostolus 1. Tim. II. 2. eas ex versione *Castationis*, castæ Latinitatis authoris *Supplicationes*, *Preces*, *Gratiarum actiones* & *Interpellationes* appellare possumus.

§. 176.

De hymnis. Cum *Hymnus* sit carmen in laudem Dei compositum, oratio autem omnis laudem Dei contineat (§. 175. 125.) consequenter orationis & hymnorum eadem sit materia, constet vero, carmina non modo per se aptiora esse ad attentionem excitandam & consequendam, affectus ciendos ac ea, de quibus agunt, memoriæ facilius & tenacius infigenda, verum etiam, cantu accedente, multo adhuc facilius atque certius tam in nobis, quam aliis eadem obtineri; ad hymnos componendos & canendos natura obligamur.

§. 177.

Quomodo officia erga Deum præstanda. Omnis actio recta requirit omnium facultatum consentientem usum (§. 16.) Quamobrem cum ad recte agendum obligemur (§. 52.) officia quoque erga Deum præstanda sunt cum consentiente usu omnium facultatum, consequenter actus externi & interni coniungendi.

§. 178.

§. 178.

Cum *Cultus divinus* fit complexus actionum Dei causa editarum, consequenter in praestatione officiorum erga Deum consistat (§. 57.) ad hanc vero nos obligari, ex haecenus demonstratis appareat; *Deum colere obligamur*. Dicitur autem *Cultus internus*, qui actionibus internis, *externus* autem, qui externis absolvitur. Quamobrem cum in praestatione officiorum erga Deum actus interni atque externi a se invicem separandi non sint (§. 177.) *cultus quoque internus cum externo conjungendus*.

§. 179.

Quoniam curae habendum, ut homines quoque alii ad agnitionem Dei (§. 163.) & virtutem (§. 139.) ideoque etiam pietatem perducantur (§. 167.) atque exemplo nostro aliis prodesse debemus (§. 139.) *homines cultus divini causa convenire debent*, consequenter *iisdem jus est determinandi ea, quae ad conventus istos recte instituendos requiruntur* (§. 46. 52.) Pertinet huc determinatio temporis, loci & modi eos celebrandi. Quae vero in iis agenda sint, ex fine eorumdem patet. *Docenda nimirum sunt ea, quae de Deo, virtutis, praesertim pietatis, cultura & fuga vitiorum scitu necessaria, orandum & cantandum*.

§. 180.

Ceremoniae sunt signa eorum, quorum in executione propositi alicujus meminisse debemus: quae, si simul influant in determinationem actionis committendae, ceteris praeferendae (§. 48.). Cum hominibus jus sit determinandi ea, quae ad conventus cultus divini causa recte instituendos
(Wolffii Instit. J. N. & G.) E requi-

requiruntur (§. 179.) iisdem quoque *jus est* ceremonias cultui divino convenientes instituendi.

§. 181.

De idololatria.

Idololatria dicitur cultus divinus omnis exhibitus iis, qui Deus non sunt. Idololatriam igitur committit, qui officia Deo debita præstat iis, qui Deus non sunt, veluti diis fictis, aut enti, quod Deum esse non opinatur (§. 178.) Quamobrem cum Deum colere debeamus (§. cit.) omnes autem nostræ actiones rectæ esse debeant (§. 52.) atque ad rectitudinem actionis requiratur judicium verum de ejus rectitudine (§. 53.) idololatria lege naturali prohibita.

§. 182.

De superstitione & cultu idololatrico & supersticioso.

Superstitio sunt actiones, per erroneas de Deo & providentia divina quoad ea, quæ homini bonæ, vel malæ sunt, opiniones determinatæ. Cum actiones nostras per motiva ab attributis divinis desumpta determinare obligemur (§. 160.) ex rectitudine actionum patet, ut ante (§. 181.) superstitionem lege naturali prohibitam esse. Ex notione autem idololatriæ & superstitionis intelligitur, quinam cultus divinus sit idololatricus & supersticiosus: Cumque tam idololatria, quam superstitio sit prohibita; cultus tam idololatricus, quam supersticiosus lege naturali prohibitus.

PARS SECUNDA.

*De dominio & juribus atque obligationibus
inde nascentibus.*

C A P U T I.

De communione primæva & origine domini.

§. 183.

*U*sus rerum necessarius dicitur, qui ad hoc requiritur, ut obligationi nostræ naturali satisfaciamus. Quamobrem cum lex naturæ det nobis jus ad ea, sine quibus obligationi nostræ naturali satisfacere non possumus (§. 46.) natura hominibus in universum omnibus competit jus ad usum rerum quarumcumque necessarium, scilicet tam necessarium, quam utilium & voluptuariarum (§. 114. & seqq. & 119. 121.) adeoque is licitus est (§. 49.)

*De jure
ad usum
rerum
necessarium.*

§. 184.

Quodsi ergo res quædam usu consumuntur, eas destruere licet, veluti occidere animalia, quorum carne vescimur, & quorum pelle utimur ad vestitum.

*De jure
res destruendi.*

§. 185.

Quoniam homini natura competit jus ad usum rerum necessarium (§. 183.) si quæ res non omni tempore haberi, aut saltem eo, quo iisdem indiges, non æque commode haberi possunt, eas in futurum usum colligere & aservare licet. Cumque nemo usum impedire debeat (§. 50. 183.) res usus necessarii causa apprehensas, aut in futurum aservatas nemo alteri eripere debet, & in eo stare tenetur judicio apprehendentis, aut observantis (§. 78.)

*De re-
bus in
futurum
usum as-
servan-
dis.*

E 2

§. 186.

§. 186.

De com-
muni-
one
prima-
va.

Cum hominum natura æqualium eadem sint jura (§. 70.) jus quoque ad usum rerum naturalium necessarium omnibus hominibus idem competit (§. 183.) Quamobrem cum Jus commune sit, quod idem pluribus simul competit (§. 101.) & ideo Res communis, ad quam pluribus idem jus competit; natura hominibus competit jus commune ad usum rerum naturalium necessarium, & res omnes natura communes sunt. Vocatur autem Jus istud commune ad usum rerum quarumcunque naturalium necessarium Communio primæva, sicut simpliciter Communio, vel Communio rerum jus idem in easdem res pluribus competens. Atque ex dictis patet, juris naturæ esse communionem primævam, non vero eandem temere fingi.

§. 187.

De jure
in rem,
quæ usu
non con-
sumitur.

Quia in communione primæva idem omni homini jus competit ad usum rei naturalis necessarium (§. 186.) si qua res usu non consumitur, finito usu, alius quicumque eadem uti potest, nec, qui ante usus fuerat, id prohibere potest (§. 50.) Et ex eadem ratione, si plures ejusdem rei usum simul participare possunt, participatio promiscue volentibus permittenda.

§. 188.

De rebus
indus-
triali-
bus &
artifi-
cialibus
in com-
muni-
one
prima-
va.

Homines operam dare debent, ne desit sufficiens rerum necessariarum, utilium & voluptuariarum tam industrialium, quam artificialium copia (§. 121. 123.) ac ideo unusquisque eum laborem feligere debet, cui se parem sentit (§. 124.) & naturaliter conjunctis viribus se statumque suum perficere obligantur (§. 44.) In multipli-

can-

candis igitur rebus industrialibus & artificialibus ,
 stante communione primæva, intendi nequit nisi com-
 munitis omnium usus , & per consequens res non
 minus industriales & artificiales , quam naturales
 communes esse debent (§. 186.) Si quis tamen
 res quasdam industriales vel artificiales in usum
 suum paravit, isdem uti nequit alius , nisi quate-
 nus usum rei, quæ usu non consumitur , vacantem
 habere, vel ejusdem rei usum simul participare po-
 test alius (§. 187.)

§. 189.

Quoniam in communione primæva unicuique *Jus com-*
 competit jus ad usum rerum necessarium (§. *mune ad*
 183.) homini quoque cuius competit jus ad om- *actus.*
 nes actus , sine quibus usus necessarius obtineri ne-
 quit, veluti jus capiendi feras , pisces , volucres ,
 decerpenti poma , cadendi ligna & ita porro.

§. 190.

Quia omni homini natura idem jus est ad *Jus com.*
 usum necessarium rerum naturalium (§. 186.) *morandi*
 in communione primæva homini cuilibet commorari *habitan-*
 ac habitare ubiis terrarum licet , ubi libuerit & *di &*
 quamdiu libuerit, atque transire per loca quæcunque, *trans-*
 prout ipsi opus visumque fuerit, ac inde petere res,
 quibus indiget. Immo cum etiam res artificiales
 sint communes (§. 188.) si alicubi fuerint ædes
 inhabitate, aut quæ plures habitatores recipiunt, in iis
 habitandi cuilibet jus est, quamdiu visum fuerit.

§. 191.

Juri communi opponitur *Jus proprium*, quod *De jure*
 uni cuidam, vel pluribus conjunctim, exclusis *proprio*
 ceteris omnibus, competit (§. 191.) Cum *& com-*
 res omnes sint communes (§. 186.) nemini *munitis*
 jus proprium in rem quamdam competit, *Res, negati-*
va.

in quas alicui jus proprium competit ; dicuntur *singulares, vel singulorum* ; in quas nemini competit, *res nullius*. Atque ideo patet, *natura non dari res singulorum*. Nimirum in natura hominis nulla datur ratio, cur hæc res ipsius potius, quam alterius esse debeat. Dicitur autem *communio negativa*, in qua res communes sunt nullius; atque talis est *primæva* (§. 186.)

§. 192.

De usu
proprio
rei.

Cum res usus necessarii causa apprehensas, aut in usum futurum asservatas nemini eripere liceat (§. 185.) qui vero res apprehendit, seu potentia utendi subicit, jure suo utitur (§. 183.) *usus rei*, qui antea promiscue patebat omnibus, efficitur ei proprius, qui animo utendi eandem potentia utendi subicit, seu in eum statum redigit, quo eadem uti potest. Idem intelligitur de re, quæ usu non consumitur, quamdiu durat usus (§. 187.) Atque hoc modo hominibus innuata est notio juris proprii in re.

§. 193.

De Tur-
batore
commu-
nionis
primæ-
væ.

Turbator communionis primævæ dicitur, qui vi impedire conatur sive per se, sive per alios, quo minus quis rebus uti possit, prouti ipsi opus fuerit. Quoniam turbator impedit usum juris alteri competentis (§. 183.) eidem resistendi jus (§. 30.) consequenter se ac usum rei adversus turbatorem communionis primævæ defendendi competit unicuique (§. 90.) Cumque jus commune ad usum rei sit jus perfectum (§. 183. 81.) ejus adeo violatio injuria (§. 87.) in communionem primævæ justa belli causa est, si quis alterum ab usu rei vi depellere, aut apprehensam eidem eripere conatur (§. 98.)

§. 194.

§. 194.

Multiplicato genere humano & sublata simplicitate vitæ, in qua tantummodo vitæ necessitati prospicitur, nulla vero propemodum est de commoditate cogitatio, rebus industrialibus & artificialibus opus est (§. 121.) quæ cum labori hominum debeantur (§. 124.) omnium tamen communes in communione primæva esse debeant (§. 188.) haud difficulter intelligitur, communionem primævam subsistere non posse, nisi homines officia erga seipsos atque alios ad amissim adimpleant, per ea, quæ de iis demonstrata sunt. Quoniam igitur nemo diffiteri ausit, hoc de hominibus universis sperandum non esse, ubi vero a communione primæva receditur, res, quæ sunt nullius, fieri debent singulorum (§. 191.) & jus naturæ perfectivum nos obligat ad id, quod melius est, alteri præferendum (§. 48.) non invito jure naturæ communio primæva sublata & res singulorum factæ, seu juri proprio subjectæ.

De communione primæva sublata.

§. 195.

Quoniam jus proprium habens eodem excludit ceteros omnes (§. 191.) vi autem libertatis naturalis unicuique permittendum, ut in determinandis actionibus suis suum sequatur judicium, quamdiu nil facit, ad quod non faciendum tibi perfecte obligatus (§. 78.) si res juri proprio subjiuntur, unicuique, cujus juri subjectæ sunt, competit jus pro arbitrio suo de iisdem disponendi. Atque hoc jus proprium de re pro arbitrio suo disponendi prouti scilicet sibi visum fuerit, Dominium appellatur; is vero, qui dominium in re habet, Dominus. Unde patet dominum omni jure, quod vi dominii in re ipsi competit, ceteros omnes

De dominio & ejus effectu.

excludere nec absque ejus voluntate dominium in alium abire posse (§. 100.) adeoque ipsi competere jus interdicendi cuiusvis omni actu vi domini licito, nec patiendi, ut quis alius se invito aliquem sibi arroget. Unde porro sequitur, omnes actus dominio alterius contrarios esse illicitos (§. 49.) Quemadmodum vero suum in genere dicitur, in quo quis jus proprium habet; ita inde patet, Res suas esse, in quibus quis dominium habet.

§. 196.

Communitio positiva.

Quodsi pluribus conjunctim in re indivisa pro rata dominium competit, *Communio positiva* vocatur. Quamobrem cum dominus sit persona moralis (§. 195. 96.) in *communione positiva* plures conjunctim spectantur tamquam una persona, & de ipsis conjunctim valent, quæ de domino prædicantur.

§. 197.

De communione mixta.

Datur vero etiam *Communio mixta*, ex negativa scilicet & positiva, in qua res sunt in dominio *Universitatis*, hoc est, multitudinis hominum certo fine consociatorum, omnibus tamen nonnisi usus earumdem indifferenter competit, prouti scilicet unicuique opus fuerit, qualis est monachorum. Qui igitur sunt in *communione mixta* dominio *universitatis* excludunt omnes, qui sunt extra *universitatem*, respectu autem singulorum res sunt nullius, quoad usum tamen omnium communes. Consociari autem hic dicuntur, qui in eundem finem conjunctim persequendum consentiunt.

§. 198.

De jure in dominio

Cum domino de re pro lubitu disponere liceat (§. 195.) disponi autem possit de re ipsa, seu

feu substantia ejus, de usu ejusdem & denique de fructu, quod per se patet; dominium involvit jus triplex, nimirum jus disponendi de substantia rei, jus disponendi de usu rei & jus disponendi de fructu rei: quorum illud *Proprietas*, istud *Jus utendi*, hoc denique *Jus fruendi* dicitur. Jus utendi & fruendi conjunctim vocatur *Jus utendi fruendi*. Quodsi dominium nullo jure in eodem contento sit deminutum, *dominium plenum*; si aliquo jure deminutum, *minus plenum* appellatur. Qui proprietatem habet, *Proprietarius* audit; cumque res ipsius maneat propria, etiamsi usum, vel fructum habeat alius; *Dominus* quoque adhuc appellatur. *Fructus* autem dicitur res, quæ ex re altera provenit, veluti poma sunt fructus arboris, vituli vacarum.

contentis & quid sit fructus rei.

§. 199.

Res aliena dicitur, quæ non in nostro, sed alterius dominio est. *Nemo* igitur de rei alienæ substantia, usu ac fructu disponere pro lubitu potest (§. 195. 198.) Quoniam vero perinde est, siue quid per nos, siue per alium faciamus; consensu domini de re aliena disponere licet (§. 195.) Et quia dominus pro suo arbitrio de re sua disponere potest (§. cit.) actus quoque ad domini exercitium spectantes aliis permittere potest.

De re aliena.

§. 200.

Detentio rei tamquam suæ, siue quis eam suam esse putet, siue saltem suam esse & ab aliis pro tali haberi velit, *Possessio* dicitur; & qui rem eo animo (qui vulgo animus rem sibi habendi vocatur) detinet, *Possessor*. Quamobrem cum *Res* in potestate nostra esse dicatur, si nobis est potentia physica de ea disponendi pro arbitrio nostro; possessione res in potestate nostra constituitur, ac per

De possessione.

per consequens sine possessione dominium exerceri nequit (§. 195.) Unde porro liquet, domino competere jus rem possidendi. Patet etiam ex ipsa definitione, eum non possidere, qui rem detinet tamquam alienam, vel etiam tamquam rem nullius.

§. 201.

De pos-
sessore
bona &
mala fi-
dei.

Quodsi possessor putet rem esse suam, possessor bonæ fidei audit; consequenter, si rem alienam possidet, eam alienam esse ignorat; si norit rem esse alienam, consequenter se non esse dominum (§. 199.) pro quo tamen haberi vult; Possessor malæ fidei vocatur. Atque ideo patet, possessorem bonæ fidei fieri possessorem malæ fidei, quam primum scit rem a se possessam esse alienam. Et quia jus possidendi soli domino competit (§. 200.) possessor tam bonæ, quam malæ fidei nullo jure possidet, cumque de re possessa pro luto disponere nequeat (§. 199.) omnes actus ad exercitium domini spectantes illiciti sunt (§. 195.) iisdemque injuria committitur (§. 87.) possessori tamen bonæ fidei non imputanda ob ignorantiam invincibilem (§. 34.)

§. 202.

De usu
& abusu
dominii.

Rectus juris usus is est, quem officia exigunt, iis contrarius abusus (§. 66.) Quamobrem quoque dominus re sua aliter uti non debet, quam officia exigunt, abusus autem naturaliter illicitus, a te tamen permittendus, consequenter non impediendus, quamdiu nil fit contra jus tuum (§. 78.)

§. 203.

De rei
dereli-
ctione.

Res derelinqui dicitur, si dominus nude nolit, eam amplius esse suam, scilicet ut actus voluntatis nil amplius contineat, quam quod res sua non esse debeat. Unde patet, rem derelinquentem desinere esse dominum (§. 195. 198.) & per con-

consequens rem derelictam fieri nullius (§. 191.)
quandiu vero dominus non habet animum rem
suam derelinquendi, eum dominum manere.

§. 204.

Rem vero suam jactare dicitur, qui nullo
urgente officio, nec necessitate ulla, sine ulla
utilitate eam non vult esse suam. Quoniam
constat homines, nisi rationis usu destituan-
tur, rerum suarum esse amantes, nec absque
ulla urgente ratione, quod suum est, alte-
rius esse velle; in casu dubio nemo suum ja-
ctare praesumitur.

§. 205.

Quoniam amissa possessione, res potestati
domini saltem subducitur, ut dominium exer-
cere nequeat (§. 200.) non vero ideo dominus
non vult rem suam amplius non esse; posses-
sione amissa, non amittitur dominium, sed solo animo
retinetur (§. 203.) consequenter etiam jus possi-
dendi (§. 200.)

§. 206.

Cum non minus de rebus incorporalibus,
veluti juribus nobis competentibus, pro arbi-
trio disponere possimus, e. gr. de jure ve-
nandi & aucupandi; res etiam incorporales in
dominio esse possunt, eidemque ideo subjici (§.
195.) Ea de causa perinde ac res corpora-
les dicuntur nostrae, ac de iis eadem valent,
quae vi domini de rebus corporalibus obtinent.

§. 207.

Res, quae sunt in dominio, universim specta-
tae, nullo attento earum discrimine, dicuntur
Bona. Unde ad bona nostra referenda sunt res in-
corporales, sive jura nostra (§. 206.) & ea etiam, quae
tibi ab aliis debentur, non vero res alienae, quae
sunt

sunt in numero rerum tuarum, nec, si ære alieno labores, bona intelliguntur, nisi ære alieno subducto. Ipsa autem bonorum universitas Patrimonium appellatur, idque amplum, vel tenue, prouti multa, vel pauca bona continet.

§. 208.

De patrimonio
cura.

Patrimonium utique ad statum hominis externum spectat (§. 8. 207.) Quamobrem cum statum quoque nostrum externum perficere debeamus, quantum in potestate est (§. 43.) ad patrimonium conservandum, & quantum in potestate est, amplificandum obligamur. Quoniam itaque patrimonium suum dilapidare dicitur, qui abusu idem minuit; nemo patrimonium suum, consequenter bona sua dilapidare debet (§. 207.) Immo inde etiam colligitur, qui amplum patrimonium habet, ei non esse prorsus otiaudum. Teneat etiam ipsum naturalis obligatio quæ necessitatem laborandi omnibus imponit, nulli otiaudi libertatem concedit (§. 124.) id quod etiam ex illius immutabilitate liquet (§. 38. 42.) Cum conservationi patrimonii repugnet cum derelictio (§. 203.) tum jactatio rei suæ (§. 204.) tam jactatio, quam temeraria derelictio rei suæ legi naturæ minime convenit.

CAPUT II.

De modo originario acquirendi rerum
dominium.

§. 209.

De jure
res nul-
lius do-
minio
subji-
ciendi.

Natura unicuique competit jus ad usum rerum necessarium (§. 183. 188.) & usus earum, qui antea erat communis, efficitur ei proprius, qui utendi animo easdem potentia uten-

utendi subjicit (§. 192.) Quando itaque communio primæva tollitur (§. 194.) jus apprehendendi res usus gratia transit in jus eadem dominio suo subjiciendi; ac ideo natura rem nullius dominio suo subjicere potest, qui eadem indiget, consequenter cum de indigentia standum sit subjicientis judicio (§. 78.) qui potest ac voluerit.

§. 210.

Factum, quo quis declarat, rem nullius suam esse debere, & eam in hunc statum redigit, ut sua esse possit, occupatio dicitur. Unde patet, natura jus occupandi competere promiscue unicuique, seu esse jus hominum omnium commune (§. 209.) cumque Modus acquirendi originarius dicatur, quo acquiritur dominium rerum nullius, occupationem esse modum acquirendi originarium.

De occupatione
et modo
acquirendi
originario.

§. 211.

Res corporales dicuntur mobiles, quæ de loco in locum moveri possunt, salva substantia; ac in specie se moventes, quæ ipsæ se de loco in locum movere possunt, veluti pecora: aut immobiles, quæ salva substantia de loco in locum moveri nequeunt, veluti omnes fundi, item ædificia.

Res mobiles, se moventes, immobiles.

§. 212.

Quodsi ergo quis, postquam dominia intro duci cœperunt, rem mobilem apprehendit, nec eam iterum abjicit, vel loco suo reponit, aut si in eum statum redigit, quo eam apprehendere potest, eam occupat (§. 210.) consequenter dominium ejus acquirit (§. cit.)

De occupatione rerum mobilium.

§. 213.

Similiter si quis fundum aliquem limitibus circumscribit, aut usui cuidam non transitorio actu desti-

De occupatione rei immobilis.

destinat, vel fundo limitato insistens verbis declarat presentibus aliis, se velle eum esse suum, eundem occupat (§. 210.)

§. 214.

De occupa-
tione
rerum
incorpo-
ralium.

Et cum dominus jure excludat ceteros omnes (§. 195.) res incorporales, quæ etiam dominio subjeci possunt (§. 206.) occupantur, si quis iisdem actu utitur, nec patitur, ut utatur alius. Quamobrem cum jus occupandi res nullius sit res incorporalis (§. 121.) introducti dominii jus quoque occupandi res nullius occupari potest, veluti jus venandi, aucupandi, piscandi in certo districtu.

§. 215.

Cuius
res ac-
quiratur
ab eo,
qui jus
occupan-
di non
habet.

Quoniam jus occupandi occupatum est in dominio occupantis (§. 210.) consequenter nemo eodem invito domino uti potest (§. 195.) si quis in eo loco, in quo jus occupandi occupatum est, rem nullius occupat, veluti si piscetur in ea fluvii parte, in qua jus piscandi alicui proprium est, eam non sibi acquirit, sed ei, cujus est jus occupandi, & hoc non obstante, injuriam eidem facit (§. 87.)

§. 216.

Quando
id fiat
absque
injuria.

Enimvero cum casus nemini imputari possit (§. 3.) si jure tuo usus casu occupes rem ejus speciei, cujus occupandi jus alteri proprium est, eandem quidem huic acquiris, actu tamen occupandi injuriam non facis.

§. 217.

De occupa-
tione
ferarum.

Quoniam rem occupasti, quam primum eam in hunc statum redigesti, ut eam apprehendere possis (§. 212.) si retibus a te positis, ubi occupandi jus habes, fera inretita, iis sese extricare

ne-

nequeat, vel instrumentis quocumque modo collocatis ita detineatur, ut effugere nequeat, aut si fera a te occupabilis sclopeto prosternatur, aut ita vulneretur, vel laesetur, ut manus tuas effugere nequeat, ea a te occupata est, consequenter tua. Idem intelligitur de feris in silva circumsepta inclusis.

§. 218.

Cum possessione amissa dominium solo animo retineatur (§. 205.) si res se movens ex custodia tua elabatur, aut aufugit, tua manet, consequenter etiam fera, quamdiu discernibilis. Quod si vero, postquam aufugit, discerni nullo modo amplius possit, adeoque constare nequeat, eam esse tuam, tua esse desinit & occupabilis, fit, tamquam res nullius (§. 210.)

De rebus
se mo-
ventibus
ex custo-
dia elap-
sis.

§. 219.

Quia res derelicta fit nullius (§. 203.) naturaliter occupantis est (§. 210.) si vero jus occupandi occupatum est, eam acquirere nequit, nisi is, cui jus occupandi proprium est (§. 215.)

De ac-
quisitio-
ne rei
dereli-
ctæ.

§. 220.

Res amitti dicitur, quæ eo, qui illam habet, non advertente in humum cadit, & eodem abeunte ibidem relinquitur. Rebus amissis accensentur, quæ de rheda currente non intelligentibus dominis, vel de curru auriga non intelligente cadunt. Cum ex casu non sequatur, dominum rem amissam amplius habere nolle; dominium rerum amissarum retinetur (§. 205.) consequenter ea non fit inventoris (§. 210.) Quod si inventor novit, quinam eam amiserit, vel in inquirendo fuerit negligens, eam mala fide possidet (§. 201.) Enimvero si explorari non possit rei amissæ

De re
amissa.

amissa dominus, cum evanescente spe eam recuperandi animus derelinquendi præsumatur (§. 203.) ea inventoris manet.

§. 221.

De rebus jactis. Similiter si navis levandæ causâ, veluti in tempestate, aut nave in brevibus acta, res in mare proficiuntur, cum ex hoc facto colligi nequeat animus derelinquendi dominorum (§. 203.) eorumdem manent, nec ad littora expulse, aut in mari captæ sunt capientis. Valet idem de rebus jactis, quod de amissis (§. 220.)

§. 222.

De rebus naufragis. Cum bona naufragorum, quippe quæ in mare cadunt & fluctibus abrepta conspectui eorum, qui in nave sunt, subducuntur, equiparentur rebus amissis (§. 220.) ejusdem juris sunt, cuius sunt res amisse.

§. 223.

De thesauro. *Thesaurus* sunt res mobiles, præsertim pretiosæ, vel pecunia, abditæ, quarum dominus ignoratur. Cum impossibile sit, ut exploretur, quinam res in loco abscondito deposuerit (*per phypoth.*) *thesaurus* habendus pro re nullius consequenter naturaliter est inventoris, aut, jure occupandi occupato, ei acquiritur, cuius est jus occupandi (§. 210. 215.)

§. 224.

De divisione fructuum. *Fructus* dicuntur naturales, quos natura sua sponte producit; *industriales* vero, quos nonnisi interveniente opera humana, seu cultura & cura, producit. Vocantur iidem *pendentes*, qui a re, ex qua proveniunt, nondum separati; *percepti* autem, qui ab eadem separati & plene colle-

collecti ; percipiendi , quo quis percipere poterat , modo voluisset , consequenter nisi negligens fuisset . Quodsi ad perceptionem requirantur plures actus , veluti cum fruges demetendæ , in manipulos obligandæ , in horreum avehendæ & ibidem grana ex spicis excutienda ; *Perceptio inchoata* dicitur , quæ ad unum , vel alterum tantummodo actum processit ; *consummata* vero , quæ nullum amplius actum requirit . *Fructus* percepti extantes appellantur , quos possessor rei , ex qua provenerunt , adhuc habet ; *consumti* , quos non amplius habet .

§. 225.

Quoniam actiones hominis liberæ , quatenus ipsi , De actionibus rebus suis æquiparandis. vel aliis utiles sunt , perinde ac res æstimabiles sunt , & dominiis introductis esse debent , prouti ex inferius demonstrandis clarius elucescet ; eadem equiparantur rebus , quæ sunt in dominio nostro , consequenter etiam operæ , itemque cultura & cura rerum , quæ sunt in dominio .

§. 226.

Hinc porro sequitur , quæ ex operis , cultura & cura nostra proveniunt , ea esse illarum fructus De illarum fructibus. (§. 198.) Unde fructus industriales sunt partim fructus rei , partim industriæ , seu operæ , culturæ atque curæ (§. 224.) Ad actus perceptionis vero pertinet etiam destinatio ad certum usum , veluti si glandes sponte in terram cadentes fribus illuc actis vascendas relinquant , vel graminibus depascenda .

§. 227.

Species appellatur individuum certæ speciei . De specificatione. Hinc specificatio vocatur actus , quo ex materia quadam efficitur res alterius speciei , & forma , que (*Wolffii Instit. J. N. & G.*) F

quæ materiæ inducitur, est fructus operæ specificantis (§. 226.) atque hinc patet, quatenus res artificiales sint in fructu eas facientis (§. 121.) omnes nimirum sunt specificatione. Cum grana in spicis, ex quibus excutuntur, jam extent; granorum ex spicis extussio specificatio non est.

§. 228.

De rebus
fructuo-
sis & in-
fructuo-
sis & cu-
jusnam
sint fru-
ctus.

Res fructuosa dicitur, quæ fructum præstat, infructuosa vero, quæ fructum non præstat. Dicitur etiam subinde sua natura sterilis. Quoniam res fructuosæ dominio subjiciuntur propter fructus inde percipiendos, quod per se patet, ac ideo dominium quoque continet jus fruendi (§. 198.) fructus ejus sunt, cujus est res fructuosa, seu domini rei fructuosæ, consequenter cum dominus jure suo excludat ceteros omnes (§. 195.) jus percipiendi fructus nemini competit nisi domino.

§. 229.

An pos-
sessor rei
alienæ
fructus
percipi-
at.

Hinc porro patet, possessori rei alienæ, sive is bona, sive mala fide possideat, non competere jus percipiendi fructus, consequenter naturales tam pendentes, quam perceptos esse domini (§. 224.) cum vero industriales sint partim fructus rei, partim industriæ (§. 226.) industriales esse communes pro rata domini rei & possessoris, cujus culturæ ac curæ debentur, veluti si quis fundum alienum possidet, domini, quantum valet usus fundi, & possessoris, quantum valet ejus cultura & cura.

§. 230.

De dif-
ferentia
inter
posse-
sorem
& con-
domi-
nium.

Cum perceptio fructuum ad exercitium domini spectet (§. 228.) possessor malæ fidei fructus percipiendo injuriam facit domino (§. 201.) consequenter ei competit jus ipsum puniendi, quod

quod perceperit (§. 93.) aut possessor bonæ fidei , cum ei factum imputari nequeat (§. 201.) ideo puniri non potest , quod fructus perceperit . Quod si vero fructus fuerint consumti ; uterque rem alienam consumsit (§. 229.)

§. 231.

Si quis ex aliena materia speciem fecit , cum materia sit domini materiæ , forma industria , tamquam fructus operæ specificantis (§. 227.) specificantis (§. 228.) species communis est materia domini & specificantis pro rata ejus , quantum unumquodque est . Hinc facile intelligitur , quale sit jus ejus , qui partim ex sua , partim ex aliena materia speciem facit , aut ex aliena alieno nomine , cum perinde sit , si quis quid faciat per se , si per alium . Patet vero , mala fide specificantem injuriam facere domino materiæ (§. 201.) ac ideo pænæ obnoxium fieri (§. 93. 153.)

§. 232.

Quoniam granorum ex spicis excussio specificatio non est (§. 227.) sed grana pars spicarum sunt ; si quis ex alienis spicis grana excutit , tam grana , quam stramen domini spicarum sunt . De injuria notanda repetantur ex præcedente paragrapho.

§. 233.

Fætus sunt fructus animalium , veluti vituli vaccarum , agni ovium (§. 108.) Quamobrem ejus sunt , cujus sunt animalia , veluti vituli domini vaccarum , agni domini ovium . Idem tenendum de ovibus a volucribus domesticis & de pullis ex ovibus exclusis . Nec obstat , quod animal tuum imprægnaverit meum , mas nempe feminam .

§. 234.

Quomodo spectandi fructus percepti. Cum fructus percepti a re, ex qua proveniunt, separatim existant (§. 224.) & peculiam domino utilitatem præstent; quam primum percepti, spectantur absolute tamquam res in dominio existentes.

§. 235.

De confusione & commixtione.

Confusio dicitur, quando duorum, vel plurium dominorum materiæ liquidæ, aut liquefactæ invicem miscentur, ut prodeat massa quadam ex utroque mixta; Commixtio autem, quando arida & solida corpora ita permiscentur, ut, quæ unius sunt, distincta quidem maneant ab iis, quæ sunt alterius, omnia tamen simul totum quoddam constituent. Quoniam nemini invito dominium rei suæ auferri potest (§. 195.) si res confusæ, vel commixtæ separari nequeunt, aut saltem non sine detrimento possunt, pro rata sunt communes, ex quantitate & qualitate ejus, quod ante quisque habuerat, æstimanda, in casu opposito quilibet retinet, quod suum est.

§. 236.

De ferruminatione & adplumbatura.

Idem tenendum esse de Ferruminatione, qua metalla ejusdem generis formata, vel non formata, nulla alia materia interveniente consolidantur; & Adplumbatura, qua duæ diversi generis res mediante alia quadam ab ipsis diversa materia coagmentatur, per eandem rationem patet.

§. 237.

De adificatione.

Solum dicitur portio telluris, quatenus homines & res alias sustentat; Superficies vero, quicquid solo cohaeret, & supra id eminet, veluti arbores, vites, plantæ, domus. Constructio adificii

ificii *Ædificatio* & quatenus in solo exstruitur, *In-*
ædificatio appellatur. Patet autem ut ante (§. 235.)
 si quis in solo suo ex aliena materia, vel in solo
 alieno ex sua materia ædificet, ædificium dominorum
 materia ac soli commune esse pro rata, nisi ædifi-
 cium mobile sit, ut nimirum auferri possit.

§. 238.

Idem intelligitur de *Plantatione*, qua planta *De plan-*
 solo immittitur, ut radices in eo agat & inde *tatione*
 nutrimentum capiat; itidemque de *Statione*, & *satio-*
 quando semen terræ committitur, ut plantæ in- *ne.*
 de progerminant. Id tantummodo hic tenen-
 dum, si rata in communione determinanda,
 spectandum esse, quantum valet planta, dum in
 solo ponitur, vel semen, dum eidem commit-
 titur, & usus soli cum cultura & cura (§. 225.)

§. 239.

Similiter ob rationem eandem, si quis in *De scri-*
chartis vel membranis tuis carmen, historiam, ora- *ptura*
tionem scripserit, vel in tabula tua pinxerit, cor- *pictura.*
pus pro rata commune erit. Nimirum in com-
 munione nihil absurdi alit dominium vel pro
 millesima, immo vel millionesima parte. Quid
 veto juris sit in communi dividundo, quan-
 do res divisionem non admittit, nec communio
 subsistere potest, suo loco deinceps patebit.

§. 240.

Stolones ex radicibus arboris vicini in fundum *De stolo-*
 tuum actis nati & herbae vel ex radicibus intra ter- *nibus*
 ram longe lateque sparsis, vel cauliculis humi re- *herbis*
 pentibus emissa ex herba aliena in fundo tuo, *emissa-*
 cum spectari debeant tamquam fructus fundi *riis.*
 tui, utpote a natura in eodem productæ (§. 198.)
tue sunt.

§. 241.

De jure in arborum vicini. Quoniam res usus causa dominio subijciuntur (§. 121. 195.) cum fundi dominio quoque subjectum intelligitur spatium intra atmospheram, quod perpendiculariter fundo imminet, quo usque a superficie aliqua occupari potest, & brevitatis causa a nobis spatium atmosphericum appellatur. Quamobrem cum rami ab arbore vicini per spatium tuum atmosphericum diffusi assimilentur herbis emissariis, quæ tuæ sunt (§. 240.) illi quoque tui sunt, consequenter etiam fructus, quos edunt (§. 228.) ☞, si rami obstant, quominus fundi usum facere possis, quem vis, tibi competit jus sublocandi arborem, sicuti vicino jus cadendi arborem, cui competit jus disponendi de ipsa arboris substantia, invito auferri nescium (§. 195.)

§. 242.

De accessione naturali, artificiali & mixta. Accessio est adjectio rei cujusdam ad alteram, quæ certam formam jam habet, ut eidem, quomodocumque cohæreat, vel inexistat. Et quod ita adicitur, Accessorium, res vero, cui adicitur, Res principalis appellatur. Dicitur autem Accessio naturalis, quam natura facit; artificialis, quam faciunt homines; mixta, ad quam natura & industria humana concurrunt, quæ etiam industrialis appellari poterat (§. 224.) Quod si res aliena rei tuæ accedens absque rerum detrimento separari possit, veluti gemma tua alieno annulo inclusa, manet ea domini sui, in casu autem opposito res principalis cum accessoria fit communis (§. 195.) quod si res nullius accedat, ea nullius manet, quamdiu non occupatur (§. 210.) In accessione artificiali, quid sit principale, quid accessorium, dijudicandum potissimum ex destinatione, §. 243.

§. 243.

Res interire dicitur, si existere desinit. Species autem interire dicitur, si forma destruitur, materia manente. Cum nemo in re jus habeat nisi dominus (§. 195.) res interit suo domino, seu ipse jus suum in ea amittit, aut specie intereunte, materia adhuc dominus manet. De interitu rei.

§. 244.

Unde patet, si fluminis vi particulae quaedam terrae insensibiliter abraduntur, ut successu temporis fundus tuus sensibile patiatur decrementum, vel etiam partes sensibiles uno impetu abripiuntur in aqua dissolutae avebuntur, te in ea parte, quae fundo tuo detrahitur, dominium amittere. De fundo vi fluminis immutato.

§. 245.

Enimvero si vis fluminis de fundo tuo partem aliquam detraxerit & vicini fundo obtulerit, cum tunc ea non intereat (§. 243.) nec tibi invito dominium auferri & in alium transire possit (§. 195.) illa tua manet, quamdiu eandem non derelinqui (§. 203.) Dicitur autem violenta ablatio partis de fundo tuo in alienum vi fluminis, aut alio casu facta, Avulsio. De jure avulsio nis.

§. 246.

Quodsi naturalis alveus a flumine ad aliam partem fluente in universum derelinquatur, cum alveus ejus sit, cujus est flumen, ipse autem non intereat (§. 243.) patet ut ante (§. 245.) eum manere ejus, cujus est flumen. Quamobrem si flumen fuerit nullius, alveus quoque derelictus nullius erit, consequenter occupabilis ab eo, qui jus occupandi habet (§. 210. 215.) De alveo derelicto.

§. 247.

De insula ab agro facto. Similiter patet, si flumen ab agro tuo faciat insulam, hanc tuam esse; si ex communi, eam pro rata communem esse.

§. 248.

De alveo ex agro tuo facto. Quodsi fluvius novum sibi fecerit alveum ex agro tuo, cum spectetur novus alveus tamquam res a te amissa, cuius recuperandi spes adhuc superest, quatenus nimirum fluvius ad pristinum alveum reverti, vel ad aliam partem fluere potest (§. 220.) dominium in eo retines (§. cit.) consequenter ager restitutus tuus est, & quelibet ejus pars restituta tua est.

§. 249.

De jure inundationis. Similiter, si ager tuus totus fuerit inundatus, etiamsi per plures annos duret inundatio, dominium in eo retines (§. 195.) quamdiu eum non derelinquis (§. 203.)

§. 250.

De insula in mari vel flumine nata. Si insula in mari vel flumine nascatur casu quodam, veluti terræ-motu, aut quia annis paullatim colluendo locum eminentem supra alveum fecit eumque alluendo auxit, cum ea sit res, quæ nondum extitit in rerum natura; nullius erit (§. 191.) consequenter occupabilis ab eo, qui jus occupandi habet (§. 210. 215.) Enimvero si insula in flumine sit, quia locum, qui alvei fuit, siccum relinquit & circumfluere cœpit, cum tunc non sit nisi pars alvei derelicta; erit ea ejus, cuius est flumen, & per consequens nullius, si flumen nullius (§. 246.)

§. 251.

§. 251.

Alluvio dicitur accessio naturalis, qua vi fluminis fundo adjacenti insensibiliter adjiciuntur particulae quaedam terrae, ut is successive tenibile capiat incrementum. Cum incrementum per alluvionem factum sit res, quae antea in rerum natura nondum extitit; patet ut ante (§. 250.) id esse nullius, consequenter ab eo occupabile, qui occupandi jus habet.

*De Jure
re alluvionis.*

§. 252.

Sunt autem *Agri* vel assignati, qui certa mensura comprehenduntur; vel limitati, qui certis limitibus artificialibus, seu facto hominum constitutis circumscribuntur; vel denique arcifinii, qui terminos naturales habent, veluti fluvios, montes, silvas. Cum jus occupandi incrementum per alluvionem factum occupatum intelligatur ab eo, qui agrum arcifinium esse voluit, minime verò, qui agrum assignatum, vel limitatum habet; jus alluvionis ei competit, cujus ager arcifinius est, non vero ei, qui agrum assignatum, vel limitatum habet (§. 251.) Quamobrem cum ager arcifinitus non sit, si inter eum & fluvium via publica intercedat, nec ea debeatur ab agro tamquam pars ipsius; si inter agrum & fluvium via publica intercedit, nec ea debetur tamquam pars agri, dominio agri jus alluvionis non adhaeret.

*Idem
specia-
lius ex-
pendi-
tur.*

§. 253.

Cum lacus & stagna suos habeant limites, ut, quando crescunt, vel decrescunt, nihil hinc decedat, vel accedat fundis vicinis, sed quilibet in eo, quod suum est, dominium retinere possit; in lacubus & stagnis jus alluvionis non ob-
tinet (§. 251.) Dicitur autem aqua non fluens, si per-

*An id
obtimeat
in lacu-
bus &
stagnis.*

si perpetua fuerit, *Lacus*; si non perpetua, sed certo tantummodo anni tempore fundum tegit, *Stagnum*. Non obstat perpetuitati, quod subinde etiam lacus casu exarefcent.

§. 254.

Qualis communio per antecessoriam inducitur.

Cum communio positiva sit, si duobus vel pluribus conjunctim in re indivisa pro rata dominium competit (§. 196.) *communio*, quæ specificatione (§. 231.) confusione & commixtione (§. 235.) ferruminatione & adplumbatura (§. 236.) ædificatione (§. 237.) plantatione & satione (§. 238.) scriptura & pictura (§. 239.) atque accessione introducitur (§. 242.) positiva est: dominium vero in ea proprie loquendo non originarie acquiritur: quatenus tamen res communis antea nondum extitit in rerum natura, acquisitioni originariæ equiparatur illius acquisitio (§. 210.)

CAPUT III.

De obligationibus & juribus ex dominio oriundis.

§. 255.

An dominium contineat jus rem perpendendi.

Quia dominus re sua aliter uti non debet, quam officia exigunt (§. 202.) nulla obligatione naturali urgente rem suam destruere, corrumpere, vel deteriorem reddere non debet, consequenter dominium non involvit jus rem suam perpendendi, vel deteriorandi (§. 49.) Fluit jus disponendi pro lubito de re sua, quod domino competit, ex libertate naturali (§. 195.) quæ obligationem naturalem minime tollit (§. 77.)

§. 256.

§. 256.

De substantia rei disponit, qui fundum im-
mutat, vel superficiem, aut rem aliam, & qui
ex materia facit speciem; id quod per se patet.
Quamobrem cum domino competat jus de sub-
stantia sua pro arbitrio suo disponendi, seu
proprietas (§. 198.) eidem quoque competit jus
fundum, vel superficiem, aut rem aliam immutandi,
& ex materia sua speciem faciendi: non domino
& immutatio, & specificatio illicita (§. 195.)

De jure
immutandi
rem
suam &
specifi-
candi.

§. 257.

Ex eadem ratione domino vi proprietatis com-
petit jus dominium rei suæ in alium transferendi,
consequenter cum translatio dominii in alium
Alienatio rei dicatur, quatenus scilicet jam alius
rei dominus fit, quam qui fuerat ante, jus alie-
nandi: non-domino vero omnis alienatio rei alienæ
illicita (§. 199.) Unde porro sequitur, rem a
non-domino acceptam non fieri accipientis, sed eam
manere domini sui (§. 205.) Et quoniam res in-
corporales, veluti jura (§. 121.) etiam in do-
minio sunt (§. 206.) jura quoque dominus alie-
nare potest, veluti jus piscandi, venandi.

De jure
alienan-
di.

§. 258.

Translatio dominii in alterum simpliciter
spectata, sine respectu ad dominum, Datio ap-
pellatur; ut dare idem sit, ac dominium rei suæ
transferre in alterum; perinde patet, neminem nisi
dominum, rem alteri dare posse, consequenter ne-
minem alteri dare posse rem alienam (§. 199.)

De jure
dandi
rem.

§. 259.

Quando dominus rem suam alienat, dominium
ejus in alium transfert (§. 257.) consequen-
ter

De jure
confe-
rendi.

*jus ad
actum
vi do-
minii
licitum.*

ter jus ad omnem actum vi dominii licitum :
Quamobrem etiam *jus ad quemlibet actum vi do-
minii licitum in alium transferre potest*, dominio re-
tento : quod tamen in hoc casu dominii patet,
cum jus istud fiat alterius proprium, ipsi in-
vito non iterum auferendum (§. 100.)

§. 260.

*De jure
in re sua
consti-
tuto.*

Similiter quia dominus de omni utilitate rei
sue pro lubitu disponere potest (§. 195. 198.)
alteri quoque *jus quodcumque in re sua constituere
potest : at non domino minus hoc facere licet*.
Istiusmodi jus est jus hauriendi aquam ex pu-
teo meo, jus eundi per fundum meum in
fundum tuum.

§. 261.

*De re
aliena
domino
resti-
tuenda.*

Cum dominium retineatur in re, quæ quo-
modocunque in potestatem tuam venit, ut eam
possidere possis (§. 200. 205.) omnisque actus
ad exercitium dominii spectans tibi illicitus
(§. 195.) cavere autem debeas, ne alius incidat
in mala fortunæ (§. 134.) consequenter ne jactu-
ram faciat rei sue (§. 207.) si quomodocunque
res alterius in potestatem tuam veniat, operam da-
re debes, ut in potestatem domini redeat, conse-
quenter domino, quem nosti, res sua restituen-
da; si non noris, inquirendum, quinam sit do-
minus. Exemplo esto res amissa, quæ a te
invenitur, aut res se movens, quæ in fun-
dum tuum ingreditur.

§. 262.

*De rei
vindi-
catione.*

Quoniam qui rem tuam detinet, eam tibi re-
stituere obligatur (§. 261.) tibi domino competit
*jus eam exigendi ab eo, qui detinet (§. 46.) & si
eam restituere nolit, vi adigendi ut faciat (§. 80.)* Jus
rem suam vi persequendi adversus quemlibet
possessorem, aut detentorem, *Vindicatio rei*,
vel

vel etiam *Jus rem suam vindicandi* dicitur. Domino igitur competit *jus rem vindicandi adversus quemlibet possessorem, aut detentorem*. Quoniam tamen res domino restituenda (§. 261.) rem tuam vindicaturus dominium probare debes, nec antequam probaveris, alterum ad restitutionem vi adigere potes. Cumque violenta juris sui persecutio bellum sit (§. 98.) *Vindicatio rei suæ bellum est.*

§. 263.

Ablatio dolosa rei alienæ, inscio ac invito domino, animo eam sibi habendi facta, *Furtum* dicitur; si eadem vi fiat, *Rapina*: Qui *Furtum* committit, *Fur*, qui rapinam, *Prædo* appellatur. Vocatur autem *Furtum manifestum*, si fur in ipso actu furandi, & res furtivas nondum in alium locum perlatas adhuc habens, deprehenditur; in casu opposito, *Furtum nec manifestum*. Quodsi quis inscio ac invito domino de usu rei ipsius disponit instar domini, *Furtum usus*; si possessionem rei immobilis alicui invito intervertit, veluti subtrahendo creditori pignus, *Furtum possessionis* appellatur. Ast *Invasio* factum est, quo, qui jus possidendi nullum habet, alterum vi possessione sua rei immobilis dejicit; & qui hoc facit, *Invasor* audit.

§. 264.

Cum dominus jure suo, quod in re habet, ceteros omnes excludat (§. 194.) nec eidem invito auferri possit (§. 100.) nec *furtum nec rapina* committere licet. Et quoniam sine voluntate domini dominium in alium transire nequit (§. 195.) res furtiva & rapta manet domini, consequenter is eandem vindicare potest adversus furem, prædonem & quemcumque alium possessorem (§. 262.) & non modo fur atque prædo, verum etiam quilibet alius, in cujus potestatem venit, eam

Furtum, rapina, invasio.

De moralitate furti & rapina & rei furtive ac rapte restitutione.

eam domino restituere tenetur (§. 261.) Cumque omnis actus dominio alterius contrarius illicitus sit (§. 195.) furtum quoque *usus illicitum* (§. 198. 263.)

§. 265.

De mo-
ralitate
invasio-
nis &
jure in
invaso-
rem.

Jus possidendi domino competit (§. 200.) invito non auferendum (§. 100.) Quamobrem invasio quoque naturaliter illicita est, & invasor possessionem alteri restituere tenetur, eumque dominus pati non teneatur, ut quis alius se invito actum quendam vi domini licitum sibi arroget (§. 195.) jus habet, invasorem de possessione injusta iterum desiciendi, si eam restituere nolit, consequenter adversus invasorem jus belli eidem competit (§. 98.)

§. 266.

An do-
minus
furtum,
rapinam
& inva-
sionem
commit-
tere pos-
sit.

Dominum rem suam alteri clam, vel vi eripien-tem non esse furem, vel prædonem, aut possessione rei suæ immobilis alterum vi desicientem non esse invasorem, ex ipsis terminis manifestum est (§. 263.) Furtum nimirum & rapina non committitur in re propria, sed aliena, nec invasor esse potest, nisi non-dominus. Ex eadem vero ratione patet, dominium probandum esse, ne quis pro fure, prædone, aut invasore habendus, ob quam idem in rei vindicatione fieri debet (§. 262.)

§. 267.

De jure
punien-
di fu-
rem, præ-
donem,
invaso-
rem.

Fur, raptor & invasor violant jus domini (§. 195. 263.) consequenter eundem lædunt (§. 88.) Domino igitur competit jus furem, prædonem & invasorem puniendi (§. 93.)

§. 268.

§. 268.

Quoniam adversus eum, qui læsionem intendat, jus defensionis nobis competit (§. 90.) *De iure defen-*
adversus furem manifestum, prædonem & invaso- *dedi*
rem res suas defendere licet (§. 49.) atque hoc jus *res suas.*
infinitum est (§. 94.) Qua vero fur, prædo & in-
vasor defensionis resistit, & qua corpus nostrum
vi impetit, aggressor est; defensio rerum conjungi-
tur cum defensione sui. Atque ita patet, defen-
sionem rerum adversus furem manifestum, prædo-
nem & invasorem esse bellum (§. 98.)

§. 269.

Facturam sui facere dicitur is, cujus potestati *De da-*
absque voluntate sua res quædam sua ita sub- *mino.*
ducitur, ut eam nunquam recuperare possit.
Factura sui *Damnum* vocatur; & *damnum dare*
dicitur agens, quod facto suo, vel non-facto
in causa est, ut facturam tui facias; & in spe-
cie *Damnum voluntarium* sive *dolosum* appellatur,
quod ab homine intentione sive directa, sive in-
directa datur; *Damnum culposum*, quod culpa in
specie sic dicta datur; *Damnum* denique *casuale*,
quod casu improvviso, nec evitabili datur. Cum
patrimonium nostrum, consequenter bona sive
res nostras conservare debeamus (§. 208.) qui-
libet, quantum potest, quodvis *damnum* a se aver-
tere, nec alteri *damnum dare*, sed potius, quantum
in se est, ab alio quoque avertere debet (§. 133.)
consequenter nemo alteri invito rem suam auferre
debet, aut eam perdere, quocunque tandem animo
fiat. Ceterum hinc patet, si dominus rem furto
ablatam, vel a prædone raptam non recuperat, fu-
rem & prædonem ipsi *damnum dare*.

§. 270.

§. 270.

De damno dato resarciendo. Cum nemo alteri damnum dare debeat (§. 269.) damnum autem consistat in iactura sui (§. cit.) adeoque is, cui damnum datur, minus habeat quam antea habebat; nemo efficere debet, ut alter minus habeat, quam habere debebat. Quoniam igitur non amplius minus habet, quam habere debebat, si tantumdem ipsi restituitur, quantum valet res, cujus iacturam facit, hoc est, si damnum resarcitur, quod per se patet; omne damnum dolo, vel culpa datum resarciendum, tibi-que competit jus exigendi, ut resarciatur.

§. 271.

De locupletiore factu. Locupletior factus dicitur, qui plus habet, quam antea habebat. Unde re alterius locupletior fit, quando, quod quis plus habet, est res alterius; & ex re alterius locupletior fit, quando, quod plus habet, ex re alterius venit, vel ejus loco succedit. Quia nemini dolo, vel culpa dandum est damnum (§. 269.) hoc vero in iactura sui consistit (§. cit.) nemo quoque locupletior fieri debet cum damno alterius, nec re, nec ex re aliena, consequenter cum damnum datum sit resarciendum (§. 270.) si re, vel ex re mea non amplius extante locupletior factus es, tantum mihi restituere teneris, in quantum locupletior factus es. Hujus principii amplissimus usus est in Jure.

§. 272.

Unde domino tenentur bonae fidei possessor. Nullus actus ad exercitium dominii spectans bonae fidei possessori imputari potest (§. 201.) consequenter nec privativus (§. 2.) Possessor igitur bonae fidei domino non tenetur ex facto & non facto ullo, consequenter saltem ex re, quatenus scilicet eam nullo jure possidet (§. 201.) Ast cum pos-

possessori malæ fidei omnis actus ad exercitium
dominii spectans imputari possit (§. 201. 3.)
*possessor malæ fidei tenetur domino tum ex re, tum
ex quocumque facto & non-facto.*

§. 273.

Quia possessor bonæ fidei ex facto & non-
facto suo non tenetur domino (§. 272.) *Ad quid*
casu perit , eodem vel maxime casu apud domi- *domino*
num non peritura , ad nihil restituendum domino *non re-*
tenetur, neque etiam tenetur ad damnum resarcien- *neatur*
dum, si culpa ipsius res perierit, neque ad resti- *possessor*
tuendum fructus percipiendos. *bonæ*
fidei.

§. 274.

Enimvero quia possessor malæ fidei ex facto &
non-facto suo tenetur domino (§. 272.) *Ad quid*
resarcire tenetur damnum, si res culpa sua interit, *domino*
immo etiam si casu, eodem tamen casu apud do- *malæ*
minum non peritura, non vero si eodem casu etiam *fidei*
apud eundem peritura fuisset; quia tum interi- *qua ra-*
tus non dependet a non-facto possessoris, ne- *lis re-*
glecta nempe restitutione (§. 261.) *neatur.*
quoque, cum fructus percipiendi industriales
sint (§. 224.) tenetur ad restitutionem ratæ fru-
ctuum percipiendorum (§. 229. 270.)

§. 275.

Cum fructus rei sint domini (§. 288.) indu- *De fru-*
stiales autem communes pro rata domini rei *ctibus*
& possessoris (§. 229.) nemo autem locupletior *extanti-*
fieri debeat re alterius (§. 271.) *bis.*
bonæ, quam malæ fidei restituere tenetur fructus natu-
rales extantes & ratam industrialium extantium.
(Wolfii Instit. J. N. & G.) §. 276.

§. 276.

De fru-
ctibus
consum-
tis.

Quia possessor bonæ fidei ex facto nullo, consequenter nec ex consumptione fructuum tenetur (§. 272.) locupletior tamen fieri nequit ex re aliena (§. 271.) in tantundem tenetur, in quantum ex fructibus naturalibus consumtis & consumpta rata industrialium factus est locupletior, consequenter cum de alieno vixisse dici nequeat, qui de proprio vivere potuit, si tantundem habet in bonis, tantundem; si minus, minus; si denique nihil, nihil quoque restituere tenetur. Ex adverso, cum possessor malæ fidei teneatur tum ex re, tum ex facto quolibet (§. 272.) consequenter etiam ex eo, quod rem alienam consumpsit (§. 230.) ideo tenetur ad estimationem fructuum naturalium consumitorum & ratæ industrialium, domino debite, consumptæ restituendum. Quæritur vero hic, quid restitui debeat, non quid restitui possit.

§. 277.

In quan-
tum te-
neatur
ex rei
alienæ
deterio-
ratione.

Rem deterioratam minus valere, quam antea valebat, per se patet. Quamobrem cum domino deterioratione rei suæ damnum detur (§. 269.) nemo autem alteri damnum dare (§. cit.) & dolo seu culpa datum refarcire debeat (§. 270.) qui rem alienam dolo & culpa sua deteriorem reddit, in tantum domino tenetur, quantum minoris est res deteriorata.

§. 278.

In quan-
tum pos-
sessor rei
alienæ.

Quamobrem cum possessor bonæ fidei non teneatur ex ullo facto, possessor autem malæ fidei ex quocumque (§. 272.) possessor bonæ fidei ex deterioratione rei tenetur ad nullam restitutionem, possessor malæ fidei in tantundem, quanto minus valet res deteriorata: & de casu facta dete-
rio-

roratione eadem tenenda, quæ de interitu casuali
(§. 273.)

§. 279.

Impensæ dicuntur sumtus, quos in rem im- *Impensa*
pendimus, sive ejus conservandæ, sive utendæ *quid sine*
ac fruendæ gratia. Dicuntur autem *necessariae*, *et quo-*
quæ fiunt rei conservandæ gratia; *utiles*, qui- *ruplices.*
bus res efficitur utilior & fructuosior; *volu-*
ptuariae, quæ solius voluptatis percipiendæ cau-
sa fiunt. Quando impensæ utiles fiunt, res di-
citur *meliorari*. Vocantur autem *mixtæ*, si vo-
luptuariæ insint necessariis & utilibus; & vo-
luptuariæ prædominantur, si magis voluptatis,
quam necessitatis, & utilitatis habetur ratio.

§. 280.

Cum patrimonium conservare, & quantum *Impen-*
in potestate est, amplificare obligemur (§. 208.) *sarum*
dominus naturaliter obligatur ad faciendas, quantum *facien-*
in se est, impensas necessarias & utiles. Et quo- *darum*
nam curæ habere debemus, ut vitam quoque *obliga-*
jucunde transigamus (§. 119.) nec impensæ vo- *rio et*
luptuariæ illicitæ, nisi pariant voluptatem nocuam *jus.*
(§. 120.) (a)

§. 281.

Quoniam ad impensas necessarias & utiles *De resti-*
faciendas obligamur (§. 280.) possessor rei alie- *tutione*
næ eas faciens nil facit, nisi quod dominus ipse *impen-*
facere debuisset, modo utiles domino æque utiles *sarum*
ac possessori. Quamobrem possessori tam bonæ, quam *utilium*
malæ fidei restituendæ sunt impensæ *et neces-*
necessariæ & rum. *saria-*

G 2 uti-

(a) Semper tamen illicitæ sunt voluptates si justitiam,
vel caritatem ab Evangelio præceptam lædant, ita Patres
omnes cum Catholica Ecclesia sentiunt. Hæc sunt dicta
ad determinandas illas voces Voluptatem nocuam.

utiles, quibus res fructuosior facta; cum tamen possessor bonæ fidei ex nullo facto teneatur domino, possessor malæ fidei ex quocunque (§. 272.) possessori bonæ fidei restituendæ etiam sunt impensæ, quibus res utilior saltem facta: ast possessori malæ fidei hæ restituendæ non sunt, nisi domino fuerint æque utiles, vel res facta pretiosior; ne scilicet is locupletetur cum damno possessoris (§. 271.) nec ipse damnum incurrat, restituendo impensas, quas ipse facturus non fuisset (§. 269.) utpote inutiliter faciendas.

§. 282.

*De im-
pensis
tollen-
dis.*

Impensas tollere dicitur, qui ea tollit, quæ suo sumtu in re aliena facta sunt. Tolli autem dicitur sine detrimento rei, quo sublato res, a qua quid aufertur, non efficitur in se deterior. Quamobrem cum nemo locupletari debeat cum alterius damno (§. 271.) si possessor rem alienam restituit, impensas tollere potest, quæ absque rei detrimento tolli possunt.

§. 283.

*De resti-
tutione
impen-
sarum
volu-
ptuaria-
rum &
collisio-
ne dam-
norum.*

Quoniam possessor b. f. domino non tenetur ex facto ullo (§. 272.) eidem restituendæ sunt impensæ voluptuariae, quæ tolli nequeunt vel simpliciter, vel sine detrimento rei, quanti sunt tempore restitutionis rei (§. 271.) Ast cum possessor m. f. teneatur ex facto omni (§. 272.) si impensas voluptuarias fecerit, quas dominus non facturus erat, & quas tolli non posse vel simpliciter, vel sine detrimento rei noverat, culpa ipsius res deducta est in eum statum, ut, ubi restituenda, aut dominus, aut possessor damnum ferre debeat (§. 17.) Quamobrem, cum id possessori, non domino imputandum sit (§. 3.) impensæ voluptuariae, quæ tolli nequeunt vel simpliciter, vel sine detrimento

mento rei, nec dominus ipse facturus erat, possessori m. f. restituendæ non sunt, secus si dominus ipse eas facturus fuisset. Obiter observo ex iis, quæ ostendimus, in genere patere, si damnum ejus, cujus culpa accidit, colliditur cum damno alterius, qui omni culpa vacat, eum ferre debere damnum, cujus est culpa; unde porro colligitur, si uterque non omni culpa vacet, damnum esse dividendum in ratione culpæ.

§. 284.

Impensas deducere dicitur possessor, si tanto minus restituit, quantum valent impensæ tempore restitutionis, veluti si restituit triginta, cum restituere deberet ob fructus consumptos 150. impensis 120. æstimatis. Quoniam deductis impensis ab eo, quod domino restituendum, possessor & dominus consequitur, quod suum est, seu ipsi debetur, suum autem cuique tribuendum (§. 86.) possessori competit jus impensas ipsi restituendas deducendi, quod nimirum ex mutua utrinque restituendorum obligatione nascitur (§. 46.)

De jure deducendi impensas.

§. 285.

Premium inventionis dicitur, quod datur inventori rei amissæ, quia eandem domino restituit. Quoniam inventor ad restitutionem obligatur (§. 220. 261.) naturaliter inventori rei amissæ premium nullum debetur, nec ideo competit jus premium exigendi a dominis. Quæ de impensis in rem amissam adipiscendam & conservandam factis tenenda sunt, patet per ea, quæ modo de possessore rei alienæ demonstrata sunt; impensarum enim restitutio pendet ab eo, quod in rem alienam factæ.

De premium inventionis.

§. 286.

*De frau-
de tam
consilii
quam
eventus.*

Defraudare alterum dicitur, qui verbis vel factis dolosis alterum privat eo, quod suum est, vel ipsi debetur. Atque ideo *Fraus* appellatur factum, quo alteri, cum quo nobis negotium est, inficio damnum infertur; quod ubi fuerit dolosum, *Fraus consilii*; si minime dolosum, veluti si inficius gemmam adulterinam vendas pro genuina, *Fraus eventus* vocatur. Cum nemini dandum sit dolo vel culpa damnum (§. 269.) nemo *defraudandus*, & *fraus consilii* omnis illicita: cumque damnum datum sit refarciendum (§. 270.) non modo id, quo *defraudatus* est alter, eidem restituendum, seu aestimatio præstanda, sed a damno quoque immunis præstandus, cui *fraus eventus* nocitura erat.

§. 287.

Jus possessionis.

Jus possessionis vocatur, quod possessori vi possessionis competit. Differt itaque a jure possidendi, quod domino competit vi domini (§. 200.) Dari autem *jus possessionis*, ex iis, quæ sequuntur, patet.

§. 288.

*De spolio prohibito
& spoliato restituendo.*

Cum soli domino competat *jus possidendi* (§. 200.) nec is possesorem ad restitutionem vi adigere possit, nisi dominio probato (§. 262.) a non-domino, vel etiam a domino, qui dominium, vel a possessore, qui justam possessionem nondum probavit, possessor quicumque de possessione dejici nequit, consequenter si defectus fuerit, *possessio ipsi restituenda*. Quamobrem cum domini exercendi causa res possideantur (§. 200.) quamdiu possessori possessionem auferre non licet, ipsi permittendum est domini exercitium. Factum violentum, quo

quo quis de possessione dejicitur, seu eadem privatur, in Jure Canonico dicitur *spolium*; & hinc sequitur, *spoliatum esse restituendum*.

§. 289.

Quoniam possessor pati non tenetur, ut a non-domino, vel etiam a domino, dominio nondum probato, possessione vi dejiciatur (§. 288. 46.) eidem quoque competit *jus possessionem suam defendendi* (§. 90.) itemque *jus ad ea, sine quibus possessionem amissam recuperare nequit*. Nimirum possessor, quamdiu in possessione est, se gerit instar domini, atque id ipsum eidem permittendum (§. 288.)

De possessione defendenda & recuperanda.

§. 290.

Vi possidere dicitur, qui, possessorem veterem de possessione vi injusta dejiciendo, possessionem acquisivit; *clam vero possidere* dicitur, qui ignorante possessore possessionem sine vi, sed nullo quoque jure occupavit; & tunc qui hoc facit, *possessionem furtive ingredi* dicitur; acquisita vero *possessio clandestina* vocatur. Possessio nimirum æquiparatur rei furto ablata. Patet vero, ut ante (§. 288.) *clandestinam possessionem esse illicitam*, sive non-dominus, sive dominus, dominio nondum probato, *clam possideat*, & *possessionem esse restituendam* possessori veteri, consequenter huic competere *jus non patiendi*, ut alter a se *clam possideat*, & per consequens *possessionem restituere nolentem vi de possessione dejiciendi*.

De possessione violenta & clandestina.

§. 291.

Quoniam possessa res in potestate possidentis esse debet, ut ipsi competat potentia physica de re pro arbitrio suo disponendi (§. 200.) consequenter dominium exercendi (§. 195.) *possessionis rei acquiritur*, si facto quodam redigitur in eum *statum*.

Quomodo possessio acquiritur, reitum.

Et amittatur. tum, quo physice possibile est, ut instar domini de ea disponere possis, & tamdiu retinetur, quamdiu dominium sive per te, sive per alium exercere possis, amittitur vero, si res in eum pervenit statum, quo id fieri nequit.

§. 292.

An absens possidere possit. Quoniam res possidetur, etiamsi per alium dominium exerceatur (§. 291.) absens quoque rem possidere potest.

§. 293.

De possessione rerum mobilium & incorporalium. Et quia possessio a potentia exercendi dominium dependet (§. 291.) res mobilis tamdiu possidetur, quamdiu in custodia tua est: & cum res incorporales aliter detineri non possint, nisi quatenus iisdem actu uteris (§. 121.) eadem possidentur usu & facultate physica utendi, atque prohibendi, ne utatur alius.

§. 294.

De modo originario possessionem acquirendi. Quoniam occupando res nullius rediguntur in eum statum, ut de iis pro arbitrio disponi possit (§. 210. 195.) occupatione autem dominium rerum originarie acquiritur (§. 210.) rerum nullius possessio acquiritur cum dominio uno eodemque actu, atque hic modus acquirendi possessionem originarius est, quo scilicet acquiritur possessio earum rerum, quæ in nullius adhuc possessione fuerunt.

§. 295.

De possessione titulata & titulo. Possessio titulata dicitur, quæ habet titulum. Dicitur autem Titulus ratio legalis, per quam patet, factum quoddam tale jus parere posse; ipsum vero factum, quo juris reddimur participes, Modus acquirendi est. Unde patet, possessionem rei nullius occupando acquisitam esse titulata; cum

cum vi legis naturæ occupando cum dominio
acquiratur possessio (§. 294.)

§. 296.

Cum possessio amittatur, si res perveniat in
eum statum, quo dominium exercere nequis
(§. 291.) si quis in re tua immobili dominium
exercet, vel ius tibi competens, nec patitur, ut tu
idem exerceas, possessionem amifisti. Enimvero
quoniam possessio retinetur, quamdiu domi-
nium exercere potes (§. 291.) consequenter
non pateris, ut alius te invito idem exer-
ceat, nec ut tu utaris, nemo prohibere po-
test; solo non usu possessio non amittitur.

De am-
missa
possessio-
ne rei
immobi-
lis &
incorpo-
ralis.

§. 297.

Possessio dicitur turbari, si possessor impeditur
in exercitio domini quoad unum alterumve
actum ipsi permittendum quocumque modo,
non tamen id totum ipsi adimitur. Vocatur
autem *Turbatio verbalis*, quæ fit verbis; *rea-*
lis, quæ in facto quodam consistit. Et *vis*,
qua possessio turbatur, *turbativa* vocatur; sic-
ut *expulsiva*, qua quis de possessione dejicitur;
& *compulsiva*, qua ad cedendam alteri pos-
sionem adigitur. Quoniam possessori liberum
relinquendum domini exercitium (§. 288.) *tur-*
batio possessionis tam verbalis, quam realis illicita.

De tur-
batione
possessio-
nis.

§. 298.

Res incorporales quasi possideri dicuntur, qua-
tenus earum possessio fingitur ad analogiam
possessionis rerum corporalium, cujus funda-
mentum est potentia physica ad eos actus,
quos edendi facultas seu potentia moralis est
jus domino competens.

De qua-
si posses-
sione.

§. 299.

§. 299.

De jure possessionis amisso. Cum jus possessionis oriatur ex possessione (§. 287.) amissa possessione, amittitur quoque jus possessionis, consequenter jura possessionis conservantur, quamdiu conservatur possessio.

C A P U T I V.

De jure ex communione primæva residuo.

§. 300.

Jus ex communione primæva residuum quid sit. **J**us ex communione primæva residuum vocatur, quod, postquam dominia rerum introducta sunt, nobis adhuc competit in eas res, quæ sunt in aliorum dominio. Distinguitur itaque a communione primæva, quæ adhuc quoad res certas non occupatas, vel non occupabiles subsistit.

§. 301.

In quibusnam rebus communio primæva adhuc subsistat. Quoniam communio primæva sublata est acquisitione originaria dominiorum (§. 194. 210.) consequenter occupatione (§. 210.) quæ occupari vel non potuerunt, vel non debuerunt, ea adhuc in communione primæva sunt, seu res hominum omnium communes, seu, quod perinde est, quoad hæc res communio primæva adhuc subsistit.

§. 302.

De rebus usus inexhausti. Res usus inexhausti dicuntur, quarum usus omnibus sufficit hominibus, & iisdem patet, quoties eodem indigent. Quoniam dominus usu rei suæ excludit ceteros omnes (§. 195.) usus vero rerum, qui omnibus patet, quoties eodem indigent, ceteris omnibus ab uno auferri minime potuit (§. 74.) res usus inexhausti

sti occupari non debuerunt (§. 210.) consequenter in
 iis communione primæva adhuc subsistit. Quamvis
 itaque dominia rerum introducta sunt, aer, ta-
 men, aqua profluens & lumen solis sunt adhuc res
 omnium communes.

§. 303.

Similiter quia vi dominii excluduntur ceteri *Cum li-*
 omnes usu illius rei, quæ est in dominio (§. 195.) *mitari*
 quod dominio subjiciendum limitatum esse debet, & de-
 quod vero limites omnes respuit, dominio subjici *fendi*
 nequit. Et cum dominus prohibendi jus ha- *nescium*
 beat, ne quis se invito re sua utatur (§. cit.) *commu-*
 ideo necesse est, ut dominium suum tueri pos- *ne man-*
 sit. Quidquid igitur ita comparatum est, ut do- *serit, ve-*
 minium in eo tueri non detur, id eidem subjici *luti ma-*
 non potuit. Atque hinc patet, mare vastum in *re.*
 communione primæva mansisse, etsi partes quædam
 terræ continenti adjacentes occupari potuerint (§.
 302.)

§. 304.

Jus ad usum rerum naturalium necessarium *Cum*
 cum omni homini natura competat (§. 186.) *qua ta-*
 & lex naturæ etiam det jus ad usum neces- *cita ex-*
 sarium rerum industrialium & artificialium (§. 188.) *ceptione*
 nemini auferendum (§. 74.) *dominia*
 Introductio igitur *introdu-*
 tur dominiorum nemini auferri penitus potuit usus *cta.*
 rerum necessarius, consequenter dominia introduci
 non potuerunt, nisi cum tacita hac restrictione,
 ut, si in casu emergente contingat alicui penitus
 auferri necessarium rerum usum, eidem jus aliquod
 competat in eas res, quæ sunt in dominio. Do-
 minia nimirum non introducta sunt, ut quis
 penitus carere cogatur usu rerum necessario,
 sed ut de eodem melius prospiceretur univer-
 sis (§. 194.)

§. 305.

§. 305.

*De rebus
necessa-
riis in
extrema
necessi-
tate do-
mino
auferen-
dis.*

Quodsi ergo quis penitus destituatur usu rerum necessariarum, nec in potestate ipsius sit, ut eas æquo pretio vel præstitis operis sibi comparet, neque etiam eas precibus ab aliis impetrare possit; in statu naturali eas alteri inscio ac invito auferre, immo vi eripere licet, qui iisdem carere potest (§. 304.) Quoniam igitur hoc jure tuo facis, quod ex communione primæva residuum est (§. 300.) furtum & rapinam non committis. Extrema nimirum necessitas jus petendi vertit in jus cogendi, ut detur.

§. 306.

*De obli-
gatione
inde na-
scente.*

Quoniam vero hoc jus, cui sola necessitas extrema locum facit, ultra usum necessarium, cujus causa datur (§. 304.) extendendum non est; si res usu non consumitur, finito usu restituenda; quodsi usu fuerit consumpta, cessante autem necessitate, tantundem ejusdem generis, vel aliud æquivalens, restitui, aut æstimatio præstari possit, hoc faciendum.

§. 307.

*Vis ne-
cessitatis
in rebus
ab alio
compa-
randis.*

Hinc porro facile patet, necessitatem extremam dare jus cogendi alterum, ut pro æquo pretio, aut re, quæ tantundem valet, res detur. Ita e. gr. in annonæ difficultate, qui frumento abundant, ad vendendum cogi possunt, & qui annonam incendit, ad æquo pretio frumentum vendendum, cogi potest.

§. 308.

*Jus ne-
cessita-
tis.*

Jus, cui sola necessitas locum facit ad actus quosdam alias non licitos, propterea quod sine iis obligationi cuidam indispensabili satisfieri

fieri nequit, *Jus necessitatis* dicitur. Atque hinc patet, actum illum, ad quem necessitas *jus* dat, esse debere medium unicum satisfaciendi obligationi cuidam indispensabili, nec minus manifestum est, *jus necessitatis* ipsa lege naturæ nobis dari (§. 46.) Absolutum itaque videri minime debet, *jus* quoque necessitatis quoad usum rerum necessarium introductis dominiis residuum mansisse, quippe quod eorum introductione violari minime potuit (§. 74.)

§. 309.

Multæ hinc solvuntur quæstiones particulares, quales videas in Jure naturæ a nobis edito c. 6. par. 6. Ita si in navigatione, aut obfidione defecerint cibaria, quod quisque habet, in commune conferre debet; si adversus aggressorem te defensurus destituaris armis, inconsulto, immo contradicente domino, arripere licet aliena; idem valet de instrumentis alienis ad restringendum incendium; de perdendis rebus aggressoris, vis injustæ depellendæ causa, & de perdenda re aliena, communis periculi non aliter depellendi causa.

Exempla hujus juris particularia.

§. 310.

Similiter cum in communione primæva, si plures ejusdem rei usum simul participare possunt, participatio promiscue volentibus permittenda (§. 187.) introductione autem dominiorum *jus commune* tolli ac restringi non potuerit, quam necesse fuit (§. 74.) dominia rerum introduci non potuerunt, nisi cum tacita hac restrictione, ut alteri concedatur usus innoxius rei, quæ est in dominio. Vi autem libertatis naturalis domino permittendum est judicium, an usus alteri concedendus sit sibi innoxius, nec ne (§. 78.)

De altera tacita exceptio, ne, cum quis dominia introducit.

hoc

hoc est, an sine detrimento ac molestia concedi possit.

§. 311.

Jus innoxie utilitatis. Jus ad usum rerum innoxium, quæ sunt in dominio alterius, nobis competens dicitur *Jus innoxie utilitatis*. Patet itaque, *Jus innoxie utilitatis* esse jus ex communione primævæ residuum (§. 310. 300.) idque imperfectum (§. 80.)

§. 312.

Jura specialia innoxie utilitatis.

Istiusmodi jura innoxie utilitatis sunt transitus ob justas causas per terras & flumina dominio subiecta, tam personis, quam mercibus concedendus; jus ob justas causas ibidem commorandi, veluti studiorum, aut sanitatis recuperandæ causa, habitatio concedenda sedibus expulsi & receptum querentibus, nisi rationes singulares obstant.

CAPUT V.

De modo acquirendi derivativo.

§. 313.

Modus acquirendi derivativus.

Modus acquirendi derivativus dicitur, quo acquiritur dominium rerum in dominio jam existentium. Quoniam domino competit jus dominium rei suæ in alium transferendi (§. 257.) & alteri jus in re sua constituendi (§. 260.) modus acquirendi derivativus datur.

§. 314.

De modo transferendi dominium.

Quoniam domino competit jus de re sua pro lubitu disponendi (§. 195.) a voluntate ipsius unice dependet, in quem & quomodo dominium, aut jus quoddam suum transferre velit, utrum cum
an

an sine exclusione sui; an revocabiliter, ut scilicet alterum jure translatio rursus excludere possit, quando visum fuerit, an irrevocabiliter; utrum in personam immediate, vel in rem alienam, ita nimirum ut mediante re competat possessori ejus cuicumque; utrum in personam certam, an in incertam, ut scilicet jus acquirat, qui voluerit ac potuerit, quemadmodum in missilibus fit; utrum absolute, an sub quacumque conditione; utrum in perpetuum, an in certum diem; utrum gratis, an ut vicissim aliquid detur, vel fiat.

§. 315.

Est autem *conditio casualis*, quæ a casu vel fortuna, aut ab arbitrio hominis juri nostro minime subiecti tota pendet; *potestativa*, quæ pendet ab arbitrio ejus, in quem dominium, si-
De con-
ditio-
num
differen-
tia.
 ve jus transferendum; *mixta*, quæ partim casualis, partim potestativa. Est præterea *conditio vel suspensiva*, quæ actus perfectionem differt, donec certum fuerit, eam existere, vel *resolutiva*, quæ actus jam perfecti durationem restringit, ad illud tempus, quo eam extare certum est. Appellatur autem *Conditio negativa*, quæ supponit aliquid non esse, vel non fuisse, vel non eventurum. Existit itaque *conditio negativa*, si id non fit, vel non fuerit, vel non evenit. Est etiam *conditio alia turpis*, quæ supponit a te fieri debere, quod lege prohibetur; alia *honestæ*, quæ supponit a te fieri debere, quod lege non prohibetur, aut quæ in facto honesto consistit.

§. 316.

Quoniam vi libertatis naturalis, unicuique
 permittendum, ut suum in agendo judicium
 sequatur (§. 78.) si dominium, vel jus quoddam in
 alium transferendum, ab ejus unice voluntate de-
De ac-
ceptra-
zione.
 pen-

pendet, utrum id habere velit, an nolit. Cum itaque accipere, vel acceptare dicatur, qui verbis vel factis sufficienter declarat, velle sese, ut detur, vel fiat, quod alter se dare, vel facere velle declarat; ad translationem domini vel juris requiritur acceptatio.

§. 317.

*Qua-
nura-
li-
ter ad
transla-
tionem
dominii
suffici-
ant.* Ex hactenus dictis intelligitur, naturaliter transferri dominium, vel jus quoddam in acceptationem, nuda voluntate domini sufficienter declarata (§. 314 316.) cumque a voluntate transferentis dependeat, quomodo jus quoddam transferre velit (§. 314.) acceptatione non plus juris acquiri posse, quam transferens in eum transferre voluit.

§. 318.

*Quomo-
do de
volun-
tate al-
terius
statuen-
dum.* Quoniam vero de voluntate alterius constare nobis nequit, nisi quatenus eandem sufficienter declarat; quod verbis, vel alio quocumque modo sufficienter significatur, id contra ipsum pro vero habetur.

§. 319.

*Quando
accepta-
tio pra-
cedat.* Acceptatio autem praecedit, si quis petit, ut alter sibi quid det, vel faciat, & hic petenti annuit: superfluum enim foret, acceptationem repetere, altero annuente petenti.

§. 320.

*De modo
acqui-
rendi
posse-
sionem.* Quia domino competit jus possidendi (§. 200.) cum dominio rei transfertur & acquiritur etiam jus possidendi, consequenter cum sine possessione dominium exerceri nequeat (§. 200. 195.) dominio translato, transferens quoque obligatur ad transferendam possessionem. Quamobrem cum actus,

actus, quo transfertur possessio, *Translatio*; actus vero, quo possessio acquiritur, *Apprehensio* appellatur; translato dominio res quoque tradenda & apprehendenda. Atque hinc patet, ad translationem domini naturaliter non requiri traditionem.

§. 321.

Quoniam traditione transfertur possessio *In quo-*
(§. 320.) ea consistit in actu quocumque, quo *nam*
res redigitur in eum statum, ut, qui eandem *traditio*
acquisivit, habeat potentiam physicam de eadem *consi-*
pro lubitu disponendi, seu dominium actu exercere *stat.*
possit (§. 200.)

§. 322.

Patet itaque, rem mobilem tradi, si transfe- *Diversi*
rens dominium eam manu porrigit, & acceptans *rem tra-*
eadem manu apprehendit, item si transferens eam *dendi*
te auferre jubet; rem vero immobilem, si te rem *modi.*
certam possidere jubet, & in ea te dominium exer-
cere patitur, vel eam e longinquo demonstrat, ut
apprehendere possis, vel permittit, ut res maneat
in potestate tua, quæ quacumque de causa in ea
est, vel documento quodam literario declarat, se
possessionem in te transferre & passurum, ut do-
minium in ea exerceas, aut huius exercendi causa
in rem immobilem te introducit, qui actus pro-
prie *Immissio* in possessionem dicitur; rem deni-
que incorporealem, sive jus, si id te exercere pati-
tur (§. 321.) Hinc porro facile intelligitur,
quot diversis modis res mobiles, immobiles
& incorporeales apprehendantur. *Apprehensio*
nimirum consistit in actu, quo acquiritur po-
tentia physica dominium in re corporali, vel
jus in se translatum exercendi.

(Wolffii Instit. J. Nat. & G.) H §. 323.

§. 323.

De tra-
ditione
breui
manu
facta.

Res tradi dicitur breui manu, quando actus traditionis inesse intelligitur alii cuidam actui, quo aliud quid agitur ad dominii exercitium spectans, veluti si dominium transferens rem manere permittat in potestate accipientis tamquam ipsi propriam, quæ jam alia quacumque de causa in potestate ipsius est. Quod vero breui manu a transferente traditur, id ab accipiente *breui manu apprehenditur*.

§. 324.

De tra-
ditione
longa
manu
facta.

Ex aduerso *Res longa manu tradi dicitur*, quando res tradenda oculis tuis subijcitur eo fine, ut eam apprehendas, consequenter ut possessionem acquiras. Et *longa manu apprehendi dicitur*, quod longa manu traditur. Exempli loco esto, si transferens rem certam tradendam e longinquo demonstrat.

§. 325.

De re
persona
certa.

Vocatur autem *Res certa*, quæ sufficienter quomodocumque indigitatur, ut ab aliis sui similibus distingui possit: quo eodem sensu *Persona etiam certa dicitur*.

§. 326.

De tra-
ditione
symbolica.

Traditio symbolica dicitur, quæ fit per symbola, quando nimirum loco rei tradendæ traditur res alia, quæ istam significat, veluti si traduntur claves, quibus cista referatur, in qua res tradendæ sunt absconditæ. Patet autem, cum signa arbitraria sint, traditionem symbolicam fieri posse per rem quamcumque. Cum symbola nullum habeant effectum nisi a mutua transferentis & accipientis voluntate; *traditio sym-*

symbolica naturaliter superflua videtur, nisi quatenus declaratio voluntatis mediante symbolo efficitur magis certa, cum scilicet per ea magis constet, quid actum fuerit.

§. 327.

Operarum communicatio dicitur eorundem in usum aliorum collatio. Quoniam actiones hominis liberæ aliis utiles dominiis introductis æquiparantur rebus, quæ sunt in dominio nostro, consequenter operæ, quæ præstantur in utilitatem aliorum (§. 225.) operarum communicatio translationi domini, consequenter dationi æquiparatur (§. 258.) & introductis dominiis facere perinde est ac dare, quatenus nimirum facta perinde ac res certo pretio æstimatur.

De operarum communicatio-
ne.

§. 328.

Præstare, significatur generali, idem est ac dare & facere. Dicuntur ideo præstari tam res, quam facta.

Præstare quid significet.

§. 329.

A posteriori abunde patet, introductis rerum dominiis neminem res omnes per se habere posse, quæ ad vitæ necessitatem, commoditatem ac jucunditatem, immo & animæ perfectionem acquirendum requiruntur, & non minus opera aliorum, quam rebus alienis quilibet indigere: hanc autem indigentiam tanto maiorem esse, quanto longius a vitæ simplicitate receditur. Quamobrem cum homines conjunctis viribus ad se statumque suum perficiendum obligentur (§. 44.) dominiis introductis ad dominia transferenda & operas communicandas sibi invicem obligantur, seu ad dandum & faciendum, prouti unusquisque re vel opera alterius indiget.

Obligatio mutua ad dandum & faciendum.

Quoniam vero in collisione officiorum officium erga seipsum vincit officium erga alios (§. 64.) nemo alteri dare tenetur rem, qua ipse indiget, nec obligatur ad faciendum, quando non vacat.

§. 330.

De alienatione rei communis. Cum in communione positiva omnes conjunctim sint dominus rei indivisa (§. 196.) dominium quoque exerceri nequit, nisi omnium consensu, qui in eadem sunt (§. 195.) consequenter nec res communis alienari potest, nisi omnium consensu (§. 257.) Quoniam tamen jus, quod unusquisque pro rata in re indivisa habet, singulorum proprium est, spectandum instar rei incorporalis in dominio existentis (§. 206.) de jure suo, quod quis pro rata habet in re indivisa, pro libitu disponere potest, quatenus id fieri potest salva communione; seu sine praedjudicio ceterorum (§. 269.) Quamobrem jus quoque suum, quod pro rata habet in re indivisa, in alium transferre, seu alienare potest (§. 257.) non vero in ea parte, pro qua dominus est, a toto separata: jus enim in parte separata minime habet.

§. 331.

An datum reperi possit. Cum voluntate transferentis & accipientis sufficienter declarata jus, quod transfertur, fiat accipientis (§. 317.) invito rursus auferri nescium (§. 100.) quod datum est, repeti nequit, nec transferenti poenitere licet. Quodsi certa lege quid fuerit datum, cum acceptans plus juris acquirere non potuerit, quam transferens in ipsum transferre voluerit (§. 317.) lex dationi adjecta servanda.

§. 332.

De datione in diem. Quodsi ergo quid datur in certum diem, die veniente restituendum, & si datur sub certa conditione

ne suspensiva, dominium non ante transit, quamvis *condi-*
 re tradita, nisi conditione existente, consequenter *tionata.*
 si ea potestativa fuerit, adimplenda, conditione au-
 tem non existente, quod datum restituendum (§. 315.)
 id quod etiam fieri debet, conditione resolutive exi-
 stente (§. cit.) Accipiens nimirum ad restitutio-
 nem se obligasse intelligitur & transferens si-
 bi reservavit jus ad eandem (§. 97.)

§. 333.

Jus pro lubitu, seu, quandocumque visum *De pre-*
 fuerit, revocabile in alium translatum dicitur *cario.*
Precarium. Quamobrem *precarium non est*, si
 certum tempus adjicitur, intra quod revocari non
 debeat; cum tunc in certum diem datum in-
 telligatur, ante eum non repetendum (§. 332.)
Precarium vero quovis momento revocabile (§.
 318.) accipiens concedenti se obligasse intelligitur
 ad rem restituendam pro lubitu reposcenti (§. cit.
 & §. 97.)

§. 334.

Jus in re dicitur, quod in rem ipsam nobis *De jure*
 competit, consequenter cum jus sit facultas *in re.*
 moralis agendi (§. 46.) idem consistit in fa-
 cultate morali pro lubitu disponendi vel de re ipsa,
 vel de aliquo ejus usu, vel fructu inde percipien-
 do, vel de omnibus istis simul. Quamobrem do-
 minium & jus ad quemlibet actum ad exercitium
 ejusdem spectantem est jus in re (§. 195.) Patet
 etiam, communionem primariam fuisse jus in re
 (§. 186.) & jus in re aliena constitutum (§.
 260.) atque jus possessionis esse jus in re (§. 288.
 & seqq.)

§. 335.

Jus ad rem dicitur, quod habemus ad id, ad *De jure*
 quod praestandum alter nobis obligatus est. Quo- *ad rem.*

niam nobis competit jus ad certas præstationes nobis alterum obligandi, & inde jus perfectum ad eas acquirimus (§. 97.) ac præterea jam in anterioribus vidimus passim, homines sibi invicem ex facto quodam suo obligari ad certas præstationes; *jus ad rem*, idque perfectum utique datur. Cumque in Jure naturæ habeatur quoque ratio officiorum humanitatis (§. 61.) ad quæ obligatio imperfecta est (§. 80.) *jus quoque ad rem imperfectum* datur, nimirum quod homini competit id, ad quod alter ipsi imperfecte obligatur.

§. 336.

Debitor & debitum. Qui nobis ad aliquid præstandum perfecte obligatur, *Debitor* dicitur; id autem, ad quod præstandum obligatur, *Debitum*. Quamvis etiam imperfecte debitum dicatur, ad quod præstandum alter nobis imperfecte obligatur: qui tamen imperfecte obligatur, *Debitor* vocari non solet.

§. 337.

De remissione juris. *Jus*, nimirum ad rem, remittere dicimur, si sufficienter significamus, nos nolle, ut alter nobis præstet, ad quod præstandum obligatur. Dicitur etiam remitti eodem sensu ipsum debitum. Remissione igitur *jus debitor* ab obligatione sua liberatur & *jus tuum* extinguitur, *jus autem nemini* acquiritur. Per se patet, posse etiam remitti partem juris, si id, quod debetur, in partes dividi potest.

§. 338.

De cessione juris. Translatio juris sui ad rem in alium *Cessio* dicitur; & transferens *Cedens*; is vero, in quem transfertur, *Cessionarius* appellatur. Fit itaque *cessio* mutuo consensu cedentis & cessionarii sufficienter

ter declarato (§. 317.) Cum jus ad rem sit res incorporalis (§. 121.) quæ est in dominio cedentis (§. 206.) cessio fieri potest in scio, immo invito debitore, præsertim cum, cessionario in locum cedentis succedente, nihil in ipsa obligatione debitoris mutetur.

§. 339.

Jus repudiare dicitur, qui sufficienter significat, se jus sibi delatum habere nolle. Dicitur autem Jus tibi deferri, quod num accipere, seu acquirere velis, an nolis, in solo tuo arbitrio positum est. Jus igitur, quod repudiatur, repudians non transfert in alium.

De repudiatio-
ne juris.

§. 340.

Juri suo renuntiare dicitur, qui sufficienter significat in gratiam alterius, se jus quæsitum habere nolle. Dicitur autem Jus quæsitum, quod actu nobis competit. Renuntians igitur se ei, cui renuntiat, obligat, quod jure suo adversus ipsum uti nolit, & hic acquirit jus non patiendi, ut eodem utatur (§. 46.) jus vero suum renuntians in ipsum non transfert.

De renun-
tiatione.

§. 341.

Jure suo se abdicare dicitur, si quis sua sponte declarat, se jus quoddam, quod in alium transferre nequit, diutius habere nolle, veluti si magistratum ante tempus deponit.

De ab-
dicatio-
ne juris.

§. 342.

Cum quilibet de jure suo, tamquam re incorporali (§. 121.) in dominio ipsius existente (§. 206.) pro lubitu suo disponere possit (§. 195.) a cujuslibet voluntate dependet, num jus suum remittere, alteri cedere, repudiare, abdicare, aut

An re-
missio-
nes, ces-
siones
Ecce in
dicia.

in gratiam alterius ei renuntiare velit, modo nil committatur, quod est contra jus tertii (§. 86.) veluti si remissio fiat in fraudem creditorum.

§. 343.

De do-
miniis
ex di-
visione
commu-
niam o-
riundis.

Quando res communis dividitur, cum sublata communione unusquisque dominium acquirat in parte divisa, consequenter separatum; tot oriuntur dominia, quot sunt personæ, cumque partes divise nullam amplius relationem ad se invicem retineant, eadem non amplius spectantur tamquam partes; quæ nimirum antea fuerant plurium communia, ea divisione fiunt singulorum propria.

§. 344.

De di-
visione
rei com-
munis
qua di-
vidi ne-
quit.

Quodsi res communis dividenda dividi nequeat, quilibet, qui in communione est, integram habere velit, cum neuter alteri dominium in parte sua cedere teneatur (§. 342.) negotium naturaliter exitum habere nequit. Quodsi ergo exitum habere debet, necesse est, ut consensu eorum, qui sunt in communione, definiatur modus, quo determinari debeat, cuinam sit assignanda, veluti ut forte dirimatur, quinam rem habere debeat.

§. 345.

An quis
cogi os-
sit, si
maneat
in com-
munio-
ne.

Quoniam in communione de re communi disponi nil quicquam potest, nisi omnium consensu (§. 330.) & ut negotia exitum habere possint, voluntas plurium, seu partis majoris habenda est pro omnium voluntate; facile patet, in communione non liberam esse unicuique pro rata disponendi facultatem. Quamobrem cum libertati naturali, a qua pendet libera disponendi facultas in dominio (§. 195.) maxime adver-

adversetur, ut quis invitus maneat in communione; nemo quoque cogi potest, ut invitus in communione maneat, nisi jus commune ea lege acquisitum, ut commune maneat (§. 317.)

C A P U T V I.

De animi sui sensus alteri significandis.

§. 346.

A Nimi nostri sensa alteri significamus vel verbis, vel signis aliis, vel etiam factis, seu actionibus externis. Qui ergo ab aliis vult intelligi, vocabulis uti debet, prout fert usus loquendi, consequenter qui ad mentem suam alteri significandum obligatur, vocabulis uti debet in eo significatu, qui usui loquendi convenit. De communi usu loquendi.

§. 347.

Convenientia verborum cum cogitationibus nostris dicitur *Veritas moralis*; & moraliter verum loqui, qui ea cogitat, quæ se cogitare dicit; sermo autem moraliter verus *Veriloquium*. Differt itaque a *Veritate logica*, quæ est convenientiastrarum cogitationum cum objecto; ita ut logice verum sit, si, quod esse, vel non esse cogitamus, id etiam est, vel non est. Quamobrem cum veriloquium non supponat veritatem logicam; veritas logica per veriloquium probari nequit, & si, quod esse putas, dicis, cum non sit, & contra, moraliter verum loqueris, logice falsum. De veritate moralis & veriloquio.

§. 348.

Ex adverso disconvenientia verborum cum cogitationibus nostris vocatur *Falsitas moralis*; & moraliter falsum loqui dicitur, qui aliter cogitat, quam De falsitate & moraliter falsum loqui.

quam se cogitare dicit; sermo autem moraliter falsus *Falsiloquium*. Differt itaque a *Falsitate logica*, quæ est disconvenientia nostrarum cogitationum cum objecto; ita ut *logice falsum* sit, si quod esse cogitamus, non est, & contra. Quamobrem cum *falsiloquium* non supponat falsitatem logicam; si quod non esse putas, esse dicis, cum sit, vel quod esse putas, cum non sit, non esse dicis, moraliter falsum loqueris.

§. 349.

Actio sincera, *Actio externa sincera* vocatur, quæ cum interna consentit; disensus autem actionis externæ ab interna *Simulatio*; sicuti occultatio actionis tam internæ, quam externæ, siue positivæ, siue privativæ, quomodocunque facta, *Disimulatio*. *Simulatio* autem intentionis, quando scilicet falsam significamus, non veram, *Pretextus*, a nonnulli *Obtentus* appellatur.

§. 350.

Qualis sermo sit Patet itaque, *veriloquium* esse sermonem sincerum, *falsiloquium* sermonem simulatum (§. 347. 348. 349.) Patet etiam porro, *pretextum* esse quamdam speciem *falsiloquii*, sicuti *intermissio sermonis* eo fine facta, ne animi nostri sensa alteri pateant, ad *disimulationem* accedit (§. 349.)

§. 351.

Mendacium & reticentia. *Mentiri* dicitur, qui moraliter falsum loquitur, quando ad verum loquendum, seu animi sui sensa significandum alteri obligatur; atque ideo *Mendacium* est *falsiloquium* pugnans cum obligatione, qua tenemur alteri ad animi nostri sensa significanda, consequenter quo violatur jus alterius ex ista obligatione ortum (§. 46.) *Reticentia* vero vocatur silentium de eo, ad

ad quod dicendum obligamur : quæ ideo quodque est contra jus alterius.

§. 352.

Cum ab obligatione tam naturali (§. 42.) quam contracta nemo se liberare possit (§. 100.) si officio cuidam (§. 57.) vel obligationi contractæ satisfacere nequeamus, nisi alteri animi nostri sensa patefaciamus, ad moraliter verum loquendum, consequenter ad veriloquium obligamur (§. 347.) atque ideo tam falsiloquium (§. 348.) quam reticentia illicita est (§. 351.) Et hinc patet, omne mendacium esse illicitum (§. cit.) Ex adverso autem cum lex naturæ det jus ad ea, sine quibus obligationi nostræ satisfacere non possumus (§. 46.) si vel officio cuidam, vel obligationi cuidam contractæ satisfacere nequeamus, nisi animi nostri sensa celando, vel moraliter falsum loquendo, utrumque licitum est (§. 49.) atque tum falsiloquium mendacium non est (§. 351.) (a) Et quia vi libertatis naturalis unicuique permitendum, ut in determinandis actionibus suis suum sequatur iudicium, modo nil faciat, ad quod non faciendum tibi obligatur (§. 78.) & libertas naturalis non tollit obligationem naturalem (§. 77.) si alteri ad patefacienda animi tui sensa non obligaris, nec, ut id facias, requirat officium quoddam erga teipsum, vel erga alios, veritatem celare licet.

De moralitate veriloquii, mendacii & reticentia.

§. 353.

(a) Auctor nimis, & hic & alibi naturæ corruptæ ad malum jugiter propensæ indulget. Hæc VVolfii doctrina à D. Augustino in Lib. contra mendacium est viriliter refutata, & a prisca, & recenti Ecclesia semel, & iterum damnata.

§. 353.

De ambiguitate in loquendo.

Ambigue loqui dicitur, qui utitur verbis, quæ ex communi usu loquendi plures admittunt significatus; id quod imprudentia est, si alteri tui animi sensa significare volueris (§. 21.) ac per consequens vitandum, si vero prævideas alterum, cui animi tui sensa patefacere obligaris, ea accepturum in significatu a mente tua discrepante, & dolose hoo- intendis (§. 17.) ambiguitas in loquendo mendacio æquipollet (§. 351.) consequenter illicita est (§. 352.) Patet vero porro, ambiguitatem in loquendo esse licitam in eo casu, in quo falsiloquium licitum (§. 352.)

§. 354.

De enig-
matibus.

*Allegoria est sermo constans vocabulis, quæ a significatu proprio ad aliud quid significandum transferuntur propter rerum similitudinem. Allegoria obscurior, in quâ improprius verborum significatus ambiguus, *Ænigma* dicitur. Faciunt itaque ænigmata ad exercendum ingenium, quippe quod est facilitas observandi rerum similitudinem: & quando ambiguitas in loquendo licita vel illicita (§. 353.) ænigmatica quoque dictio licita, vel illicita.*

§. 355.

De re-
serva-
tionibus
menta-
libus.

*Verba aperta dicimus, quæ ore proferuntur, vel scribuntur, ut percipi possint ab aliis, *tacita* vero, quæ mente reservamus, ut nonnisi a nobis percipiantur, scilicet non aliis, sed nobis loquentes. Sermo moraliter verus constans verbis partim apertis, partim tacitis, ita ut illa ingenerent animo audientis falsam opinionem, hæc vero illorum sensum detorqueant in verum huic contrarium, *Reservatio mentalis* dici-*

dicitur. Sunt itaque reservationes mentales Veriloquium nonnisi respectu ejus, qui loquitur (§. 347.) est falsiloquium respectu ejus, ad quem sermo dirigitur (§. 348.) consequenter mendacio equipollent, quando ad animi nostri sensa alteri indicanda obligamur (§. 351.) in eo autem casu, quo falsiloquium licitum (§. 352.) inutiles. Ceterum facile patet, reservationibus mentalibus accensendum non esse sermonem, si is, ad quem sermo dirigitur, facile colligit ex verbis apertis, vel substrata materia mente reservata.

§. 356.

Fallere alterum dicitur, qui verbis vel factis Fallere alterum inducit, ut pro vero habeat, quod quid sit. non est. Hinc Simulatio definiri poterat, quod sit factum; Falsiloquium, quod sit sermo, quo alterum fallere intendimus.

§. 357.

Cum ab obligatione naturali nemo liberari An me possit (§. 42.) si ad veriloquium obligamus (§. tus peri- 352.) metu periculi nobis, vel aliis imminenti- culi falsilo- moraliter falsum, vel ambigue loqui, aut enigmati- quium ce respondere non licet: ast licet, si ad veriloquium licitum non obligamur (§. 269.) (a) facias.

§. 358.

Arcanum dicitur, quod ab aliis ignorari vo- De arca, lumus, vel etiam velle debemus. Et arcana sua nis alte- alteri committere dicitur, qui ea ipsi sub spe, ri com- vel fide silentii, hoc est, sub conditione vel taci- mitteren- dis et ta, vel expressa, ne dicat aliis, patefacit: ast prode- non pro- re arcana alterius, qui sibi commissa nota facit dendis. aliis. Quodsi nulla urget necessitas, ut arcana tua alte-

(a) Vide notulam ad §. 352.

alteri committas, qualis est, si consilio, vel opera alterius indiges in exequendo eo, quod decrevisti, cum tutius sit, ea non committi, quam ut committantur, ne ullus prodendorum metus superfit; ea committenda non sunt: commissa vero nunquam prodenda (§. 269.) præsertim si ad non prodenda se committenti obligasti (§. 270. 100.)

§. 359.

De moralitate
simulationis,
dissimulationis
& prætextus.

Cum simulando & moraliter falsum loquendo idem intendamus, nimirum ut alter de animi nostri sensis contrariam concipiat opinionem (§. 348. 349.) quando falsiloquium licitum, vel illicitum, etiam simulatio licita, vel illicita. Similiter cum celando animi nostri sensa & dissimulando idem intendatur, scilicet ne ea patefiant alteri (§. 349.) quando animi nostri sensa alterum celare licet, etiam dissimulatio licita. Cum prætextus species falsiloquii sit (§. 350.) de moralitate prætextus eadem valent, quæ de moralitate falsiloquii.

§. 360.

De ver-
bis &
factis te-
merariis.

Verba temeraria dicuntur, quæ nullo fine proferuntur; & Facta temeraria, quæ nullo fine committuntur. Nullo nimirum fine fieri dicuntur, in quibus nulla spectatur nostra, vel alterius utilitas, quæ nimirum instar finis a loquente, vel faciente intenditur. Cum homines obligentur actiones suas dirigere ad sui aliorumque perfectionem & ad status sui atque alieni perfectionem, ac eandem conjunctis viribus promovere (§. 43. 44.) sermo autem medium est, quo animi sui sensa eum in finem patefacere tenentur, quod per se patet; ideo non modo in loquendo, verum etiam in faciendo spectanda est aliqua utilitas siue nostra, siue aliena ex illa perfectione.

atione, tanquam fine ultimo, æstimanda. Unde haud difficulter conficitur, *verba & facta temeraria legi naturæ parum convenire*, consequenter nec temere loquendum, nec temere quicquam faciendum esse. Patet idem, præsertim de verbis, per obligationem determinandi actiones liberas per easdem rationes finales, per quas naturales determinantur (§. 43.)

§. 361.

Quodsi quis dubitet, te moraliter verum loqui, nec constare possit ex eo, de quo verba fiunt, vel aliunde, veluti per testes, cum nemo norit cogitationes tuas, nisi tu ipse, qui earum tibi met conscius es, & Deus; id aliter probari nequit nisi per conscientiam, aut Deum testem. Probatio veritatis dictorum per conscientiam testem provocando scilicet ad conscientiam tanquam testem, dicitur *Asseveratio*, probatio vero per Deum testem, invocando scilicet eum tanquam testem veritatis dictorum & vindicem mendacii ac perfidiæ, *Juramentum*, seu *Jusjurandum*. Quid sit perfidia, inferius explicabitur.

Asseveratio & juramentum quid sit.

§. 362.

Quoniam jurans pro certo habere debet existere Deum, eum nosse hominum cogitationes & punire mendacia ac perfidiam (§. 361.) qui negat esse Deum, vel eum nosse hominum cogitationes, aut putat, eum parum curare res humanas, jurare nequit. (a)

Quoniam jurare nequeant.

§. 363.

(a) Impius & incredulus qui tali modo juret duplici nomine Deum offendit, & quia Deum negat, & quia Deum qui vere est, quem tenetur, & valet, si vellet cognoscere, in testem vocat,

§. 363.

An iurari possit per falsos Deos. Quodsi ergo quis falsos Deos pro vero Deo habet & iis tribuit ea, quæ de vero Deo pro certo habere debet, iurans, cum respectu ipsius perinde sit ac si per verum Deum juraret, per falsos Deos jurare potest. (a)

§. 364.

De formulis iurandi.

Quoniam vero verba signa sunt, quæ significant, quod iisdem significare volumus; verbis quibuscumque iurari potest, quibus tribuitur significatus, qui vi definitionis iuramento convenit. Unde simul patet, per res quasunque iurari posse. Ast per res istas non iurat, sed saltem asseverat, qui dicit, se tam certo verum dicere, aut dicere velle, quam certum sit rem quamdam existere, vel notorie sibi carissimam esse. Possunt etiam verba eadem vim iuramenti, aut saltem vim asseverandi habere, prouti vel proferuntur altero iuramentum exigente, vel sua sponte. Ita si quis iurare iussus dicat: Deus est testis meus, is iurat; si non iussus profert, asseverat, Nimirum in priori casu verba quoque significant provocationem Dei tamquam vindicis mendacii aut perfidiæ, in posteriori minime (§. 361.)

§. 365.

Quando verba iurantia profert non iuret.

Si quis animo indeliberato verba iurantia, quibus scilicet iuramenti significatus tribui solet, animo non iurandi profert, non iurat, sed ea ad verba temeraria referenda (§. 360.) quæ cum viranda sint (§. cit.) nihilominus peccat. Idem tenendum de verbis, quibus alias asseverandi significatus tribuitur.

§. 366.

(a) Deorum pluralitati potest tribuere ea, quæ vero Deo conveniunt nec per Deos falsos iurare potest, qui Deum verum cognoscit vel cognoscere valet.

§. 366.

Quoniam vero contra eum, qui ad dicen- *Quando*
dum verum obligatur, pro vero habendum, *iuret.*
quod dicit (§. 318.) si quis jurare debet, aut
jurare videri vult, & verba jurantia profert, is
jurasse intelligitur. Alias nimirum admittendæ
forent reservationes mentales, quæ illicitæ sunt
(§. 355.)

§. 367.

Cum asseverationes temerariæ sint, temera- *De asse-*
ria etiam sint juramenta, si is, cui loqueris, *veratio-*
non dubitat, te moraliter verum loqui, aut si *nibus &*
nec tua, nec ipsius interest, siue credat, te *jura-*
verum dicere, siue minus (§. 360. 361.) ver- *mentis*
ba autem temeraria illicita sint (§. 360.) ac in- *temera-*
primis juramentum temerarium reverentiæ Deo *riis vi-*
debitæ parum conveniat (§. 172.) si is, cui loque- *tandis.*
ris, non dubitat te verum dicere, aut si nec tua,
nec ipsius interest, utrum hoc credat, nec ne,
asseveratio & juramentum illicita sunt. Hinc por-
ro eadem facilitate colligitur, si asseveranti cre-
ditur, vel asseveratio sufficit, ut credatur, juran-
dum non esse.

§. 368.

Cum tibi competat jus te alteri obligandi *Ad*
ad dicendum verum, si tua vel alterius in- *quid-*
terfit, ut is credat te verum dicere (§. 97.) *nam ju-*
invocatio vero Dei tamquam vindicis menda- *rans se*
cii ac perfidiæ sit motivum dicendi veri, quod *obliget.*
cum juramento conjungis (§. 361.) jurans te
alteri obligas ad dicendum verum (§. 35.) con-
sequenter falsiloquium licitum juramento confirmare
non licet (§. 100.)

§. 369.

Quia jurans te alteri obligas ad dicendum *Effectus*
verum (§. 368.) adeoque contra te pro vero ha- *jura-*
(Wolffii Instit. J. N. & G.) I ben- *menti.*

bendum, quod sufficienter indicas (§. 318.) consequenter non alia mens tua esse colligitur, quam quæ verbis tuis significatur: *juramentum arceat omnes tacitas exceptiones ac conditiones, neque admittit reservationes mentales* (§. 355.)

§. 370.

Quo sensu verba jurantia sumenda. Ex eadem ratione intelligitur, *jurantem verba jurantia sumere debere in eo significato, quem iis tribuit is, cui juratur, consequenter non esse detorquenda contra manifestum eorundem significatum in alienum, ut falsum loquendo ex mente ejus, cui juratur, verum se locutum probet ex mente sua.*

§. 371.

De pejeratione & perjurio. Pejeratio a nobis dicitur *juramentum ejus, qui se verum dicere jurat, dum falsum dicit; Perjurium vero violatio juramenti, quando scilicet non facis, quod te facturum ex animi licet tui sententia jurasti, & contra. Quamobrem cum jurans te obliges ad dicendum verum (§. 368.) & si jures te hoc facturum, vel non facturum, jurando probare velis, quod ad faciendum, vel non faciendum te obliges (§. 97. 361.) nec pejerare, nec perjurare licet* (§. 100.)

§. 372.

De juramento scripto. Quoniam vero perinde est, si verbo ore proferantur, si scribantur; *juramentum vocalibus scriptis expressum validum est, consequenter absens absenti in litteris jurare potest.*

§. 373.

De juramento in In animam alterius jurare dicitur, qui nomine & mandato absentis jurat. Cum perinde sit, si

sive quid per te, sive per alium facias; in animam quoque tuam ab alio jurari potest. *animam
alterius.*

§. 374.

Obtestatio dicitur actus, quo quis alterum per Deum testem veritatis dictorum & vindicem mendacii, aut facti cujuscunque illiciti, vel rem quandam ipsi carissimam, aut cujus maxime rationem habere debet, obsecrat, ut verum dicat, vel ut quid faciat, aut non faciat. Cum itaque obtestatione alterum permovere intendamus; ut verum dicat, vel ut quid faciat, aut non faciat; quando tui vel alterius plurimum interest, ut alter verum dicat, vel ut faciat, aut non faciat, qui ad faciendum, vel non faciendum obligatur, obtestatio licita est. Idem patet in eo casu, quo alterum exhortari debes, ne quid faciat, aut non faciat. *De obtestatione.*

§. 375.

Asseveratio per Deum testem, aut rem aliam nobis carissimam, vel magni momenti, *Contestatio* dicitur. Pertinet adeo contestatio ad asseverandi formulas, quæ ad juramentum propius accedunt (§. 361.) *De contestatione.*

§. 376.

Quoniam pejerat, qui jurat se facturum, ad quod faciendum se obligat, cum tamen animum faciendi non habeat, perjurus vero non est, si faciat mutato animo (§. 371.) si pejerantem poenitet pejerasse & quod se facturum juravit facit, perjurus non est. *Quando pejerans non fiat perjurus*

CAPUT VII.

De modo sese alteri obligandi, seu promissis
& pactis in genere.

§. 377.

*Ad quam
nam nos
alteri
obligare
possumus.* **C**um introductis dominiis homo non habeat quod suum est, nisi res tam corporales, quam incorporales, quæ sunt in dominio ipsius (§. 195. 106.) & actiones aliis utiles æquiparentur rebus in dominio existentibus (§. 225.) nemo quoque se alteri obligare potest, nisi ad dandum & faciendum, vel non faciendum, consequenter ad aliquid præstandum (§. 258. 328.)

§. 378.

*Quale
jus
transfe-
ratur, si
quis se
alteri
obligat.* Quoniam nulla opus est obligatione, si quid statim præstetur; qui alteri ad dandum vel faciendum se obligat, cum obligatio ad actum futurum pertineat, & ad eum jus perfectum acquirat alter (§. 97.) ille in hunc transfert jus exigendi præstationem.

§. 379.

*Promissio
quid
sit.* Declaratio hæc voluntatis de quodam alteri præstando, conjuncta cum juris a se exigendi, ut præstetur, in ipsum translatione, Promissio dicitur. Qui promittit, Promissor; is, cui promittitur, Promissarius vocatur.

§. 380.

*De modo
se alteri
obligan-
di.* Promissor igitur promissario se perfecte obligat (§. 80. 379.) Cumque de voluntate alterius nobis constare aliter non possit, nisi si ab eo sufficienter indicetur, nec ab alio jus acquirere valeamus, nisi voluntate ipsius (§. 314.) nemo quoque alteri se aliter perfecte obligare potest, nisi promittendo.

§. 381.

§. 381.

Cum in promissione in promissarium trans-
feratur jus exigendi præstationem promissam
(§. 379.) ad translationem vero juris requi-
ratur acceptatio (§. 316.) promissio quoque sine
acceptatione non est valida, nec ex ea jus ullum
acquiritur promissario.

De ne-
cessitate
accepta-
tionis
promissi.

§. 382.

A promissione cum Grotio recte distinguitur
Pollicitatio, qua alteri sufficienter declaramus
voluntatem eidem quid præstandi ac perseve-
rantiam in proposito, jus tamen a se id exi-
gendi in eum transferre nolumus. Quamob-
rem ex pollicitatione jus exigendi præstationem non
acquiritur ab eo, cui fit pollicitatio (§. 314.)

De pol-
licita-
tione.

§. 383.

Ab eadem cum eodem recte distinguitur nu-
da assertio, qua alteri sufficienter declaratur ani-
mus, quem de præsentī habemus, ipsi aliquid
præstandi, sed salva libertate animum mutan-
di, consequenter ex nuda assertione jus a nobis
id exigendi, quod alteri nos præstare velle dicimus,
nullum is consequitur (§. 314.)

De nuda
assertio-
ne.

§. 384.

Quoniam in pollicitatione (§. 382.) & in nuda
assertione nullum transfertur jus in alterum (§.
383.) ad pollicitationem & nudam assertionem nul-
la requiritur acceptatio, immo ad utramque inutilli-
ter accedit (§. 316.)

An in
iis acce-
ptatio
locum
habeat.

§. 385.

Cum a voluntate tua dependeat, utrum in
alterum jus quoddam transferre velis, nec
I 3 ne

Quales
actus
sine pro-

missio,
pollici-
ratio &
assertio.

ne (§. 314.) consequenter etiam num trans-
ferre velis jus exigendi præstationem quandam
a te, hoc est, jus ad rem (§. 335.) in volun-
tate quoque tua positum est, utrum alteri quid pro-
mittere, an polliceri, vel nude saltem quid asserere
velis (§. 379, 382. 383.) consequenter promissio,
pollicitatio & nuda assertio sunt actus meræ volun-
tatis, ac propterea nemini competit jus te ad pro-
mittendum compellendi, quod cum repugnet li-
bertati naturali (§. 77.) ad promittendum alterum
cogens injuriam ei facit (§. 87.) atque id lege
naturali prohibitum (§. 86.)

§. 386.

De ani-
mo deli-
berato.

Animus deliberatus dicitur actus voluntatis,
qui fertur in id, quod probe expensum, nimi-
rum num protinus sit faciendum, quam non fa-
ciendum, & quomodo faciendum, antequam
agens faciat, ne quid committatur officiis erga
se, vel alios adversum. Ex adverso autem *Ani-
mus indeliberatus* vocatur, si voluntas tendit in
id, quod non satis expensum. Quamobrem cum
ab obligatione naturali, qua tenemur ad quæ-
libet officia (§. 57.) nemo liberari possit (§.
42.) ac inprimis etiam quilibet omne damnum
a se avertere debeat (§. 269.) nemo quicquam
facere, nec quicquam promittere debet absque ani-
mo deliberato. Ceterum facile patet ex natura
promissionis, promissorem expendere debere, num
re, quam dare promittit, ipsemet indigeat, & num
tunc, quando facere promittit, sibi vacaturum, &
num hoc dando vel faciendo promissario desit offi-
cio cuidam erga seipsum, vel erga alios. Immo ex
modo dicta ratione, cur nil faciendum abs-
que animo delineralo, nec promissio acceptanda
absque animo deliberato. Et haud difficulter in-
telligitur, promissarium perpendere debere, num

eo, quod promittitur, indigeat, & annon alius eodem magis habeat opus, an nonnisi incommodo suo hoc prestare possit promissor, & num in acceptatione forsitan desit officio cuidam erga te, vel erga alios.

§. 387.

Quoniam animus deliberatus non cadit in Quinam furiosos durante furore, amentes, infantes, promittere non possint. summe ebrios, delirantes, nec eos, quorum iudicium propter aetatem imbecille est (§. 286.) omnes hos valide promittere non posse patet (§. cit.)

§. 388.

Promissum servare dicitur, qui dat, vel facit, De pro- quod se daturum, vel facturum promissit. Cum missis promissor promissario perfecte se obliget (§. servandis. 380.) & jus perfectum ad id, quod promissum, acquirat promissarius (§. 97.) invito auferri nescium (§. 100. promissa servanda sunt.

§. 389.

Fides dicitur circumstantia voluntatis alteri De fide. verbis declarata de eo, quod facere, vel dare velimus. Fides igitur supponit, ut moraliter vera loquaris, aut moraliter falsa dicta mutato animo in moraliter vera veritas. Hinc fidem dare dicitur, qui affirmat se praestitutum, quod se prestare velle dicit, consequenter alterum certum esse jubet de perseverantia in praesenti voluntate. Unde conficitur, pollicitatorem fidem dare ei, cui fit pollicitatio (§. 382.) Fidem fallere dicitur, qui non praestat, quod se praestitutum dixit. Fidem denique alterius adstringit, qui eum sibi obligat ad fidem servandam. Atque hinc patet, fidem datam esse servandam, consequenter non fallendum, & pollicitatorem fidem fallere, si non praestitutum, &

stat, quæ pollicitus. Liquet porro, qui promissa servat, eum quoque servare fidem, qui non servat, fidem fallere, atque promissarium acceptando fidem promissoris sibi adstringere (§. 378. 379.) Denique non minus manifestum est, qui nude asserit sibi esse animum aliquid præstandi, fidem suam non dare (§. 383.) consequenter nec fallere, si non præstat, quod se præstare velle dixit.

§. 390.

De perfidia.

Perfidus dicitur, qui contrarium ejus facit, ad quod faciendum fidem suam adstrinxit. Quodsi ergo promissor contrarium ejus facit, quod se facturum promisit, veluti si facit, quod se non facturum dixit, perfidus est: at pollicitator in eodem casu perfidus non est.

§. 391.

De promissione sub conditione turpi.

Cum ab obligatione naturali nemo liberari possit (§. 42.) sub conditione turpi nihil promittere licet (§. 315.) Quoniam itaque hæc promissio valida non est, ex ea quoque jus nullum consequitur promissarius, consequenter quod sub conditione turpi promissum præstandum non est, etiamsi ea fuerit adimpleta.

§. 392.

De promissione sub conditione impossibili.

Cumque conditio impossibilis existere nequeat; per se patet, promissionem sub conditione impossibili esse temerariam, nec juri naturæ convenire (§. 360.)

§. 393.

Quid sit promissio conditionata, in diem facta, pura

Enimvero quia in promissione jus transferitur in promissarium (§. 379.) promissor promittere potest, quæ lege voluerit, & promissio fieri potest sub conditione quacunque honesta & in certum diem,

diem, non modo absque ulla conditione & sine tempore adjecto (§. 314.) Promissio sub conditione facta dicitur conditionata; si certum tempus ad-jicitur, seu id, quod promittitur, certo die præstandum, *Promissio in diem facta*; quæ vero absque ulla conditione, nec tempore ullo ad-jecto fit, *promissio pura*.

§. 394.

Quoniam factum turpe tertii respectu pro-
missoris & promissarii conditio mere casualis
est, utpote ab utriusque voluntate prorsus in-
dependens; *promissio sub facto turpi tertii facta*,
cum nihil vitii in se habeat, *illicita non est*.

*De pro-
missione
sub fa-
cto turpi
tertii.*

§. 395.

Cum promissarius non plus juris acquirere
possit ex promissione, quam promissor in eum
transferre voluit (§. 317.) quod in diem promitti-
tur, statim debetur, sed exigi nequit, nisi die elapso.
Patet vero, cum conditio, quam certo extitu-
ram novimus, tempus designet, quo quid fieri
debeat, *promissionem sub conditione certo extitura
factam equipollere promissioni in diem factæ* (§. 393.)
Quoniam vero perinde est ac si dies venisset,
qui adventurus putatur, adventurus tamen
est, veluti si quid promittatur die trigesima
prima Aprilis præstandum, cum error non con-
tineat rationem promittendi; quod promittitur in
diem, qui adventurus putatur, adventurus tamen
non est, præstandum eo die elapso, quem falso de-
signasse videtur promissor. Nimirum supponimus
serio rem agi, non jocari.

*Promis-
sionis in
diem fa-
ctæ esse-
ritus.*

§. 396.

Enimvero quia sub conditione suspensiva pro-
mittens promissario obligatus esse non vult,
nisi

*Promis-
sionis
sub con-*

Aditione
suspensi-
va effe-
ctus.

nisi conditione existente (§. 315.) per rationem eandem (§. 317.) quod sub conditione suspensiva promittitur, non debetur, nisi conditione existente, si autem ea non existit, evanescit. Quoniam igitur jus ad id, quod promittitur, non ante acquirit promissarius, quam conditione existente; ex promissione conditionata nonnisi spem debitum iri habet promissarius, jus excitaturam, siquidem contingat, conditionem existere. Utrum spes ista jus sit excitatura, nec ne, cum respectu nostri saltem incertum sit; ea perinde ac jus acquisitum (§. 100.) invito auferri nequit. Patet idem etiam inde, quod promissor se obligaverit ad jus istud agnoscendum, quod spem istam excitare continget: a qua obligatione seipsum liberare nequit (§. cit.) Quia conditio potestativa suspensiva est, atque existit, quando adimpletur (§. 315.) quod promittitur sub conditione potestativa non ante debetur, quam ubi ea fuerit adimpleta.

§. 397.

Promis-
sionis
sub con-
ditione
resoluti-
va facta
effectus.

Similiter quia promittens sub conditione resolutiva, non diutius obligatus esse vult promissario ad præstandum id, ad quod se ipsi obligavit (§. 315.) consequenter ista conditione designatur tempus, quo jus promissarii durare debet (§. 97.) quod sub conditione resolutiva promissum, desinit deberi eadem existente & jus promissarii expirat.

§. 398.

Effectus
promis-
sionis
puræ &
quando
in eam
habeat
conditio.

Quod pure promittitur, statim debetur & exigi potest: id quod ex ipsa definitione promissionis puræ statim patet (§. 393.) Quamobrem cum die veniente inter promissionem puram & in diem factam, conditione autem existente inter illam & conditionatam nulla amplius disse-

differentia existat (§. cit.) die veniente promissio nata & in diem facta, & conditione existente promissio conditionata in puram abit. in diem facta.

§. 399.

Si conditiones plures copulative adjiciantur promissioni, cum nonnisi omnibus simul existentibus promissor obligatus esse velit; quod promissum non ante debetur, quam omnes extare certum est (§. 317.) Enimvero si disjunctive adjiciantur, cum promissor promissario obligatus esse velit, quacumque earum existente; existente una quod promissum debetur, etiamsi ceteræ non sint extituræ.

§. 400.

Personalis promissio est, quæ ad personam promissarii ita restringitur, ut promissor nemini nisi promissario obligatus esse velit. Conferuntur autem promissio in personam promissarii vel expresse, vel tacite, quando id ex materia promissi aliisque circumstantiis colligitur. Jus vero personale vocatur, quod ad personam, cui competit, ita restringitur, ut ab ea in aliam transire non possit: sicuti personale in genere appellatur, quod personæ cuidam ita inhæret, ut ab ea in aliam nullo modo transire possit. Hinc consequitur, ex promissione personali promissarium non acquirere nisi jus personale, & jus personale cum persona extinguui, atque promissionem conditionatam evanescere, mortuo promissario, antequam conditio existit (§. 396.) Patet etiam, si conditio potestativa fuerit personalis, eam adimpleri non posse, nisi a promissario ipso.

§. 401.

Promissio realis est, quæ personalis non est, habita nimirum in promittendo magis rei, quam per-
De promissione reali.

personæ ratione. Quamobrem ex promissione reali a promissario acquiritur non jus personale, sed jus, quod etiam in alium transire potest (§. 400.) & similiter spes debitum iri ex promissione conditionata reali enata (§. 396.) in alium quoque transferri, aut transmitti potest.

§. 402.

De obligatione personæ li. & reali.

Eodem sensu, quo jus personale & reale a se invicem distinguuntur, obligationes quoque aliæ sunt personales, aliæ reales. Unde obligationes personales non egrediuntur personam & cum ea extinguuntur; secus vero reales. Atque hæc differentia attendenda est etiam in promissionibus, pro uti vel personales, vel reales fuerint.

§. 403.

An promissio absenti fieri possit.

Ad promissionem perficiendam requiritur sufficiens declaratio voluntatis tam promissoris, quam promissarii (§. 379. 381.) Quamobrem cum voluntas alteri declarari possit non modo verbis ore prolatis, verum etiam scriptis, immo etiam per alium; promissio quoque fieri potest per epistolam, & per alium, in utroque casu absenti, & ab absente per epistolam, vel per alium acceptari potest.

§. 404.

De promissione modali.

Potest etiam in certum finem alteri quid promitti, nimirum ut ab eo quid fiat, vel præstetur, & tum Promissio sub modo facta, vel etiam modalis dicitur. Cumque modus impleri dicatur, quando hoc sit, quod ut fiat aliquid præstatur, atque ante tibi præstandum sit, quod promittitur, ut hoc facias, quam facias, & acceptando promissum tu tantummodo te declares ad faciendum, ubi promissor quod promissum

sum præstiterit; promissarius modum implere ante non tenetur, quam promissio adimpleta fuerit; ubi vero hec adimpleta, ad implendum obligatur, & nisi fecerit, quod ex promissione consecutus, restituendum, id quod etiam fieri debere patet, si promissarius moriatur, antequam modum impleverit, sub quo ipsi quid datum.

§. 405.

Causam promissio dare dicitur, quod est ratio *De promissione errantis.* unica, cur quid promittatur, alias non promittendum. Quoniam, si error det causam promisso, promissio facta intelligitur sub hac conditione, si verum sit, quod per errorem pro vero sumitur, consequenter conditio, sub qua facta promissio, non existit; promissio, cui error causam dedit, valida non est (§. 396.) Quodsi vero promissor fuerit negligens in veritate exploranda, aut in sensu suo exprimendo, & promissarius inde damnum passus sit, cum damnum culpa illius datum sit (§. 21.) id utique resarciendum (§. 270.) Ob eandem rationem, si promissarius det causam errori, sed non promissioni, & ex errore damnum aliquod facit promissor; eidem promissarius id restituere tenetur, etsi promissio sit valida.

§. 406.

Cum alteri injuriam faciat, qui ad promittendum eum vi, vel metu incusso adigit (§. 385.) *De promissione vi vel metu extorta.* promissio vi vel metu extorta lege naturæ prohibita est (§. 87.) consequenter invalida. Quemadmodum res vi vel metu a prædone extorta domino restituenda (§. 264.) ita quoque promissum vi ac metu extortum præstandum non est. Enimvero si metu ab alio incusso permotus tibi, rei istius minime conscio, quid promittam, cum tuum non sit iudicium de eo, cur promittam (§. 78.) nulla

nulla sane ratio est, cur, quod inter me & te gestum, subsistere nequeat (§. 378. 379.) ac propterea *promissio valida est*. Quoniam tamen, qui *metum incussit*, in causa est, cur tibi promiserim, alias non promissurus, consequenter *damnum dolo mihi dedit* (§. 17.) *is idem mihi rescircire tenetur* (§. 270.) Enimvero si tu per alium mihi *metum incutis*, ut tibi quid promittam, cum perinde sit, ac si promissionem ipsemet metu extorsisses; *promissio invalida est*. Et quoniam promissarius, si novit promissorem metu ab alio *incusso promittere*, *promissionem acceptare non debet*, *acceptatione* quippe repugnante obligationi damni ab aliis avertendi (§. 269.) consequenter *promissio invalida*. Accedit, quod promissarius metu *incussum* *ratihabendo* velit promissionem vi extorqueri, ut non multum absit ab eo, qui metu per alium incutit, ut promittatur.

§. 407.

An promissio habere debeat causam expressam. Cum a voluntate promittentis unice dependeat, utrum promittere velit, nec ne (§. 385.) & vi libertatis naturalis nulli hominum rationem reddere tenetur, cur quid faciat (§. 78.) *promissio naturaliter non habere debet causam expressam*, scilicet cur promittat.

§. 408.

Promissio ob causam ante debitam. Ob eandem rationem, *promissio ob causam ante debitam valida*. Dicitur nimirum *promitti ob causam ante debitam*, si cui ob id, ad quod præstandum jam obligatus, aliquid promitto, veluti viatori aliquod munusculum præter mercedem. Et quoniam quod ob causam ante debitam promittitur, cum sit motivum diligentius præstandi, quod præstari debet, alterum obli-

obligat ad maiorem diligentiam (§. 35. 21.)
promissio ob causam ante debitam temeraria non est
(§. 360.)

§. 409.

Similiter cum onus promissioni adicere dicatur promissor quando promittit sub hac conditione, vel sub hoc modo, ut promissarius vicissim tibi, vel alteri quid praestet, & a promittentis voluntate dependeat, quomodo & sub qua conditione, vel sub quo modo promittere velit (§. 393. 404.) promissor pro arbitrio onus promissioni adicere potest, sive per modum conditionis, sive per modum modi.

De onere
promis-
sioni ad-
iecto .

§. 410.

Ast poena adjici dicitur promisso, si promissor declarat se hoc daturum, vel facturum, nisi steterit promisso. Et tum promissio poenalis vocatur; quod vero poenae nomine promittitur, promissum poenale. Patet vero, ut ante, poenam posse adjici promisso; cum scilicet id dependeat a libera promissoris & promissarii voluntate (§. 393. 381.) Potest autem poena triplici modo adjici, vel ut optio sit promissarii, an velit exigere poenam, an promissorem adigere ad implendum promissum, vel ut poena praestita cesset promissio, vel denique ut praestita poena promissor nihilominus maneat obligatus ad praestandum promissum.

De poena
promis-
sioni ad-
iecta .

§. 411.

Impossibile est, ut faciamus, quod vires nostras transcendit. Promissio igitur ejus, quod vires nostras transcendit, invalida est (§. 380. 37.)

De pro-
missione
ejus,
quod vi-
res no-
stras tran-
scendit .

§. 412.

§. 412.

De pro-
missione
rei alie-
ne.

Et quoniam nemo rem alienam alteri potest dare (§. 258.) promissio vero ad dandum obligat (§. 388.) nemo rem alienam promittere potest. Enimvero si quis promittit, quod suum fieri potest, vel quod suum fieri posse putat, quia suum fieri potest, vel fieri posse putat, cum in priori casu sufficienter indicet, se curaturum, ut suum fiat, in posteriori autem se impensas facere velle, ut suum fiat; in casu priori operam dare tenetur, ut suum fiat, in posteriori autem ad tantundem obligatur, quantum impendendum fuisset, ut suum fieret, siquidem fieri nequit (§. 318.) Per se autem patet, si rem quam nostram fieri posse putamus, alteri promittimus, si ea nostra fiet, promissionem esse conditionatam (§. 393.) consequenter ubi frustra data fuerit opera, ut nostra fiat, promissario ad nihil tenemur (§. 396.)

§. 413.

De rei
promissione
aliena-
tione.

Cum promissa sint servanda (§. 388.) servari autem non possit promissum, si res promissa alienatur (§. cit. & §. 257.) promissor naturaliter obligatur rem promissam non alienare. Quoniam tamen in promissione non transfertur dominium rei promissæ, sed saltem jus ad eam (§. 335.) alienatio a promissore facta valida est (§. 257.) sed quis is tibi invito jus ad rem acquisitum auferre nequit (§. 100.) tibi competit jus alienationem impediendi, si noris, promissorem rem promissam alienare velle. Ex adverso autem patet; alienationem esse invalidam, si promissor declaraverit, sibi ademptum esse debere jus alienandi; cum tunc non amplius idem habere intelligatur.

§. 414.

§. 414.

Lucrum dicitur res, quæ bonis nostris super-
 accedit, iisdem non deminutis, seu qua finius
 locupletiores. *Cessare* dicitur, si, quando id ob-
 tinere poteramus, impedimur, quo minus ob-
 tineamus. *Lucrum* autem *certum* vocatur, quan-
 do certo constat nos id obtinere posse, seu ob-
 tenturos esse; *incertum* vero in casu opposito.
Lucri vero *certi* *quantitas* *incerta* esse potest. Pa-
 tet igitur, *lucrum certum* esse rem in dominio no-
 stro extitutam, consequenter qui *lucrum certum* ces-
 sare facit, is impedit, quo minus res tua fiat, quæ
 alias fieri poterat, consequenter *damnum* dat (§. 270.)
 atque ideo *resarcire* tenetur (§. 270.)

De lu-
cro.

§. 415.

Damnum emergens & *lucrum* cessans com-
 muni nomine dicuntur id, quod interest. Quo-
 niam tam *damnum* datum (§. 270.) quam *lu-
 crum* cessans dolo vel culpa nostra *resarcien-
 dum* (§. 414.) si ob factum quoddam vel non-fa-
 ctum dolosum, aut culpsum tuum alter *damnum* in-
 currat, aut *lucrum* ejus cesset, ad id, quod inte-
 rest, teneris. Præstando id, quod interest, alter
 restituitur in eum statum, quo perinde est, ac
 si fecisses, vel etiam dedisses, quod non feci-
 sti, vel non dedisti, & contra. Cum autem
 nemo efficere debeat, ut alter minus habeat,
 quam habere debebat (§. 270.) si quis propterea
 minus habet, quam habere debet, vel poterat, quod
 obligationi tuæ non satisfacisti, ad id, quod inter-
 est, teneris.

De eo,
quod in-
terest.

§. 416.

Quodsi ergo promissione non impleta *lucrum* Quando
 promissarii quoddam cesset, aut *damnum* quod- Promis-
 (Wolffii Instit. J. N. & G.) K dam sic re-

hæatur dam emergat, veluti quando res promissa vo-
ad id, luntate, vel culpa tua fit aliena; ad id, quod
quod in- interest, teneris.
terest.

§. 417.

De mo- Mora est dilatio ejus, quod fieri debet, ul-
ra. tra tempus, quo fieri debebat. Unde in mora
 esse dicitur, qui, quod certo tempore facere
 potest, ac debet, non facit.

§. 418.

Demora Impedimentum inevitabile dicitur, si in causa
imputa- non es, cur tibi objiciatur, seu quod, ne fe-
ratione & se offerat, nullo modo efficere potuisti. Vo-
purga- catur autem insuperabile; quod oblatum tollere
ratione. minime potes. Quodsi mora debetur impedin-
 to inevitabili & insuperabili, ea tibi imputari ne-
 quit: si autem tale impedimentum non adsit, aut
 alternatrum saltem obtineat, mora imputatur (§. 3.)
 Quamobrem cum de mora se purgare dicatur,
 qui demonstrat, se in mora non esse; de mo-
 ra se purgaturus ostendere debet, se ob impedin-
 tum inevitabile ac insuperabile facere non potuisse,
 quod facere debebat.

§. 419.

interesse Quoniam, qui nunc præstare obligatur, præ-
mora. stationem differendi jus minime habet, id quod
 per naturam obligationis patet (§. 37.) nemo
 quoque in mora esse debet, consequenter si ex
 mora æmnum quoddam emergat ei, cui ad præ-
 standum quis obligatus est, aut lucrum ejus cesset;
 qui in mora est, ad id quod interest, tenetur
 (§. 415.)

§. 420.

§. 420.

Si res promissa casu interit, quem nulla tua culpa præcessit, cum interitus tibi imputari nequeat (§. 17.) nec promissario teneris ad id, quod interest, & promissio evanescit. Enimvero si dolo vel culpa tua res promissa intereat, cum id tibi imputandum sit (§. 17.) promissario teneris ad id, quod interest (§. 415.) Quamobrem si tibi promittantur res nondum existentes, sed extiturae, veluti fructus futuræ ætatis; si nullas extare casu contingat, nihil debetur. Patet etiam inde, promissioni rerum futurarum tacitam subesse conditionem: si quæ futuræ sint; vel, quod eodem redit, tacitam hanc exceptionem: nisi omnino nullæ extiturae sint.

De re
promissa
intere-
unte.

§. 421.

Si quis eandem rem, quam tibi promisit, denuo promittat alteri, cum jus ad eandem tibi ex promissione acquisitum auferre nequeat (§. 379. 100.) promissio posterior non valet, sed prior subsistit. Enimvero cum nihil obstet, quo minus bis promittas, quod bis præstari potest; si quod bis promittitur, bis præstari possit, promissio utraque valet.

De ean-
dem re
bis pro-
missa.

§. 422.

In solidum teneri dicitur, qui quod pluribus præstandum est, vel a pluribus, totum uni præstare tenetur, vel solus. Id obtinere potest, vel si quid pluribus conjunctim promittitur, vel si plures uni idem promittunt.

In soli-
dum re-
neri,
quid sit.

§. 423.

Cum a promissoris voluntate pendeat, quomodo promittere velit (§. 393.) si quis unam eam-

De ean-
dem re
pluribus

conjun- eandemque rem pluribus conjunctim uno actu pro-
ctim pro- mittit, in ipsius arbitrio positum est, num singulis
missa. in solidum teneri velit, an nolit, consequenter
dum promittit, quid velit, sufficienter indicare de-
bet (§. 318.) si neutrum sufficienter indicet, li-
bertati suæ hoc relictum esse voluit (§. 78.) Enim-
vero si quis rem unam pluribus conjunctim pro-
mittit, singulis in solidum tenetur, cum res non-
nisi semel debeat; si uni dedit, ceteris ad
nihil tenetur: quoniam tamen omnibus conjun-
ctim debetur; qui totam accepit, ceteris pro ra-
ta tenetur. Et quia uni totam dare tenetur;
quilibet eorum, quibus ea conjunctim promissa est,
ceteris insciis, immo invitois exigere potest.

§. 424.

De duo-
bus vel
pluribus
reis.

Si duo, vel plures simul eandem rem promit-
tant uni, vel pluribus conjunctim, ita ut singuli
teneri velint in solidum, dicuntur *Correi pro-*
mittendi; & quatenus eandem rem uni, vel plu-
ribus in solidum debet, *Correi debendi*. Similiter
si pluribus conjunctim promittitur res eadem,
ita ut singulis in solidum teneatur promissor,
qui ita sibi promitti stipulati sunt, *Correi stipu-*
landi; aut ubi hoc modo pluribus conjunctim
ultro eadem res promissa, vel ex alia causa
iisdem debetur, hi *Correi credendi* appellantur.
Cum res promissa nonnisi semel debeat; si
correorum debendi unus promissionem adimplet, vel
debitum solvit, ceteros correos ab obligatione libe-
rat. Idem intelligitur de reo promittendi, vel
debendi, si correorum stipulandi unus accipit,
quod promissum, ob rationem eandem. Im-
mo quia singuli correi rem nonnisi semel dan-
dam totam dare tenentur (§. 422.) a correorum
quocumque, prouti visum fuerit, rem totam exige-
re potes, quo facto ceteri liberantur, prouti jam
vidi.

vidimus. Cum vero omnes conjunctim debeant rem semel dandam; si totam ab uno consequi non potes, partem residuam ab altero exigere licet, quippe qui non ante liberatur, quam re tota data (per demonstrata.)

§. 425.

Promissor promittere potest, quacumque lege voluerit (§. 393.) nec ultra voluntatem ipsius jus aliquod acquiri potest a promissario (§. 317.) Quare si promittens absenti velit, ut valeat promissio, si acceptetur; statim valet, quamprimum acceptata fuit, quamvis acceptatio nondum innotuerit promissori: quodsi vero nolit promissionem valere, nisi quando acceptatam intellexerit, non ante valet, quam acceptatio ipsi innotuerit. Quamobrem si moriatur promissor, antequam acceptatio ipsi innotuerit; in casu priori valet promissio, in casu posteriori non valet. Ob rationem eandem acceptatio fieri potest post mortem promissoris, si is velit, ut promissio etiam post mortem acceptari possit, vel etiam quod datur (§. 314.) Queritur vero, quid in casu dubio sit praesumendum, quando scilicet voluntatem suam non satis declaravit promissor. Cum acceptatione promissio fiat valida (§. 381.) nulla sane ratio est, cur eam valere demum velit, ubi acceptationem intellexerit, quando eandem facile praesumit: adest vero ratio, cur velit, quando de acceptatione non sine ratione dubitat. Quamobrem si promissor acceptationem praesumit, velle intelligitur, ut valeat promissio, quando acceptata fuerit: in casu opposito autem, si acceptatam intellexerit. Quamobrem promissio priori modo intelligitur, quae mere liberalis est: posteriori autem modo, quae onerosa est. Dicitur autem promissio mere liberalis, si promissarius nihil vicissim praestare debet; onerosa vero in casu opposito.

§. 426.

De ministro promittendi & acceptandi. Minister dicitur is, per quem voluntatem nostram alteri significamus. Unde Minister promittendi vocatur, per quem alteri quid promittimus, vel promissionem a nobis factam significamus; & in genere Minister obligationis contrahendæ, per quem obligationem contrahi volumus sive ex parte nostri, sive ex parte alterius, aut obligatio contrahenda significatur; ac denique Minister acceptandi, quem nostro nomine acceptare volumus, aut qui acceptationem factam a nobis significat. Quoniam minister non suo nomine, nec suo jure agit, sed ejus, a quo minister electus est; in voluntate quoque ejus, qui ministerio ipsius utitur, positum est, quantum juris in ministrum conferre velit (§. 314.)

§. 427.

De revocatione promissionis. Quoniam absque acceptatione promissio non est valida (§. 381.) quandiu acceptata non fuit, revocari potest. Dicitur autem promissio revocari, si promissor declarat, se ex promisso teneri nolle. Unde patet, ante acceptationem pœnitere licere. Liquet porro, promissionem revocari posse, antequam epistola, in qua ea fit, ad promissarium lata fuerit. Immo si promissio eo animo facta, ut non valeat, nisi quando acceptatam intellexeris (§. 425.) revocari poterit, quamdiu acceptatio non innotuerit.

§. 428.

De tabellario epistolam perferente in qua promittitur. Cum tabellarii opera non alio fine utatur promissor, quam ut epistola ad promissarium perferatur, ac ideo perinde sit, sive tabellarius ipse, sive alius eandem perferat; si tabellario mortuo epistolam, in qua fit promissio, alius perferat.

valide acceptatur; revocari tamen potest, quamdiu epistola ab alio non fuerit promissario reddita. Jus hoc revocandi cum promissori auferretur, quod tamen fieri nequit (§. 74.) si acceptatio valeret, epistola, qua voluntatem suam promissario declarare voluit promissor, nondum perlata, sed argumento ejus ex relatione alterius cognito; epistola nondum perlata acceptatio fieri nequit, argumento ejus ex relatione alterius cognito. Quamobrem si epistola intercidat, promissio nulla est, consequenter si promissor in animo promittendi perseveret, renovanda alio quocumque, quo placuerit, modo.

§. 429.

Minister, qui promissionem significare debet, fungitur vice epistolæ. Quodsi ergo is moritur, antequam promissionem significare potuerit, ea nulla est: & cum revocari possit promissio, antequam epistola reddita fuerit, consequenter acceptatio fieri nequeat, etiamsi facta revocatione reddatur; inscio quoque ministro promissio revocari potest (§. 428.)

§. 430.

Enimvero si minister tuo nomine promittere debet, cum tamdiu jure tuo, quod in ipsum contulisti, promittat, quamdiu a te revocatum non fuerit, promissio ipso inscio revocari nequit, consequenter valida etiam post revocationem facta, antequam hæc ipsi innotuerit. Ceterum cum tuo nomine promittere non possit, si moriatur; ipso mortuo promissio nulla. Et quoniam tamdiu per alium facere potes, quamdiu quid ipse facere potes; si moriaris, antequam tuo nomine minister promiserit, promissio ab eo post mortem tuam facta nulla est, utpote nullo jure facta.

§. 431.

De morte promissoris, antequam promissio significata.

Quoniam acceptatio post mortem promissoris fieri nequit, nisi is expresse voluerit, ut post mortem promissum acceptari possit (§. 425. 318.) si promissor moriatur, antequam epistola ad eum perlata fuerit, vel minister eam significaverit, promissio acceptari consequenter valida fieri nequit (§. 381.)

§. 432.

De acceptatione in litteris, vel per ministrum, quæ promissionem præcedit.

Quia perinde est, siue quid per te, siue per alium facias; acceptatio per ministrum fieri potest, cumque perinde sit, quomodo animum acceptandi alteri declares, eadem significari potest cum per epistolam, tum per ministrum. Quoniam acceptatio præcedere potest (§. 319.) si a me petieris, ut tibi quid promittam, & ego in litteris respondens promittam, promissio statim valida, consequenter subsistit, etiamsi litteræ demum post mortem meam ad te perferuntur, utpote ante mortem perfecta. Enimvero cum acceptatio a te facta intelligi nequit, nisi facta promissione, hæc autem facta non intelligitur, nisi litteris ad te perlatis; quamdiu litteræ ad te perlatæ non fuerint, promissio revocari potest. Nimirum scripta epistola promissio revocabiliter facta quæ morte promissoris efficitur irrevocabilis. Facile patet, eadem valere de ministro acceptandi, utpote qui fungitur vice epistolæ.

§. 433.

Promissio mihi de tibi præstando facta.

Si quis mihi promittit, se tibi quid præstaturum, & ego accepto, is in me transfert jus ipsum compellendi, ut præset, si tu acceptes (§. 361.) Quoniam vero sine acceptatione tua tibi jus nullum quæsitum (§. 381.) jus autem in me transf.

translatum mihi auferri nequit (§. 100.) idem tamen remittere possum (§. 342.) ante acceptationem tuam promissio revocari nequit, ego tamen eam remittere possum. Cumque velim, ut valeat promissio, quando tibi eam significo; tacite saltem tibi promitto, ut, si acceptes, ego efficere velim, ut promissio adimpleatur, consequenter acceptatione tua tibi obligor ad efficiendum, ut promissio impleatur (§. 380.) aut jus meum promissorem compellendi, ut impleat, tibi cedendum (§. 338. 342.)

§. 434.

Qui non electus est minister, ut acceptet, cum jus nomine alterius acceptandi non habeat, alterius quoque nomine acceptare nequit. Quodsi ergo te presente tertio absenti promitto, nec tu electus es minister acceptandi, acceptatio tua nulla est, nec ex promissione teneor alteri (§. 381.) Quodsi velim, ut tu ejus nomine acceptes; eo ipso declaro, me acceptationem tuam pro acceptatione alterius habiturum, si is velit, consequenter promissio a me revocari nequit. Sed quoniam validitas promissionis non a tua, sed ejus voluntate dependet, in cujus personam collata; tu medio tempore eam remittere non potes, jure nullo ex promisso tibi quaesito, quod remittere posses.

§. 435.

Si onus in commodum tertii adjicitur promissioni, cum jus nullum sit tertio, antequam acceptaverit (§. 316.) & onus adjiciatur vel tamquam conditio, vel tamquam modus; quamdiu id a tertio acceptatum non fuit, in tua voluntate positum est, utrum id remittere velis, nec ne (§. 342.) promissione conditionata, vel modali in puram

pturam conversa (§. 393. 404.) consequenter ante acceptationem a tertio factam onus revocabile.

§. 436.

Si promissione invalida stare velit promissor. Si promissio fuerit invalida eadem tamen stare velit promissor, cum a voluntate ipsius dependeat, utrum quid prestare alteri velit, nec ne (§. 314. 328.) vel etiam promittere (§. 385.) vel prestare debet, quod promissum est, vel nova promissione opus est, quæ, quia nova est, alia quacunque lege fieri potest, quam anterior fuerat (§. 393.)

§. 437.

De conventionibus.

Conventio est actus, quo duo vel plures idem decernunt, seu in idem agendum, aut non agendum consentiunt. Quamobrem cum nemo sese alteri perfecte obligari possit, nisi promittendo (§. 380.) conventiones per se nullam producant obligationem, seu non obligant, nisi quatenus promissionem continent.

§. 438.

De pactis.

Conventio, qua duo vel plures in eandem, vel easdem promissiones consentiunt, Pactum, sive Pactio appellatur. Quamobrem cum promissa sint servanda (§. 388.) pacta quoque servanda sunt. Quoniam itaque pacta omnem vim obligandi a promissione habent (§. 380.) quæ de promissione demonstrata sunt, ad pacta etiam applicanda.

§. 439.

De pacto expresso & tacito.

Pactum expressum dicitur, quod perficitur consensu expresso; tacitum vero, quod tacito. Et pactis expressis tacite insunt, quæ ex iis, quæ expresse dicuntur, per necessariam consequentiam fiunt (§. 27.)

(§. 27.) *Conditio autem per se inesse dicitur pacto, vel promissioni, si sine ea præstatio ejus, quod promissum, concipi nequit, veluti si dico: dabo tibi sumtus ad gradum doctoratus obtinendum, & quæ per se pacto vel promissioni inest conditio, pro expresse adjecta habenda.*

§. 440.

Pactum temporarium dicitur, cujus duratio ad certum tempus restringitur; æternum vero, cujus duratio perpetua esse debet, hoc est, quamdiu existunt personæ, quæ ex eodem jus aliquod quasitum habent. Quoniam pacta temporaria non minus, quam æterna ad personas paciscentium restringi repugnat; utraque non personalia, sed realia sunt (§. 401.) temporaria vero non amplius obligant, elapso tempore, ad quod restringitur eorum duratio (§. 317.)

*De pacto
tempo-
rario &
æterno.*

§. 441.

Pactum renovari dicitur, si paciscentes inter se conveniant, quod idem ultra terminum, qui ipsi præfixus fuerat, per certum temporis intervallum adhuc continuari debeat. Quod si ergo pactum temporarium termino ad quem veniente non expirare debeat (§. 440.) renovandum est. At quia non idem pactum continuatur, si quoad præstationes quid immutetur, sed novum initur; in renovatione quoad præstationes nihil immutandum. Facile autem patet, a paciscentium voluntate unice dependere, utrum pactum renovare, an novum facere velint (§. 393.) Cum paciscentes in renovatione in continuationem consentire debeant (§. 437.) tacite vero in eam consentiat, qui quid ab altero contrahentium pacto temporario finito fieri patitur, quod nonnisi vi ejusdem fieri poterat (§. 27.) pactum tacite renovatur, si

*De reno-
vatione
pacti.*

quid

quid ab uno contrahentium pacto finito fiat, quod nonnisi vi ejusdem fieri poterat, altero conscio, nec contradicente, vel si id approbet, veluti accipiendo, quod nonnisi ex pacto dari poterat. Quoniam vero in tacita renovatione non exprimitur tempus, ad quod pactum continuari debeat; ad tantum tempus renovatum intelligitur, ad quantum duratio in pacto fuerat expressa. Enimvero si initio statim conveniatur, pactum ultra suum terminum continuari debere, nisi statuto tempore significetur ab alterutra parte, quod eodem non amplius teneri velit; pactum vigore primæ conventionis subsistit, donec dissolvatur (§. 438.) consequenter non renovatur (vid. §. præf.)

§. 442.

Quando
a pacto
discede-
re li-
ceat.

A pacto discedere dicitur, qui præstare id non vult, ad quod præstandum ex pacto obligatur. Quamobrem cum præstationes sint mutue, si quid unus alteri præstet, ac ideo vicissim alter ipsi quid præstare debeat, consequenter præstationum mutuarum una supponat alteram tamquam conditionem potestativam (§. 315.) si unus paciscentium præstare nolit, quod debet, seu a pacto discedit, cum nec tu obligeris ad præstandum, quod debes (§. 396.) tibi ab eodem quoque discedere licet. Quoniam tamen alter obligatur ad pactum servandum (§. 438.) & inde tibi jus est ad servandum alterum adigendi, si nolit (§. 379.) tibi invito non auferendum (§. 100.) si discedere nolis, tibi adhuc integrum est eum vi adigere ad præstandum id, quod ex pacto debitum. Ast quia discedendi jus habes, (per demonstrata) si discedis, quia alter discessit prior, fidem non fallis (§. 389.) Et cum jam in arbitrio tuo positum sit, utrum pactum continuare velis, nec ne; si qui prior discessit, pœnitentia ductus id continuare velit, tu id
acce-

acceptare non teneris. Quoniam vero ratio, cur a pacto discedere licet, cessat, si quis fidem prior fefellit in pacto alio; non licet tibi propterea discedere ab alio.

§. 443.

Quodsi alter a pacto discedit, ubi eidem jam *Si, dum a pacto disceditur, ex eo jam aliquid fuerit praestitum.* aliquid praestiti, cum dolo mihi daretur damnum, si ejus jacturam facere tenerer (§. 17. 267.) a pacto etiam discedenti quod datum, aut aestimatio ejus restitui debet (§. 270.) Ex adverso autem, si quid alter jam praestitit mihi, dum a pacto discedit, cum damnum incurrat sua culpa, nec ego ipsi me obligaverim ad quid praestandum, nisi totum, quod promissit, praestetur; ego ipsi nihil restituere teneor: poenam dat perfidiae suae (§. 390.) Quodsi vero ego totum praestiti, quod ex pacto praestare tenebar, cum ex parte mea pactum sit adimpletum, nec mihi amplius ab eo discedere detur (§. 442.) ad pactum quoque implendum alterum ut compellam, necesse est, nisi remittendo jus meum (§. 337. 342.) contentus esse velim, ut quod praestitum, restituatur. Denique si paria utrinque fuerint praestita, cum dici nequeat alter cum damno tuo a pacto recedere, ut aliquid tibi restituendum sit (§. 270.) tibi quoque discedenti ad nihil tenetur.

§. 444.

Pactum dissolvi dicitur, si contrahentes ab obligatione, qua sibi invicem tenentur ex pacto, liberantur. Quodsi ergo dissolvatur, *De dissolutione pacti.* antequam ex ea quicquam fuerit praestitum, perinde est, ac si nunquam fuisset factum. Quoniam quilibet jus suum remittere (§. 342.) consequenter alterum ab obligatione sua liberare potest (§. 337.) mutuo dissensu pacta dissolvi possunt. Et quia pactum pristinum subsistere nequit, si novum contra-

trarium fiat; pacto novo contrario pristinum dissolvitur, mutuus nimirum dissensus, quo pristinum dissolvitur, inest consensui mutuo, quo novum perficitur (§. 438.) per se.

§. 445.

De pacto
in scri-
pturam
redigen-
do.

Cum pacta perficiantur mutuo consensu (§. 438.) quamprimum utraque pars consensum suum declaravit, pactum validum est, consequenter naturaliter valet, antequam in scripturam redigatur, Nimirum in scripturam redigitur pactum non validitatis, sed probationis causa, ejus nimirum, quod in eodem promissum est, seu de quo conventum est. Quoniam a voluntate pacifcentium dependet, quandonam consensus ipsorum immotus intelligi debeat; inter eos conveniri potest, ne valeat pactum, antequam fuerit in scripturam relatum & subscriptum, aut etiam sigillo munitum.

§. 446.

De pacto
jurato.

Quoniam per juramentum te tantummodo obligas ad dicendum verum (§. 368.) jurato promittens tantummodo probas, te habere animum præstandi id, quod promittis, & in eo animo te perseveraturum, consequenter juramentum non novam producit obligationem aliquid præstandi, ac propterea si ad actum non obligatorium accedit, eundem in obligatorium vertere nequit. Quatenus tamen eodem fidem tuam fortius adstringis (§. 389. 368.) turpius habetur fidem juratam fallere, quam non juratam.

§. 447.

De jure
belli ex
pacto
erato.

Quoniam ex pacto acquiritur jus vi adigendi eum, qui servare non vult, ut præstet id, de quo conventum fuit (§. 438. 379.) violenta vero

vero juris sui persecutio bellum est (§. 98.) homini competit jus belli adversus eum, qui pactum servare non vult. Quodsi pactum quis violat, consequenter contrarium ejus facit, quod in pacto conventum; jus alterius perfectum ad id ex eodem acquisitum violat (§. 97.) ac propterea eidem injuriam facit (§. 87.) Quoniam itaque injuria facta justa causa belli est (§. 98.) pactorum violatio justa belli causa est.

C A P U T V I I I.

De usucapione & prescriptione.

§. 448.

Qui rem alienam possidet, eam occupavit (§. 200. 210.) Quamobrem si dominus eam derelinquit, ea statim fit possessoris (§. 219.) consequenter a domino vetere, qui dominus esse desiit (§. 203.) adversus possessorem vindicari amplius nequit (§. 262.) Patet itaque, in eo casu dominium non acquiri per possessionem, sed modo originario, scilicet occupatione (§. 210.)

§. 449.

Cum negotia humana exitum habere debeant, & interfit generis humani, ut jura acquisita & obligationes contractæ sint certa; quod in casu dubio, quando certitudo haberi nequit, præsumitur, id in negotiis humanis contra eum pro vero habetur, contra quem fit præsumtio. Sane quando pro vero habetur, quod quis sufficienter indicat (§. 318.) etsi fieri possit eum mentiri (§. 351.) nonne præsumitur, eum verum dicere? Immo si jurato creditur, etsi fieri possit, eum pejerare (§. 371.) nonne præsumitur eum non pejerasse? In promissionibus itaque, consequenter

in

in pæctis (§. 438.) præsumitur veritas dictorum, sine qua nil valide promitti poterat.

§. 450.

Dominii acquisitio ex derelictione præsumitur. Inde vero jam sequitur, ut, si constare certo nequit, quando intererat ut constaret, num dominus rem suam dereliquerit, derelictio tamen præsumitur, quod eam dereliquerit, pro vero habendum sit (§. 449.) & per consequens res fiat possessoris (§. 448.) nimirum non quia possidet, sed quia res possessa pro re nullius habetur (§. 203.) & ab ipso occupata (§. 448.)

§. 451.

Usucapio quid sit & quonam usucapi possint. Acquisitio domini ex derelictione præsumta dicitur *Usucapio*. Quando vero in jure civili res usucapi dicitur per continuationem possessionis temporis lege definiti; lege civili non nisi determinatur modus derelictionem præsumendi, qui mere civilis est. Sane cum nemo in dubium revocare possit, sola possessione dominium non acquiri (§. 200.) nec tempori esse vim possessionem validam efficiendi ad dominium acquirendum; possessio quantocumque tempore continuata non est modus naturalis acquirendi dominium. Ceterum cum etiam res incorporales dominio subjici possint (§. 206.) non minus res incorporales, consequenter etiam jus ad rem (§. 121. 335.) quam corporales usucapi possunt.

§. 452.

De præscriptio- ne. *Præscriptio* est amissio juris proprii ex consensu præsumto. Quoniam itaque, qui rem dereliquisse præsumitur, dominium (§. 203.) & per consequens jus vindicandi amississe præsumendus (§. 262.) usucapitur, si dominium & jus vindicandi præscribitur ei, qui fuerat dominus. Equidem

dem hodie præscriptio & usucapio promiscue usurpantur; consultius tamen est, ut a se invicem distinguantur in jure naturæ, præsertim cum distinctio etiam faciat ad intimius perspicendum Jus Romanum. Ceterum *præscriptionem esse juris naturalis*, per rationem eandem patet, ob quam usucapionem huic juri vindicavimus (§. 449. & seqq.) Nec minus manifestum est, qui alteri præscribit jus ad id, ad quod præstandum ipsi obligatus erat, eum ab obligatione sua liberari.

§. 453.

Notandum vero hic est, cum præsumptio denotet collectionem probabilem rei dubiæ in casu singulari (§. 27.) ac ideo, quod præsumitur, falsum esse possit; id pro vero tantum haberi, donec contrarium fuerit probatum. Et quia nemo non probabilius agnoscit, id futurum, quod plerumque fit, quam quod rarius, nisi rationes peculiares in contrarium prostant; ideo quod plerumque fit, id præsumitur, non vero quod rarius, ubi nullæ peculiares rationes prostant. Dividitur autem præsumptio in absolutam & conditionalem. *Præsumptio absoluta* est, qua, quod præsumitur, id pro vero haberi lex jubet; *ast conditio- nalis*, qua, quod præsumitur, tamdiu pro vero habendum, donec contrarium probetur. Præsumptio absoluta coincidit cum ea, quæ ab interpretibus Juris civilis *Præsumptio juris & de jure* vocatur; *conditio- nalis* vero cum ea, quæ ab iisdem *Præsumptio juris* appellatur. Addunt equidem illi tertiam speciem, quam *præsumptionem hominis* vocant, quæ fit ab homine, veluti a judice, ubi lex tale quid præsumi non statuit. Cum in *Jure naturæ* probentur præsumptiones omnes rationi consentaneæ; *præsumptio juris & præsumptio hominis non differunt.*

(Wolffii Instit. J. N. & G.)

L

In

In eodem autem jure fundata est differentia inter præsumptionem juris & de jure, nimirum ut aliquid, quod præsumitur, vel tamdiu pro vero habeatur, donec contrarium probetur, vel ut absolute pro vero habeatur, qualis est præsumtio veritatis dictorum ab eo; qui ad dicendum verum obligatur, in promissis (§. 449.)

§. 454.

De tituli divisione.

Titulus justus est, qui infert nudam possibilitatem juris acquisiti, veluti dominii, non vero ipsam actualem acquisitionem, ut si quis rem emit, cum etiam a non-domino emere poterit. Unde *Titulum justum habere* dicitur possessor, qui possessionem acquisivit istiusmodi facto, quo dominium a domino transferri potest lex declarat. Factum hoc si fuerit verum, *Titulus verus* dicitur: si putas esse verum, cum non sit, veluti si putas, rem tibi donatam esse, quæ non est, *Titulus putativus*; si vero factum quidem fuerit verum, in eo autem erres, quod tali facto jus tale acquiri possit, veluti rei amissæ inventione dominium, *Titulus falsus*. Hinc apparet, *titulum justum esse speciem quamdam tituli inter verum & falsum intermediam*. Habet nimirum aliquam tituli veri partem, quatenus factum quidem verum est, veluti quod rem emeris: nondum tamen constat, an reliqua adsint requisita ad dominium transferendum, veluti quod emeris a domino. Ceterum titulus quoque dividitur in *lucrativum & onerosum*, quatenus lex, quæ declarat te facto tuo acquirere aliquod jus, ad nihil vicissim te obligat, vel ad quid vicissim præstandum.

§. 455.

§. 455.

Cum, quod ordinarium est, præsumatur (§. 453.) quilibet possessor præsumitur dominus rei, nisi prostant rationes probabiles in contrarium, tantoque magis, si constet, eum justum titulum habere (§. 454.) Hinc porro liquet, qui rem a domino præsumto, consequenter a possessore quocunque, cujus dominium cur sit suspectum, nullæ rationes probabiles prostant, justo titulo accepit, eum bona fide possidere (§. 201.)

Quomodo possessor b. f. acquiritur.

§. 456.

Dicitur autem *Possessio justa*, quæ & titulo justo, & bona fide constat; si alterutrum deficit, *injusta*. Exemplum in casu posteriori est, si nosti, te rem emissee a non-domino, vel si putas, rem amissam, quam invenisti, esse tuam.

De possessione justa & injusta.

§. 457.

Quoniam damnum omne cum a nobis, tum ab aliis avertere debemus (§. 269.) nemo negligens, consequenter quilibet diligens esse debet (§. 21.) in inquirendo in res suas, quæ forsan in alterius potestatem venerunt, nec non in jura sibi competente, sibi que cavere, ne inter res, quas possidet, reperiantur, quæ sunt alterius, consequenter operam dare, ut dominium earum rerum, quas possidet, sibi sit certum, & ne dominia aliorum maneat in incerto. Quamobrem lex naturæ hominibus quoque jus dat ad ea, sine quibus dominiorum certitudo obtineri nequit (§. 46.) Inde autem simul intelligitur, si quis novit rem suam ab alio possideri, nec eam derelinquere vult, eum tacere non debere.

De certitudine dominiorum promota.

L 2

§. 458.

§. 458.

*Derelictionis
ex facto
positivo
presum-
tio.*

Quoniam, qui scit rem esse suam, ea tamen facit, quæ facere non poterat, si eam suam esse vellet, veluti si cum possessore de eadem contrahit tamquam de re aliena, cum ex hoc facto colligatur, quod eam suam esse nolit, seu tuam esse velit; eam dereliquisse præsumitur (§. 27. 203.)

§. 459.

*De consensu ex
silentio
presum-
tio.*

Si quis tacet, quando loqui poterat & debebat; cum non alio fine hoc facere videatur, quam quod idem velit, quod vult alter, vel ceteri volunt, qui animi sui sententiam sufficienter significant; is consentire præsumitur (§. 27.) Atque ideo patet, silentium, ex quo præsumitur consensus, esse debere scientis ac volentis.

§. 460.

*Presum-
tio derelictionis
rei ex
silentio.*

Quamobrem cum tacere non debeat, qui novit, rem suam ab alio possideri, nec eam derelinquere vult, (§. 457.) qui scit rem suam ab alio possideri, nec multo tempore contradicit, cum ratio nulla manifesta appareat, cur silendum, is eam dereliquisse præsumitur (§. 459.)

§. 461.

*Idem ulterius
expen-
ditur.*

Quoniam vero in inquirendo res suas, quæ forsan in alterius potestatem venerunt, quilibet diligens esse debet (§. 457.) & homines rerum suarum amantes esse constat; si quis multo tempore rem alienam possidet, dominus nosse præsumitur, quod eam possideat, nisi manifestæ rationes in contrarium prostant, vel, si res mobilis fuerit, desperare, quod ad notitiam suam sit perventurum, quinam possideat, consequenter ex silentio diuturno rei derelictio præsumitur, nisi manifeste prostant in contrarium rationes (§. 460.)

§. 462.

§. 462.

Cum dominia rerum semper manerent in incerto, nisi praesumptio ista admittatur, quod per anteriora satis manifestum est, praesumptio derelictionis rei adversus negligentem in inquirendo res suas absoluta est, seu juris & de jure (§. 453.)

§. 463.

Hinc porro conficitur, usucapionem & praescriptionem esse juris naturalis (§. 451. 452.) Juris nimirum civilis est, quod praesumptio derelictionis restringatur ad certum tempus.

§. 464.

Quoniam vero, qui mala fide possidet, rem domino restituere tenetur (§. 201. 261.) consequenter restitutus scire potest, utrum dominus eam suam esse velit, an nolit, cum derelictionis praesumptioni locus non sit (§. 203. 27.) mala fides usucapioni & praescriptioni semper obstat, consequenter ad usucapionem & praescriptionem toto tempore possessionis bona fides requiritur.

C A P U T I X.

De actibus mere beneficis in praesens absolutis.

§. 465.

Omnēs actūs aliis utiles vel in dando, vel in faciendo consistunt, quod per se patet. Dicuntur autem actūs isti simplices, qui resolvi nequeunt in plures, quorum unus absque altero, vel ceteris esse potest: aut compositi, qui in plures resolvi possunt, quorum unusquisque per se subsistere potest.

L 3

§. 466.

§. 466.

*Actus benefici quinam & quo-
suplices.* Vocatur autem *Actus beneficus*, ex quo unus tantummodo utilitatem percipit, alter vero nihil vicissim accipit; ilque *mere beneficus*, cui nulla adhæret obligatio perfecta, *obligatorius* autem, cui obligatio perfecta adhæret.

§. 467.

*Actus permutatorii quinam & quo-
suplices.* *Actus permutatorius* dicitur, quo utraque pars ad aliquid dandum, vel faciendum adstringitur. In actibus itaque permutatoriis res & facta invicem permutantur, nimirum res cum rebus, res cum factis, & facta cum factis. Est autem *actus permutatorius* vel *diremtorius*, qui separatam utriusque partis utilitatem respicit, peculiari-
bus præstationibus obtinendam; quo adeo adimpleto nihil negotii inter contrahentes amplius reli-
quum est; vel *communicatorius*, in quo per præstationes communes intenditur communis quædam utilitas.

§. 468.

*Differ-
entia
actuum
diremtorio-
riorum.* Cum in actibus permutatoriis, consequenter etiam in *diremtoriis* permutetur vel res cum re, vel res cum facto, vel factum cum facto, & in hisce spectetur separatim utriusque partis utilitas (§. 467.) in actibus *diremtoriis* vel *do ut des*, vel *do ut facias*, vel *facio ut facias*. Nimirum *facio ut des* per se nullam facit differentiam ab actu *do ut facias*. Quoniam vero dari possunt tam res incorporales, quam corporales; usus quoque tam nudus, quam cum fructu conjunctus dari potest; cumque pecunia fungatur vice omnium rerum, vi suo loco demonstrandorum, pecunia quoque.

§. 469.

§. 469.

Quoniam facta & res inter se communicare dicuntur, qui eadem conferunt ad communem quamdam utilitatem; in actibus communicatoriis vel facta, vel res sive pecunia, vel inde res sive pecunia, inde facta communicantur.

Disse-
renia
actuum
commu-
nicato-
riorum.

§. 470.

Actus mere beneficis, qui in præsens absolvi-
tur, seu quo statim do alteri, vel facio, dicitur *Beneficium*: alii qui in futurum prominet, seu quo me ad dandum vel faciendum alteri obli-
go, promissio liberalis est (§. 425.) seu beneficium promissio. Quamobrem cum gratis dare vel facere dicatur, qui pro eo, quod dat, vel facit nihil vicissim recipit; beneficia dantur gratis: & quia gratuitum dicitur quod gratis præstatur; actus mere beneficii gratuiti sunt. Qui beneficium dat, *Benefactor*; qui accipit, *Beneficiarius* appellatur.

Benefi-
cium,
Benefa-
ctor &
Benefi-
ciarius.

§. 471.

Actus nostri non intelliguntur aliis utiles, nisi quatenus ad bonum quoddam animi, vel corporis, aut fortunæ quid conferunt, aut malum quoddam animi, vel corporis, aut fortunæ avertunt, vel auferunt. Quamobrem actus omnis, quo ad bonum quoddam animi, vel corporis, aut fortunæ alterius gratis quid conferimus, aut malum quoddam avertimus, vel depellimus, beneficium est (§. 470.)

Benefi-
ciorum
materia.

§. 472.

Quoniam homo quilibet alium quemcumque ope ipsius indigentem juvare debet, ut consequatur animi, corporis ac fortunæ bona, quan-

Qui be-
neficia
dare de-
beat,
quinam
merca-
tur.

tum in potestate sua est, & cavere ne alii in mala ipsis opposita incidant (§. 134.) homines ad beneficia mutua sibi invicem naturaliter obligantur, quantum in potestatem est, & beneficium merentur, qui eodem indigent, aut ipsi acquirere, aut facere nequeunt, quæ dat, aut facit benefactor (§. 471.)

§. 473.

Quando
benefi-
cia non
danda.

Cum introductis dominiis homines sibi invicem obligentur ad dandum, vel faciendum, pro uti unusquisque re vel opera alterius indiget (§. 329.) consequenter quantum ego tibi obligor, tantum quoque tu mihi obligeris; nemo alteri gratis dare vel facere tenetur, si is vicissim dare, vel facere possit. Et quia a domini voluntate dependet, num & quomodo dare (§. 314.) vel facere velit (§. 225.) a voluntate benefactoris dependet, num beneficium dare velit (§. 470.) nec ad dandum beneficium quis compelli potest. Quodsi gratis non des, vel facias, dandum est ut det alter, dandum ut faciat, vel faciendum ut faciat. Atque hinc patet, actus permutatorios diremtorios naturaliter licitos esse (§. 467. 468.) Quodsi vero nil gratis dandum, in actibus permutatoriis diremtoriis quantum unus præstat alteri, tantundem hic vicissim ipsi præstare tenetur.

§. 474.

De ani-
mo gra-
to & in-
gratitu-
dine.

Quoniam homines ad mutua beneficia sibi invicem obligantur (§. 472.) & beneficium ab altero acceptum motivum est eidem vicissim benefaciendi (§. 73.) beneficiarius obligatur ad benefaciendum benefactori, quia benefacit, natura (§. 35.) consequenter si actu non possit, saltem habere debet animum benefaciendi (§. 37.) Quamobrem cum beneficium reddere dicatur, qui alteri beneficium

ficiūm praestat, quia accepit; *gratus* vero animus, qui ad beneficium reddendum dispositus est; *beneficiarius* *gratum* erga *benefactorem* *animum* *habere* debet, & quoniam *gratias* *agere* dicitur, qui *gratum* *animum* *verbis*, vel *factis* testatur, *gratias* *eidem* *agere*. Enimvero cum *ingratus* sit, qui *animum* *gratum* non habet, consequenter nec *verbis*, multo minus *factis* eundem declarat, immo contrarium prorsus facit; *ingratitude* *lege* *naturali* *prohibita* (§. 51.)

§. 475.

Datio gratuita *Donatio* appellatur; quod vero gratis datur, *Donum*, sive *munus*. Qui donum dat, *Donans*, vel *Donator*; qui accipit, *Donatarius* appellatur. Cum in *donatione* transferatur *dominium* ejus, quod datur (§. 258.) ad *donationem* requiritur *acceptatio* (§. 316.) & a *donatoris* *voluntate* *dependet*, num & quomodo, aut qua *lege* *donare* *velit* (§. 314.) neque adeo *donatio* *habere* *debet* *causam* *expressione* (§. 78.) Patet vero, quæ de *datione* *demonstrata* *sunt*, ea quoque ad *donationem* *applicanda* *esse*, consequenter etiam quæ de *promissione* *demonstrata*.

De donatione

§. 476.

Cum *donatio* *beneficium* sit (§. 470. 475.) *Donatarius* ad *gratias* *agendum* *Donatori* & ad *gratum* *animum* *obligatur* (§. 474.) quoniam tamen id saltem officii est, cum ad idem *donator* *si* *bi* non *obligaverit* *perfecte* *donatarium* (§. 380.) *donatio* quoque *naturaliter* ob *ingratitude* *revocari* *nequit*.

De gratitudine donatarii.

§. 477.

Quoniam *dominus* *re* *sua* *aliter* *uti* non debet, quam *officia* *exigunt* (§. 202.) cum quoque *donanda* *interno*,

De jure donandi interno,

donator facere debet juris donandi usum, quem officia exigunt: id quod tamen in validitate donationis non attendendum (§. 475.)

§. 478.

De pactis donationi adjectis.

Cum donator lege quacumque donare possit, prouti scilicet ipsi visum fuerit (§. 475.) donatione quoque pactum quodcumque licitum adijcere potest, veluti pactum non alienandi rem dono datam, pactum de revocanda donatione, item de jure ad praestationem quamdam donatarium, vel ejus successorem compellendi. Atque haec pacta donationi adjecta a donatario servanda (§. 438.) Ceterum hinc liquet, donationem quoque fieri posse ea lege, ut donator sibi reservet usumfructum, consequenter, tum rem donatam manere debere in potestate donatoris (§. 200.)

§. 479.

De donatione mortis causa.

Si donator donat ideo, quia moriturus est, consequenter vel cum expressa, vel cum tacita reservatione donationem ante mortem revocandi, siquidem visum fuerit, Donatio mortis causa dicitur. Cum nos aliquando morituros certum sit, etsi incerta sit dies mortis; mortis causa donare potest non modo qui infirma utitur valetudine, aut is, cui periculum mortis imminere videtur, verum etiam qui integra adhuc valetudine utitur. Patet autem, donationem mortis causa morte demum fieri irrevocabilem, & si quid mortis causa donatum a donatore alienetur, donationem ipso facto revocari.

§. 480.

Donatio inter vivos.

Opponitur donationi mortis causa Donatio inter vivos; quae etiam simpliciter Donatio dicitur, quia irrevocabiliter donatur.

§. 481.

§. 481.

Cum donatio inter vivos statim sit valida (§. 480.) donatio autem mortis causa ante mortem donatoris revocabilis non subsistat , antequam mortuus fuerit donator , nec ab eo revocata (§. 479.) si donatarius premoriatur , donatio mortis causa non subsistit , subsistit tamen donatio inter vivos , etsi res nondum tradita fuerit.

De donatario premoriente.

§. 482.

Donatio remuneratoria dicitur , quæ fit ob beneficia a donatario in donantem profecta , vel beneficia ab eo in hunc collata . Dicitur autem bene mereri de aliquo , qui operam dat , ut ei quocumque modo proffit , vel agit , quod ad utilitatem vel jucunditatem facit . Ad donationes remuneratorias , si in potestate sint , naturaliter obligamur , cum eadem grato animo fiant (§. 474.) præsertim si mortis causa sunt (§. 479.) atque hæc non revocanda , nisi quando re donata indiges ad sublevandam vitæ tuæ actuum necessitatem , utut in eo standum sit voluntate tua (§. 479.)

De donatione remuneratoria.

§. 483.

Donatio reciproca dicitur , quæ fit sub hac conditione , ut tu mihi vicissim rem aliam dones . Equipollet itaque donationi sub onere factæ (§. 409.) Cum vero donatio utraque sit datio gratuita (§. 475.) in donatione reciproca nulla fit rerum æstimatio.

De donatione reciproca.

§. 484.

Mortis causa capio dicitur acquisitio rei intuitu mortis alienæ , sed non ex bonis defuncti : sit ita quod Julianus Jctus l. 15. ff. de mort. capio. c. donat. & cap. vocabulum in genere sumat , ut etiam

Mortis causa capio.

etiam comprehendat donationem mortis causa. Quamobrem mortis causa capio est, si quid tibi dono intuitu mortis alterius, veluti si tibi dono decem aureos, quod mihi nuntias mortem agnati mei, qui me heredem instituit, vel inimici mei, qui nocere potuit: item si tibi promitto rem quamdam ex hereditate acquisita, cum adita hereditate, bona, quæ fuerunt defuncti, jam sint mea; illius acquisitio mortis causa capio est.

§. 485.

*Superfluum
quid sit.*

Sicuti in genere *superfluum* dicitur id, sine quo finis, cujus gratia est, obtineri potest; ita respectu rerum, quas habemus, *superfluum* vocatur, quod ultra eas res habemus, quæ ad vitæ necessitatem, utilitatem, jucunditatem & decorem sufficiunt.

§. 486.

De divitiis.

Patrimonium, quod *superfluum* continet, *Divitiarum* fert nomen. Pro eo igitur, quod *superfluum* est in patrimonio, gradus *divitiarum* major, vel minor est, & *divitiæ* æstimandæ sunt ex qualitate & conditione personæ. Hinc *Dives* appellatur, cujus patrimonium *superfluum* continet; *Opulentus* vero, cui magnæ sunt *divitiæ*, seu qui omnium rerum affluentia abundat. *Dives* igitur plus habet, quam quæ ad vitam commode, jucunde ac decore transigendam sufficiunt (§. 485.) Pro patrimonio, quod ultra id non continet, quod vitæ necessitati, commoditati, jucunditati & decori sufficit, in egestate sermonis Latini, de qua conquesti sunt *Lucretius* lib. 1. v. 31. & *Plinius* lib. 4. epist. 17. vocabulum commodum ad designandum medium statum inter divitiæ & paupertatem reperire non potui.

§. 487.

§. 487.

Ex adverso *Pauperem* vocamus, cujus patri-
monium nonnisi res necessarias continet; *Ege-*
num vero, in cujus patrimonio res etiam ne-
cessariae deficiunt. Quodsi quis tanta rerum
inopia laboret, ut defint ea, quae extrema
vitae necessitas exigit, *Mendicus* est: quae si
sit temporaria, veluti si quis aegrotet, aut
occasio labore suo aliquid acquirendi deficiat,
mendicitas temeraria est.

*De pau-
perate,
egetate
& men-
dicitate.*

§. 488.

Quod datur ad sublevandum extremam vi-
tae necessitatem, *Eleemosyna* dicitur; & mendi-
care, qui eleemosynam petit. Danda igitur elee-
mosyna ad mendicitatem reductis (§. 487.) Et quo-
niam alteri praestare non obligamur ea, in
quibus ope nostra non indiget (§. 44.) men-
dicare non licet nisi iis, qui labore suo tantum
acquirere minime possunt, quantum ad vitae necessi-
tatem sufficit, sive defectu virium, sive occasionis
laborandi, atque his danda eleemosyna. Ne vero
deneges eleemosynam eadem indigenti; in casu
dubio iudicium de mendicitate relinquendum est men-
dicanti.

*De elee-
mosyna,
& cui-
nam ea
danda.*

§. 489.

Quoniam eleemosynae dantur ad sublevan-
dam extremam vitae necessitatem, neceas pete-
re licet, nisi hujus causa (§. 488.) non plus
mendicare licet, quam quantum ad vitae necessitatem
sublevandam sufficit, & eleemosynis abutitur, qui
eas impendit ad vitae commoditatem, vel jucundi-
tatem. Quoniam si quis mendico ultro plus dat,
quam quantum ad vitae necessitatem sublevandam
sufficit, eidem quid donat (§. 475.) a do-
natoris autem voluntate dependet, num
dona-

*Quan-
tum
mendi-
care li-
ceat &
quo-
modo elee-
mosynis
utendi.*

donare velit (§. cit.) quia mendico id accipere liceat, dubitandum non est. Et quia mendicus dominium in eleemosyna habet (§. 258.) si eleemosynis abutitur, id ipsius conscientie relinquendum (§. 202.)

§. 490.

De dan-
da ele-
mosyna.

Cum introductione dominiorum nemini penitus auferri potuerit usus rerum necessarius (§. 304.) qui eleemosynam dare possunt, pro modo facultatum suarum dare obligantur. Quamobrem non modo divites ad dandam eleemosynam, & opulenti ad pluribus & largiorem dandam obligantur (§. 486.) verum etiam si pauperi non tanta sit penuria rerum, quin etiam necessariis sine neglectu officii erga seipsum & suos detrabere quid possit, is ad dandam eleemosynam modicam obligatur, immo si mendicus plus mendicando acquisivit, quam quæ ad præsentem vitæ necessitatem sufficiunt, & videat alium iis carentem, eleemosynam quamdam eidem dare debet. Et quoniam introductis dominiis, quæ gratis facis ad sublevandam extremam vitæ necessitatem aliorum, ea eleemosynis æquivalent (§. 327. 488.) pauperes etiam, egeni, immo mendici, quæ ad sublevandam vitæ necessitatem facere aliis possunt, gratis facere debent. Enimvero qui ipse non habet, nisi quod ad tollerandam vitæ necessitatem sufficit, ad dandam eleemosynam non obligatur (§. 133.) Et quia eleemosyna beneficium quoddam est (§. 470. 488.) ad beneficium vero dandum nemo compelli potest (§. 473.) ad eleemosynam quoque dandam mendicus neminem compellere potest, consequenter si petenti, immo precibus instanti denegetur, id ferendum, & ab aliis eleemosyna petenda.

§. 491.

§. 491.

Cum aliis, qui ope nostra indigent, opem *De eleemosynis pro aliis colligendis.* ferre debeamus, quantum possumus (§. 44.) & lex naturæ nobis det jus ad eos actus, sine quibus obligationi nostræ satisfacere non possumus (§. 46.) eleemosynam quoque petere licet ad sublevandam aliorum vitæ necessitatem extremam: quo tamen non obstante, qui eleemosynam pro aliis colligit, non liberatur ab obligatione dandi eleemosynam de propriis (§. 42.)

§. 492.

Miser dicitur, qui multa, vel magna experitur mala, præsertim corporis ac fortunæ. *Demisericordia.* ni igitur & mendici miseri sunt (§. 487.) Misericors autem appellatur, cui alterius miseria motivum est eum a malis, quibus affigitur, gratis liberandi, aut saltem ea tollerabilia efficiendi, quantum in potestate est. Quamobrem cum cavere debeamus, ne alii incidunt in mala animi, corporis ac fortunæ, quantum possumus (§. 134.) consequenter etiam curæ habere, ut ab iis liberentur, aut ea saltem tollerabilia efficiantur; misericordes esse debemus.

C A P U T X.

De pretio rerum & pecunia.

§. 493.

SI tibi do rem A & tu mihi tantumdem dare *Pretium rerum & operarum quid sit & eius necessitas.* debes, veluti B. necesse est ut quantitas ipsius B. determinetur ex A, sine tertio homogeneo assumpto: quæ ratio ipsius A ad B a Mathematicis Ratio dici solet. Quando igitur nil gratis dandum, vel faciendum est, necesse est, ut tam rerum necessitas.

corporaliū & incorporaliū, quam operarum ad se invicem & rerum ad operas definiatur ratio, qualem cum non habeant a natura, utpote heterogena, quorum scilicet unum aliquoties sumtum alteri æquale fieri, aut id superare nequit, ea arbitrio hominum determinanda. Hoc igitur ut fieri possit, rebus attribuenda est aliqua quantitas, secundum quam una ad alteram comparari potest. Ficta hæc quantitas, quam Puffendorfius vocat *mora-lem*, in oppositione ad *physicam*, quæ rebus inest, vel operis inesse intelligitur, rebus ac operis arbitrio hominum tributa, ut earum ad se invicem ratio definiri possit, Pretium rerum & operarum dicitur, idque cum addito vulgare.

§. 494.

Quid sit
pecunia
& ejus
usus.

Enimvero ut rerum & operarum diversarum, numero multiplicato, præsertim cum in actibus permutatoriis non facile quilibet opus habeat re, vel opera alterius, quam vicissim dare, vel præstare potest, quantitatem istam rebus afficam tanto commodius & ad communem omnium utilitatem metiri liceret, assumenda erat quantitas quædam determinata physica rei cuiusdam corporalis, qua illam metiri daretur. Et res ista corporalis, cujus determinata quædam quantitas sumitur pro mensura communi pretii rerum quarumvis, corporaliū & incorporaliū, & operarum, *Pecunia* vocatur: quæ ideo etiam definiri potest, quod sit mensura communis pretii rerum & operarum. Hinc pretia rerum & operarum sunt pecunie proportionalia, ita ut pecunia dupla definiat duplum pretium rerum & operarum, ac ita porro. Et propterea pecunia pro re & opera qualibet dari, ac pro pecunia res & opera quælibet ab alio comparari possunt. Atque sic in actibus permutatoriis pecunia fungitur vice rerum & operarum.

§. 495.

§. 495.

Pretium rei vel operæ cuiusdam per quantitatem pecuniæ determinatum dicitur *eminens*. De pretio eminenti.
 Cum pretium eminens succedat in locum vulgaris (§. 493. 494.) *pretia rerum vulgaria sunt ut eminentia*, & contra, veluti si unius modii avenæ pretium sint octo grossi, pretium autem unius modii hordei duodecim, ratio pretiorum eminentium est ut 8. ad 12. seu ut 2. ad 3. eadem vero est ratio pretiorum vulgarium, cum in permutatione avenæ & hordei unus modius avenæ æquiparetur duabus tertiiis unius modii hordei. Patet etiam, *pretia tam vulgaria, quam eminentia rerum & operarum ejusdem speciei quantitati earum physice proportionalia esse.*

§. 496.

Quantitas vero physica pro diversitate rerum corporalium determinatur certa mensura, prouti communi experientia constat; quantitas vero incorporalium æstimatur ex utilitate, quæ inde percipitur, veluti jus aucupandi aves in certo districtu ex numero avium uno anno capiendarum, demto operarum pretio una cum impensis ceteris; quantitas denique operarum æstimatur vel tempore, quo durarunt, vel quantitate effectus, qui iisdem productus. De quantitate physica.

§. 497.

Distinguiamus autem pretium primitivum a derivativo. Nimirum *Pretium primitivum* nobis est pretium quantitatis physice rei vel operæ cuiuscumque mensura certa definitæ per certam pecuniæ quantitatem determinatum, quod instar mensuræ in suo genere sumitur. *Derivativum* vero, quod proportionaliter responder quantitati ejusdem majori, vel minori. De pretio primitivo & derivativo.

(Wolffii Instit. J. N. & G.) M §. 498.

§. 498.

De pre-
tio re-
rum de-
termi-
nando.

Cum nemo alteri gratis dare teneatur, si is vicissim dare, vel facere potest (§. 473.) pro pecunia autem res ac opera quæcumque comparari possint (§. 494.) pretia rerum & operarum primitiva ita determinanda sunt, ne cuiquam laborare volenti desint res necessariae (§. 121.) ac ideo pretia rerum necessariarum ita determinanda sunt, ut eadem vilis operæ pretio comparari possint, & quo major est earum copia, eo minus pretium esse debet. Enimvero cum rebus utilibus ac in primis voluptuariis non adeo indigemus, quam necessariis (§. cit.) si solum usum spectemus, rerum utilium majus pretium constituere licet, quam necessariarum, & voluptuariarum majus, quam utilium. Quoniam vero nemo hominum cogi potest, ut sibi res ab alio comparet hoc vel isto pretio, utpote de pecunia sua pro arbitrio suo disponens (§. 195.) pretia rerum, præsertim utilium, ac omnium maxime voluptuariarum ita determinanda sunt, ut etiam alter tanto pretio eas sibi comparare velit. Et ob eandem rationem in statu naturali pretia rerum determinari nequeunt nisi mutuo consensu.

§. 499.

De pre-
tio æquo
& inti-
quo.

Pretium æquum est, quod juri naturæ convenienter determinatum, ita scilicet ut nihil committatur, quod est contra officia ac inde nascentia jura: iniquum vero est, quod illi contrarium. Sed quoniam in his standum est communi hominum res & operas permutantium consensu (§. 498.) pretium æquum habetur, quod in actibus permutatoriis communi hominum consensu alicubi introductum. Cum vero variatis circumstantiis pretium rerum ac operarum variari de-

debet, id quod disertius ostendi hic nimis prolixum foret; quod uno tempore pretium æquum est, alio iniquum esse potest.

§. 500.

Ceterum pretium operarum peculiari nomine *Merces* appellatur; & tum in significato strictiori pretium denotat, in oppositione ad mercedem, solum rerum pretium.

De mercede.

§. 501.

Cum pecunia detur pro re & opera quacunque (§. 494.) consequenter accipitur; ut datur alii, ac ideo per manus tradita continuo ab uno ad alterum veniat; eadem constare debet ex materia durabili, quæ scilicet nec usu facile teritur, nec servando corrumpitur, cumque commodum sit, si exiguæ quantitati ejus materiæ, ex qua constat, valor tribui possit, qui æqualis sit valori rerum magnæ quantitatis, ex materia istiusmodi, quæ ad res artificiales frequentis ac indispensabilis usus non requiritur & quæ rarior. Unde facile infertur, pecuniæ maxime convenire aurum atque argentum. Et quoniam quilibet de valore certus esse debet, atque securus de materia non falsata; eidem inscribenda ratio, quam habet ad eam, quæ in numerando pro unitate sumitur, ac imprimendum bonitatis intrinsecæ signum, hoc est, pecunia signanda.

Pecunia materia & forma.

§. 502.

Pecunia in certas partes divisa & signata *Moneta* appellatur. Atque ideo patet, monetam fuisse introducendam (§. 501.) sit ita, quod gentes quædam usæ fuerint argento & auro puro, minime signato.

De moneta.

§. 503.

De ma-
gnitudi-
ne patri-
monii
æstimanda.

Cum pretium rerum omnium pecunia determinetur (§. 494.) patrimonii quoque magnitudo pecunia æstimatur, & quam quis actu habet, pecunia eidem annumeratur (§. 207.) Dicitur autem pecunia numerata, quam quis actu habet. Debita exigibilia cum sint, si debitor dare potest, quod debet, seu si sit solvendo; inexistibilia vero, si debitor solvendo non sit; debita exigibilia æquiparantur in æstimanda patrimonii magnitudine pecuniæ numeratæ, debitorum inexistibilium ratio habetur nulla.

§. 504.

Quomodo di-
vitia, pau-
peras,
egestas,
& men-
ditas
æstimantur.

Quoniam dives est, cujus patrimonium superfluum continet (§. 486.) divitiæ æstimantur ex quantitate pecuniæ superflue (§. 503.) Et pauper est, qui non nisi tantum pecuniæ labore suo acquirere valet, quæ ad res necessarias comparandas sufficit; qui ne quidem tantum acquirere valet, egenus; & qui ne tantillum quidem, quantum ad comparandas res sufficit, quas extrema vitæ necessitas exigit, mendicus (§. 487.)

§. 505.

Expense
eorum-
que dif-
ferentia.

Reditus dicuntur ea, quæ ex rebus nostris, vel operis nostris acquirimus. Appellantur annui, qui intra unius anni spatium proveniunt, iidemque statim, si singulis annis iidem sint; variabiles vero, qui uno anno majores, alio minores sunt; vel etiam nulli.

§. 506.

Reditus,
eorum-
que dif-
ferentia.

Expense dicuntur pecunia, qua quis res sibi comparat, quæ vel usu consumuntur, vel deteriorantur, aut quæ gratis datur aliis. Unde liquet,

liquet, impensas esse in expensarum numero (§. 279.) Sunt autem *expensæ ordinariæ*, quæ constanter fiunt, vel statò tempore redeunt; *extraordinariæ* autem, quas nonnisi casu emergente fieri necesse est. Pro diversitate rerum, aut impensarum vel *necessariæ* sunt, vel *utiles* & *voluptuariæ* (§. 121. 279.) Sunt autem præterea minus *necessariæ*, quæ fiunt rerum comparandarum gratia, quibus carere poterat; & *inutiles*, quæ fiunt rerum comparandarum causa, quæ tibi nulli prorsus usui sunt.

§. 507.

Cum curæ habere debeamus, ut vitam commode ac jucunde (§. 119.) immo & decore transigamus (§. 55.) operam dare pro virili debemus, ut tantum pecuniæ acquiramus, quantum ad vitam commode ac jucunde; immo etiam decore transigendam sufficit. Per se autem patet, id extendendum non esse ultra id, quod possibile (§. 37.)

§. 508.

Quoniam re sua nemo aliter uti debet, quam officia exigunt (§. 202.) pecunia quoque eroganda non est, nisi quando officia id exigunt. Quamobrem ab expensis inutilibus prorsus abstinendum (§. 506.) Patet etiam, expensas necessarias utilibus & utrasque voluptuariis esse præferendas (§. 122. 506.) & qui tenue habet patrimonium, cum ab expensis minus necessariis abstinere debere (§. 208. 506.) divitem vero & opulentum in gratiam aliorum, qui pecunia maxime indigent, expensas quoque inutiles ac minus necessarias facere posse (§. 486. 140. 506.) Cum etiam multi emergere possint casus, in quibus expensæ extraordinariæ requiruntur, & in quibus vel nihil acquirere vel non tantum acquirere vale-

mus, quantum expensæ inevitabiles exigunt; non minus in pecunia acquirenda, quam eroganda future quoque, quantum datur, vite necessitati prospiciendum. Denique cum patrimonium, quantum in potestate est, conservare & amplificare obligemur (§. 208.) cura habendum est, ne redditus annuos excedant expensæ, sed ex adverso potius expensas superent redditus (§. 505. 506.)

§. 509.

De luxu
et prodigali-
tate.

Cum *Luxus* dicatur profusio pecuniæ solius ostentationis causa, in pecunia autem eroganda nil committendum, quod officiis adversatur (§. 208.) *luxus* lege naturali prohibitus. Differt is a prodigalitate, qua quis plures & majores facit pro facultate patrimonii sui expensas, quam quas officium aliquod erga seipsum, vel erga alios exigit; unde patet, ut ante, prodigalitem lege naturali prohibitam esse (§. 508.)

§. 510.

Quenam
circa
opes pro-
videntiæ
divinæ
committi-
genda.

Quia in pecunia acquirenda & parta conservanda majorem operam ac industriam collocare non possumus quam quanta in potestate nostra est (§. 60.) neque etiam obligamur (§. cit.) si quis in pecunia acquirenda & parta conservanda tantam operam & industriam collocavit, quantum potest, cetera providentiæ divinæ committere & sorte sua contentus esse debet (§. 173.) consequenter ea propter minime angere, quod tantum acquirere minime valeat, ut vitam etiam commode ac jucunde transigere, vel futura necessitati provisorius in futuros usus quedam servare queat.

§. 511.

§. 511.

Cum obligatio naturalis necessaria & immutabilis sit (§. 38.) in acquirenda pecunia non plus operæ collocare licet, quam salva quacunque obligatione naturali fieri potest.

Quantum operæ in acquirendo collocandum.

§. 512.

Quoniam natura hominibus competit jus ad usum rerum quarumcumque, quatenus sine eo obligationi nostræ naturali satisfacere non possumus (§. 183.) & dominiis introductis, postquam jus istud commune in proprium transiit (§. 194.) & actiones quoque hominum, vel operæ in dominio esse cœperunt (§. 225.) pecunia inventa fuit ad res & operas, quibus indigemus, nobis comparandas (§. 494.) pecunia, consequenter divitiæ (§. 486.) non per se sunt appetendæ, sed ut ea nobis comparare possimus res & operas, quibus ad satisfaciendum obligationi naturali indigemus, & ut egestatem aliorum sublevare possimus (§. 488.)

Quatenus pecunia & divitiæ appetendæ.

§. 513.

Cum paupertas, egestas & mendicitas sint mala fortunæ, quod nemo in dubium vocat, nobis vero a malis fortunæ cavere debeamus (§. 104.) cavere quoque nobis debemus, quantum in potestate est, ne in paupertatem, vel egestatem culpa nostra incidamus, aut ad mendicitatem redigamur (§. 17.) Ac eadem quoque cura, quantum fieri potest, nos tenere debet quoad alios (§. 134.)

De paupertate, egestate & mendicitate.

C A P U T X I.

De actibus beneficiis obligatoriis, seu contractibus beneficiis.

§. 514.

Contractus.

Actus, qui perfectam obligationem produ-
cunt, dicuntur *Contractus*. Quamobrem
pacta & contractus naturaliter non differunt
(§. 438. 380.)

§. 515.

Commo-
datum
& resti-
tutio rei
in specie
ac in ge-
nere.

Contractus beneficis, quo certus quidam
rei, quæ usu non consumitur, usus alteri gra-
tis conceditur, *Commodatum* dicitur; qui usum
concedit, *Commodans*; is, cui conceditur, *Com-
modatarius* audit. Unde sequitur, ut *commoda-
tarius* finito usu rem restituere obligetur, & quidem
in specie (§. 317.) Dicitur nimirum rem in
specie restituere, qui numero eandem restituit,
quam accepit; in genere autem, si alia ejus-
dem speciei, vel tantumdem ejusdem speciei
restituit. Ceterum in *commodato* datur usus rei,
quæ usu non consumitur, gratis.

§. 516.

De obli-
gatione
naturali
ad com-
moda-
tum.

Quoniam in communione primaeva, si res
usu non consumitur, eodem finito, eadem
alius uti potest (§. 187.) usum rei nostræ, quo
non ipsimet opus habemus, eumque innoxium, rem
ubi restitutum iri satis certi sumus (§. 269.) gra-
tis concedere ei debemus, qui eam sibimetipso com-
parare, vel pro certo pretio eundem usum ab alio
accipere non potest (§. 473.)

§. 517.

§. 517.

Nemo autem cum de usu rei disponere possit nisi dominus (§. 199.) rem quoque alteri commodare potest nisi dominus, consequenter rem alienam, vel tibi commodatam alteri sine consensu domini commodare nequis. Ac ideo a commodantis voluntate dependet, per quod tempus & in quem finem, quaque lege alia commodare velit (§. 195.) ac inde metiendum est jus & obligatio commodatarii (§. 317.)

Quoniam commodare potest.

§. 518.

Cum res commodata esse debeat in potestate commodatarii, ut eadem uti possit (§. 200. 515.) ad commodatum requiritur actus, quo res utenda constituitur in potestate commodatarii, atque hic actus vocatur traditio ad certum usum, significatu generaliori (§. 320.)

De rei utenda traditio.

§. 519.

Quoniam commodans concedit commodatario rei suæ usum (§. 515.) si res commodata usu redditur deterior, in hanc deteriorationem consentit. Alias, cum non concessus sit nisi rei usus innoxius (§. 516.) commodatarius sibi cavere debet, ne culpa sua res commodata reddatur deterior, vel prorsus destruitur (§. 517.) consequenter in ea custodienda atque utenda omnem adhibere diligentiam (§. 21.) etiam majorem ea, quam in suis adhibere sueverit.

De deterioratio-
ne & corruptione rei commodatae.

§. 520.

Cum damnum dolo vel culpa datum refarciendum sit (§. 270.) si res commodata dolo, vel culpa commodatarii deterioratur, vel destruitur, damnum datum refarciendum. Quoniam culpa com-

De dolo, culpa & casu a commodatario praestando.

commodatarii res interiisse intelligitur casu, quo apud commodantem interitura non fuisset, si hic in mora restituendi fuerit (§. 21. 417.) casum præstare tenetur commodatarius ob moram in restituendo commissam, quo res commodata apud commodantem peritura, vel deteriorata non fuisset. Immo cum commodans rei suæ usum innoxium eo animo concedens, ut finito usu res sibi restituatur (§. 515.) non præsumitur velle subire periculum rei amittendæ, vel deteriorandæ; naturaliter commodato tacita inest hæc conditio, ut commodatarius teneatur propter casum, quo res commodata penes commodantem non peritura, vel deteriorata fuisset. At cum commodatarius rem vel in specie (§. 515.) vel ejus æstimationem restituere teneatur (§. præf.) si rem in genere restituere velit, eam commodans accipere non tenetur.

§. 521.

Si commodatarius dumtaxat causa commodatur. Si tui dumtaxat causa commodas, commodatum proprie loquendo non est (§. 515.) cum tu non gratis usum rei tuæ in meum commodum mihi præstes, sed ego potius in commodum tuum quid faciam, ad quod usus rei tuæ requiritur, ut ipse eundem facere, videaris. Quamobrem ego non teneor ob casum, quo res penes te non peritura, vel deteriorata fuisset, quamvis ad culpam et dolum præstandum sim obligatus (§. 270.) Quoniam vero culpa commodantis res periisse, vel deteriorata fuisse intelligitur; si eam sciens commodavit homini admodum negligenti, ejus licet dumtaxat causa (§. 21.) culpam præstare non obligatur commodatarius.

§. 522.

§. 522.

Si commodatarius re aliter utitur, quam commodatum est, furtum usus committit (§. 263.) consequenter cum id fiat contra jus commodantis, quia tibi arrogas jus minime competens (§. 198. 83.) *injuriam commodanti facis* (§. 87.)

*De furto
usus a
commodatario
commis-
so.*

§. 523.

Si res, quæ usu consumitur, alium adhuc habere potest usum, quo non consumitur, cum quoad hunc usum æquiparetur rei, quæ usu non consumitur, quoad hunc usum commodari potest (§. 515.) *veluti si alteri commodas pecuniam ostentationis causa, in specie restituendam* (§. 515.) *vel uvam insolitæ magnitudinis, ut eam ostendat alii.*

Quatenus res, quæ usu consumitur commodantur.

§. 524.

Cum in commodato usus rei detur gratis (§. 515.) *si quis pro usu rei mercedem solvit, commodatum non est, sed actus quidam permutatorius* (§. 467.) *de quo in sequentibus, nimirum do pecuniam, ut des usum rei, vel etiam rem, aut usum rei alterius.*

De mercede pro usu soluta.

§. 525.

Honorarium dicitur donum pecuniarum, quod remunerandi animo datur alteri ob præstationem quandam gratuitam, vel pecunia non æstimabilem. Cum præstatio gratuita saltem sit motivum dandi honorarii ad significandum animum gratum (§. 475. 482.) *motivorum vero in contractibus nulla habeatur ratio* (§. 78.) *si honorarium detur, contractus beneficis naturam non mutat, veluti commodatum manet commodatum* (§. 515.) *quantitas honorarii a dante pro libitu determinatur* (§. 475.) *ac ideo*

De honorario.

potest

potest valorem ejus, quod præstatur, promissum tamē & acceptatum perfecte debetur (§. 380. 382.) Enimvero si quod gratis præstandum erat, alter præstare non vult, nisi sub conditione honorarii certi præstandi, cum jam conveniatur de eo, quod vicissim præstandum est, ac id pro eo, quod alter præstitit, detur, honorarium in mercedem mutatur (§. 500.)

§. 526.

*De im-
pensis
in usum
rei, &
ipsam
rem fa-
ciendis.*

Quoniam commodans se saltem obligat ad usum concedendum, non vero ad faciendos sumtus, ut uti possis (§. 515.) si usus rei sine certis impensis fieri nequit, veluti si commodo equum, vel famulum per aliquot dies, eas facere teneris. Atque quia quilibet jus suum remittere potest (§. 342.) si eas facere velit commodans, ad commodatum donatio accedit (§. 475.) consequenter actus compositus est (§. 465.) Similiter cum commodatarius saltem obligetur præcavere, ne culpa sua res reddatur deterior, vel pereat (§. 519.) si extra usum rei faciendæ sunt impensæ necessariae extraordinariæ, veluti ad rei conservationem, eas restituere tenetur commodans, præsertim si pretium usus excedunt, veluti si ædium commodatarum tectum reficiendum, ne pluvia det damnum.

§. 527.

*De rebus
fungibi-
libus.*

Res fungibilis dicitur, quæ vice fungitur rei alterius ejusdem generis. Substitui igitur una pro altera potest, consequenter tales sunt, quarum pretium numero, ponderi ac mensuræ proportionale est, & eadem ejusdem generis, quantitatis & qualitatis esse debent. Hinc porro liquet, res fungibiles in genere restitui posse absque damno ejus, cui restituntur (§. 515. 269.) cumque pecunia fun-

fungatur vice omnium rerum & operarum (§. 494.) eum esse omnium maxime rem fungibilem.

§. 528.

Contractus beneficus, quo rei, quæ usu consumitur, usus alteri gratis conceditur, *Mutuum* dicitur; qui mutuo dat, *Mutuans*, vel etiam *Creditor*; qui accipit, *Mutuatarius*, vel *Debitor* appellatur. Quoniam vero rem consumere nequis, nisi sit tua, seu dominium in ea habeas (§. 195.) *mutuans in mutuatarium dominium transferre tenetur*. Ast quia non rem donat (§. 475.) sed saltem usum concedit (vi def.) consequenter rem sibi restitui vult, quæ consumpta in specie restitui nequit (§. 515.) *res mutuatæ in genere restituenda*, consequenter quæ mutuo dantur, *res fungibiles esse debent* (§. 527.) & quod restituitur, ejusdem generis, quantitatis & qualitatis esse debet, cujus fuerat mutuatum.

§. 529.

Cum in mutuo dominium transferatur, nemo *Quinam* rem mutuo dare potest nisi dominus (§. 257.) consequenter si res aliena mutuo detur, contractus in mutuo dare possit & de re aliena se nullus est, atque ideo, si res nondum fuerit consumpta, dominus eam vindicare potest (§. 262.) *mutuo* si vero consumpta fuerit, mutuatarius æstimationem eidem præstare tenetur (§. 271.) neque enim eidem ex contractu tenetur, ut in genere restitui possit (§. 528.) Quod dominus mutuum ratihabet, cum jam consensu ipsius factum intelligatur (§. 29.) *subsistit*.

§. 530.

Enimvero quoniam commodatarius se obligavit commodanti ad rem in specie restituendum *De re aliena commo-* (§. 515.)

*data & mutua-
ta resti-
tuenda.* (§. 515.) & mutuatarius mutuanti ad rem in ge-
nere restituendam (§. 528.) commodans commo-
danti & mutuarius mutuanti rem restituere tene-
tur, nisi dominus contradicat (§. 261.) dominio
probato (§. 262.) Et si dominus velit, jus hoc
mutuans ipsi cedere potest (§. 342.)

§. 531.

*De tem-
pore re-
stitutio-
nis.* Quia res mutuata in genere restituenda (§.
528.) in mutuo conveniri debet, quo tempore restitu-
tio fieri debeat, cumque pacta sint servanda (§.
438.) antequam tempus istud effluxerit, mutans
rem mutuata in genere repetere nequit, & quia
dominium ejus in mutuatarium translatum
(§. 528.) eam nondum consumtam in specie re-
petere nequit, etiamsi propriis usibus necessaria fue-
rit (§. 195.)

§. 532.

*De re
mutua-
ta in
specie
vel ante
termi-
num re-
stitutus.* Cum res mutuata ideo in genere restituenda,
quia consumta in specie restitui nequit (§.
528.) si mutuatarius re mutuata non habuerit opus,
eam in specie restituere potest. Et quoniam tem-
pus restitutionis determinatur eo fine, ne mu-
tuatarius rem restitutus sit in mora; idem rem
ante terminum elapsam restituere potest, nisi ex-
presse aliter fuerit conventum (§. 438.)

§. 533.

*An pec-
unia
mutuari
possit.* Cum pecunia referatur ad res, quæ usu con-
sumuntur; eadem quoque mutuo dari potest (§.
528.) aut mutuum non est, nisi detur gratis (§. cit.)

§. 534.

*De mo-
neta bo-
nitate.* Bonitas intrinseca pecuniæ, sive monetæ est,
quæ æstimatur ex materia & pondere; extrinse-
ca vero valor eidem arbitrio humano impositus.

Et

Et hinc *Moneta proba* dicitur, cujus bonitas extrinseca determinatur per intrinsecam, seu si valor impositivus respondet intrinseco, quem a materia & pondere habet; *reproba* vero, cujus bonitas intrinseca parum respondet intrinseca.

§. 535.

Summa pecuniæ mutuo datur, quando pecunia annumeratur, supposita bonitate intrinseca & extrinseca, veluti si 100. thaleri dantur mutuo in moneta aurea ex auro puro constante & eidem tribuitur valor, quem tempore obligationis obtinet. *Genus mutuo datur*, si annumerantur corpora, non attento valore extrinseco; quem singula tunc habent, e. gr. centum ducati. *Æstimatio* denique *nummorum mutuo datur*, si certa pecuniæ summa in genere, seu in moneta usuali corrente & proba sub æstimato valore creditur, e. gr. 100. thaleri, non attento monetæ genere.

Quot
modis
mutuo
detur pec-
cunia.

§. 536.

Cum in mutuo tantundem restituendum sit in genere, quantum datum (§. 528.) ac standum præterea conventis (§. 438.) si *summa pecuniæ mutuo datur*, expresso monetæ genere, eadem *summa restituenda est* in eodem genere juxta bonitatem extrinsecam & intrinsecam, quam tempore contractus habebat; si non expresso monetæ genere, *summa restituenda in alio monetæ genere ejusdem bonitatis intrinsecæ*, quæ erat data, secundum bonitatem extrinsecam, quam tempore contractus habebat. Quodsi *genus mutuo detur*, tot restituenda sunt corpora, quot data, ejusdem bonitatis intrinsecæ: si denique *æstimatio nummorum*, eadem pecuniæ summa in quocunque monetæ genere proba ac usuali restituenda. Nimirum cum in mutuo mutuans carere nolit nisi usu rei suæ, quam dat alteri (§. 528.)

Quid
pro di-
versita-
te illo-
rum re-
stituend-
um.

(§. 528.) facta restitutione perinde esse debet, ac si mutuatum non fuisset. Et hinc definiendum, quid in restitutione fieri debeat, si summa mutuo data valor monetæ intrinsecus, vel extrinsecus interea mutetur, ut scilicet a mutuantе eadem conservetur pecuniæ summa si-ve in eodem genere, si-ve in alio ejusdem bonitatis intrinsecæ. Sed non consultum videtur, talia in præsentī fusi-us persequi.

§. 537.

De rei mutuatae interitu. Quia dominium rei mutuatae in mutuatarium transit (§. 528.) si res mutuata interit, vel quomodocunque deteriorata fuerit, antequam ea uti potuerit mutuatarius, ejus est damnum (§. 243.) consequenter, hoc non obstante, in genere illa restituenda (§. 528.)

§. 538.

An pro alio reddi & species æstimatae dari possint. Cum in mutuo id, quod datur, in genere sit restituendum (§. 528.) non vero pro eo aliud; si ita conveniatur, ut reddatur aliud, vel res dentur æstimatae, mutuum non est. Contractus istiusmodi diverso reguntur jure.

§. 539.

De deposito. Contractus beneficus, quo res aliqua gratis custodienda traditur & suscipitur, Depositum vocatur. Qui rem custodiendam committit, Deponens; qui suscipit, Depositarius appellatur. Cum dominium in hoc contractu non transferatur in depositarium; deponens manet rei depositæ dominus, & quia depositarius saltem in se suscepit custodiam rei, eadem uti nequit, consequenter utens furtum usus committit (§. 263.) Enimvero si deponens concedat usum rei depositæ, cum deposito miscetur commodatum (§. 515.) vel, si pecunia fuerit, mutuum (§. 528.)

§. 540.

§. 540.

Similiter quia depositarius rem gratis custo- *si pro custodia*
diendam suscipit (§. 539.) si pro custodia merces *custodia*
datur, de qua convenitur, contractus depositum non *quid de-*
est. Alit honorarium sive promissum, sive ultro da-
tum naturam depositi non mutat (§. 525.)

§. 541.

Cum depositarius obligetur ad rem deposti- *De obli-*
tam custodiendam (§. 539.) damnum vero om- *gatione*
ne a deponente avertere naturaliter obligetur *deposi-*
(§. 269.) nullus vero ipsi competat rei depositæ *tarii.*
usus (§. 539.) depositarius obligatur ad rem deposti-
tam omni diligentia custodiendam (§. 21.) & depo-
nenti eam repetenti in specie restituendam, ultra tem-
pus tamen conventum custodire non tenetur (§. 438.)
Quod si ipsius culpa, vel dolo res pereat, vel deterio-
retur, damnum rescire (§. 270.) cum vero de-
ponentis causa res sit penes depositarium, nec
ullam ex contractu hic percipiat utilitatem (§.
539.) casum præstare non tenetur. Facile autem pa-
tet, si depositarius non promittit majorem diligen-
tiam in re deposita custodienda, quam in suis ad-
hibet, eum ultra eam non teneri jure externo (§.
377. 378.) Et quoniam custodia tua confisus
rem apud te deposui; si tu me inscio rem depo-
sitam deponis apud alium, tu mihi teneris ob cul-
pam & dolum ejus, apud quem deposuisti, hic ve-
ro tibi; cum hic tibi, quemadmodum tu mihi
ex contractu obligeris. Potes autem mihi, si
quidem velim, jus tuum cedere (§. 338.) Et
quoniam in mora es, si rem depositam repetenti
statim restituere nolis (§. 417.) non modo casum
præstare teneris, quo eadem res apud me non fuisset
interitura, vel deteriorata, cum damnum culpa
tua contingat (§. 270.) sed etiam ad id, quod
(Wolffii Instit. J. N. & G.) N in-

interest rem statim restitutam non fuisse, teneris (§. 419.)

§. 542.

De obli-
gatione
deponen-
tis.

Cum depositarius in se gratis suscipiat custodiam rei alterius (§. 539.) & curam habere debeat, ne culpa sua pereat, vel deterioretur (§. 541.) si impensas in rei depositae conservationem facit, deponens eas restituere tenetur (§. 271.) Cum in potestate tua non sit prestare alteri, quod nonnisi cum neglectu officii erga teipsum fieri potest (§. 59.) nec ultra id obligatio extendatur (§. 60.) in communi periculo, quod nulla depositarii culpa praecedit, depositarius res depositas suis praeferre non tenetur, si utraque servari nequit: quodsi tamen praeferre maluerit, quia multo pretiosiores, deponens restituere tenetur estimationem earum, quas servare alias potuisset (§. 271.) Similiter si occasione depositi dolo, vel culpa deponentis depositario obveniat aliquod damnum, veluti si deposuit equum calcitrosus, neque te monuit, damnum datum rescindere tenetur (§. 270.)

§. 543.

De re
aliena
deposita
ita.

Si res aliena deponitur, & tu nosti quinam sit dominus, ea domino restituenda (§. 261.) Supponitur nimirum, incerto domino eam esse apud te depositam, nec depositum ratihaberi: alias nimirum perinde est, ac si ipse deposuisset per alium, aut, si mavis, alter ejus consensu contractum tecum inivisset.

§. 544.

De re
commu-
ni depo-
sita.

Cum in re communi indivisa pluribus dominium competat (§. 196.) consequenter si res communis deponatur, omnes conjunctim personam deponentis representent; ea non restituenda uni,

uni, sed omnibus conjunctim, consequenter qui uni restituit, ceteris adhuc pro rata tenetur. Quoniam vero qui totam accepit, singulis quoque pro rata tenetur; vi communionis (§. 196.) ut nimirum ipsis restituendum; quod suum est (§. 261.) ceteri & restituentem sibi obligatum habent: cum tamen non nisi ab uno, quod sibi debetur, consequi possint; si ab uno consequuntur ratam suam, alter simul liberatur. Quamobrem si res deposita fuerit dividua, nec partes divisæ obnoxie sint electioni, consequenter si res fungibiles fuerint depositæ, utpote quæ actu divisæ intelliguntur (§. 527.) unicuique rata sua restitui sigillatim potest, consequenter, si partes ceteræ intereant, qui ratam suam accepit, ceteris ad nihil tenetur. Quoniam vero si species plures communes deponantur, veluti poculum argenteum, annuli aurei cum gemmis inclusis, vestes & lintheamina, in singulis, tamquam in re indivisa, ratam suam habeant singuli (§. 196.) eadem uni restitui nequeunt.

§. 545.

Quoniam per se patet, rem depositam non nisi semel restitui posse, & facta restitutione ex contractu nihil amplius deberi (§. 559.) si res eadem apud plures deposita, unus solus ceteris insciis eandem restituere potest, immo repetenti restituere debet. Enimvero cum restituere nolens statim in mora sit (§. 417.) deponenti solus tenetur da omne id, quod interest, rem statim restitutam non fuisse (§. 419.)

De re
eadem
apud
plures
deposi-
ta.

§. 546.

Et cum, qui dolo, vel culpa sua damnum dedit, idem refarcire teneatur (§. 270.) si res eadem apud plures deposita fuerit, singuli dolum, vel culpam suam, communem vero pro rata præstant, posita.

De cul-
pa præ-
stantia
si res a-
pud plu-
res de-
posita.

stant, nisi aliter fuerit conventum, veluti ut singuli teneantur in solidum (§. 438. 422.)

§. 547.

De peri-
culo in
re depo-
sita re-
mitten-
da, item
de re-
mitten-
da re-
commo-
data.

Quia depositarius vi contractus non tenetur, nisi ad custodiam rei deposita (§. 539.) & deponenti eam repetenti in specie restituendam (§. 541.) deponens mandare debet, per quem res deposita remittenda, ejusque sumtu remittenda. Quod si vero ipso inconsulto remittas, per quem volueris, cum res non ante restituta intelligatur, quam ubi eam acceperit vel deponens, vel is, cui eandem restitui voluit; periculum tuum est. Atque idem intelligitur de re, quæ commodata fuerat, remittenda, quamvis commodatarius, cum ipsius dumtaxat causa res commodata fuerit, eam remittere, & quidem suo sumtu, si opus sit, obligetur.

§. 548.

De se-
questro.

Depositum rei litigiosæ *Sequestrum* dicitur; & tum depositarius *Sequester* audit. Dicitur autem *Res litigiosa*, de cujus dominio inter duos, vel plures controvertitur; & de dominio controvertitur, quando duo, vel plures affirmant, rem esse suam. Atque ideo patet, *sequestrum* custodiam rei litigiosæ in se suscipere gratis, & *sequestrationem* fieri debere apud tertium omnium litigantium consensu. In Jure civili *sequestrum* hoc voluntarium vocatur, in oppositione ad necessarium, quod fit a iudice; quæ distinctio in Jure naturæ, quod in statu naturali viget, & in quo iudicem communem non habent litigantes, non attenditur.

§. 549.

De rei
seque-
strata
restitu-
tione.

Cum litigantes omnes conjunctim deponens sint (§. 548.) *sequester rem sequestratam* restituere tenetur litigantibus communi consensu eam repetenti.

rentibus (§. 541.) lite autem terminata victor, ea tamen lege, de qua a litigantibus conventum fuit, veluti si victor ceteris quid præstare tenetur, antequam possessionem nanciscatur, non ante, quam id præstitum fuerit.

§. 550.

Quoniam nec depositarius locupletari potest ex re deponentis, nec deponens, etsi custodia gratis suscipiatur, cum damno depositarii (§. 271.) si res fructuosa deponitur, consequenter etiam si sequestratur (§. 548.) fructus quoque rei restituendi deponenti, aut in casu sequestri victori (§. 549.) depositarius vero detrahit impensas & mercedem operarum atque curæ, sine quibus fructus percipi non potuissent. Cumque consultum sit evitandæ litis causâ, ut de mercede conveniatur, quando res deponitur; conventio de operarum & curæ mercede est pactum sequestro adjectum (§. 438.)

De restitu-
tione
rei fru-
ctuose
deposite,
vel se-
questra-
ta.

§. 551.

Mandatum dicitur contractus beneficis, quo alteri quid nostro nomine faciendum committitur, & commissum ab eo gratis suscipitur. Qui committit, *Mandans*; qui commissum gratis suscipit, *Mandatarius* appellatur, vel etiam *Procurator*. Committere autem idem est, ac alterum sibi perfecte obligare ad aliquid suo nomine faciendum. Aliud igitur est commendare, quando scilicet alteri significamus, gratum nobis fore, ubi facere voluerit, quod eum facere volumus; aliud rogare, quando nimirum sufficienter indicamus, nos enixe velle, ut faciat alter, nec facere abnuat. Cum commendans & rogans non contrahant; nec commendando, nec rogando alterum nobis perfecte obligamus, nec

De man-
dato.

nos obligamur ipsi. Ex adverso autem mandatarius se obligat mandanti ad id, quod faciendum ipsi committitur, omni diligentia faciendum, cumque non suo, sed mandantis nomine agat, consequenter non ex sua, sed mandantis voluntate metiendum sit jus ipsius, nil facere debet, nisi quod mandatum fuerit: & vicissim mandans se obligat mandatario ad ratihabendum, quod intra fines mandati facit.

§. 552.

De differe-
rentia
mandati.

Mandatum speciale est, quo aliquod negotium in specie gerendum committitur, veluti ut emas aëdes, vel equos; *generale* autem, quo universa quædam negotia alteri gerenda in genere committuntur. Utrumque vel *Mandatum cum libera* est, quo tantummodo in genere determinatur, quid a mandatario fieri debeat, ceteris arbitrio ejus relictis; vel *sine libera*, scilicet agendi potestate, quo, quid a mandatario fieri debeat, præcise definitur, ita ut nihil arbitrio ejus relinquatur. Dividitur etiam *Mandatum* in *manifestum*, quod ad notitiam ejus, cum quo agitur, pervenit; & *arcanum*, quod non pervenit. *Mandatarius* igitur agere debet ex mandato *arcano*, non tamen idem manifestare alteri, cum quo agit (§. 551.) nec *mandatum arcanum* attenditur, nisi in obligatione, qua mandans & mandatarius sibi invicem obligantur. Similiter patet, si *mandatum fuerit sine libera*, *mandatarium* nil agere debere, nisi quod expresse definitum: in casu opposito eum facere debere, quod sibi bonum, vel melius videtur & æquitati minime repugnat, seu, ut vulgo dicitur, *mandatum adimplere ex bono & æquo*.

§. 553.

§. 553.

Quoniam mandatarius tuo nomine agit (§. 551.) quod intra fines mandati agit, tu fecisse putandus es; cunque de voluntate tua alteri constare non possit, nisi ex mandato manifesto (§. 552.) quod mandatarius facit intra fines mandati manifesti, id a te factum recte sumit is, cum quo agitur (§. 318.) consequenter promittendo te huic, & acceptando hunc tibi obligat (§. 380. 381.) Patet itaque, mandatarium esse ministrum obligationis contrahendæ (§. 426.) & si cum altero valide agere debeat, mandato manifesto opus esse, consequenter si solo mandato arcano instructus cum altero agis, cum is ignoret te alieno nomine cum ipso agere (§. 552.) proprio nomine eidem obligaris, tu vero jus tuum mandanti cedere potes etiam invito altero (§. 338. 342.) immo, cum ex mandato arcano mandanti obligeris (§. 551.) teneris: & quia mandans, ex eodem, mandatario vicissim obligatur: quod intra fines mandati arcani, quo solo instructus eras, egisti, ratihabere tenetur (§. 551.) Ex dictis porro conficitur, si mandato arcano aliter mandatum, quam manifesto, nec mandatum arcanum manifestare licet, ex arcano agendum vel spe ratihabitionis, vel quasi proprio nomine.

§. 554.

Cum mandatarius mandanti se obliget ad mandatum adimplendum (§. 551.) si mandatum non exequitur, tenetur mandanti ad id, quod interest, mandatum executioni datum non fuisse (§. 415.) nec executionem mandati in favorem tertii intermittere potest. Quoniam tamen nil facere debet, nisi quod mandatum (§. 551.) si intra fines mandati cum altero nil agere potest, suo nomine & sui causa cum eo agere potest. Cum vero in mora sit,

N 4

si man-

De man.
dato non
adim-
pleto,
aut non
tempe-
stive.

si mandatum non tempestive adimpleat (§. 417.) mandanti tenetur ad id, quod interest, mandatum tempestive adimpletum non fuisse (§. 551. 419.)

§. 555.

De eo
quod oc-
casione
manda-
ti venit
ad man-
data-
rium,
vel ei
donatur.

Quia mandatarius mandatum adimplere debet (§. 551.) ea etiam ipsi mandata intelliguntur, sine quibus mandatum adimpleri nequit, veluti iter, si sine itinere adimpleri nequit. Cumque mandans id etiam voluisse intelligatur, quod cum eo, quod expresse mandatum, connexum est & cohæret, veluti quod merces emtæ etiam sint ad se perferendæ; id, quod cum mandato connexum est, etiam mandatum intelligitur, veluti delatio mercium emtarum.

§. 556.

De eo
quod oc-
casione
manda-
ti venit
ad man-
data-
rium,
vel ei
donatur.

Cum mandatarius negotium mandantis gerat & ejus, non suo nomine ac commodò agat (§. 551.) quicquid occasione mandati ad eum pervenit, etiamsi quoad hoc præter mandatum egit, veluti si ex fundo, quem intra fines mandati emit, consecutus etiam est fructus, vel equis emtis additus vitulus, mandanti restituere tenetur. Enimvero si mandato adimpleto mandatario quid donetur, cum donatio actus sit, qui ad negotium gestum non pertinet, utpote sine eo subsistens eo modo, quo gestum est; id mandanti non restituendum.

§. 557.

De in-
denniti-
tate
manda-
tarii.

Ex adverso quia mandatarius negotium mandantis hujus nomine atque commodò gerit, idque gratis (§. 551.) consequenter in eo personam mandantis repræsentat; mandans mandatario restituere tenetur impensas, sine quibus nego-

negotium geri non potuit, & resarcire damnum, quod occasione mandati incurrit; cum alias ab eodem immunis fuisset. Quoniam tamen mandans mandatario non obligatur nisi ex mandato, quod per se patet; si casu quodam in expeditione mandati mandatarius damnum quoddam incurrit, in quod etiam incurrere poterat, quamvis mandatum non suscepisset, id mandans resarcire non tenetur. Similiter cum mandatarius non amplius tuo nomine agat, si fines mandati excedit, vel agit, quod mandatum non est (§. 553.) consequenter ratio indemnitis cesset; si quod damnum incurrit occasione excessus mandati, aut ejus, quod mandatum non est, id resarcire non teneris, nec impensas in id factas restituere. Quoniam tamen mandatarius adimplevit mandatum quoad ea, quæ intra fines mandati egit, & ad hæc ratihabenda obligatus es (§. 551.) quoad ea, quæ intra fines mandati acta sunt, obligatus manes. Enimvero cum locupletior fieri non possis cum damno mandatarii (§. 271.) si mandatarius fines mandati excessit, veluti cum emit equos pretio 170. thalerorum, tu autem nonnisi 150. mandaveras, & cum damno ipsius nonnisi intra fines mandati quod actum est, ratihabere velis, utpote ultra non obligatus (§. 551.) ille autem malit proprio nomine actum, nisi, quod actum est, totum ratihabere velis; mandatum pro non adimpleto habetur, consequenter ille tibi tenetur ad id, quod interest, mandatum adimpletum non fuisse, quatenus intra fines adimpleri poterat (§. 554.) Et quoniam mandatarius obligari non potuit ultra id, quod possibile (§. 37.) si sine culpa sua negotium finire non potuit, aut contrarium eventum expertus fuit, mandans nihilominus eum indemnem præstare tenetur. Ex adverso autem, si is dolo, vel culpa sua damnum dedit, id resarcire tenetur (§. 270.)

§. 558.

De eo-
dem ne-
gotio
pluribus
conjunctim
manda-
to.

Si pluribus conjunctim mandetur idem negotium, cum omnes conjunctim repræsentent unam personam, consequenter quod unus ceteris non contradicentibus facit, omnes fecisse censentur; quod negligentia unius fit, quam præcavere ceteri poterant, ac ideo debebant (§. 551.) id etiam imputatur ceteris; cum vero cesset ratio imputationis, si quidpiam agendum, quod uni a ceteris committendum, hi vero in committendo omnem adhibuerunt diligentiam, consequenter obligationi ex parte sui satisfecerunt (§. cit.) culpam in exequendo non participant ceteri. Nimirum singuli præstant dolum, vel culpam suam, cujus ceteri non sunt participes, communem vero conjunctim, atque ideo pro rata, nisi expresse fuerit conventum, ut singuli teneantur in solidum (§. 438.) Enimvero si idem negotium pluribus per partes mandetur, cum revera tot sint mandata diversa, quot mandatarii, nec singuli obligentur ultra id, quod ipsis mandatum (§. 551.) unusquisque culpam suam præstare tenetur.

§. 559.

De ra-
tione ne-
gotii ge-
sti red-
denda.

Rationem negotii gesti reddere dicitur, qui distincte exponit, quomodo singula ad negotium gerendum requisita executus fuerit. Unde patet, eum, qui alienum negotium gessit, alteri, cujus est negotium, rationem reddere teneri negotii gesti. Quamobrem cum mandatarius negotium mandantis gerat (§. 551.) mandanti quoque rationem reddere tenetur negotii gesti.

§. 560.

Utile in
contra-
ctibus

Utilitatis nomine in contractibus non venit, nisi quæ vel in pecunia consistit, vel pecunia æsti-

estimari potest. Quamobrem in contractibus non aliud spectatur lucrum, aut damnum, vel interesse, nisi quod pecuniarium est, vel pecunia aestimabile. Nimirum quando agitur de eo, quod alteri restituendum, vel resarciendum, id quod restitui, vel resarciri debet, nisi res in specie, vel in genere restituatur, pecunia aestimandum. Atque hinc ulterius intelligitur, cujusnam causa negotium geratur, ejus nimirum, cujus est utilitas.

§. 561.

Quoniam sola utilitas mandatarii spectatur, si ejus tantum gratia mandetur, consequenter mandantis nihil interest, utrum alter faciat, nec ne, quod se facturum, vel non facturum dixit; si mandatarii tantum gratia mandetur, mandatum non est, sed consilium. Dicitur nimirum Consilium declaratio voluntatis nostrae de eo, quod ab altero fieri debere existimamus, ipsius tamen arbitrio relicto, num facere velit. Quamobrem ex consilio nullae nascuntur obligationes dantis & accipientis, consequenter nec ulla producit obligatio, si mandatarii saltem causa mandetur. Enimvero si quis consilio dolo, vel fraudulento alterum inducit, ut faciat, quod male successurum, cum jam dolo alteri damnum det (§. 269.) ad resarciendum damnum eidem tenetur (§. 270.)

§. 562.

Enimvero cum alienum negotium spectes tamquam tuum, quando aliena causa mandas, consequenter cum mandatario contrahis (§. 551.) mandans mandati tenetur, & mandatarius vicissim eidem obligatur, si aliena causa fuerit mandatum. Ac ideo periculum mandantis est, si mandatarii & alie-

Et aliena causa mandetur, veluti ut tu pecuniam credas Titio: perinde ac si mandantis Et mandatarii causa mandetur, veluti ut tu pecuniam credas Titio, quam in rem meam versurus est (§. 561.)

§. 563.

De man.
dato fa-
cti tur-
pis.

Quia factum turpe dicitur, quod lege prohibitum; si factum turpe mandatur, mandatum nullum est (§. 42.) consequenter nullæ inde oriuntur obligationes.

§. 564.

De man.
dato a-
dimplen-
do per
equipol-
lens Et
in forma
specifi-
ca.

Mandatum adimpleri dicitur per equipollens, si impletur per aliud æque utile, aut utilius, quam erat id, quod fuerat mandatum; in forma autem specifica, si impleatur præcise per id, quod fuerat mandatum. Si quid sub conditione generali mandatum, quæ aliter quoque obtineri potest, veluti si mandetur, ut emas ædes Titii pretio 4000. thalerorum, propterea quod loco commodo sitæ sunt, ubi merces venales exponuntur, cum mandans non intendat aliud, nisi ut habeat ædes mercaturæ exercendæ commodas, quæ non excedant pretium 4000. thalerorum; mandatum adimplere licet per equipollens, ut in exemplo dato emere licet ædes alias commodiores pretio minori. Quoniam tamen utilitas, quæ intenditur a mandante, ex ipsius mente, non ex tua æstimanda, præsertim cum præter finem principalem etiam intendi possint alii secundarii, nisi certo constet, finem quem intendit mandator, æque obtineri, sive per aliud equipollens, sive in forma specifica adimpleatur, in forma specifica adimplendum (§. 551.)

§. 565.

§. 565.

Mandatum revocare dicitur mandans, si mandatario declarat, se nolle, ut mandatum adimpleat. Cum mandatarii nulla sit ex mandato utilitas (§. 551. 560.) consequenter ejusdem non interfit, si mandatum adimpleatur, si minus; mandans mandatum pro libitu revocare potest, antequam fuerit adimpletum. Quoniam tamen mandatum subsistit, quamdiu non revocatur; si mandatum jam adimpleri cepit, aut impensæ ejus adimplendi causa factæ, mandans indemnem mandatarium præstare tenetur (§. 557.)

*De revocatio-
ne man-
dasi.*

§. 566.

Cum mandans sit minister obligationis contrahendæ (§. 553.) mandatum morte mandantis extinguitur (§. 430.) Enimvero si mandans ex-
As
presse velit, mandatum adimpleri, etiamsi se mori contingat, antequam adimpleatur, cum ad hoc se obligaverit mandatarius (§. 551.) mortuo etiam mandante illud adimplendum. Eodem modo pa-
mandatum post mortem mandantis adimpleri possit.
tet, si mandetur in casum mortis, vel quod post mortem mandatoris faciendum, mandatum post mortem ejus adimplendum. Et quoniam mandatarius ignorans mandantem mortuum esse, si mandatum adimplet, non agit, nisi ad quod agendum se obligaverat (§. cit.) veluti si emit merces mandatas, & quod sub conditione indemnita-
As
tis in se suscepisse intelligitur (§. 557.) inde-
mandatum post mortem mandantis adimpleri possit.
mnis præstandus est. Idem eodem modo intelli-
gitur de eo, qui, ignorans mandantem mortuum esse, cum mandatario contrahit, mandato manifesto confusus (§. 553.) At cum mandatarius, qui no-
As
vit mandantem mortuum esse, si contrahit cum eo, qui ignorat & mandato manifesto confidit, cul-
mandatum post mortem mandantis adimpleri possit.
pa sua det damnum ei, cuius intererat,

contractum non fuisse (§. 269.) huic tenetur ad id, quod interest (§. 415.)

§. 567.

De morte mandatarii.

Cum mandans non intelligatur negotium commississe huic personæ, quam quod de ipsius diligentia ac fide se satis certum existimavit; *mandatum personale est* (§. 400.) consequenter cum obligatio inde orta (§. 551.) non egrediatur personam mandatarii (§. 402.) ejus morte *mandatum solvitur*. Et ob eandem rationem, quod tibi *mandatum*, alii *mandare nequis sine consensu mandantis, nisi tuo periculo*.

§. 568.

De renuntiatione mandati.

Mandatum renuntiare dicitur mandatarius, quando mandanti significat, se *mandatum*, quod susceperat, adimplere nolle. *Tempestiva* vocatur *renuntiatio*, quando mandatoris non interest, si mandatarius *mandatum* exequi nolit; *aut intempestiva*, si per renuntiationem *damnum* aliquod sentiret mandans. Cum mandatarius mandanti obligetur ad *mandatum* adimplendum (§. 551.) sine *iusta causa*, hoc est, nisi *impedimentum inevitabile ac insuperabile* obiciatur, *mandatum renuntiare non licet*, consequenter si *renuntiatio intempestive facta*, mandatarius tenetur ad *damnum* resarciendum & ad id, quod interest, *mandatum* adimpletum non fuisse (§. 554.) Quoniam vero ex *tempestiva renuntiatione* *damnum* nullum sentit mandans; mandatarius quoque ob *tempestivam renuntiationem* ad nihil tenetur: id quod etiam intelligitur in eo casu, quo *impedimentum inevitabile ac insuperabile supervenit*; cum obligatio non extendatur ultra id, quod in potestate est (§. 60.)

§. 569.

§. 569.

Fidejussio est contractus beneficis, quo quis *De fide-*
 ei, cui alius obligatus est, vel obligandus, se *jussione*
 gratis obligat, quod ipse prestare velit, nisi *& obli-*
 alter prestat, quod debet. Qui pro altero obli- *gatione*
 gato, vel obligando se gratis obligat, *fidejuss-*
 for vocatur; is vero, pro quo fidejubetur, de- *foris.*
 bitor principalis; unde & hujus obligatio principa-
 lis appellatur; fidejussoris autem accessoria. Patet
 autem, obligationem principalem non tolli, nec va-
 riarī obligatione accessoria, item fidejussorem & de-
 bitorem principalem ad idem obligari debitum, nisi
 quod obligatio fidejussoris conditionata sit. Patet
 etiam, fidejussionem accedere posse ad quamlibet
 obligationem, ac fieri in securitatem debiti, conse-
 quenter non ante validam esse, nisi ubi obligatio
 principalis fuerit contracta, & si principalis nulla
 sit, accessoriam nullam esse. Hinc ulterius sequi-
 tur, ut, si principalis debitor non fuerit solvendo,
 fidejussor solvere teneatur: cum tamen non ante
 constet, eum solvendo non esse, quam ubi fue-
 rit excussus, hoc est, in facultates ejus inqui-
 situm; debitor principalis ante sit excutiendus,
 quam fidejussor ad solvendum adigi possit, nisi ali-
 ter conventum fuerit (§. 342.)

§. 570.

Cum fidejussoris & debitoris eadem sit obli- *Quo us-*
 gatio (§. 569.) si debitor principalis solvit, fide- *que ex-*
 jussor liberatur, & si fidejussor solvit, debitor prin- *tendatur*
 cipalis liberatur. Quoniam tamen nemo locuple- *obligatio*
 tior fieri debet cum damno alterius (§. 271.) *fidejuss-*
 si fidejussor solvit, principalis debitor eidem manet *foris.*
 obligatus, cumque jus suum creditor eidem ce-
 dere possit (§. 342.) facta cessione fidejussor suum
 repetit tamquam debitum contractum (§. 338.)
 non

non vero urget, ut damnum datum sibi reparetur. Enimvero cum nemo alterum sibi obligare possit contra voluntatem suam (§. 78.) si quis pro invito fidejubeat ac solvit, debitor principalis ad nihil ipsi tenetur. Cum vero consentire præsumatur (§. 439.) immo tacite consentiat, qui tacet, quando loqui poterat & debebat (§. 27.) si quis pro præsentem & patientem fidejubeat, hujus consensu fidejussio facta censetur. Et quia creditor a fidejussore plus juris acquirere non potuit, quam is in ipsum transferre voluit (§. 317.) si fidejussor se tantummodo obligavit pro debito principali, vel parte ejus, nec ultra debitum principale, vel hanc partem creditori tenetur.

§. 571.

De fidejussione pura, sub condicione, ne & in diem facta.

Cum fidejussor promittat solutionem debiti alieni (§. 369.) a voluntate fidejussoris pendet, utrum pure, an sub condicione, aut in diem promittere velit (§. 385. 393.) Quoniam fidejussio in se sub condicione facta intelligitur, scilicet si debitor principalis non solvat (§. 569.) pure fieri intelligitur, si se constituit correum debendi (§. cit. & §. 424.) Quodsi ergo fidejussor pure se obligat, non excusso debitore principali, ad solvendum debitum adigi potest; quodsi tamen creditor ab eo totum consequi non possit, regressus eidem patet ad debitorem principalem, ut, quod deficiit, consequatur (§. 424.) Alti si fidejussor sub condicione, vel in certum diem fidejussit, nonnisi condicione existente, vel die veniente, debitore principali excusso (§. 569.) ad solvendum adigi potest (§. 395. 396.)

§. 572.

De termino solutionis infcio,

Quoniam interest fidejussoris, ne terminus solutionis differatur, cum fieri possit, ut, qui nunc solvendo est debitor, esse definat; qui fidejubeat pro

pro debito nunc solvendo, non intelligitur fidejussisse pro debito termino prorogato solvendo. Quamobrem terminus solutionis incerto, multoque minus invito fidejussore prorogari non potest, & si hoc faciat creditor, fidejussor liberatur (§. 317.)

vel invito fidejussore prorogato.

§. 573.

Quia ex fidejussione non plus juris acquiri potest, quam fidejussores in creditorem transferre volunt (§. 569. 317.) & contra ipsos pro vero habetur, quod sufficienter indicant (§. 318.) si singuli in solidum se obligarunt, in solidum tenentur; si pro certa parte, non nisi pro certa parte. Enimvero si nihil expresse dictum, cum plures fidejussores petantur in majorem securitatem crediti (§. 569.) id actum intelligitur, ut omnes conjunctim obligentur pro toto debito, consequenter singuli pro æqua parte: si tamen ceteri solvendo non sint, unus totum solvere teneatur.

De pluribus fidejussoribus.

§. 574.

Qui pro fidejussore fidejubet, fidejussor succedaneus, subinde etiam subalternus, vel vicarius appellatur. Quamobrem cum is se obliget creditori ad solvendum debitum, si fidejussor non solverit; ad solvendum adigi nequit, nisi fidejussore excuso, nec, utpote obligatus pro eo, quod solvit fidejussor, obligatio inter ipsum & fidejussorem dividitur. Et quoniam fidejussor succedaneus se obligat pro obligatione fidejussoris, quemadmodum fidejussor pro obligatione debitoris; quæ valent de fidejussore principali respectu debitoris, eadem valent de fidejussore succedaneo respectu principalis (§. 569.) immo cum fidejussor succedaneus succedat in locum principalis, idem quoque jus ipsi competit respectu debitoris principalis.

De fidejussore succedaneo.

(Wolffii Instit. J. N. & G.)

Q

cipa-

capialis, quod fidejussori principali respectu ejusdem
(§. cit.)

§. 575.

De fide-
jussore
indem-
nitatis.

Fidejussor succedaneus in specie Fidejussor indemnitatis vocatur, si creditori se obligat ad omne id, quod nec a debitore principali, nec a fidejussoribus principalibus consequi potest. Fidejussor itaque indemnitatis prorsus indemnem praestat creditorem. Enimvero si quis se obligat fidejussori pro obligatione ipsi propria, scilicet promittendo, quod a se recuperare debeat, quod solvere coactus fuit, siquidem a debitore principali recuperare non possit, cum Fidejussorem indemnitatis fidejussoris appellare lubet. Fidejussor itaque indemnitatis fidejussoris creditori nullo modo obligatus, nec obligari potest, ac infcio creditore & debitore principali se obligare potest. Patet etiam, hanc fidejussionem saltem fieri in securitatem fidejussoris; consequenter si is nihil solvit, in nihil tenetur: immo si solvit, non tenetur, nisi debitore principali excusso.

§. 576.

De fide-
jussione
pro facto
alieno.

Si quis se obligat pro facto, vel non-facto alterius, cum se obliget pro obligatione, quæ ex non-facto, vel facto alterius enascitur, adeoque tendit ad aliquid restituendum, vel reparandum; pro facto negativo fidejubens tenetur in omne id, quod interest, principaliter obligatum fecisse, quod non facere debebat, vel si pro positivo fidejubet, in id, quod interest, principaliter obligatum non fecisse. Exemplum esto, si pro fidefamuli, quem commendas, fidejubes, vel si pro mandatario.

§. 577.

§. 577.

Quia fidejussor se obligat pro obligatione aliena (§. 569.) in plus obligari nequit, quam debitor principalis, consequenter si plus promiserit, tenetur in eam partem, quam debet principalis. Ast quia etiam pro parte saltem fidejungere potest (§. 573.) in minus obligari potest. Quamobrem cum plus sit statim dare, quam post tempus dare; fidejussor compelli nequit ad solutionem ante terminum, etsi notorium sit, debitorem principalem non esse solvendo.

An fidejussor in plus, vel minus obligari possit.

§. 578.

Cum juramentum actum non obligatorium in obligatorium vertere nequeat (§. 446.) fidejussionem invalidam validam efficere nequit. Et quia obligatio nascitur ex promissione (§. 380.) fidejussio fieri potest per epistolam & per alium (§. 403.) nempe ministrum (§. 429.) Et quamvis fidejussio valeat sine scriptura & antequam in scripturam redigatur, nisi expresse aliter fuerit conventum (§. 445.) cum tamen obligatio non extendatur ultra id, quod dictum est (§. 318.) eam in scripturam redigi consultum est: & si fidejussor terminos artis in eadem usurpatos non intelligat, iidem ipsi sufficienter explicandi (§. 386.)

De fidejussione jurata & in scripturam recepta.

§. 579.

Expromissor dicitur, qui alterius obligationem in se transfert, seu pro altero obligato, aut obligando ita se obligat, ut ipse suo nomine tamquam debitor principalis præstet, ad quod præstandum alter erat obligatus. Expromissor itaque induit personam debitoris principalis, nec hic creditori amplius caret obligatus, consequenter si is solvendo non fuerit, creditori non datur regressus ad

De expromissione.

debitorem principalem, etsi hic solvendo sit. Cumque expromissio sit negotium, quod inter creditorem & expromissorem unice geritur; expromissor a debitore principali repetere nequit, quod pro eo solvit, nisi aliter fuerit pacto speciali, cum debitore principali inito, conventum (§. 438.) jure tamen interno, si expromissor ei, cujus causa promittitur, nihil debet, quod solvit, restituendum (§. 271.) Idem etiam intelligitur de debitore principali, si expromissor solvendo non fuerit. Sane expromissio fieri potest animo donandi & quia jam expromissori aliunde satisfactum: id quod in expromissione non attenditur (§. 318.) Quod si quis ideo expromittit, quia debitori principali ad quid præstandum obligatus, expromissione in tantum liberatur, in quantum eadem alteri se obligat; utique enim hoc animo expromissio facta intelligitur (§. 318.) Ceterum non minus fidejussio, quam expromissio indefinite facta in omne id, quod dabitur, valet; cum voluntatis tuæ sit, quomodo fidejubere & expromittere velis (§. 393.)

C A P U T XII.

De actibus permutatoriis, seu contractibus onerosis.

§. 580.

De contractibus onerosis in genere.
Actus permutatorii dicuntur etiam Contractus onerosi. Quamobrem cum in contractibus onerosis res & facta invicem permutantur (§. 467.) nemo autem alteri gratis dare, vel facere teneatur, si vicissim dare, vel facere potest (§. 473.) in contractibus onerosis observanda aequalitas, scilicet ut quantum præstat unus, tantumdem vicissim ipsi præstandum ab altero sit, consequenter contractu oneroso adimpleto, neuter con-

contrahentium plus, vel minus habet, quam ante eundem habebat, ac propterea ex contractu neuter sit locupletior (§. 271.) Quamobrem si contrahentes scientes atque volentes ab æqualitate recedant, contractus mixtus est ex benefico, sive gratuito & oneroso.

§. 581.

Quia in contractu oneroso æqualitas observanda (§. 580.) inæqualitas in contractu oneroso illicita (§. 51.) Quamobrem cum eadem pars altera defraudetur (§. 286.) qui plus accepit, tantumdem alteri restituere debet, quantum plus habet (§. cit.) ac propterea ob inæqualitatem contractus non rescinditur. Dicitur nimirum Contractus rescindi, quando pro nullo declaratur, qui ipso jure nullus non est, seu subsistit.

§. 582.

Contractus onerosus, quo res datur pro re, five corporalis, five incorporalis, Permutatio est. Quoniam nonnulli dominus rem dare potest (§. 258.) si unus contrahentium det rem alienam, permutatio nulla est. Et cum datio sit translatio dominii (§. cit.) id vero transeat in acceptantem nuda voluntate domini sufficienter declarata (§. 317.) permutatio naturaliter perficitur mutuo consensu (§. 27.) quamprimum scilicet in rem pro re tradendam consentitur, permutatio perfecta est, consequenter contrahentes sibi invicem obligantur ad res tradendas (§. 320.) quamvis mutuo consensu traditio differri possit in certum tempus (§. 314.)

§. 583.

Cum in permutatione res omnes dari possint (§. 582.) pecunia vero tamquam corpus con-

Si inæqualitas in contractu oneroso sit contra-
henti.

Permutatio
ratio
quid est
quomodo
perficitur.

Quomodo pecunia &

us per-
mutatur,
item res
sua cum
sua.

considerata, non tamquam pretium rei, æquiparetur rei; pecunia quoque numerata tamquam corpus considerata permutari potest. Et quia usus rei datur, si datur jus re utendi; permutatio est, si do usum rei meæ pro usu rei tuæ (§. cit.) (a) Immo cum operæ similiter æquiparentur rebus (§. 225.) operæ etiam cum operis permutari possunt. Et quoniam res tibi data tua est, si vero tu eandem mihi iterum das, mea fit (§. 258.) res etiam sua cum sua permutari potest, si detur, ut pro eadem detur eadem certo die.

§. 584.

De æ-
qualita-
te in per-
mutatio-
ne obser-
vanda.

Cum permutatio contractus onerosus sit (§. 582.) in contractu autem oneroso observanda æqualitas (§. 580.) in permutatione æqualitas observanda, consequenter ut de eadem constare possit, res æstimatæ dandæ sunt, consequenter rei minoris pretii adjiciendum aliud, quod excessum alterius adæquet. Enimvero si quis sciens ac volens plus dat, quam recipit, contractus mixtus est ex permutatione & donatione (§. 582. 475.)

§. 585.

De alie-
natione
rei per-
mutatæ.

Quoniam in permutatione transit dominium, etiam si res non statim tradantur (§. 582.) neuter permutantium rem nondum alteri traditam alienare potest (§. 257.) qui vero rem sibi traditam accepit, eam alienare potest, etiam si ipse rem datam nondum tradiderit (§. 314.)

§. 586.

(a) Hujus generis permutatio usuram certe palliat, nam mutato nomine potest aliquis pro usu pecuniæ traditæ Domus, equi &c. usum habere. Unde distinctio pecuniæ tamquam pretium, & tamquam corpus prorsus non est admittenda.

§. 586.

Jus Romanum in permutatione plurimum recedit a Jure naturæ, ob rationes singulares, quas vide in Jure naturæ nostro Tom. 4. not. (§. 879. 880.) Quod itaque civile est, non confundendum cum eo, quod est Juris naturalis. Tale e. gr. est, quod contractus non ante validus, nisi ab una parte res tradatur, & per consequens non solo consensu perficiatur.

Scholion
de eo
quod ci-
vile in
hoc con-
tractu.

§. 587.

Contractus onerosus, quo res datur ab uno, & alter pro ea dat pretium eminens, hoc est, eam pecuniæ summam, per quam pretium rei determinatur, dicitur *Emtio venditio*. Qui dat rem, *Venditor*; qui vero pretium, *Emtor* appellatur. Sed res, quæ venditur, *Merx* vocatur. Mercium itaque nomine non veniunt res, quæ venales non sunt, & communiter hoc nomen restringitur ad res mobiles.

*Emtio
venditio
quid sit.*

§. 588.

Cum in emtione venditione pro re detur pecunia, qua æstimatur (§. 587.) pretium vero rerum omnium pecunia definiatur, & hæc pro qualibet re dari possit (§. 494.) emi ac vendi possunt res omnes corporales, mobiles ac immobiles, & incorporales, pecunia qua corpus, possessio etiam rei propriæ, quam quis amiserat, jus in re, vel ad rem quancunque, immo etiam res extititæ: non tamen res, quæ in rerum natura non existunt. (a) Quoniam vero res dari nequit nisi a domino (§. 258.) nemo quoque rem vendere potest nisi dominus: non-dominus rem alienam vendere nequit.

*Quænam
vendi
possint.*

O 4 §. 589.

(a) Vide notulam ad §. 583.

§. 589.

De do-
minio &
jure fu-
turo.

Dominium futurum dicitur, quod nobis com-
petit in re exitura, quamprimum existit, velu-
ti in frugibus æstatis futuræ, vel in re accipien-
da, veluti in pecunia, quam salarii loco acce-
pturi sumus. Unde simul patet, quodnam in
genere dicatur *Jus futurum*. Quamobrem domi-
nium futurum continet jus excludendi dominio in re
exitura, vel accipiendi, quando illa existit, vel
accipitur, ceteros omnes (§. 195.) cumque ideo
jam contineat aliquod jus præsens, dominium
quoque futurum in aliud transferri potest. Quo-
niam tamen actu dominus esse nequis, ante-
quam res existit, vel accipitur; translatione do-
mini futuri potentia efficeris dominus, sed ita, ut
statim actu sis dominus, quamprimum res existit,
vel accipitur. Et eodem modo intelligitur, te
voluntate transferentis statim potentia jus acquirere
proprium, actu autem, quando ea adsunt, a qui-
bus juris actualitas pendet.

§. 590.

De em-
pione re-
rum ex-
itura-
rum.

Cum dominium futurum nullum sit, nisi res
existant (§. 589.) res exitura non emuntur, nisi
sub tacita hac conditione, si existant, consequenter
si non existere contingat, nulla est (§. 396.) Quo-
niam in emptione observanda æqualitas (§. 580.)
consequenter neuter contrahentium habet ani-
mum aleam subeundi; si res exitura emuntur,
vel emenda est certa quantitas, vel pretium ad
certam quantitatem constituendum. Quamobrem
si in casu priori minor quantitas existat, ultra
eam ad tradendum non tenetur venditor, quia em-
ptio conditionata, (per demonstr.) si autem ma-
jor nascatur, non nisi ea emta intelligitur, de qua
conventum est (§. 318.) at in casu posteriori,
omnes

omnes emta intelliguntur, & pretium computandum ex eo, quod ad quantitatem constitutum (§. cit.) Enim vero si res exitura emanatur, quantitate non expressa & pretio nullo constituto, cum quantitas nulla facta mentio; omnes emta videntur, quæ exiturae sunt, & quia pretium nondum constitutum fuisse patet, propterea quod non omni tempore idem, tacite consensisse intelliguntur contrahentes in pretium, quod erit illo tempore, quo existunt, commune.

§. 591.

Ad mensuram emi dicitur, si quantitas determinetur, quæ emta esse debet, & pretium ex quantitate quadam certa definiatur, vel res certa tota emitur ea lege, ut ejus quantitas certa mensura determinetur, ex qua pretium ejus definitur. Unde patet, si facta mensura minor deprehendatur quantitas, venditorem pretii partem remittere debere, nisi defectum supplere possit: si vero major, eum superfluum retinere, nisi emtor pretium, si ille velit, augere malit. Enimvero si nulla quantitas exprimat, totius rei pretium ab emtore solvendum, quod facta mensura quantitati deprehensæ convenit (§. 318. 438.)

De em-
tione ad
mensu-
ram.

§. 592.

Per aversionem emi dicitur, si res certa emitur ita, ut ejus pretium ad nullam quantitatem restringatur, unde computandum. Quamobrem pretium, de quo conventum, solvendum, etsi alia deprehendatur ejus quantitas, facta mensura, quam putabatur (§. 318. 438.)

De em-
tione per
aversio-
nem.

§. 593.

Quia non-dominus rem alienam vendere nequit (§. 588.) consequenter rei alienæ venditio nulla

De re
aliena
vendi-
ta.

nulla est ; res aliena emta domino sine pretio restituenta (§. 261.) venditor autem emtori pretium restituere tenetur (§. 271.) consequenter rem venditori restituere non licet , ut ab eodem pretium recuperes .

§. 594.

*De re
bis ven-
dita.* Cum res tibi vendita tua sit , etsi nondum tradita (§. 587. 320.) si ea alteri denuo vendatur , venditio nulla est (§. 588.) Enimvero cum nulla venditionis promissione in me non transferatur dominium rei vendendæ , sed saltem jus exigendi , ut eam mihi , non alii vendas (§. 379. 587.) si rem , quam mihi vendere promissisti , alii vendas , venditio valida est (§. 257.) mihi tamen teneris ad id , quod interest , rem mihi venditam non fuisse (§. 415.)

§. 595.

*De re
in gene-
re emta.* Quoniam ex ipsa domini notione patet , id non existere nisi in certa specie , rei autem in genere nullum esse (§. 195.) si res in genere vendatur , veluti si tibi vendo decem modios frumenti in genere (non tamquam partem acervi tibi demonstrati) dominium in emitorem non ante transit , quam in specie detur .

§. 596.

*Quando
emtio
venditio
perfecta.* Ex emtione venditione datur res pro pecunia (§. 587.) Quamobrem cum pecunia in dominio esse nequeat , nisi quatenus in corporibus consistit , nec certa sit , nisi corporibus demonstratis , consequenter dominium in pecunia transferri nequeat , nisi datis , vel demonstratis corporibus ; naturaliter emtio venditio perfecta est , quamprimum de pretio conventum & emtor ad solvendum pretium paratus (§. 317.) ac emtione per-

perfecta statim nascitur obligatio venditoris ad rem tradendam, emtoris vero ad pretium statim solvendum. Nimirum solutio pecuniæ est actus, quo dominium & possessio pecuniæ debitæ una transfertur; consequenter traditionem & dationem una continet (§. 258. 320.) & pecunia solvitur, si ei, cui debetur, numeretur.

§. 597.

Fidem de pretio habere dicitur venditor emtori, vel fidem emtoris sequi, si verbis emtoris de pretio solvendo confidens, nec de eo solvendo sibi quocunque alio modo caveri, vel satisfieri jubens, mercem tradit. Fidem de pretio itaque habere, vel fidem alterius sequi est quasi accipere. Quamobrem cum venditor fidem de pretio habens emtori idem accepisse & pecuniam emtori mutuo dedisse videatur (§. 528. 323.) emtio venditio perfecta, quamprimum de pretio conventum & fides de eo habetur. Nimirum venditor cum nolit rem dare nisi pro pretio, dominium rei non ante transit in emtorem, nisi quando venditor vel actu accipit pretium, vel de eo accipiendo certus est. Patet autem (§. 314.) a venditoris voluntate pendere, utrum velit pretium sibi statim solvi, an fidem de pretio habere emtori, aut de eodem sibi alio modo cautum iri, veluti fidejussione (§. 569.) aut expromissione (§. 579.)

Si fides de pretio habetur.

§. 598.

Quoniam emtio venditio non perficitur, nisi res certa pro pretio certo detur (§. 587.) si venditor mercem dat & tradit, quamvis de pretio nondum fuerit conventum, emtori fidem de pretio habet (§. 597.) & hic tacite consentit in pretium commune illius temporis, quo mercem accepit.

De res. si ne pretio convento emtori tra-

§. 599.

§. 599.

De pec-
cunia &
re pro re
data.

Similiter quia in emtione venditione datur pecunia, sive pretium pro re (§. 587.) in permutatione autem res pro re (§. 582.) si quis dat rem pro re & pecuniam tamquam additamentum, contractus permutatio est: si vero pecuniam pro re & rem tamquam supplementum pretii, emtio venditio.

§. 600.

Quando
pretium
augere,
vel im-
minuere
liceat.

Cum usus pecuniæ sit aliquid æstimabile; quatenus lucrosus; plus solvit, qui statim solvit, vel solutionem anticipat, quam qui solutionem differt. Quamobrem ob dilationem solutionis pretium rei augeri potest, ob solutionem anticipatam minui: non tamen licet augere ob dilationem, si quis omni tempore paratus est ad pretium solvendum, quando pecunia indiget venditor. (a)

§. 601.

De em-
tione
vendito-
ris caus-
sa &
contra.

Similiter quia opportunitas rem suam vendendi, aut aliam ab alio emendi aliquid æstimabile est, præsertim si intersit venditoris, ut sua vendat, emtoris ut emere possit; datur enim in priori casu præmium ei, qui fecit, ut vendere, in posteriori, ut emere potuerimus, emtore nimirum in illo, venditore in hoc quæsito; si interest venditoris, ut rem statim vendat, aut ejus causa emitur, viliori pretio emere licitum, & si interest emtoris, ut res vendatur, aut ejus causa venditur, majore pretio eam vendi iniquum non est. (b)

§. 602.

(a) Hanc doctrinam sanioris mentis Theologi tamquam usure patrocinantem rejiciunt. Nec potest nisi in casu lucri cessantis aut imminuentis certi damni admitti.

(b) Hæc auctoris doctrina caritati ab Evangelio nobis commendate palam adversatur, cum lucrum quæreret ex aliena egestate.

§. 602.

Cum nemo locupletior fieri debeat cum damno alterius (§. 271.) si venditor in pretio indicando erravit & vero majus ab emptore accepit; quod plus accepit, reddere tenetur: ex adverso si pretium vero minus solutum, quod vero deest supplere debet emptor, aut, si nolit vero pretio emere, mercem restituere ac, quod solvit, pretium recipere. Quoniam jus naturæ non distinguit inter plus & minus, sed nullam prorsus fert læsionem; naturaliter contractus rescindi potest ob quamlibet læsionem. Ceterum ob eandem rationem idem valet, si per ignorantiam solvatur pretium majus, quod verum putabat emptor.

§. 603.

Quoniam perinde est, siue emptor & venditor inter se de pretio conveniant, siue ejus determinationem in arbitrium tertii vel certi vel incerti conferant; determinatio pretii in arbitrium tertii collata naturaliter valet, nisi a communi seu vero nimis recedat (§. 271.) cumque determinatio ideo in arbitrium tertii conferatur, ne metuenda sit læsio ex contractu; is, in cuius arbitrium confertur, peritus rei æstimator esse debet. Enimvero cum in contractibus, pro vero habendum; quod sufficienter indicatum (§. 318.) nec lege naturæ permissum, ut faciant contractantes, quod officiis repugnat (§. 42. 57.) ex circumstantiis æstimandum, quinam fuerit animus contrahentium, seu qua de causa determinatio pretii in arbitrium emptoris, vel venditoris collata, & jure interno reguntur istiusmodi emptiones per officia.

§. 604.

§. 604.

De errore circa corpus, vel materiam aut qualitatem rei. Cum pactum errantis nullum sit, si error ei dedit causam (§. 405. 438.) si res alia pro alia vendatur ac ematur, siue sit alia quoad corpus, seu in individuo, siue quoad materiam, ut vel tota, vel ex parte ex alia materia constet, quam putabatur, emtio venditio nulla est. Patet etiam exinde, quod in hoc actu committatur fraus vel consilii, vel eventus, utraque non ferenda (§. 286.) Idem eodem modo intelligitur, si emtor vel expresse indicet, vel aliunde id sufficienter appareat, quod ob qualitatem quamdam rem emat, alias eam non emturus, & circa qualitatem erretur, veluti si vinum recens vendatur pro veteri.

§. 605.

De pactis emtionis venditionis adjectis. Et de eadem in diem & ad certum tempus factis. In emtione venditione translatio fit domini rei a venditore in emtorem (§. 587.) Quamobrem cum a domini voluntate dependeat, quomodo dominium rei suae in alterum transferre velit (§. 314.) & a voluntate accipientis, utrum id eodem modo habere velit, an nolit (§. 316.) pro lubitu emtoris & venditoris emtioni venditioni adjici possunt pacta, quae jus ex illa questum immutant, & novas quasdam obligationes producant; utique servanda (§. 438.) Hinc sequitur, ut, si in diem res vendatur & ematur, emtio venditio statim perfecta, sed ad eam consummandam non obligentur contrahentes, antequam dies venerit; & ex adverso, si res vendatur ea lege, ut sit emta per certum tempus, emtio venditio statim consummandam, tempore autem praeterlapso finiatur.

§. 606.

§. 606.

Cum (vid. §. præc.) etiam emtio venditio contrahi possit sub conditione resolutive & pœna pœnitentiæ; si ita conveniatur, ut, nisi pretium intra certum tempus solvatur, res sit inempta, emtio venditio statim perfecta, sed pretio intra tempus conventum non soluto, resolvitur (§. 397.) & si ita conveniatur, ut intra certum tempus emtoria contractu recedere liceat, recedens vero certi quid præstet venditori, venditor interea rem alii vendere nequit, in emtorem collatum est jus pœnitendi, emtor vero pœnam pœnitentiæ præstare tenetur.

De em-
tione sub
conditio-
ne resolu-
tiva.

§. 607.

Similiter cum etiam sub conditione suspensiva emtio venditio contrahi possit (§. 605.) si sub certa conditione emtio contrahitur, antequam conditio existat; emtio perfecta non est, nec ad eam consummandam tenentur contrahentes, & illa deficiente nulla est (§. 396.) pendente tamen conditione pœnitere non licet, cum spes perfectum iri emtionem neutri parti auferri possit (§. cit.) Specialis conditio est, si emtor pinguior haberi possit. Quod si ergo ita conveniatur, ut res sit inempta, si emtor pinguior haberi possit intra certum tempus, emtio statim perfecta, pinguiori tamen emtori eam vendere potest venditor; alit: si ita conveniatur, ut res sit empta, nisi intra certum tempus emtor pinguior haberi possit, emtio tum demum perficitur, si pinguior sese non obtulerit, interea tamen temporis pœnitere non licet. Nimirum in casu priori conditio resolutive est, in posteriori suspensiva (§. 315.)

De em-
tione sub
condi-
tione su-
spensiva
& pin-
guioris
emtoris.

§. 608.

§. 608.

De ad-
ditione
in diem.

Pactum, quo ita convenitur, ut res sit in-
emta, si intra certum tempus emtor pinguior
offeratur, vel ut si emta, nisi offeratur; di-
citur *Additio in diem*; & in casu quidem prio-
ri pura, in posteriori *conditionata*. Vocatur au-
tem *Emtor pinguior*, qui meliorem offert con-
ditionem, quam primus; & *Conditionis melioris*
nomine venit, quicquid ad utilitatem vendito-
ris pertinet, veluti si pretio quid addatur, si
solutio offeratur in moneta majoris bonitatis
intrinsecæ, si statim solvatur. Quoniam *pacta*
naturaliter per se obligant (§. 438.) naturaliter
quoque contractui quicunque adjici possunt ex inter-
vallo, consequenter etiam *additio in diem* ex in-
tervallo adjici potest. Cum vero in hoc pacto id
agatur, ut emtio vel rescindatur, vel non per-
ficiatur, conditione meliore ab alio oblata, mi-
nime autem, ut venditor, si eum pœniteat,
contractum pro lubitu rescindere, vel non per-
ficere possit (§. 607.) venditor ipse conditionem
meliorem offerre non potest. Id vero adhuc notan-
dum est, additionem in diem fieri posse vel in
gratiam venditoris, vel in gratiam emtoris. Et in
casu primo facile intelligitur, venditori liberum esse,
utrum conditionem meliorem acceptare, an primam se-
quimur; in altero autem, conditione meliore obla-
ta, emtorem ab obligatione statim liberari, & vendito-
rem vel conditionem acceptare, vel rem recipere teneri.
Patet etiam porro, venditorem emtori primo indicare
non teneri, quod & qualis conditio offeratur, antequam
offerenti rem vendat, nisi expresse hoc fuerit conventum,
ut res emta manere debeat, si ille eandem conditio-
nem adimplere velit. Quoniam vero emtori per-
inde est, siue alius emtor rem accipiat, siue ven-
ditor eam retineat sibi, conditione meliore oblata,
nec

nec sibi retinens quicquam committat, quod est contra jus primi emtoris (§. 83.) si melior conditio offertur, venditorem sibi retinere potest, nisi expresse, ut ante, fuerit conventum.

§. 609.

Lex commissoria in genere vocatur pactum, quo ita convenitur, ut, nisi præstetur, quod ex alio contractu debetur, debitor amittat, quod ex eo habere debebat. Et tunc id, quod amittitur, dicitur *committi*. Et in specie in præfenti contractu *Lex commissoria* dicitur pactum, quo ita convenitur, ut nisi emtor intra certum tempus pretium solvat, res sit inemta. Pactum itaque, cui *lex commissoria* addita, statim resolvitur, conditione resolutive, quæ eidem inest (§. 315.) existente. Et propterea si emtio sub lege commissoria contracta, & pretium intra tempus præstitum non fuerit solutum, dominium rei venditæ confirmatum ipso jure redit ad venditorem. Cum venditor cum damno emtoris locupletior fieri nequeat (§. 271.) si emtor partem pretii solvit, emtione commissæ, ea ipsi restituenda. Et quoniam emtio in gratiam venditoris tantummodo resolvitur; si *lex commissoria* in ipsius gratiam addita, in ipsius utique arbitrio positum est, utrum ea uti velit, nec ne. Quoniam effectus legis commissoriæ pendet a conditione resolutive, quæ eidem inest; si conditio quæcumque resolutive emtioni & in genere contractui, sive pacto cuicumque adjicitur, clausula adjecta hæc legi commissoriæ æquivalet. Atque ea de causa adjectio istiusmodi conditionis, qua, quod ex pacto haberi debebat, committitur & ipsum pactum resolvitur, clausula commissoria appellatur.

§. 610.

De pacto Pactum, cui adjicitur conditio quæcumque re-
resoluti- solutiva, vulgo *resolutivum* dicitur, cujus ideo
vo ex species sunt lex commissoria & addictio in diem
nunc & sub conditione resolutiva. Vocatur autem re-
ex tunc. solutivum *ex nunc*, quando contractus retro re-
 solvitur, quasi ab initio statim fuisset nullus;
& ex tunc, quando contractus resolvitur eo,
 quo conditio existit, tempore, ut ab eo demum
 habeatur pro nullo. Quoniam naturaliter a vo-
 luntate paciscentium dependet, quomodo con-
 venire velint (§. 385. 438.) in ipsorum quoque
 arbitrio positum est, utrum conditione resolutiva exi-
 stente pactum resolvi debeat *ex nunc*, an *ex tunc*.

§. 611.

De jure
retra-
ctus.

Quod si ita conveniatur; ut, si rem emtam
 iterum vendere volueris, eam mihi, vel tertio
 cuidam certo vendere debeas, vel ut alii ven-
 dere non liceat, si ego, vel tertius ille idem
 pretium solvere velimus, quod solveret alius,
 pactum emtionis venditioni adjectum dicitur *Pa-*
ctum de retrahendo; & jus ex hoc pacto acquisi-
 tum, *jus retractus* appellatur, in jure civili cum
 addito *jus retractus conventionale*, quia ex pacto de-
 scendit; in oppositione ad *legale*, quod certis per-
 sonis lege tribuitur ac mere civile est. *Jus* hoc
retractus est *jus praelationis*, eodemque imminuitur
jus alienandi (§. 257.) sed sine damno domini (§.
 269.) Quoniam *jus protimiseos* vocari solet, quo
 quis præferri debet in eodem actu alii, vel aliis;
jus retractus est *jus protimiseos*, sed non contra.
 Quia vero *jus retractus* ex pacto ad emtionem
 venditionem restringitur locum non habet, si res
 eidem obnoxia alio titulo, quam emtionis venditio-
 nis alienatur, veluti si donetur, vel permutetur
 (§. 318.)

(§. 318.) Cum naturaliter quilibet jus suum alteri cedere possit (§. 342.) nisi personale fuerit (§. 400.) jus quoque retractus cedi potest, nisi vel expresse fuerit dictum, ne alii cedatur, vel aliunde appareat, ad personam retrahentis esse restrictum (§. 318.)

§. 612.

Si ita conveniatur, ut, quando tibi visum fuerit, vel certo tempore, vel intra certum tempus rem venditam tibi redimere liceat; pactum, quod emtioni venditioni adjicitur, dicitur *Pactum de retrovendendo, vel retrovenditionis*. Quamobrem emtor quidem obligatur ad rem retrovendendam, venditor autem minime ad eam redimendam. Ab hoc pacto cum omnino differat, si ita conveniatur, ut res vendita vel certo tempore, vel intra certum tempus redimi debeat; lubet id *Pactum de redimendo* appellare. Et ex pacto de redimendo venditor obligatur ad rem redimendam, non vero emtor ad eam iterum vendendam. Cetera intelliguntur de utroque pacto, sicuti de ceteris omnibus adjectis, ex eo, quod dictum, vel alio modo sufficienter indicatum est (§. 318.)

§. 613.

Quamprimum ex contractu emtionis venditionis pactis quibuscunque adjectis dominium in emtorem transit, cum is, jam sit dominus, & venditor esse desierit (§. 195.) omne quoque commodum, quod ex re percipi potest (§. 198.) & omne deteriorationis, amissionis & interitus periculum ad emtorem pertinet (§. 243.) Atque inde facile in casu quolibet definitur, cujusnam sit commodum & periculum naturaliter. Quoniam vero naturaliter conveniri potest, prouti visum fuerit contrahentibus (§. 393. 438.) ita etiam conveniri potest, ut sub certa conditione, vel certo tempore re-

venditæ dominium maneat penes venditorem, commodum tamen & periculum sit penes emptorem, vel contra: immo ut dominium cum periculo transeat in emptorem, commodum tamen sub certa conditione, vel certo tempore pertineat ad venditorem.

§. 614.

*De em- Si res, quæ gustu demum probetur, aut inspi-
tione rei ciat, vendatur, veluti si tibi venditur vinum
gustu, in cella mea, gustu probandum; ea non nisi sub
aut in- hac conditione intelligitur emta, si tibi probetur,
spectio- consequenter periculum & commodum non ante ad
proban- emptorem pertinet, quam si degustata, vel inspecta
da. probetur (§. 613.)*

§. 615.

*De com- Cum emptori dominium in re alternative
modo & vendita ante opinionem nullum competat (§.
periculo 195.) si due res alternative vendantur, ita ut
rerum optio detur, quamnam eligere velit, antequam optio
alternati- facta est, commodum atque periculum utriusque ad
ve-ndi- solum venditorem spectat (§. 613.)
tarum.*

§. 616.

*De ven- Quia emptio non perficitur, nisi pretium sta-
ditore tim solvatur (§. 596.) aut venditor in dila-
in dila- tionem consentit (§. 597.) si de pretio fuerit con-
tione- ventum, & venditor in dilationem consentire non vult,
pretii emptio nulla est, consequenter si redux pretium sta-
non con- tim solvere velis, eam tibi pro eodem dare non te-
sentiente netur. Cumque in mora sis, si convento tempore
& inte- pretium non solvas (§. 417.) venditori præstare
resse debes, quantum valet usus pecunie a die moræ (§.
mora. 419.)*

§. 617.

*De evi- Res evinci dicitur, si quis eam ob jus, quod
tione. in ea habet, nec exercere potest; nisi eam in
pote-*

potestate sua habeat, a possessore aufert, veluti si res a non domino emta a domino vindicatur (§. 262.) *Eviotionem* vero *præstare* dicitur, qui satisfacit alteri pro damno ob rem evictam eidem obveniente. Quoniam possessor quilibet præsumitur dominus, nisi prostant rationes probabiles in contrarium (§. 455.) consequenter emtor cum venditore tanquam cum domino contrahit, nisi noverit rem esse alienam; *emtionem* inest tacita hac conditio, ut evictio præstetur, consequenter naturaliter opus non est eam demum expresse promitti: *præstationi* tamen *evictionis* renunciari potest (§. 342.) Quoniam qui sciens a non-domino emit, se nonnisi possessionem emere novit (§. 588.) consequenter in periculum evictionis consentit (§. 593.) ad præstandam *evictionem* rei alienæ venditor scienti non obligatur. Et quia non minus quis jus, quod in re vendita habet, evincere potest; venditor quoque *evictionem* juris cujusdam, quod tertius in re habet, præstare obligatur. Enimvero donator, cum gratis donans (§. 475.) non intelligatur in donatarium transferre voluisse nisi jus, quod in re habet, donatario ad præstandam *evictionem* non obligatur. Mere civile est, quod præstatio evictionis exigatur in donatione remuneratoria, cum ad eam non competat jus perfectum donatario (§. 482.)

§. 618.

Vitium rei dicitur accidens, quod eidem inhæret & rem usui suo minus aptam reddit. *De vitis rei*
Cum res emanant propter eum, quem habere *emta.*
debent usum, consequenter nemo res vitiosas emere velle præsumatur; *vitia* rei, quæ in oculis non incurrunt, vel aliunde nota sunt, emtori indicare tenetur venditor, consequenter multo minus ea studiose occultare debet, in oculos incurrere possunt.

Et quia vitium rei aestimabile quid est, quatenus scilicet rem per se ad aliquem usum aptam ineptam reddit; vitia pretium rei imminuunt; immo si quod vitium rem prorsus inutilem reddit, eam nullius pretii faciunt. Immo cum non minus fraus eventus, quam consilii sit vitanda (§. 286.) si res prorsus inutilis fuerit ob vitium latens, pretium emtori restituendum: si vero adhuc usum habere potest, aut alio modo damnum reparari, damnum saltem datum resarciendum (§. cit.) Haud difficulter patet, jura, quae tertius in re emta habet, vitiis annumeranda esse.

§. 619.

De ar-
rha da-
tione.

Arrha dicitur pecunia, vel res, quae ab uno contrahentium datur alteri contractus probandi & confirmandi causa. Ideoque arrham sibi dari petit, cujus maxime interest, ne a contractu recedatur; ultro etiam offert is, qui sibi metuit, ne contractus ab altero non adimpleatur, vel nondum perfectus non perficiatur. Patet itaque, arrha dationem esse contractum, vel pactum peculiare, & ad quemvis alium contractum, non modo ad emtionem venditionem accedere posse; eadem tamen in contractu, cui accedit, nihil immutari. Enimvero cum de arrha valeat, quod conventum fuit (§. 318.) si arrha detur tamquam pars ejus, quod ex contractu debetur, in id imputatur, si vero detur in securitatem contractus adimplendi, eo adimpleto, restituenda. Ob eandem rationem si arrha datur ea lege, ut in id imputetur, quod ex contractu debetur, si dans impleverit eundem, eam vero retineat accipiens, si non impleverit; pacto non adimpleto, arrham accipiens lucratur; quoniam tamen accipiens in id quidem consensit, ut datori liberum sit, utrum arrham amittere, an contractum adimplere malit, non autem id actum est,

est, ut accipienti integrum sit a pacto discedere, si arrham restituat; accipienti liberum non est, utrum arrham restituere, an contractum adimplere malit. Enimvero si ita convenitur, ut, nisi contractum alteruter contrahentium adimplere velit, arrhæ dator cum dispendio arrhæ a contractu recedat, ab eodem vero si accipiens recedat, duplum restituat, cum in arbitrio paciscentium positum sit, ut hanc legem contractui dent (§. 385. 438.) & sub pœna contrahere liceat (§. 410.) naturaliter contractus revocabiliter, sed sub pœna initus intelligitur. Similiter si ita conveniatur, ut, si arrhæ dator a contractu recedere velit, eam perdat, accipiens vero duplum in eodem casu restituat, salvo tamen jure ejus, qui contractum adimplere velit, cum sub pœna pœnitentiæ ita contrahatur; contractus cum dispendio arrhæ, vel dupli restitutione subsistit. Patet autem in hoc casu cum arrhis fortius contrahi, quam sine arrhis; cum major introducatur obligatio contractum adimplendi (§. 35.) Si de arrha nihil speciale fuerit conventum, cum ea detur tamquam indicium contractus initi & constantiæ voluntatis; cum dispendio arrhæ a contractu recedere non licet; consequenter contractum adimpleto, aut, si eum adimpleri non amplius integrum est, præstito interesse (§. 415.) arrha restituenta, aut, si in pecunia consistat, in id, quod debetur, imputandum. Quoniam denique si alter ex pacto jam aliquid præstitit, dum ab eo discedit, ego ipsi nihil restituere teneor (§. 443.) si emtor parte pretii jam soluta, vel arrha data, re tamen nondum tradita, a contractu recedat, venditor ab eodem recedens partem pretii jam solutam, vel arrham datam restituere non tenetur.

§. 620.

*Locatio
condu-
ctio quid
& quo.
duplex.*

Locatio conductio vocatur contractus onerosus; quo certus rei usus conceditur, aut certa opera præstatur pro certa mercede. Pretium, quod solvitur pro usu rei, præsertim immobilis, vocatur *Pensio*. Qui pro usu rei mercedem solvit, *Conductor rei*; & is, cui operæ pro mercede præstantur, *Conductor operarum* appellatur; qui vero pro mercede concedit usum rei, *Locator rei*, & qui pro operis suis eandem accipit, *Locator operarum*. In specie conductor ædium, *Inquilinus*; agri, *Colonus*; operis faciendi, *Redemptor* appellatur; qui postremus eidem est cum locatore operarum, veluti si faber lignarius contrahit cum te de ædibus certo pretio excitandis.

§. 621.

*Quando
contra-
ctus per-
fectus,
& na-
scentes
inde ob-
ligatio-
nes.*

Cum ad perfectionem contractus locationis conductionis nil amplius requiratur, quam ut locator promittat concessionem usus, vel operas præstandas pro mercede solvenda, & conductor solutionem mercedis pro usu rei, vel operis præstandis (§. 620. 380.) quamprimum locator & conductor convenerunt de mercede pro usu rei, vel operis præstandis, locatio conductio perfecta est: perfecto autem contractu locator obligatur ad usum rei conventum, consequenter rem isti usui, ad quem eam conduxit, aptam, vel operas promissas præstandum, & conductor ad mercedem solvendam, etiamsi re, vel operis locatoris uti non potuerit, modo is interea rem, vel operas alii non locaverit; cum tunc ipse a contractu discesserit (§. 442.) nec ullum damnum datum sit locatori a conductore, quod foret resarciendum (§. 269. 270.)

§. 622.

§. 622.

Quoniam locator rei in conductorem transfert jus re utendi, quomodo conventum fuit (§. 620.) ipse ea interea uti nequit, dum non utitur conductor, & si interea alii locet, merces, quæ datur, huic debetur, cum usus jam sit ipsius; immo ob eandem rationem sine consensu ejus alteri locare nequit: ex adverso conductor re aliter uti non potest, quam conventum fuit, alias furtum usus committit (§. 264.) Immo si aliter utatur, seu re abutatur, locator contractum rescindere potest (§. 442. 581.)

De re locata aliter a locatore locata, & quomodo re locata utendum.

§. 623.

Similiter conductor non alias operas a locatore exigere potest, quam conventas, nec alio, quam tempore convento (§. 317.) & locator perinde operas tempore convento præstare debet (§. 438) alias tenetur ad id, quod interest, eas convento tempore præstare non fuisse (§. 415.) cumque a pacto discedat locator; conductori licet, si ita visum fuerit; alterius operas conducere (§. 442.)

De præstatione operarum.

§. 624.

Si conductor rem, vel operas sibi locatas alii locet, locatio ab ipso facta Sublocatio dicitur. Cum jus utendi re, vel operis in conductorem translatum sit (§. 620.) sublocatio rei conductæ ad eundem usum, ad quem fuerat conductæ, & operarum ad idem licita, nisi conventum fuerit, ne sublocetur; quoniam tum jus utendi sine potestate sublocandi translatum, nec aliter conductori competit (§. 317.)

De sublocatione.

§. 625.

§. 625.

*Quam
locari
possint.*

Cum nemini gratis dare, vel facere teneamur, si quis vicissim dare, vel facere potest, & in locatione non detur nisi usus rei pro mercede, non vero res ipsa, id quod est rem vendere (§. 587.) *res omnes, quæ usu non consumuntur, tam corporales, mobiles ac immobiles, quam incorporales locari & conducì possunt, itidemque operæ omnes non illicitæ; quia ad illicitas non committendas indispensabiliter obligamur (§. 49. 42.)*

§. 626.

*An mer-
ces in re
consiste-
re possit.*

Quoniam pretium rerum pecunia æstimatur, ideoque perinde est, siue des pecuniam, siue rem, quæ tanta pecunia æstimatur, in locatione conductione autem datur pecunia pro usu rei, vel operis (§. 620.) *naturaliter locatio conductionis est, si pro usu rei, vel operis detur res certa, de qua convenitur, consequenter erit etiam locatio conductionis, si partim pecunia, partim res detur. (a)*

§. 627.

*De mer-
ced e ta-
cite con-
venta.*

Cum pro usu rei, vel operis præstanda sit merces conventa (§. 620.) *si de mercede nihil fuerit expresse dictum, tacite consensisse censentur contrahentes in eam mercedem, quæ communiter pro tali usu, vel istiusmodi operis dari solet, aut in eam, quam dederat, qui ante conduxerat. Idem intelligitur, si convenitur, ut detur merces æqua, vel quæ dabitur ab aliis; tum enim danda merces, quæ ab aliis dari solet.*

§. 628.

(a) In nullo casu ex solo pecuniæ usu est lucrum captandum.

§. 628.

Quoniam etiam locationi conductioni pacta *De pactis ad-*
 adjici possunt, prouti commodum visum fue- *jectis.*
 rit contrahentibus, perinde ac in emtione ven-
 ditione (§. 605.) *de quo in pactis adjectis fuerit*
 conventum, eo standum (§. 438.) Istiusmodi pa-
 ctum est, quo prohibetur sublocatio (§. 624.)
 quo usus rei certa legē restringitur, quo con-
 venit de mercede anticipanda, quo adjicitur
 clausula commissoria, ut contractus sit nullus,
 nisi merces certo die solvatur, & statim liceat
 rem alii locare, ut locatio rescindatur, seu sta-
 tim cesset, ubi res vendita, vel propriis usi-
 bus necessaria fuerit; cum enim jus ex contra-
 ctu quæsitum invito auferri nequeat (§. 100.)
 naturaliter non finitur locatio ad certum tem-
 pus facta, ubi ante eadem vendita, vel propriis
 usibus necessaria fuerit. Sed de his pactis sin-
 gulis, quæ fieri possunt, non opus est, ut si-
 gillatim dicamus.

§. 629.

Cum locator non obligetur conductori nisi ad *Quando*
 præstandum rei usum conventum (§. 620.) si *venditio*
 eidem rem similem & æque commodam præstet *rei loca-*
 absque ullo ipsius sumtu, rem ut vendat, vel pro- *te, aut*
 priis usibus necessariam locatori adimat, injustum *præsta-*
 non est. Idem intelligitur, si qui operas ipse *tio ope-*
 præstare non potest, substituat alium æque idoneum, *rarum*
 qui præstet. *per a-*
liū non
illicita.

§. 630.

Si locator eadem opera pluribus utilis esse possit, *De ex-*
 cum bis promittere liceat, quod bis præstari po- *dem ope-*
 test (§. 421.) & parum intersit, siue uno actu, *ra pluri-*
 siue duobus diversis præstetur; quin operas tibi *bus loca-*
ta.
 loca-

locatas alii locare & ab utroque conductore mercedem integram accipere liceat, dubitandum non est. Exempli loco esto tabellarius ad litteras deferendum conductus. Quoniam vero, si eadem opera pluribus conjunctim locetur, omnes conjunctim non repræsentant nisi unum locatorem, consequenter mercedem conjunctim nonnisi semel solvere tenentur; conductores singuli mercedem pro rata solvunt, prouti conventum fuit inter ipsos. Quodsi operæ, quæ nonnisi uni præstari possunt, duobus locentur, conductori primo præstandæ (§. 421.)

§. 631.

Derelocatione & renuntiatione locationis. Si res, vel operæ ad certum tempus locentur, finito tempore conductoris jus cessat & contractus finitur (§. 317. 318.) consequenter cum locatio & conductio renunciari dicatur, si vel locator conductori, vel conductor locatori significat, se ultra certum terminum ex contractu amplius teneri nolle; naturaliter renuntiatione opus non est, nisi expresse fuerit conventa (§. 628.) Quamobrem cum res, vel opera relocari dicatur, si conductori finito tempore iterum locetur; relocatio novus contractus est, ab anteriore prorsus diversus, consequenter pacta quæcumque eidem adjici possunt, seu legem quamdam eidem dare licet, a priori diversam. Quoniam vero tacite etiam conveniri potest (§. 439.) si locatore non contradicente conductor re ultra tempus conventum utatur, vel renuntiatio conventa non fuerit facta, relocatio in modum anteriorem tacite facta intelligitur (§. 441.)

§. 632.

De locatione morte, Quodsi duratio contractus in alterutrius, vel utriusque arbitrium conferatur, cum mortuus velle desi-

definat; morte ejus, in cujus arbitrium collata est, vel jure
consequenter in casu posteriore morte alterutrius, in re ex-
locatio conductio finitur. Cumque nemo plus ju- tinctio fi-
ris in alterum transferre possit locando, quam nita.
habet (§. 258.) jure locatoris in re locata extin-
cto, locatio finitur.

§. 633.

Quoniam conductori usus rei locatur (§. 620.) De da-
locator consentire tenetur in eam deteriorationem, mmo in
sine qua usus obtineri nequit. Enimvero si dolo, re, vel
vel culpa conductoris reddatur deterior, vel prorsus usu rei
destruatur, damnum conductor resarcire tenetur dato.
(§. 270.) Cum vero dominium maneat penes
locatorem, usus autem sit conductoris (§. 620.)
si damnum casu datur in re, quem nulla condu-
ctoris culpa præcessit, id locatoris est; si in usu,
conductoris, nisi de remissione mercedis quædam fue-
rint conventa (§. 342. 628.) Enimvero si casus
auferat omnem rei usum, cum merces pro usu de-
tur; ea remittenda.

§. 634.

Similiter cum conductori imputari nequeat, De da-
si locator operarum culpa sua damnum incurrit, dum mmo,
operas præstat (§. 3.) a quo sibi cavere debe- quod in-
bat (§. 269.) conductor id resarcire non tenetur. currit
Et quia casus prævideri nequeunt; qui operas locator
pro mercede locat, subire tenetur periculum, opera-
quod inde imminere poterat, consequenter nec rum, &
conductor resarcire tenetur damnum, quod casu in damno
incurrit locator. Ita si locator operarum fregerit, in opere
vel perdiderit instrumentum operas promissas præ- conducto
stando, damnum ipsius est; vel etiam si id con- dato.
tingat in materia locatoris opere propria, ex qua
tibi opus facere debebat: enimvero si tua sit ma-
teria, in qua casus contingat, damnum tuum est (§. 243.)
Cul-

Culpa utique sua damnum dedisse intelligitur, qui opus ex tua materia fecit vitiosum (§. 21. 169.) ac ideo si vitium corrigi possit, sine mercede id corrigere, sin minus, pretium materie restituere & opus vitiosum retinere debet (§. 170.) Quia Artifex dicitur, qui artem aliquam callet, vel exercet; imperitia artificis, seu ejus, qui se artificem proficitur, utique culpa est (§. 21.) Denique cum opus, quod alteri locasti, tuum sit; si sine conductoris operis culpa casus in cæpto, vel jam perfecto contingat, damnum tuum est (§. 143.) at si vitio operis contingat damnum, cum tunc culpa conductoris detur (per demonstr.) utique conductor id resarcire tenetur (§. 270.)

§. 635.

*De em- Si ita conveniatur cum artifice, ut faciat opus ex
tione materia sua, pretio in opus perfectum & approbatum
operis constituto, cum non conveniatur de mercede pro
nostra operis præstanda, sed de pretio pro opere con-
volun- fecto solvendo; contractus locatio conductio non est
tate ab (§. 620.) sed emtio venditio rei exituræ, sub hac
alio con- conditione inita, si vitio careat (§. 587. 590.) Et
ficiendi. quoniam in emtione venditione res tamquam
supplementum pretii dari potest (§. 599.) erit
ad huc emtio venditio, si data materia, vel res alia
in pretium imputanda.*

§. 636.

*De im- Quoniam locator rem usui conducto aptam
pensis in præstare tenetur (§. 621.) si conductor fecit im-
rem lo- pensas necessarias, sine quibus scilicet res non
catam poterat habere usum, quem conduxerat, loca-
factis. tor eas restituere tenetur: non vero licet facere
impensas utiles sine consensu locatoris, utpote
qui non nisi usum conductum præstare tene-
tur (§. 317.) cumque conductor non sit do-
minus*

minus (§. 620.) ne suo quidem sumtu sine consensu locatoris in re conducta quicquam immutare licet conductori (§. 256.)

§. 637.

Cum quilibet damnum ab alio avertere debeat (§. 269.) locator quoque vitia rei locatæ, quibus damnum dari potest in usu rei, indicare tenetur, veluti si equus sit calcitrosus, vel certo anni tempore ab inundatione periculum imminuat in certis ædium partibus. Quod si ergo sciens rem vitiosam locet, conductori tenetur in id, quod interest (§. 415.) si ignorans invincibiliter, etsi ab imputatione liber sit (§. 34.) cum tamen usum non præstet, quem res minime vitiosa habere poterat; pensionem remittere tenetur pro circumstantiis datis (§. 621.)

De vitis rei locatæ.

§. 638.

Si alicui pecudum usus pro viliori mercede annua, aut certa fructuum parte conceditur ea lege; ut, si quæ illarum pereant, accipiens vel alias in earum locum substituat, vel æstimationem præstet, contractus dicitur *Socida*. Patet itaque, *socidam* esse locationem conductionem cum pacto adjecto, quo periculum omne rei locatæ in se suscepit conductor (§. 620. 628.) Patet porro, in *socida* pecudes locatori numquam mori, & æstimatas esse tradendas. Et quoniam *Pecudes* ferreæ dicuntur, quæ danti numquam moriuntur, vel pereunt; *socida* est locatio pecudum ferrearum. Quia verò æqualitas observanda in contractibus onerosis (§. 580.) merces in *socida* determinanda ex pretio fructuum, quos ex pecudibus percipit conductor, & periculo, quod in se suscipit. Cumque usus causa pecudes locentur; locator pecudes sanas in *socidam* tradere obligatur,

De socida.

tur, & si morbo ante sociam contracto moriuntur pecudes, periculum est locatoris (§. 415.)

§. 639.

*Societas
negotia-
toria
quid sit.*

Si duo, vel plures inter se conveniant, quod res & operas ad negotiationem quamdam conferre velint eo fine, ut lucrum ac damnum commune sit, contractus dicitur *Societas*, nimirum *negotiatoria*. Qui societatem ineunt, *Socii* vocantur. *Societas* autem contrahitur, sive utrumque sociorum res & operas, sive unus res, alter operas, sive unus res & operas, alter vel res, vel operas conferat. Sub rebus etiam comprehenditur pecuniam, patet. Cum eo, qui nec operas, nec res confert, *societas* non contrahitur; sed si ad partem lucri saltem admittitur, donatio (§. 475.) si etiam damni particeps esse debet, *peculiaris* quidam contractus est (§. 438.)

§. 640.

*De so-
cietate
ratione
damni
contra-
cta.*

Quoniam quilibet jus suum remittere potest (§. 342.) & unicuique permittendum, in quantum se obligare velit (§. 78. 97.) *societas* ita contrahi potest, ut quis sit particeps lucri, non vero damni; aut cum damnum ab altero avertere debeamus (§. 269.) nec cum damno ejus locupletiores fieri (§. 271.) ita contrahi nequit, ut socius sit particeps damni, non vero lucri, consequenter cum *societas* *leonina* dicatur, in qua unus solus lucrum, alter solus damnum habet; ea illicita est, per se nulla.

§. 641.

*Societas
bonorum
& om-
nium bo-
norum.*

Si bona universa tam praesentia, quam futura in communionem deducuntur, *Societas* dicitur *omnium bonorum*, vel *fortunarum*; si vero ea omnia, quae opera & negotiatione acquiruntur,

tur, *Societas bonorum* simpliciter vocatur. Utraque communi nomine *Societas universalis*, subinde etiam *generalis* appellatur; & in oppositione *particularis* audit, in qua communicantur ea, quæ ex certis rebus, vel certa negotiatione proveniunt.

§. 642.

Bona societatis dicuntur, quæ in communio-
nem deducuntur, dum societas contrahitur. *De bonis societatis.*
Quamobrem in bonis societatis quilibet socius pro parte dominium habet (§. 639.) consequenter quamprimum societas omnium bonorum initur, socius unusquisque in alterum transfert dominium in bona sua præsentia & futura pro rata (§. 641. 589.)

§. 643.

Pecunia, quæ in societate ad certum usum confertur; & in genere pecunia, qua fruimur, dicitur *Sors*. *Sorris nomine qua pecunia ventat.*

§. 644.

Si quis operas solas, alter vero pecuniam confert, & operæ conferuntur cum usu pecuniæ, cum usus pecuniæ & usus operarum invicem communicantur; collator operarum non fit particeps sortis, & sors perit ac salva est ei, qui pecuniam contulit: alit si eadem operæ conferantur cum ipso dominio pecuniæ, quoniam ipsa pecunia & operæ eadem æstimandæ invicem communicantur; qui operam impendit; fit particeps sortis pro eo, quod valet pretium operæ, sorti adjiciendum. *De diverso modo operas cum pecunia collata conferendi.*

§. 645.

Cum in societate negotiatoria socius nullus alteri gratis quid dare & facere præsumatur, nec *De divisione lucri & damni*
(*Wolfii Instit. J. N. & G.*) Q dare

dare vel facere debeat naturaliter (§. 473. 639.) in eadem observanda est æqualitas (§. 580.) consequenter commune lucrum & damnum in ratione collatorum dividendum, ita scilicet ut qui duplum contulit, duplum percipiat lucrum, sed duplum quoque ferat damnum, ac ideo si collata sint æqualia, partes quoque lucri & damni sint æquales. Quilibet æquissimam judicat æqualitatem partium, si collata fuerint æqualia. Sed cum qui duplum confert, duos repræsentet socios, & ita porro; inde omnino sequitur, ut eadem sit æquitas divisionis lucri & damni communi in ratione collatorum. Quoniam vero socii de partibus inter se convenire possunt, prouti ipsis commodum visum fuerit (§. 385. 438.) si partes lucri & damni fuerint expressæ, eadem servandæ sunt (§. 438.) Enimvero si opera cum usu pecuniæ conferantur, cum qui operas confert, non fiat particeps sortis (§. 644.) ratio, in qua commune lucrum dividendum, definienda ex eo, quod valet usus pecuniæ & periculum amittendæ sortis, & ex eo, quod valent opera & periculum eas perdendi, quodsi vero periculum non attendatur, ex eo, quod valet usus pecuniæ, & ex eo, quod valent opera.

§. 646.

De lucro
compu-
tando.

Cum lucrum sit res, consequenter pecunia, quæ bonis nostris superaccedit (§. 414.) impensæ autem in societate lucri faciendi causæ fiant (§. 279. 639.) lucrum non intelligitur, nisi deductis impensis, consequenter etiam deducta pecunia, quæ collata fuerat, & deductis damnis, quæ lucrum imminuunt (§. 269. 279.)

§. 647.

§. 647.

Cum societas certi cujusdam negotii causa De soc
contrahatur (§. 639.) finito negotio, propter quod cietate
societas contracta, societas finitur, & si ad cer- finita &
tum tempus contracta, elapso tempore finitur (§. 438.) proroga-
Quoniam vero societas prorogari dicitur, quan- ta.
do ultra tempus conventum continuatur, con-
sequenter societatem prorogare idem est, ac
eamdem renovare (§. 441.) quæ de renovatione
pactorum dicta sunt, de prorogatione societatis va-
lent (§. cit.) At quia nemo alteri damnum
dare debet (§. 269.) a societate discedere non li-
cet cum damno societatis: si tamen ad nullum cer-
tum tempus contracta, sine damno societatis ab ea
discedere licet; quia tunc nihil fit contra jus
sociorum (§. 83.)

§. 648.

Societati renunciare dicitur, qui declarat, se De re-
in eadem diutius manere nolle. Renuntians ita- nuntia-
que a societate discedit (§. 442.) Quamobrem si tione &
socius unus non præstet, ad quod præstandum vi dissolu-
societatis tenetur, alteri licet renunciare societati, tione so-
consequenter si plures fuerint, ceteri societatem cietatis.
continuarè & socium negligentem, vel rixosum, qui
solo suo arbitrio omnia fieri vult, excludere pos-
sunt. Idem nimirum est, ac si societati renun-
tiarent, ac postea novam inter se contrahe-
rent. Mutuo autem consensu, sicuti pactum omne
(§. 444.) ita etiam societatem dissolvi posse, sa-
tis liquet.

§. 649.

Quicquid pro usu rei, quæ usu consumitur, De usu-
seu fungibilis in primis pecuniæ datur, sive sit ris.
pecunia, sive res alia, Usura dicitur. Cum usus
Q 2 rei,

rei, quæ usu consumitur, non minus aliquid æstimabile sit, quam rei, quæ usu non consumitur, prouti evidenter apparet, si ponamus pecuniam in emtionem fundi fructiferi, aut negotium quoddam lucrosum impendi, nemo autem alteri gratis dare teneatur, qui vicissim dare potest (§. 473.) *usuræ in se illicitæ non sunt, naturaliter autem quantitas desinienda ex usu pecuniæ, cujus causa creditur debitori.* Nimirum usuræ spectari possunt tamquam pars lucri, cujus particeps fit socius pecuniam solam conferens, habita ratione periculi, quod solus in se suscipit debitor. Atque hinc patet, *naturaliter usuras nunc esse posse majores, nunc minores.* Hinc *usuræ mordentes dicuntur, si exiguntur ab eo, qui usu pecuniæ vix tantumdem lucrari potest, quantum ad vitæ necessitatem sufficit, vel si excedunt lucrum, quod usu pecuniæ facere potest debitor; & eas naturaliter illicitas esse, patet (§. 513.)* Usurarium vero illicitarum exactio *usuraria pravitas* vocatur. (a)

§. 650.

*De contractu
fœnebr.*

Quoniam mutuum non est, si usus pecuniæ non datur gratis, sed pro pecunia (§. 533.) ac ideo quoque pecunia sub usuris debita *Pecunia usuraria* dicitur; contractum, quo pecunia sub usuris creditur, in Jure naturæ par. 4. §. 1413. *Contractum fœnebrem* appellamus; sicuti in Jure Romano *Pecunia fœnebris* dicitur, pro cujus usu usuræ solvuntur. Poterat etiam dici *contractus usurarius.*

§. 651.

(a) Vide quæ adnotata sunt ad §. 583.

§. 651.

Anatocismus vocatur pactum, quo conveni-
tur, ut usurae convertantur in sortem & de-
beantur etiam usurae usurarum. Cum usurae so-
luta, quamprimum solvuntur, sint fors acci-
pientis, pecuniam vero credere liceat ei, cui
jam antea sub usuris credidisti; usuras acceptas
sub usuris rursus credere eas debenti ob justam usu-
rarum causam naturaliter licet. Quamobrem ap-
paret, anatocismum in se illicitum non esse.

De A-
natocif-
mo.

§. 652.

Chirographum sunt litterae, in quibus quis fate-
tur, se rem quamdam fungibilem ab altero ac-
cepisse, & eam in genere restituere promittit.
Contractus, qui mediante chirographo perfici-
tur, dicitur Contractus chirographarius. Unde por-
ro patet, quinam sit creditor, quinam debitor
chirographarius, & quodnam debitum chirographa-
rium. Liquet etiam, contractum chirographarium
esse mutuum scriptura perfectum (§. 528.) aut con-
tractum fœnebrem scriptura perfectum (§. 650.)

Chiro-
graphū
& con-
tractus
chiro-
grapha-
rius
quid sit.

§. 653.

Cum in chirographo promittatur restitutio
ejus in genere, quod acceptum (§. 652.) qui
spe rei fungibilis, veluti pecuniae, accipiendae chi-
rographum tradit, eam autem non accipit, ad nihil
quoque restituendum obligatur. Ne vero casus
emergant, in quibus dubium videtur, num ea
accepta sit; quamprimum chirographum traditur,
res fungibilis tradenda, vel pecunia numeranda,
nec antequam hoc fiat, debitor chirographarius chi-
rographum tradere, nec creditor chirographarius ac-
cipere debet. Idem intelligitur, si non integra
quantitas in chirographo expressa traditur.

De con-
tractu
chiro-
grapha-
rio te-
nenda.

Eadem de causa quamprimum solvitur, chirographum reddendum. Ceterum naturaliter in chirographo non exprimenda causa debendi (§. 407.) Quamobrem cum naturaliter perinde sit, ac si causa debendi non fuisset adscripta, etiamsi adscribatur; chirographum valet, etiamsi falsa causa debendi exprimatur, modo verum sit, tantum deberi.

§. 654.

De apochis.

Apocha, vulgo *Quittancia* dicuntur litteræ, in quibus creditor fatetur, debitorem solvisse, seu se ab eodem accepisse, quod debebat. Quoniam itaque apochæ productione probatur solutio facta; nec danda, nec accipienda, nisi solutione facta, consequenter spe solutionis data aut repentina, aut debitor ad solutionem compellendus. Idem intelligitur, si apocha accepta debitum non integre solvitur. Cum apocha probari possit solutio; si chirographum casu amissum, vel reperiri non potest, in apocha id exprimendum.

§. 655.

De cambio manuali.

Permutatio pecuniæ cum pecunia, quacunque tandem lege fiat, vulgo *Cambium* dicitur; in specie autem permutatio specierum monetæ, *Cambium manuale*, veluti si moneta grandior cum pecunia minuta permutetur. Græcis *Collybus* appellatur. Hinc *Collybista*, item *Nummularius* & *Trapezita* dicitur, qui pecuniam in hoc paratam habet, ut eam cum aliis permutet speciebus. Et quod collybista specierum monetæ permutandarum causa deducit, *Lagium* vulgo vocatur. Dicitur etiam *Collybus*, sed non sine æquocatione; cum ipse etiam contractus hoc nomine veniat. Si pretium rerum, vel operarum definitur valore extrinseco monetæ, & ut pecunia com-

modius erogari possit, certa moneta species cum alia permutatur, cum perinde sit, quanam moneta species detur; in cambio manuali non spectandus nisi monetarum valor extrinsecus (§. 580.) Enimvero si tua intersit, ut monetam habeas, cuius major bonitas intrinseca, quam ejus, quam nunc habes, nec minus mea intersit, ne speciem meliorem cum viliori permutem, cum interesse aliquid æstimabile sit; in cambio manuali attendendus est valor intrinsecus, consequenter lagium non illicitum. Et quoniam collybista usu pecuniæ suæ, quem alias facere poterat, in gratiam permutationis pecuniæ cum pecunia carere & operam huic negotio impendere tenetur, utrumque autem æstimabile quid est; collybista tantum deducere licet, quantum valet usus pecuniæ, quo carere, & opera, quam huic negotio impendere debet, cumque etiam ipse lagium dare teneatur, si speciem viliores cum meliori permutat (per demonstrata) quantum etiam valet differentia bonitatis intrinseca specierum permutandarum (§. 473.) Pro diversitate circumstantiarum in definienda quantitate lagii alia quoque accidentia æstimabilia attendenda sunt.

§. 656.

Contractus, quo pecunia alicui ita datur, ut is pro certa mercede eandem alio in loco solve danti, sive alii cuidam solvi certo die curet, proprie Cambium dicitur, subinde Cambium *trassatum*. Ad cambium itaque concurrunt quatuor personæ principales, nimirum persona, quæ pecuniam alio loco solvendam dat; persona, quæ eandem accipit & alio loco solvendi curam in se suscipit; persona, quæ pecuniam alio loco solvit & persona, cui alio loco solvitur. Prima dicitur, *Campsarius*, sive *Remittens*, secun-

De cam-
bio tras-
sato.

da *Campfor*, five *Trassans*, tertia *Acceptans*, five *Trassatus*, & quarta *Præsentans*. Patet autem, unum subinde duplicem repræsentare posse personam, veluti ut *trassans* idem sit cum *trassato*, vel *campfarius* cum *præsentante*. Litteræ, quæ a *trassante* inscribuntur *trassato*, pecuniæ *præsentanti* solvendæ causa, & pro pecuniâ numerata dantur *campfario*, seu *remittenti*, dicuntur *Litteræ cambiales*: at litteræ, quibus de cambio certior redditur *trassator*, & quomodo eidem rursus satisfieri debeat propter pecuniam pro litteris cambialibus, a *præsentante* exhibitis, solutam, vocantur *Litteræ advisoriæ*: Pretium cambii, de quo *remittens* *trassanti* satisfecit, *Valuta*; summa vero pecuniæ in litteris cambialibus expressæ, quatenus a *præsentante* exigenda; respectu *Remittentis* *Remissa*, quatenus a *trassato* solvenda, respectu *Trassantis* *Trassa* vocatur. Utilitas hujus contractus inde elucet, quod beneficio cambii pecunia in locis maxime dissitis solvi & a peregrinantibus ubivis locorum in ea monetæ specie, quæ ibidem usitata est, accipi possit. Quid juris naturalis sit in cambio, quod sicuti omnes actus humanos, ita etiam cambium regit, quoad obligationes contrahendas, jura inde quæsitæ, definiendum est ex iis, quæ de promissione, de damno refarciendo & præstando interesse, & de se non locupletando cum damno alterius demonstrata sunt. Ita statim patet, *trassantem* obligari *remittenti*, ut curet pecuniam conventam loco & tempore convento *præsentanti* solvi, *remittentem* vero ad præstandum *valutam* (§. 380.) *trassatum* autem *præsentanti* ad solutionem non obligari, antequam litteras cambiales acceptavit, cum acceptando eidem promittat, se pro litteris solvere velle (§. 380.) *trassantem* vero obligari ad *valutam* cambii restituendum & præstandum interesse, nisi

nisi trassatus solverit (§. 271. 415.) Sed nolumus plura addere, quæ in opere majore p. 51 c. 1. legantur.

§. 657.

Ad imitationem cambii trassati, a mercatoribus ad facilitanda commercia introducti, alii commenti sunt *cambium ficcum*, quo quis ab alio accipit litteras cambiales, pro quibus ipsi, vel alii causam ab eo habenti, eodem loco, sed certo tempore, certa pecuniæ summa, de qua conventum, solvendum; quod naturaliter non differre a contractu chirographario manifestum est (§. 652.) Quamobrem Juris mere positivi est omnis differentia, quæ inter contractum chirographarium & cambium ficcum intercedit.

De cambio ficc.

§. 658.

Contractus æstimatorius dicitur, quo res æstimata certo pretio vendenda traditur alteri, ut eam vel reddat, vel pretium determinatum solvat. Quamobrem si accipiens rem pluris vendere possit, excessum supra pretium determinatum lucratur, & si pretium ipse solvere velit, eam tradenti reddere non tenetur. Ex adverso autem cum sine consensu tradentis minoris vendere nequeat (§. 317. 199.) si minoris vendat, defectum supplere debet (§. 269. 438.) Ex ipsa autem definitione liquet, contractum æstimatorium iniri posse circa res omnes, quæ vendi possunt.

De contractu æstimatorio.

§. 659.

Pretium rei taxationis gratia adjici dicitur, quando adjicitur eo fine, ut constet nunc & in posterum de ejus valore: venditionis gratia vero, ut constet, quanti res emta esse debeat. Taxationis itaque causa adjiciendum, quoties res in eadem gratia boni- adjecto

De pretio venditionis & taxationis boni- adjecto

bonitate restituenda, ut in commodato, mutuo, deposito; venditionis autem gratia in contractu aestimatorio. Etenim si rei vendendæ pretium taxationis gratia adjicitur, contractus vel mandatum est (§. 551.) vel locatio conductio operarum (§. 620.) & si certo pretio aestimata vendenda traditur alteri ea lege, ut, si majus accipiat, excessus sit communis, societas contrahitur quoad excessum (§. 639.) Cum contrahentes legem contractui dare possint, quam voluerint (§. 314.) in contractu aestimatorio vel dominium transferri potest in accipientem, vel tradens idem sibi retinet.

§. 660.

De constituto. Constitutum dicitur contractus, quo quis promittit se soluturum, vel facturum, quod vel ipse, vel alius jam antea solvere, vel facere debebat, salva manente priori obligatione. Is, qui constituit, *Constituens*; is autem, cui constituitur, *Constituarius* appellatur. Quamobrem debitum proprium constituendo firmatur, veluti si heres legatario promittit solutionem legati: si vero debitum fuerit alienum, constituens solutionem in se suscipit, nisi debitor principalis solverit, veluti si promittit solutionem ultimo Septembris, nisi Sempronius interea solvat, qui jam quarta Julii solvere debebat. Constitutum debiti alieni naturaliter non differre a fidejussione, ex collatione definitionum patet (§. 569.) unde vero veniat in Jure Romano differentia, dictum alibi. Facile quoque patet, si quis majorem quantitatem promittit, quam quæ debetur, nisi debitor principalis solverit, debitum non constitui, sed contractum mixtum esse ex constituto & pacto de donando, vel pactum de donando conditionatum.

§. 661.

§. 661.

Adjectus dicitur is, cui nihil debetur, vo-
luntate tamen creditoris solvendum debitum, De ad-
jecto.
aut saltem solvere licet. Quodsi ergo *adjecto*
solvitur, debitor ab obligatione sua liberatur; at cum
eidem debitor obligatus non fit, *adjectus* debi-
torem ad solvendum adigere nequit, sed solutionem
sponte oblatam saltem accipere potest. Immo solve-
re quoque potest debitor ipsi creditori: quod si ta-
men se obligavit ad solvendum *adjecto*, cum ob-
ligationi suæ defuerit, eidem tenetur ad id, quod
interest, *adjecto* solutum non fuisse (§. 415.)
Nimirum solutionis causa alius adjici potest,
vel in gratiam debitoris, vel creditoris. Ce-
terum cum tertium adjiciendo non mutetur
obligatio debitoris, in constituto tertius adjici po-
test, qui in priori obligatione non erat *adjectus* (§.
660.) & alius adjici potest, quam qui fuerat in
obligatione priori *adjectus*, consequenter tunc sol-
vi in priori obligatione *adjecto* nequit.

§. 662.

Contractum institorium appellamus, quo quis De con-
tractu
in sito-
rio.
negotiationi quæstuariæ aliquem administrandi
gratia universaliter præponit. Dicitur autem
negotiatio quæstuarial, quæ lucri faciendi causa
exercetur. Et *Institor* vocatur, qui præponitur;
Præponens autem, qui alterum præponit. Cum
Romani servos & filios, quos in potestate ha-
bebant, negotiationi præponere solerent, nulla
contractus institorii, sed saltem institoris &
actionis institoriae in Jure Romano fit mentio.
Hoc tamen non obstante, eadem ex propositio-
ne descendunt obligationes & jura, quæ inde
oriuntur, quando quis ex pacto fuit præpositus.
Patet autem, *institorem obligatum esse ad ne-*
gotia-

gotiationem administrandam, præponentem in eum conferre jus ad omnes actus ad negotiationem exercendam necessarios, nisi specialiter fuerit conventum, ut quædam sine consensu suo fieri non possint, consequenter institorem terminos conventionis excedere non debere. Institorio nomine agere dicitur institor, quicquid negotiationis, cui præpositus est, causa fit, seu id, sine quo administrari negotiatio nequit. Quicquid igitur institorio nomine facit, id nomine præponentis facit, consequenter quoties institori cum tertio negotium est, per se patet, eum institorio nomine egisse, si actus negotiationi proprius; alias necesse est, ut expresse dicat, se institorio nomine agere, nisi aliunde alteri hoc jam notum fuerit. Hinc porro sequitur, ut institor institorio nomine contrahens non se, sed præponentem aliis, nec alios sibi, sed præponenti obliget: quodsi vero præponens institorem specialiter obligavit, ne quid faciat, aut ne faciat sine consensu suo, necesse est, ut hoc notum faciat iis, quibus contrahendo ab institore obligandus. Enim vero quoniam institor præponentem obligare nequit, nisi institorio nomine agat; si proprio nomine contrahit, etiam negotiationis causa, se aliis, non præponentem obligat. Cum tamen nemo re alterius locupletior fieri debeat (§. 271.) in tantum præponens tenetur ex contractu negotiationis causa inito, quantum locupletior factus. Et quia negotiatio præponentis est, quam ipsius nomine administrat institor; lucrum & damnum ex negotiatione sine culpa institoris, quæ omnino ab ipso præstanda (§. 270.) ad præponentem pertinet (§. 271. 243.) Denique cum institor negotiationem, cui præpositus, omni diligentia administrare obligetur (§. 21.) proprio nomine negotiationem exercere nequit, quæ ullo modo vergit in præjudicium domini; secus, si hoc non fiat. Cumque finito
offi-

officio institoris jus extinguatur, finito officio nihil institorio nomine valide agit sine consensu domini vel expresso, vel tacito, veluti si administrationem adhuc eidem permittit, consequenter, cum damnum, si quod detur, dolo detur (§. 17.) si ex actu, vel contractu institoris emergat damnum, id domino rescire obligatur (§. 270.) ei autem, cum quo dolose contrahit, tenetur ad id, quod interest (§. 415.) Unde per se sequitur, si dominus institorem nondum finito officio dimittat, id sine mora intimandum esse iis, cum quibus negotium habet.

§. 663.

Si plures fuerint institores, cum nullus eorum plus juris habeat, quam dominus negotiationis, siue prapponens in eum conferre voluit (§. 317.) ex lege prapositionis dijudicandum, quænam sit singulorum obligatio, & quantum juris quoad administrationem negotiationis unicuique competat. Quoniam tamen unusquisque eorum damnum omne a domino avertere obligatur (§. 269.) si unus eorum videt alterum facere, quod in damnum domini vergit, id tempestive indicandum. Quod si plures ita prapponantur negotiationi, ut eam communi consilio administrarent, cum omnes simul unam repræsentent personam; ex facto unius tenentur omnes pro rata, nisi unus dolose clam ceteris quid fecerit, cum ignorantia invincibilis imputari nequeat (§. 34.) sicuti & manifestum est, ex facto ceterorum eum non teneri, qui contradixit.

De pluribus institoribus eadem negotiationi prapositionis.

§. 664.

Contractus institorius hoc commune habet cum mandato, quod negotium aliquod alteri gerendum committatur; cum locatione conductione, quod pro operis prestitis merces solvatur, prouti ex definitionum collatione statim patescit (§. 551. 620.

Quatenus contractus institorius cum mandato & lo-

locatione
condu-
ctione
conve-
niat.

662.) Atque hinc intelligitur, quatenus de mandato & locatione conductione demonstrata ad contractum institorium applicari possint.

§. 665.

De con-
tractu
exerci-
torio.

Contractum exercitorium appellare lubet, quo quis navi exercendæ præponitur, veluti eidem locandæ, vectoribus conducendis, armamentis emendis & ita porro Is, qui præponit, *Exercitor* vocatur, sive ipse sit dominus navis, sive eam per aversionem conduxerit; qui vero navi exercendæ præponitur, *Magister navis* vocatur. Quoniam itaque *magister* in navi exercenda exercitorem repræsentat; quod ipse facit, id exercitor fecisse putandus, & hic in ipsum contulisse intelligitur jus ad omnes actus ad navim exercendam necessarios. Cum vero exercitoris sit, quæ lege magistrum præponere velit navi (§. 317.) si *magister* certa lege præpositus, jus ipsius ex lege præpositionis æstimandum. Dicitur autem exercitorio nomine agere *magister*, quicquid navis exercendæ causa facit, cui præpositus est. Ceterum quia *magister* spectari potest tamquam institor respectu navis exercendæ; ad eum quoque facile applicantur, quæ de institore demonstrata sunt, ut ideo opus non sit sigillatim de his dicere.

§. 666.

De nau-
tis.

Nautæ dicuntur, qui agenda navis causa in navi sunt. Quoniam ipsis jus nullum navis causa contrahendi competit; ex nautarum contractu nec magister, nec exercitor obligari potest.

§. 667.

De con-
tractibus
do ut des
do ut fa-
cias, &
facio ut
facias.

Contractus onerosi omnes ad tria genera revocantur, nimirum ad contractum do ut des, do ut facias, facio ut-des, (§. 468.) Sub iis itaque contractus omnes, de quibus hætenus egi-

egimus, tamquam species continentur, quarum quotidianus usus est. Enimvero si qui præterea contractus occurrunt, de iis ex natura contractuum do ut des, do ut facias, facio ut des, statuendum. Quid igitur Jure naturali de iis statuendum sit, a nobis explicandum: cum enim Jus Romanum ab eo abeat, diximus alibi, ubi monuimus, differentiam inter contractus nominatos & innominatos esse mere Juris Romani. not. §. 879. p. 4. & not. §. 145. p. 5. Jur. nat. Cum hominibus competat jus ad certas præstationes sibi alterum obligandi (§. 97.) aliter autem se obligare non possint nisi promittendo (§. 380.) quamprimum voluntatem dandi & faciendi sibi invicem declararunt, contractus perfectus est (§. 379. 97.) consequenter mutuo consensu perficiuntur contractus do ut des, do ut facias, facio ut des (§. 27.) Quamobrem si statim ea præstentur, de quibus conventum fuit, contractus consummatur, quamprimum perfectus fuit. Et quoniam contractu perfecto necessitatis est, quod antea erat voluntatis (§. 97.) contrahendo, sive paciscendo ex imperfecte debito, sive officio, & ex naturaliter licito sit perfecte debitum (§. 49. 80.) vel ubi quis se obligat ad non præstandum, quod præstare erat licitum, illicitum (§. 49.) At cum nemo se ab obligatione naturali liberare possit (§. 42.) ex naturaliter illicito fieri nequit licitum. Cumque ab uniuscujusque voluntate dependeat, quomodo jus quoddam suum in alterum transferre velit (§. 314.) arbitrii paciscentium est, quomodo de præstationibus mutuis convenire velint, & standum est eo, de quo conventum fuit (§. 438.) Quoniam vero fraus omnis tam consilii, quam eventus illicita (§. 286.) in contractu quoque do ut des, do ut facias, facio ut facias neuter contrahentium defraudandus.

C A P U T XIII.

De contractibus, qui aleam continent.

§. 668.

De con-
tractibus
aleam
conti-
nentibus
in gene-
re.

Contractus aleam continentis dicuntur, quibus super incerto eventu convenitur, ut eodem utrinque stetur, veluti si convenitur de pretio pro jactu retis solvendo, ut pisces capti sint ementis. In his igitur contractibus, quod dari, vel fieri debet, sive ex utraque, sive ex una contrahentium parte suspenditur ab eventu. Cum abusus dominii naturaliter quidem illicitus sit, unicuique tamen permittendus, quamdiu nil sit contra jus tuum (§. 202.) consequenter in contractibus non attendendus, contractus equidem aleam continentis inire non debet, qui in dando dominio, in faciendo libertate naturali abutitur, si tamen in it, jure externo subsistunt. Et cum in contractibus onerosis observanda æqualitas (§. 581.) in contractibus autem aleam continentibus fieri nequit, ut quantum unus præstat, tantum vicissim recipiat ab altero, nisi forsan casu rarissimo, minime prævidendo; utriusque saltem contrahentium eadem esse debet conditio, nempe eadem spes lucri & eidem metus damni, consequenter contrahentes ab omni fraude alienissimum habere debent animum (§. 286.) Ceterum contractus aleæ etiam benefici esse possunt (§. 466.)

§. 669.

De for-
te.

Sors dicitur res quæcunque, a cujus fortuita determinatione suspenditur acquisitio rei alterius corporalis, vel incorporalis; seu est signum ejus, quod nobis esse debet acquisitum, fortuito determinatum. Unde patet, forte dirimenda non esse

esse ea, quæ certo consilio fieri possunt, sed quæ eo expedire nequeunt. Est vero fors vel electrix, quæ definitur quid ex duobus electum esse debeat; vel attributrix, quæ rem certam alicui attribuit, vel divisoria, quæ definitur, quamnam rei divisæ partem quis habere debeat. Additur hisce fors divinatoria, quæ quis, quid futurum sit, determinare vult. Divinatio enim est futurorum prædictio. Cum eventus rerum in hoc universo per causarum seriem determinatos esse constet, consequenter etiam fors, quomodo cadere debeat, per eandem determinata sit, præscientia eventus futuri sorti committi nequit, consequenter fors divinatoria superstitioni debetur, ac ideo legi naturæ repugnat (§. 182.)

§. 670.

Contractus sortis electricis est, quo convenitur inter duos, vel plures, quamnam ex rebus pluribus quis habere debeat, vel utrum aliquid, an nihil habere debet. Fors igitur personam eligentis repræsentat, cumque ex contractu oriatur obligatio (§. 514.) eadem standum, consequenter quod fors indicat, id statim acquiritur, si nihil indicat, nihil quoque acquiritur.

De contractu
sortis
electricis.

§. 671.

Contractus sortis divisoriæ est, quo facta rei communis divisione partium distributio sorti committitur, ut scilicet per eam determinetur, quamnam partem unusquisque habere debeat. Fors igitur divisoria unicuique tribuit dominium in certa rei divisæ parte, & quamprimum sortis iudicium manifestatur, dominium in ea, quam ostendit, parte singulari acquisitum. Facile autem intelligitur, si in rebus indivisis duo, vel plures habeant dominium pro parte inæquali, tot fieri debere partes

De contractu
sortis di-
visoriæ.

(Wolffii Instit. J. N. & G.)

R

tes

tes æquales, quot unitates continet summa terminorum rationis, & unicuique per sortem assignandas esse tot partes, quot terminus rationis ipsum respiciens habet unitates, veluti si termini rationis sint ut 2 ad 3 divisio fieri debet in partes quinque, & uni sorte attribuendæ partes duæ, alteri tres.

§. 672.

De contractu
sortis attributricis.

Contractus sortis attributricis est, quo ita convenitur, ut res aliqua, ad quam duo, vel plures æquale jus habent, sit ejus, quem fors ostenderit. Cum pacta sint servanda (§. 438.) standum in contractu sortis attributricis simpliciter intra terminos conventionis. Etenim contrahentes ut contractui cuicumque (§. 314.) ita etiam huic legem dare posse, quam voluerint, satis patet.

§. 673.

De lotaria.

Lotaria est contractus, quo res certæ pecuniæ collatitia emuntur, vel etiam certa pecuniæ summa confertur ea lege, ut per sortem definiatur, utrum quis aliquid & quid habere, an vero symbolæ suæ dispendium facere debeat. Cum lotaria contractus aleæ sit; licita est, in quantum contractus liciti, qui aleam continent. Ast quia lex naturæ dat jus ad ea, sine quibus officio erga Deum, vel erga alios satisfacere non possumus (§. 46.) lotaria in casu altero jure interno licita, si contrahitur eo fine, ut satisfaciamus officio cuidam erga Deum, vel erga alios, quando scilicet pecunia collatitia lotaria instruitur, tuncque pars lucri debetur finis consequendi causa impendenda, in quam consentiunt contrahentes; quia mutuo consensu contractus perficiuntur (§. 668.) Enimvero si lotaria contrahitur eo fine, ut res emta sorte uni attribuat, non majus pro re pretium exi-

exigendum, quam quod ab aliis emtoribus dari solet, habita tamen ratione impensarum, si quæ eo fine fieri debent a venditore; quoniam nulla ratio est, cur majoris vendi debeat.

§. 674.

A lotaria parum differt Olla fortunæ, quando in urnam immittitur certus numerus schedularum partim inscriptarum, partim inanium, & pro certo pretio emitur jus schedulam unam extrahendi ea lege, ut, qui eam extrahit, accipiat rem, quam inscriptio indicat. Atque hic contractus cum quolibet in singulari statim perfectus est, quamprimum pretium pro jure unam extrahendi fuerit solutum. Et quoniam omnes schedularum emittores res omnes sorti expositas emunt; omnium schedularum pretium determinandum est per pretium omnium rerum sorti expositarum, opportunitatem omnes simul vendendi, impensas in venditionem faciendas atque periculum, si pretiosissima primo loco una exeant, relictis schedulis plerisque inanibus, ut nemo amplius contrahere velit. Quoniam vero nemo locupletior fieri debet re aliena (§. 271.) jure interno olla fortuna & lotaria illicita est, quæ fit solo lucri faciendi animo.

De olla fortunæ.

§. 675.

Contractibus aleam continentibus affinis est is, quo præmium exponitur ea lege, ut certo quodam modo inter se certent de eodem aliqui, & id sit ejus, qui vicerit. Qui præmium exponit cum singulis contrahit sub hac conditione, si certamen inierint & vicerint, consequenter qui præmium exponit, obligatur ad dandum præmium victori, qui autem cum eo contraxit, non obligatur ad certamen subeundum, sed jus idem subeundi consequitur (§. 318.) Cumque duo victores unam

De præmio certantibus repositio.

representent personam, quia primum non nisi semel promissum; idem commune est, si simul viderint. Dicitur autem vincere, qui conditionem, sub qua primum promissum, adimplet.

§. 676.

De spon-
sionibus.

Sponsio est contractus aleam continens, quo super eventu incerto, ita convenitur, ut ei, qui existentiam affirmat, ab altero, qui negat, certum quid detur, vel etiam ut detur ei, penes quem erit veritas. Unde liquet, sponsonem non valere, si alteruter certo scit, quid evenerit: immo nec scientiam suam dolose dissimulare, aut recidere licet (§. 286.) Quoniam quilibet de suo statuere potest pro lubitu (§. 195.) & unicuique permittendus etiam est sui abusus, quamdiu nil facit contra jus alterius (§. 202.) jure externo sponsones subsistunt; quia tamen nemo locupletior fieri debet re alterius (§. 271.) cum sponsones non fiant nisi lucri faciendi, consequenter re, vel pecunia alterius se locupletandi animo; jure interno illiciti sunt.

§. 677.

De jociis
& ludis.

Serium dicitur id, ad quod dicendum, vel faciendum ratio quædam nos urget. Verba non seria & facta iis æquipollentia, quibus nimirum idem, quod verbis significatur, Joci, facta vero cetera non seria, Ludi dicuntur. Joci igitur & ludi animi tantummodo, aut temporis salendi gratia sunt. Cum nihil temere sit loquendum & faciendum (§. 360.) joci & ludi temerarii illiciti sunt, ad erudiendum vero vel emendandum alios compositi liciti (§. 134.) Et quia neminem offendere debemus (§. 154.) joci quoque, quibus offenduntur alii, illiciti. Quoniam voluptas transitoria, si innocua, licita est (§. 120.) si

jocis

jocis nihil insit, quod officio cuidam repugnet, solius voluptatis percipiendæ gratia jocari licet, immo etiam solius voluptatis percipiendæ causa ludere licet. Denique cum lex naturæ nos etiam obliget ad actiones indecoras omittendas (§. 55.) a jocis quoque & ludis indecoris abstinendum.

§. 678.

Contractus lusorius vocatur, quo inter collatores ita convenitur, ut certum quoddam lucrum, communi consensu determinatum, sit ejus, ex cujus parte extiterit certa quædam conditio, vel etiam damnum quoddam, in lucrum imputandum, sit ejus, ex cujus parte alia quædam conditio existit. *Lucrum primum* dicitur, quod ejus est, penes quem finito lusu certa quædam conditio existit; *secundarium* vero, quod ei cedit, ex cujus parte conditio quædam durante lusu existit. *Damnum vero ordinarium* est, quod patitur is, qui perdit, quod ad lucrum primum contulit; *ast extraordinarium*, quod inter ludendum incurrit lusor, certa quædam conditione existente. Patet facile, de contractu lusorio eadem valere, quæ de sponsione demonstrata sunt. Ceterum si in contractu lusorio æqualitas observanda, periculum amittendi & spes lucrandi ex utraque parte contrahentium eadem esse debet (§. 668.) Et quando ludi illiciti sunt, contractus quoque lusorii illiciti sunt; quamvis supponatur nihil vitii hæere in lucro; aut, si mavis, in præmio, de quo certatur.

§. 679.

Asscuratio, seu *contractus avertendi periculi* dicitur, quo quis periculum mercium per mare transvehendarum, aut in genere indemnitas circa casus fortuitos præstationem pro certa mercede, seu lucro in se recepit. Qui periculum in

*De asscuratio-
ne.*

contractu assicurationis in se suscipit, *Assecur*
rator dicitur. *Assecur*ator itaque se obligat ad pre-
 standam indemnitate[m], si casus contingat; dominus
 vero pure ad certum quid dandum pro periculo in
 se suscepto; seu, quod perinde est, *assecur*ator
 promittit periculi aversionem; dominus pro periculi
 aversione mercedem. Unde sequitur, ut *assecura*-
 tor dominum indemnem prestare teneatur; dominus
 vero ipsi solvere mercedem, sive casus contingat,
 sive non. Cum merces detur pro aversione pe-
 riculi; contractus nullus est, si *assecur*ator noverit,
 rem jam extra omnem periculi aleam esse constitu-
 tam; aut dominus noverit, damnum in re *assecu*-
 randa jam contigisse. In utroque casu commit-
 titur fraus non toleranda (§. 286.) Et quo-
 niam aequalitas observanda inter aversionem
 periculi & mercedem, quæ pro ea datur (§.
 580.) merces determinanda est ex magnitudine
 damni, quod datur, & ex probabilitate existentie
 ipsius casus, consequenter res taxanda, antequam
*assecure*tur. Quoniam res omnes *assecurari* pos-
 sunt, quæ casu quodam fortuito interire, aut
 deteriorari possunt, vel quarum jacturam do-
 minus casu quodam facere potest; contractus
 aversionis periculi, etsi inter mercatores in
 mercibus per mare transvehendis receptus sit,
 multo tamen latius patet, & ad alios quoque
 contractus, veluti ad depositum accedere po-
 test. Quodsi ita conveniatur; ut *assecur*ator lucrum
 capiat, si res salva pervenerit in locum destina-
 tum, seu casu non existente, si vero perierit, mer-
 cium *assecuratarum* æstimatio præstetur, ne melior
 sit conditio *assecurati* casu existente, quam non
 existente, merces in æstimatione rerum *assecuranda-*
rum a vero earum pretio detrahenda.

§. 680.

Pecunia nautica, vel *trajeçtitia* dicitur, quæ per mare transvehenda periculo creditoris; *quasi nautica*, vel *quasi trajeçtitia* vero, quæ per alia loca periculosa periculo creditoris transferenda, *Usuræ*, quæ pro pecunia trajeçtitia solvuntur, *fœnus nauticum*; quæ vero pro quasi trajeçtitia solvuntur, *quasi nauticum* appellantur. Hinc *contractus fœnebris nauticus* est, quo de fœnore nautico; *quasi nauticus*, quo de quasi nautico convenitur. Communi nomine *contractus trajeçtitii* appellantur. *Fœnus* itaque *nauticum* & *quasi nauticum* excedere debet *usuras*, quæ dantur pro solo usu pecuniæ, quantum valet periculum in pecunia transferenda subeundum, consequenter pro magnitudine periculi augetur & minuitur *fœnus nauticum* & *quasi nauticum*, in infinitum. Cum pecunia debitori non ante data intelligatur, quam si salva in locum destinatum pervenerit; si casus in pecunia contingat, nihil debetur (§. 243.) si vero salva fuerit, sors debetur cum fœnore (§. 438.) At quia periculum cessat, quando pecunia trajeçtitia salva pervenerit in locum datum; *fœnus* quoque *nauticum*, quod pro periculo datur, cessat, & *usuræ ordinariæ* ab eo tempore succedunt. Cum vero perinde sit, sive pecunia ipsa per loca periculosa transvehatur, sive pecunia in merces impendatur & eadem per loca periculosa transvehantur; si pecunia credita in merces comparandas impenditur, quæ periculo creditoris per mare, vel alia loca periculosa transvehendæ, *fœnus nauticum*, vel *quasi nauticum* debetur.

De contractibus trajeçtitiiis.

§. 681.

Bodemeria dicitur *contractus*, quo pecunia numerata creditur in ipsam navim ea lege, ut

De Bodemeria.

R 4

fors

fors pereat creditori, si navis interierit, vel in locum destinatum non venerit, creditor autem lucrum conventum capiat, si salva in portum venerit. Patet autem, *nautam*, cum ad navem ducendam obligatus sit, si in itinere pecunia indigeat, ut sine ea navem ducere non possit; *bodemeriam contrahere posse*. Cum vero contractus hic non permittatur nautæ nisi in extrema necessitate; si proprias habet merces, quas vendere potest, in navi, *bodemeriam contrahere non licet*. Sane si nemo sit, qui *bodemeriam contrahere velit*, nec nauta proprias habeat merces, quas vendere possit, merces alias, urgente quippe necessitate, vendere potest.

§. 682.

De redi-
tibus an-
nualibus &
vitali-
tius.

Reditus annui dicuntur jus ab altero annuatim exigendi certam pensionem, constitutum vel super re alterius, vel super obligatione personali. *Reditus annui determinati* ad vitam emtoris, vel venditoris, vel tertii cujusdam, vocantur *Reditus vitalitii*. Cum etiam res incorporales emi possint (§. 588.) *reditus quoque annui & vitalitii emi ac vendi possunt*, consequenter si *reditus vitalitii emuntur*, mortua persona, ad cuius vitam determinantur, fors venditori data repeti nequit; sicuti nec venditori quicquam restituitur, si persio ad finem usque vitæ percepta superet sortem pro *reditibus vitalitiis datam*. Dicitur autem *contractus vitalitius*, quo pro sorte alteri data *reditus vitalitios stipulamur*; seu quo *reditus vitalitii emuntur ac venduntur*. *Reditus autem vitalitii determinandi sunt ex eo*, quantum valet usus pecunie, quo carere debes, & ex probabilitate termini vitæ, quem attinges. Cumque perinde sit, si pecunia detur, si res, quæ pecunia æstimantur; *reditus vitalitii etiam in fructibus & rebus aliis consistere possunt*, in casu fructuum deter-
minan-

minandi vel ad mensuram, vel ad ratam fructuum singulis annis percipiendorum; cum, quod solvendum, certum esse debeat. Hinc *Reditus vitalitius* dividitur in *fructuarium* & *pecuniarium*.

§. 683.

Si in metallifodina, tamquam toto pluribus communi, concipiantur partes æquales quotcumque, quælibet istiusmodi pars indivisa dicitur *Pars metallica*, vel etiam, a voce Germanica, *Kux*, *Kuckus*. Quamobrem qui *kuckum* habet, pro ea parte dominium habet in fodina, consequenter in metallis in ea contentis, sed communi sumtu eruendis ac præparandis. Quamobrem cum pecunia a *kuckuum* dominis in metalla eruenda & præparanda impendenda, *Symbola metallica*; excessus vero pretii metallorum super impensas, *Reditus kuckuum* dicantur; quamdiu pretium metallorum ab impensis deficit, aut nihil metalli eruitur, *symbola conferendæ*; si vero illud has excedit, *reditus distribuendi in ratione kuckuum*, consequenter *symbola conferuntur spe reddituum*. Cum *kuckus* sint partes fodinæ, rei immobilis, ipsi quoque rebus immobilibus accensendi: ast quia metalla ad substantiam metallifodinæ pertinent; *reditus kuckuum fructus non sunt* (§. 198.) *Contractus metallicus* est, quo ita convenitur, ut dominium pro parte in metallifodina in nos transferatur & nos vicissim obligati simus ad metalla, quæ in fodinis latent, aut latere putantur, nostro sumtu eruenda ac præparanda. Quamobrem *kuckum suum pro arbitrio suo alienare potest dominus* (§. 257.) cum vero nemo aliter rem in alium transferre queat, quam quomodo eandem ipse habet; qui eum emit, seu alio quocumque titulo accipit, tacite in contractum metallicum consentit. Et quoniam dominus rem suam

De contractu
metallico.

dere.

derelinquere potest (§. 203.) dominus *quicumque* infæcundum derelinquere potest, symbolæ conferendæ peritus. Si societatem metallicam contraxerit, aliunde venit, quod derelinquere nequeat, nisi vel sociorum consensu, vel alio in locum suum substituto, qui symbolam conferat.

§. 684.

De em-
pione.

Emtio spei dicitur contractus, quo ita convenitur, ut, quod certo actu, in quo eventus dubius est, fuerit acquisitum, tuum sit, & tu pro eo, quod incertum est, pretium certum solvas; vel brevius: est *emtio rei* acquirendæ incertæ. Quodsi ergo eo actu, super quo contractum, nihil acquiratur, emtor nihil accipit, pretium tamen solvere tenetur: nec ex adverso ultra pretium conventum quid solvere obligatur, etiam si, quod acquiritur, idem plurimum excedat. Patet autem, cum spes ematur, pretium determinandum esse ex probabilitate spei, acquisitum iri. Enimvero quia non emitur nisi spes istiusmodi quid acquirendi, quod actu, super quo conventum, acquiri solet; si casu extraordinario eo actu, super quo contractum, acquiratur aliquid, quod istiusmodi actu alias acquiri non solet, *emtio spei* non valet, consequenter nec pretium conventum pro eo solvitur.

§. 685.

De mis-
silibus.

Missilia dicuntur res, quæ jactantur in vulgus eo animo, ut fiant occupantis. Factu igitur *missilium* dominium transfertur in personam incertam, eam nimirum, quæ occupaverit. Facile patet, si quis *missilia* emit, quæ aliquis occupaturus est, antequam jactentur, contractum esse *emtionem spei* (§. 684.)

CAPUT XIV.

De quasi contractibus.

§. 686.

Quasi contractus dicitur conventio ficta, in qua consensus unius expressus est, consensus autem alterius tantummodo presumitur. Quoniam vero contractus celebrantur utilitatis causa; consensus in contrahendo presumi nequit, nisi manifesta appareat ejus, cujus consensus presumitur, utilitas.

*Quid sit
quasi
contra-
ctus.*

§. 687.

Quoniam in quasi contractu utraque pars consensisse supponitur in id, quod pars altera in alterius utilitatem facit (§. 686.) ex quasi contractu alter nobis obligatur ad id, ad quod obligatus fuisset, si revera contraxisset, & nos eidem vicissim obligamur, tamquam ex contractu vero.

*De obli-
gatione
ex quasi
contra-
ctu ve-
niente.*

§. 688.

Quia presumptioni locus non est, ubi de veritate constare potest, quod ultro admittendum; si consensus alterius expressus haberi potest, quasi contractus non valet, consequenter quasi contractus tantummodo valet, si quod faciendum est alterius nomine non fert moram, ut consensus ejus expressus requiri possit, vel si aliter, cujus utilitatis causa faciendum, propter aetatem, vel inopiam mentis consentire nequit.

*Quando
quasi
contractus
licetum.*

§. 689.

Quoniam naturaliter obligamur utilitatis alterius gratia facere, quod in potestate nostra est (§. 133. 134.) & ad idem alteri nos perfecte obli-

*An qua-
si con-
tractus
sint ju-
ris na-
turalis.*

obligare possumus contrahendo (§. 667.) aliter autem consensus, qui ad perficiendum contractum requiritur (§. 438.) præsumi potest (§. 686.) quasi contractus utique juris etiam naturalis est, ac ideo quoque naturaliter consensus præsumitur tunc idem operatur, quod expressus.

§. 690.

De negotiorum gestione.

Negotiorum gestio est quasi contractus, quo negotium alienum sine mandato domini gerendum sua sponte suscipitur, animo eum sibi obligandi. Negotiorum itaque gestio est quasi mandatum, negotiorum gestor quasi mandatarius, & dominus negotii quasi mandans (§. 552.) ac ideo in mandatum abit, si dominus gestionem ratihabet sive expresse, sive tacite, consequenter negotiorum gestor domino ad id obligatur, ad quod mandatarius mandanti, & dominus vicissim eidem ad id, ad quod mandans mandatario (§. 687.) Ast quoniam quasi contractus validitas tota pendet a manifesta domini utilitate (§. 686.) negotiorum gestor negotium omni diligentia, quæ adhiberi potest, gerere debet (§. 21.) consequenter domino tenetur ob ea, quæ gerere debuit, non autem quæ gessit; neque enim facere debet, nisi quod dominum ob manifestam utilitatem facturum præsumit (§. 686.) Unde sequitur, ut non debeat facere impensas utiles, quas domino fore onerosas præsumere poterat; in casu autem dubio ab iis prorsus, a voluptuariis semper abstinere (§. 279. 280.) Cum negotiorum gestio supponat consensum præsumtum; si quis contra prohibitionem domini negotium ejus quamvis utiliter gessit, dominus perfecte ipsi ad nihil obligatur, consequenter si is prohibet, ne quis gestionem continuet, ab ea statim abstinendum. Et quoniam in alieno negotio gerendo respicienda partim necessitas, partim utilitas domini, do-

dominum autem repræsentat negotiū gestor ;
*necessitas negotiū alieni gerendi adesse intelligitur , si
 eo non gesto damnum inevitabile emergat , ad quod ab
 alio avertendum naturaliter obligamur (§. 269.)*
*utilitas vero domini non ex opinione gerentis , sed ex
 rei , temporis ac personæ domini qualitate æstimanda .*

§. 691.

Dantur etiam *Quasi emtio* , quando scilicet
 qui ex consensu domini præsumto rem sibi
 vult esse emtam , veluti si quis rem fungibilem
 apud te deposuit , quæ , cum propter absen-
 tiam deponentis restitui non possit , diutius ser-
 vando peritura , tu eam animo solvendi præ-
 tium consumis : *Quasi mutuum* , quando nimi-
 rum quis ex consensu præsumto domini rem
 fungibilem consumit , animo eam in genere re-
 stituendi , veluti in casu præcedenti rem fungi-
 bilem depositam : *Quasi locatio conductio* , quando
 scilicet ex consensu domini præsumto uteris
 re ejusdem , animo solvendi mercedem , quam
 conductor alius præstiturus erat , aut eidem
 operas præstas pro eadem mercede , quam pro
 iis alii locatori præstare debebat quasi condu-
 ctor , veluti si domum domini locare alicui te-
 neris , ipse animo solvendi pensionem , quam
 daret conductor alius , domum inhabites.

*De qua-
 si emtio-
 ne, quasi
 mutuo
 et quasi
 locatio-
 ne con-
 ductio-
 ne.*

§. 692.

Communio incidens dicitur , in quam quidam
 casu incidunt , hoc est , sine ulla prævia conven-
 tione , quod eadem communis esse debeat , ve-
 luti si domus , vel prædium mihi ac tibi done-
 tur . *Qui in communionem incidunt* , cum domi-
 nium pro parte in re indivisa acquirant (§. 196.)
 ac ideo in id consentire præsumantur , ut lu-
 crum

*De com-
 munionem
 inciden-
 te .*

crum & damnum commune sit, antequam vel in rei divisionem, vel communem administrationem expresse consentiant, *quasi societatem contrahunt* (§. 689.) Unde obligationes personales, quæ ex contractu societatis oriuntur, etiam in casu communionis incidentis non spectantur tamquam æquitati consentaneæ, sed tamquam perfectæ.

§. 693.

De solutione indebiti.

Indebitum dicitur id, ad quod præstandum alteri non sumus obligati. Ac propterea *Indebiti solutio* est præstatio indebiti, tamquam debiti; & *Acceptio indebiti* est acceptio ejus, quod nobis non debetur, tamquam debiti. Cum nemo locupletari debeat re aliena (§. 271.) si quis per errorem alteri indebitum solvit, hic idem ipsi restituere, aut, si restitui non possit, æstimationem præstare tenetur, cumque nemo animum alterum defraudandi habere debeat (§. 286.) *indebitum accipiens in id consentire præsumitur*, Unde sequitur, ut *Indebiti solutio* sit quasi contractus, quo accipiens obligatur ad indebite acceptum restituendum, aut, si id restitui non possit, ad præstandam æstimationem (§. 686.) Cum indebite solvens indebitum det tamquam debitum; *dominium rei in alterum transfert* (§. 258.) consequenter qui eam accepit, alienare (§. 257.) ac ideo qui dedit, eam vindicare nequit (§. 262.) Qui novit alterum sibi solvere indebitum, cum re aliena locupletari non debeat (§. 271.) id accipere non debet, nec sine animo defraudanti accipere potest (§. 286.) & si sciens indebitum accipit, æquiparatur possessori malæ fidei (§. 201.)

§. 694.

De datione ob causam.

Ob causam dari dicitur, quod datur eum in finem, ut aliquid detur, vel fiat ab accipiente; con-

consequenter accipiens, quod ob causam datur, se dare ac facere id, propter quod datur, obligat (§. 317.) Dicitur autem causa non sequi, quando ab altero non præstatur, quod ab ipso præstandum erat, seu ad quod præstandum se obligaverat vel expresse, vel tacite (§. 27.) Quoniam ob causam dans gratis dare non vult, nec qui accipit, tamquam gratis accipit; ob causam datum causa non secuta restituendum, Et si causa non sequitur, sequi tamen adhuc potest, dans accipientem adigere potest vel ad implendum promissum, vel ad restituendum, quod accepit. Quoniam obligatio nascitur vel ex consensu expresse, vel tacito; datio ob causam non est quasi contractus (§. 686.) At prænumeratio mercedis locatori facta, vel in genere prænumeratio pecuniæ pro eo, quod dabitur, vel faciendum in posterum, dandæ, datio ob causam est.

§. 695.

Sine causa acceptum dicitur, quod jure accipi non poterat, veluti si quid indebite per errorem solvitur: at quasi sine causa acceptum, quod jure quidem accipi, sed non retineri poterat, veluti si chirographum datur spe numerandæ pecuniæ, sed quæ postea non numeratur. Facile patet, sine causa, vel quasi sine causa acceptum esse restituendum (§. 271.) cumque ideo, si quis inscius quid sine causa accipit, in hoc consentire præsumitur, ut sine causa acceptum sit restituendum; is ex quasi contractu jure quoque externo obligatur ad restituendum: at quoniam quasi sine causa accipiens id jure accipere, sed non retinere poterat; obligatio restituendi jure externo nascitur ex eo, quod tacite actui alii inest.

De eo
quod si-
ne caus-
sa, vel
quasi
acceptum.

§. 696.

§. 696.

De con-
tracti-
bus com-
positis &
colono
partia-
rio.

Cum contractus compositi, sive mixti ex definitionibus simplicium, qui in iisdem concurrunt, facile dignoscantur; non opus esse videtur, ut de iis multa in specie dicantur. Id saltem notamus, contractum, quem colonus partiarus cum domino init, mixtum esse ex locatione conductio-
ne & societate (§. 620. 639.) Quoniam enim Colonus partiarus dicitur, qui agrum conducit pro rata fructuum perceptorum; coloni partiarum ac domini damnum & lucrum commune est.

CAPUT XV.

De Jure in re aliena constituto, seu pignore & servitutibus.

§. 697.

De pi-
gnore &
hypotheca.

Jus pignoris est jus creditori in re sua constitutum, ut, nisi debito tempore solvatur debitum, ex eadem ipsi satisfiat. Res dicitur oppignorari, in qua istiusmodi jus constituitur; ipsa vero res oppignorata Pignus vocatur. Atque ideo patet, jus pignoris constitui in securitatem crediti, consequenter si res oppignorata fuerit mobilis, eam esse tradendam. Quod si pignus fuerit res immobilis, Hypotheca speciali nomine appellatur. Ex ipsa autem definitione sequitur, ut creditor rem oppignoratam vendere possit, nisi debito tempore solvatur, & de pretio tantundem retinere, quantum ad hoc sufficit, ut ipsi satisfiat, residuum autem debitori restituendum (§. 271.) Et quoniam nemo defraudandus (§. 286.) in distractione pignoris fraus omnis vitanda, consequenter a peritis & impartialibus taxanda res oppignorata, antequam vendatur, & res plus licitanti danda. Pars autem pre-

pretii pignoris, quæ id, quod creditori debetur, excedit, *Hyperocha* appellatur: quæ itaque debitoris est. Ex adverso autem, cum debitor debitum integrum solvere teneatur; si pignoris distracti pretium non adæquet debitum, defectum implere tenetur.

§. 698.

Quoniam jus pignoris, vel hypothecæ constituens in re sua in creditorem tantummodo transfert jus conditionatum vendendi (§. 697.) *De dominio rei oppignorata.* dominium in re oppignorata retinet, consequenter eam alienare potest (§. 257.) sed cum jus creditori, quod in ea habet, invito adimi nequeat (§. 100.) alienatione non extinguitur jus pignoris, vel hypothecæ. Et ex eo, quod dominium in re oppignorata retinet debitor, porro sequitur, ut a creditore alienatio fiat non proprio, sed debitoris nomine, etsi ipso invito fiat.

§. 699.

Pignus, vel hypotheca lui dicitur, si debitum solvitur, in cuius securitatem jus pignoris, vel hypothecæ constitutum. Quamobrem cum *De luitatione pignoris.* luitatione facta pignus sine causa sit penes creditorem; restituendum, cumque jus hypothecæ cesset, debitore solvente; eodem solvente hypotheca libera efficitur. Cum pignus luere debeat debitor (§. 697.) creditor rem oppignoratam vendere nequit, antequam id denunciaverit debitori, consequenter quamdiu non denuntiat, jus luendi semper salvum manet.

§. 700.

Cum rem oppignorans in creditorem transferat jus alienandi conditionatum (§. 697.) *De oppignoracione rei alienæ.* jus autem alienandi nemini nisi domino competit (Wolffii Instit. J. N. & G.) S tat

tat (§. 257.) nemo quoque oppignorare potest, nisi rem suam: dominus tamen rem suam oppignorare potest pro debito alieno (§. 195.) At cum jus suum quilibet in alium transferre possit (§. cit.) rem sibi oppignoratam alteri oppignorare potest creditor, inscio eo, qui eam ipsi oppignoraverat, non tamen pro debito majore, quam pro quo ipsi erat obligata. Quodsi tamen aliter conveniatur, inscio te oppignorari res tua alii nequit (§. 438.)

§. 701.

De ea-
dem re
bis oppi-
gnorata.

Quoniam jus, quod in re oppignorata habes, tibi a debitore auferri nequit (§. 100.) res tibi oppignorata alii denuo oppignorari nequit, nisi salvo jure tuo, consequenter si utrique creditori inde satisfieri nequit, praefertur primus secundo.

§. 702.

De usu
pignoris
et da-
mno in
eo dato.

Quia pignus tantummodo constituitur in securitatem debiti (§. 697.) creditori pignore uti non licet (§. 317.) nisi ejus usus a constituyente ipsi concedatur, pacto scilicet adjecto (§. 195.) Quodsi dolo, vel culpa creditoris pignus interit, vel deterioratur; damnum constituenti resarciendum (§. 270.) quoniam tamen constituentis causa penes creditorem est; si casus in eo contingit, de eo non tenetur creditor. At cum ratio cesset, si creditor fuerit in mora restituendi; casum, qui in eo non contigisset, si restitutum fuisset, praestare tenetur (§. 419.) Quoniam vero pignus constituitur in securitatem debiti, non datur vero res oppignorata pro debito (§. 697.) si pignus casu perit, aut ita deterioratur, ut inde satisfieri non possit creditori, hic nihilominus debitorem sibi obligatum habet.

§. 703.

§. 703.

Cum culpa creditoris pignus perire, aut de-
teriorari minime debeat (§. 702.) *De im-*
cessarias in id facere tenetur creditor (§. 279.) *pen-
sibus in*
constituenti restituendas (§. 271.) *pignus
& factis.*

§. 704.

Contractus pignoris dicitur, quo debitor pi-
gnus, vel hypothecam constituit in re sua, *De con-*
vel alius loco ipsius. Atque tum pignus dici-
tur *tractu*
conventionale, item hypotheca *pignoris*
conventionalis. *& hypo-*
Est autem Hypotheca vel *theca*
specialis, quæ consti-
tuitur in re certa in specie, veluti in domo,
prædio, aut bibliotheca sua, vel certa rerum
universitate; vel *generalis*, quæ constituitur in
omnibus bonis tam præsentibus, quam futu-
ris; consequenter *generalis etiam jura & nomina*
comprehendit (§. 207.)

§. 705.

Quoniam debitor ad præstandum id, quod
debet, obligatur (§. 336.) consequenter si ei, *De oppi-*
cui obligatus est, satisfacere nequit, nisi quæ-
dam ex bonis suis vendat, ideo ea vendere *gnora-*
obligatur, creditori autem competit jus exigen-
di debitum (§. cit.) ac propterea quoque jus *tione na-*
eum compellendi ad res quasdam, vel, si ne-
cesse sit, omnia bona sua vendendum, ut sibi *turali.*
satisfiat; *naturaliter cuilibet constitutum est jus in*
bonis debitoris, ut, nisi debito tempore solvatur de-
bitum, ex iisdem ipsi satisfiat, consequenter na-
turaliter bona debitoris obligata pro quolibet debito.
Ad hanc obligationem naturalem cum accedit
contracta ex contractu pignoris, quo res quæ-
dam in specie, vel omnia quoque bona oppi-
gnorantur (§. 514.) fortior autem obligatio
vincat debiliorem; oppignoratio conventionalis in
casu collisionis vincit naturalem.

§. 706.

De re-
tentione
pignoris
in aliud
debitum.

Cum bona debitoris jam naturaliter obligata sint pro ipsius debitis (§. 705.) si debitor pignus luit, pro alio debito retineri potest. Et quoniam pignus constituitur in securitatem debiti (§. 697.) & per consequens pretium rei oppignoratae debitum in infinitum excedere potest; si pars debiti quocumque modo tollitur, pro reliqua pignus, quantumcumque fuerit, retineri potest, nec aliud minoris pretii accipere tenetur creditor.

§. 707.

De pi-
gnoris
& hypo-
thecæ so-
lutione.

Pignus, vel hypotheca solvi dicitur, quando res oppignorata liberatur ab obligatione sua. Pignore igitur soluto, creditori nullum amplius jus in eodem est. Cum a voluntate creditoris dependeat, num debitori absque pignore, vel hypotheca credere velit; si jus pignoris, vel hypothecæ remittit, pignus, vel hypotheca solvitur: non tamen ideo debitum remittere intelligitur creditor. Per se autem patet, pignus, vel hypothecam solvi, si res oppignorata, cui quippe inhæret jus creditori in ea constitutum (§. 697.) interit.

§. 708.

Servitus
quid &
quotu-
plex.

Si jus in re aliena constituitur, quo ejus dominus ad alterius utilitatem aliquid pati, vel non facere tenetur, id Servitus vocatur; tumque res, in qua jus istud constitutum, servire dicitur alteri, cujus est utilitas. Quodsi res serviat certæ cuidam personæ, Servitus personalis; si vero rei alterius, seu possessori ejusdem cuiusque, realis appellatur. Estque vel affirmativa, qua dominus rei servientis pati tenetur, ut alter faciat; vel negativa, qua alter pati non tenetur, ut ipse quid faciat.

§. 709.

§. 709.

Notandum vero *Prædium* dici rem immobili quamcumque, quæ ob certum fructum, quem nobis præstat, aut usum pecunia æstimabilem, qui instar fructus est, possidetur. Cumque *usus* alius sit *rusticus*, qui ad rem agrariam, seu ad œconomiam ruralem quocumque modo spectat; *urbanus* vero, qui ad habitationem, commercia, opificia pertinet; *prædium* quoque vel *rusticum* est, quod usum rusticum habet; vel *urbanum*, quod usum habet urbanum. Quamobrem cum prædia rustica & urbana saltem distinguantur usu, quem habent, non vero loco, in quo sita sunt; non minus prædia rustica in urbe, quam urbana rure dantur. Hinc vero *Servitutes* reales etiam prædiales vocantur; & *servitus prædiorum urbanorum* dicitur, si usus ab alieno prædio præstatur in utilitatem prædii urbani; *servitus autem prædiorum rusticorum* est, si idem præstatur in utilitatem prædii rustici. Unde eadem *servitus* & prædii urbani, & rustici esse potest, prouti scilicet vel urbano, vel rustico debetur. In servitute prædiali *Prædium serviens* dicitur, quod servit alteri; *Prædium vero dominans* id, cui servit alterum. *Fundus*, qui servitutem debet, *servus*; qui servituti nulli obnoxius, *liber* vocatur; *optimus* autem appellari solet, qui ab omni servitute & obligatione hypothecæ immunis est.

§. 710.

Cum servitus sit jus in re alteri constitutum (§. 708.) nemo nisi dominus alteri in re sua servitutem constituere potest (§. 260.) & a voluntate constituentis unice pendet, num & qua lege eamdem constituere velit (§. 314.) consequenter contra

De præ-
diis &
servitu-
re præ-
diali,

Quinam
servitu-
tem im-
ponere &
acquire-
re possint

hanc legem nihil facere licet (§. 438.) Et quoniam qui dominium revocabile habet, rem restituere tenetur, qualem accepit (§. 314.) consequenter liberam, si libera fuerit; is prædio suo servitutem imponere nequit, nisi quæ dominio resolutio expirat. Quia vero nemo sine acceptatione sua jus quoddam acquirere potest (§. 316.) nemo quoque prædio alieno servitutem acquirere potest. Denique quia quilibet jus suum remittere potest (§. 342.) dominus quoque prædii dominantis servitutem remittere potest. Prædia spectantur instar personarum, quarum una alteri ad quid obligatur, & domini prædiorum, qui nunc sunt, prædia representant, a quibus obligationes & jura prædiis inhærentia in ipsos derivantur.

§. 711.

Quot
sint ser-
vitorum
species. Quoniam servitus constituitur eo fine, ut is, qui constituitur, ex re aliena utilitatem quamdam capiat (§. 708.) tot sunt servitutum species, quot modis certa quædam persona, vel possessor aliqujus prædii, ex re aliena, seu prædio alieno usum quemdam habere, vel fructum percipere potest.

§. 712.

De spe-
ciebus
servitu-
rum præ-
dialium.

Servitutes prædiales usitatiores peculiare nomen in Jure civili adeptæ sunt. Ita Servitus operis ferendi vocatur, qua vicini paries, vel columna onus ædificii nostri sustinere tenetur; quam ideo, qui servitutem debet, reficere tenetur. Cum vero ad refectionem parietis, vel columnæ non pertineat fultura domus; dominus prædii dominantis suo sumtu domum incumbendum fulcire tenetur. Dicitur Servitus tigni immittendi, qua trabem, vel quid aliud, quod contignationi ædium inservit, in parietem vicinum immittere licet, ut in eo requiescat; unde eadem, quæ ante, oritur obligatio domini prædii servientis. Porro Servitus projiciendi dicitur, qua aliquod ædificatum alic-

alienæ areæ, aut eidem superstruendo imminet, in vicinis tamen ædibus nusquam requiescit. *Servitus altius non tollendi* est, qua dominus prædii dominantis prohibere potest, ne dominus servientis ædes suas altius tollat: ex adverso *Servitus altius tollendi* appellari potest, qua quis in gratiam vicini habere nequit ædes magis depressas, quam nunc habet. *Servitus luminum* vocatur, qua quis fenestras luciferas etiam in suo, aut communi pariete excipere cogitur; *Servitus autem prospiciendi*, seu *prospectus*, qua vicinus pati tenetur, ut fenestras prospectivas habeamus in ædibus nostris. Dicuntur *Fenestræ luciferae*, per quas lumen immittitur in ædes nostras; *prospectivæ* autem, per quas prospectus datur in loca alia, veluti in ædes, vel hortum alterius. *Servitus, ne officiatur luminibus*, vocatur, qua quis in prædio suo facere non potest, quo ædium nostrarum quævis lumina obscurentur & imminuantur; *Servitus autem, ne prospectui officiatur*, qua quis in prædio suo nil facere potest, quo liber prospectus in loca quævis vicino grata atque amœna ullo modo impeditur. *Servitus stillicidii avertendi*, vel *recipiendi* est, qua quis pati cogitur, ut vicinus aquam ex tecto suo destillantem, vel per canales defluentem in tectum, aream, vel cloacam suam derivet; *Servitus autem stillicidii non avertendi*, qua quis stillicidium suum alio, quam in ædes, vel hortum tuum dirigere nequit. *Servitus cloacæ immittendæ* est, qua quis pati cogitur, ut colluviem sordidam in sua area collectam vicinus in ipsius aream committat; aut *Servitus cloacæ habendæ*, qua vicinus pati cogitur, ut juxta parietem ipsius cloacam habeamus. Unde simul intelligitur, quid sit *Servitus sterquilini habendi*. Iter est servitus, qua pati cogimur, ut homo

per prædium nostrum eat ad suum, ipsius prædii causa: *ire* autem in Jure dicitur etiam, qui alienis pedibus incedit, veluti si eques eat, aut lectica portetur. *Actus* est servitus, qua quis pati cogitur, ut alterius prædii dominus jumentum, vel vehiculum agat per prædium ipsius ad suum; isque vel *plenus*, si etiam jumenta vehiculo juncta agere licet; *minus plenus*, si saltem pecora & armenta, non vero jumenta vehiculo juncta. *Via* servitus est, qua quis pati debet, ut per prædium ipsius non modo eas & agas, verum etiam ad prædium tuum vehas, ducas, feras, atque trahas, quæcumque ad prædii tui utilitatem faciunt. *Aquæ haustus* est servitus, qua quis pati cogitur, ut alius ex puteo suo, aliove loco ipsius ad fundi sui necessitatem hauriat aquam; *Aquæ ductus* autem, qua pati cogitur, ut quis per fundum suum ducat aquam ad utilitatem fundi ipsius quocumque modo; & *Servitus aquæ educendæ*, qua pati cogimur, ut quis aquam superfluum, vel inutilem ex fundo suo educat per nostrum. *Pecoris ad aquam appulsus* est servitus, qua pati cogimur, ut pecora alieni prædii aquandi causa appellantur ad fontem, vel etiam aquam nostram; *Jus vero pascendi* servitus, qua pati cogimur, ut quis pecora prædii sui pascat in prædio nostro. *Jus calcis coquendæ* servitus est, qua pati cogimur, ut quis calcem coquat in fundo nostro, ad commoditatem prædii sui. Quid vero sit *Jus arenæ fodiendæ*, *lapides cadendi*, *collegendi ramos aridos*, *legendi glandes*, *venandi*, ex ipsis nominibus intelligitur. At *Jus pedamenta sumendi* servitus est, qua pati cogimur, ut quis ex silva nostraumat adminicula arborum, vel vitium, ac perticas lupulum, vel fabas excipientes; *Jus vero lignandi* servitus, qua pati cogimur, ut ligna ad certum usum cadat in silva nostra,

stra, ad utilitatem prædii sui. De his omnibus intelligitur, ea concessa esse prædio dominanti, sine quibus jus suum exercere nequit; cum alias servitus foret inutilis: & jus prædii dominantis lege constitutioni adjecta omni possibili modo ampliari & restringi posse (§. 710.)

§. 713.

Quæ de servitutibus realibus modo dicta sunt, valent etiam de personalibus. Eminent inter has *Ususfructus*, quæ est servitus personalis, qua dominus pati cogitur, ut alius re sua utatur fruatur, salva substantia. Qui usumfructum habet, *Usufructuarius*, subinde etiam *Fructuarius* dicitur. Proprietas itaque manet apud dominum, consequenter quicquid vi proprietatis dominus facere potest, id usufructuario non licet. Quamobrem rem, quæ usumfructum debet, non alienare (§. 257.) non immutare (§. 256.) non oppignorare (§. 700.) neque eidem servitutem imponere potest (§. 710.) ast de usufructu, cum sit jus ipsi proprium, pro lubitu disponere licet (§. 195. 206.) Patet etiam, quod re aliter uti nequeas, quam sicuti est; & non minus manifestum est, usumfructum constitui posse in omnibus rebus, mobilibus ac immobilibus, etiam incorporalibus, quibus uti frui datur, ut ipsæ integræ supersint, eaque lege, quæ placuerit constituenti (§. 314.)

§. 714.

Quia metalla & mineralia non brevi quodam temporis spatio renascuntur; non tam fructus fundi censentur, quam ad substantiam potius ejus pertinent, ac ideo ad usumfructum non pertinent (§. 713.) Idem intelligitur, ob rationem eandem, de arboribus annosis, quarum, si quos edunt, fructus in usufructu sunt (§. cit.) Enimvero quia sil-

De rebus
dubiis,
an sint
in usu-
fructu
compre-
hensæ.

va cædua, quæ succisa ex stirpibus & radicibus brevi quodam annorum numero renascitur, & cujus usus in sola succisione consistit; eadem in usufructu est, ad eum scilicet modum, quo fecerat usumfructum concedens, seu quem consuetudo probat, ligna succidere potest usufructuarius. Quamobrem etiam, si moris sit, ut in silva non cædua stipites certo quotannis numero excidantur, eodem numero excidere potest, consequenter arbores vi ventorum dejectæ domini sunt, non usufructuarii, qui eas, si dominus velit, in compensationem cædendarum accipere tenetur; cum dominus sic disponat de substantia silvæ, ne scilicet deterioretur, salvo jure usufructuarii.

§. 715.

Quænam
usufructu
finito
ad hoc
finito
usufructuarii.

Cum finito usufructu res, quæ in eodem fuit, restituenda sit a fructuario (§. 713.) si usufructus in grege constituitur, in locum pecudum demortuarum, vel alienatarum alia capita substituere debet fructuarius. Cumque finito usufructu cesset jus percipiendi fructus fructuarii; fructus tum pendentes domini, seu proprietarii sunt. At quoniam fructus industriales non minus fructus industriæ sunt, quam fundi (§. 226.) finito usufructu pro rata communes sunt, quantum scilicet valet usus fundi & cultura atque cura fructuarii. Similiter quoniam redditus propter usum, qui continuo percipitur, solvendi temporis proportionales sunt; usufructu ante terminum solutionis finito pro rata temporis inter proprietarium & usufructuarium dividendi. Enimvero redditus, qui præstantur ratione juris in re, veluti decimæ, cum assimilentur ante terminum solutionis fructibus pendentibus, proprietarii sunt.

§. 716.

§. 716.

Cum fructus usufructuarii sint, res vero, *Ad*
 quæ est in usufructu, proprietarii (§. 713.) *quem-*
 si damnum in fructibus contingit, ad usufructuarium *nam ca-*
 pertinet, si in re, ad proprietarium. *sus per-*
tineat.

§. 717.

Ob eandem rationem usufructuarius solvere *De oneribus &*
 tenetur omnia onera sive ordinaria, sive extraordi- *impen-*
 naria, ratione fructuum & reddituum præstanda, & *sis.*
 facere impensas, sine quibus esse & fructus per-
 cipi nequeunt: quodsi vero onera extraordinaria ex-
 superant fructus, cum ratione rei imposita in-
 telligantur, non solum fructuum; quod ultra
 eos impenditur, a proprietario præstandum. Nimi-
 rum quod solus facere deberet proprietarius,
 si pleno jure esset dominus, id ab usufructua-
 rio & domino una faciendum.

§. 718.

Cum usufructus jus personale sit (§. 713.) *Quando*
 morte usufructuarii extinguitur (§. 400.) *usufru-*
 Extin- *ctus fi-*
 guitur etiam, si eum fructuarius remittat, cumque *niatur.*
 rei non amplius existentis nullus sit usus atque
 fructus, interitu quoque rei; denique & tempore
 præstituto elapso, si temporarius fuerit (§. 317.)
 Hinc sequitur, ut, si domo vetustate collapsa,
 vel incendio conflagrata, nova extruatur, fructua-
 rius in ea usumfructum non habeat.

§. 719.

Quasi usufructus dicitur servitus personalis, *De qua-*
 qua quis pati cogitur, ut alius res sua, quæ usu *si usu-*
 consumitur, utatur fruatur, ita ut finito quasi *fructu.*
 usufructu vel rem in genere, vel ejus æstimatio-
 nem restituat. Quoniam dominium rei in quasi
 usu-

usufructuarium transferendum (§. 195. 198.) si casus in re quasi fructuaria contingit, ad quasi fructuarium is pertinet.

§. 720.

De ca-
sione
præstan-
da.

Cum in securitatem debiti fidejussio (§. 569.) & oppignoratio ad quemlibet actum obligatorium accedere possit (§. 697.) si metuendum sit, ne quasi usufructu finito rem quasi usufructuariam restituere possit, vel ne fructuarius ea præstare queat, ad que finito usufructu proprietario tenetur, uterque proprietario vel quasi per fidejussores, aut hypotheca cavere tenetur. Enimvero si cavere non possit, quia neutri invito jus suum auferri potest (§. 100.) res usufructuaria vel quasi pro certa pecunia fructuario vel quasi præstanda, vel proprietario, si ipse velit, vel tertio committi debet.

§. 721.

De usu.

Usus est servitus personalis, qua quis pati cogitur, ut alius re sua, sive ea fructifera fuerit, sive minus, utatur salva substantia. Dicitur nimirum *Re uti*, in significato Juris Romani, qui ex ea percipit ea commoda & emolumenta, quibus ipse cum suis indiget ad vitæ necessitatem & commoditatem. Is, cui usus constituitur, *Usuarius* appellatur. Enimvero cum usus iste certus esse debeat, jus autem usuario competens æstimandum sit ex constituentis voluntate (§. 314.) naturaliter constituens usum determinare debet, qualis esse debeat. Dicitur autem *usus plenus*, quo ex re aliena capere licet, quicquid ad quotidianam vitæ necessitatem ac commoditatem requiritur, aut *minus plenus*, quo certa quædam pars emolumentorum ex re percipiendorum usuario conceditur ad sublevandam vitæ necessitatem; *usus* itaque *plenus* æstimatur ex indigentia usu-

usuarii. Quamobrem cum usus plenus per se indeterminatus sit, usus autem minus plenus determinatus; minus plenus in alium transferri potest. sed non plenus. Cumque usufruario saltem competat jus sumendi ex fructibus, quantum indigentia suae sufficit, dominus vero habeat jus fruendi; usufrarius agrum colere non tenetur, sed dominus. Quodsi tamen usus sine impensis obtineri nequit, veluti si boum usus ad arandum concessus, cum talis concessus intelligatur, qualis esse potest; impense ad usufrarium pertinent, veluti pabulum bobus præbendum. Ceterum ex definitionum collatione patet, non repugnare, ut in una eademque re uni usus, alteri usufructus constituatur.

§. 722.

Quasi usus dicitur, qui constituitur in re consumptibili, quæ cum in specie restitui non possit, finito quasi usu in genere restituenda, veluti si tibi usus pecuniæ concedatur, quam vel ipse in rem tuam vertere, vel sub usuris aliis credere potes.

De quasi usu.

§. 723.

Denique *Habitatio* est servitus personalis, qua dominus pati cogitur, ut alius in ædibus suis sive integris, sive in aliqua earum parte habitet. Cui servitus hæc constituitur, *Habitator* dicitur. Cum habitatio distinguatur ab usufructu ædium; habitator ædes, aut partem sibi concessam solus inhabitare debet, non vero hanc, vel illam partem alii pro certa pensione locare potest. Et quoniam jus habitandi proprietario ademptum & in habitatorem translatum; si habitator ædibus integris uti non possit, non tamen dominus partibus vacuis ipse uti, aut frui potest. Ceterum cum jus habi-

De habitatio-
ne.

habitoris metiendum sit ex voluntate constituentis (§. 314.) *naturaliter habitatio ita concedi potest, ut habitator jus suum alii pro certa pensione locare & hanc percipere possit.*

C A P U T XVI.

De dominio utili, ac imprimis feudo.

§. 724.

*De dominio
utili in
genere.*

Dominium utile dicitur, in quo jus utendi fruendi prorsus liberum, proprietas vero aliquo modo restricta est ad alium. Qui dominium utile habet, *Dominus utilis* appellatur. *Dominium vero directum* dicitur pars proprietatis, quæ per ejus restrictionem domino utili ademta ad alium pertinet. Et qui dominium directum habet, *Dominus directus* vocatur. Quoniam proprietas jus alienandi & fundum immutandi continet (§. 198. 256. 257.) *naturaliter proprietas restringi potest aut quoad jus alienandi, aut quoad jus rem immutandi, aut quoad utrumque, consequenter si jus alienandi restringitur, aut dominus utilis per se prorsus nequit, aut nonnisi certa lege rem alienare potest.* Per se autem patet, *dominium utilem solum omnem ex re capere utilitatem.* Ceterum quoniam dominium originarium plenum est (§. 195. 198.) *dominium utile, vel directum originarie acquiri nequit nisi pactione ab eo, qui plenum habet (§. 314. 438.) & concedens legem adicere potest quam voluerit (§. 314.)* In concessione domini utilis duo in primis spectanda sunt, nimirum *lex, seu conditio, sub qua id conceditur, & lex, sub qua proprietas restringitur.*

§. 725.

§. 725.

Emphyteusis est dominium utile in re immo-
bili sub conditione certæ pensionis annuæ in
recognitionem domini directi præstandæ con-
cessum, cum proprietate certa lege restricta.
Res, in qua *emphyteusis* constituta, dicitur *em-
phyteutica*, vel *bonum emphyteuticarium*, qui *em-
phyteusin* in re habet, *Emphyteuta*; is vero, a
quo *emphyteusin* habet, *Dominus emphyteuseos*.
Pensio, quæ in recognitionem domini directi
solvitur, *Canon* appellatur, vel etiam *Canon
emphyteuticus*; & *contractus emphyteuticus*, quo
emphyteusis constituitur & acquiritur.

*Emphy-
theusis
quid sit.*

§. 726.

Quoniam canon datur in recognitionem do-
mini directi (§. 726.) consequenter ejus so-
lutio tantummodo probare debet *emphyteutam*
dominium directum in re *emphyteutica* agno-
scere, *quantitas canonis utilitati ex re emphyteu-
tica percipiendæ proportionanda non est*, consequen-
ter deficiente ratione determinationis intrin-
seca, *mutuo consensu emphyteutæ ac domini in con-
tractu emphyteutico determinandus*, quo cum sit
standum (§. 438.) *ob meliorationem, seu redituum
incrementum, aut ipsius exiguitatem augeri minime
debet*, idemque consistere potest tam in pecunia,
quam rebus quibuscumque, prouti scilicet con-
ventum fuit. Cum *emphyteusis* contractu ni-
tatur (§. 725.) *emphyteuta obligatur ad canonem
quotannis solvendum* (§. 514.) & *domino compe-
tit jus eum exigendi* (§. 80.) consequenter *ob
solutionem neglectam, vel detrectatam emphyteusis
non amittitur, nisi expresse ita fuerit conventum* (§.
667.) Similiter quia canon non datur pro uti-
litate, quæ ex re percipitur; *solvendus is est*,
etiamsi

*De ca-
none em-
phyteu-
tico.*

etiamsi eo anno parum aut nihil ex re emphyteuticaria perceperit utilitatis, nisi de remittendo aut minuendo certo casu canone expresse fuerit conventum (§. cit.) Quoniam jus exigendi canonem domino competit vi domini directi, cuius recognoscendi causa (§. 725.) consequenter jus in re est (§. 334.) dominus emphyteuseos canonem ab emphyteuta non solum a quocumque possessore exigere potest.

§. 727.

De contractu
emphyteutico.

Cum a sola voluntate domini emphyteusin constituentis dependeat, qua lege dominium utile in eum transferre velit (§. 314.) in contractu emphyteutico cum primo acquirente inito, quo omnis emphyteusis nititur (§. 725.) desinendum, quomodo proprietas restricta esse debeat, tum quoad alienationem, tum quoad immutationem rei emphyteuticariae (§. 256. 257.) & singula, quae per naturam emphyteuseos determinata non sunt, adeoque non uno modo determinari possunt, determinanda. Unde consequitur, ut jus omne tam domini, quam emphyteutae metiendum sit ex contractu cum primo acquirente inito. Quoniam re emphyteutica alienata novus emphyteuta dominum emphyteuseos pro domino recognoscere tenetur; contractus emphyteuticus cum novo emphyteuta renovandus. Et si idem valeat, si dominium directum alienetur: quoniam tamen emphyteuta se expresse obligare potest, quod non modo dominum praesentem, verum etiam alium quemcunque successorem legitimum pro domino superiori recognoscere velit, si ad hoc se obligavit emphyteuta, ut quemlibet legitimum successorem domini praesentis pro domino superiori recognoscere velit, renovatione contractus opus non est.

§. 728.

§. 728.

Laudemium est honorarium, quod pro renovatione contractus emphyteutici domino directo solvendum, *De laudemio.* Consistit igitur in pecunia (§. 525.) & in contractu emphyteutico determinanda ejus quantitas & definiendum, utrum tantummodo solvendum sit emphyteuta mutato, an vero etiam mutato domino. Patet autem, ut ante de canone (§. 726.) jus exigendi laudemium esse jus in re; utpote descendens ex dominio directo, jure utique in re (§. 334.) ne id sit prorsus inutile.

§. 729.

Quoniam jus emphyteuticum ex contractu emphyteutico definiendum (§. 727.) si emphyteusis pro certis personis conceditur, his omnibus extinctis & ipsa extinguitur; si ad certum vero tempus concessa, tempore elapso, vel etiam si emphyteuta in gratiam domini, vel dominus in gratiam emphyteute remittit emphyteusin (§. 337. 342.) Per se autem patet, re emphyteuticaria pereunte, emphyteusin extinguere. Enimvero si dominus emphyteuseos moritur sine successore, cum dominium directum pertineat ad bona ejus (§. 207.) naturaliter fit nullius, consequenter occupabile (§. 210.) ac propterea emphyteusis non extinguitur.

§. 730.

Quando emphyteusis constituitur, dominium utile a directo separatur, vel ad certum tempus, vel quamdiu fuerint successores legitimi, prouti in contractu emphyteutico definitum (§. 727.) Quamobrem non alia mens esse intelligitur constituentis, quam ut tempore elapso, vel successore legitimo deficiente, dominium utile

(Wolffii Instit. J. N. & G.) T cum

cum directo iterum esse debeat conjunctum
consequenter *emphyteusi finita*, *dominium utile* re-
dit ad *dominum emphyteuseos*, ac ideo is fit pleno
jure dominus.

§. 731.

De em-
phyteu-
ticatione &
subem-
phyteu-
ticatione.

Emphyteuticatio vocatur constitutio *emphyteu-*
seos in re adhuc libera ab *emphyteusi*: at *Sub-*
emphyteuticatio appellatur constitutio *emphyteu-*
seos in re, in qua *emphyteusi* habet constituens.
Tumque *emphyteusis* in *emphyteusi* constituta,
dicitur *Subemphyteusis*. Cum de dominio utili,
tamquam re incorporali sibi propria, *emphy-*
teuta pro lubitu disponere possit? (§. 195.) sed
salvo jure domini *emphyteuseos* (§. 86.) &
contractu *emphyteutico* (§. 727.) *subemphyteu-*
ticatio, salvo jure domini *emphyteuseos* & contractu
emphyteutico facta, licita, sed ea in *emphyteuticatione*
nihil immutatur, & *emphyteusi* quomodocunque finita
subemphyteusis perimitur, consequenter *subemphy-*
teusi extincta *emphyteusi* adhuc existente, *emphy-*
teuta jure *emphyteuticario* integro fruitur. Cum
subemphyteute jus ab *emphyteuta* adimi ne-
queat (§. 100.) salvum tamen manere debeat
jus domini, (per demonstrata ;) quando *emphy-*
teuta *emphyteusin* in alium transfert, transmittit jus
suum, quod ex contractu *subemphyteutico* ipsi ques-
tum transfert, vel transmittit, respectu domini au-
tem ipsa *emphyteusis* translata, vel transmitti intel-
ligitur.

§. 732.

De jure
libella-
rio.

Contractus libellarius dicitur, quo dominus al-
teri rem suam certo pretio interveniente ea le-
ge dat, ut quotannis certum canonem solvat,
ac statuto tempore, possessore licet non mutato
contractum certo pretio, vel arbitrario nume-
rato

rato renovet. *Jus* ex eo contractu acquisitum libellarium vocatur. In contractu igitur libellario pretium, quod pro re solvitur, imminui debet pro ratione canonis ac pretii in renovatione contractus statuto tempore solvendi. Quoniam solutio canonis & pretii pro renovando contractu inharet ipsi rei libellariae; dominus juris libellarii *jus* in re libellaria habet (§. 334.) consequenter si canon & pretium non fuerit solutum, a quolibet successore solvi debet. Enimvero quia solutio ista saltem onus est emptioni rei adjectum (§. 409.) qui rem ex contractu libellario habet, pleno jure dominus est, consequenter eandem pro lubitu alienare & immutare potest sine consensu domini juris libellarii (§. 256. 257.)

§. 733.

Jus censiticum est jus annui redditus ex re aliena immobili recipiendi: ipse autem redditus *Census* vocatur, qui reservationis appellatur, si dominus rem vendens, censum in eadem sibi reservat; & constitutus, quando quis eum sibi emit, aut donatum accipit. Patet autem, *jus censiticum* esse *jus in re* (§. 334.) Res, ex qua census praestandus, *Bonum censiticum*; qui censum solvit, *censualis*; & qui accipit, *census dominus* vocatur; contractus autem, quo de censu convenitur, *censualis*. Census cum saltem onus sit (§. 409.) *censualis* pleno jure dominus est. Census consistere potest in pecunia, vel in re quacunque alia corporali mobili, prouti nimirum de eo convenitur. Quod si census liberaliter constituitur, vel in re donata reservatur, quantitas voluntate constituentis definitur (§. 314.) si vero ematur, intra limites usurarum licitarum contineri, vel utilitati ex re percipiendae proportionari detur in ratione pretii, quod solvitur, ad pretium verum rei; si denique in re ven-

De jure
censiti-
co.

dita reservatur, ejus pretium, a pretio rei detrahendum. Cum dominus census jus censiticum remittere possit (§. 342.) si remittat, sive gratis, sive pro certo pretio, quia tunc extinguitur (§. 337.) bonum censiticum fit liberum.

§. 734.

De jure
superfici-
ciario.

Jus Superficieci, seu superficiarium dicitur jus habendi suo sumtu superficiem, veluti ædificium, in solo alterius. Qui jus superficieci habet, Superficiarius; qui dominium fundi, Dominus fundi audit. Pensio annua, quam superficiarius domino fundi pro hujus usu solvit, solarium vocatur: contractus autem superficiarius, quo de jure superficiario, quod constituitur, inter se conveniunt superficiarius & dominus fundi; & ex hoc metiendum est jus superficiarii & domini fundi (§. 314. 438.) Cum donator donationi & venditor venditioni rei suæ adjicere possit legem, quam voluerit (§. 314.) ædes quoque jam extructæ donari ac vendi possunt ea lege, ut dominium in solo retineat donator, & venditor, atque ita in ædibus jam extructis constituitur jus superficiarium. Enimvero si ædes superficiariæ sumtu superficiarii extruantur, si ædes jam extructæ & quocumque titulo iusto acceptæ habeantur in solo alterius, superficiarius superficieci, dominus soli autem soli pleno jure dominus est. Et quia jus superficieci non perit, etiam si ædes collabantur, vel conflagent; si casu quodam intereant, novas extruere licet. Cumque domino soli nullum jus competat in superficie (§. 195.) solutio solarii non est jus in re (§. 334.) nec dominus soli pro eo superficiem sibi obligatam habet, nisi in contractu superficiario hypotheca in eodem ipsi expresse fuerit constituta (§. 697.) Similiter quia nemini jus suum auferri potest (§. 100.) ædes superficiariæ alienantur cum jure

Jure superficario, & fundus salvo jure superficarii & cum jure adversus superficarium. Quoniam jus superficarii metiendum est ex contractu, dominium quoque saltem utile concedi potest in adibus superficariis ad certum tempus, vel pro certis personis, tumque jus superficarium æmulatur emphyteuticarium (§. 725.) Atque hic casus est Juris Romani. Ex ipsa definitione patet, jus superficarium naturaliter extendi ad alias superficies, quam ædes, veluti ad habendum hortum, vineam, silvam, piscinam, immo arborem in solo alieno; cum concessio istiusmodi in notione domini contineatur (§. 195.) unde realitas definitionis pendet.

§. 735.

Fidelitas appellari solet promptitudo præstandi quævis officia humanitatis, ea præsertim, quibus damna quævis avertuntur ac commoda promoventur, & si qua specialiter conventa fuerint. *Fidelitas quid sit.*

§. 736.

Feudum dicitur dominium utile in re sua alteri a domino concessum, sub conditione fidelitatis mutua. Quamobrem cum dominium plenum contineat & utile, & directum; in constitutione feudi dominium plenum in utile ac directum inter duas personas dividitur. Res infeudari dicitur, in qua feudum constituitur; & ipsa Res feudalis vocatur, in qua feudum constitutum est; & in ejus oppositione, Allodium significat universa, quæ infeudata non sunt. Qui dominium directum in re feudali habet, Dominus feudi; qui utile, Vassallus appellatur. Contractus feudalisis est, quo de feudo, quod constituitur, inter se conveniunt dominus feudi & vassallus, seu quo feudum *De feudo.*

constituitur & acquiritur . *Ex contractu* itaque feudali metiendum est *jus domini feudi* & *vasalli* (§. 314. 438.)

§. 737.

De sub-
stantia-
libus, na-
turali-
bus &
acciden-
talibus
feudi.

Substantialia feudi dicuntur determinationes essentielles, per quas feudum concipitur in genere; consequenter ea a nullo feudo abesse possunt, ac propterea respectu vasalli sunt dominum utile in re feudati & fidelitas domino directo prestanda, respectu domini feudi dominum directum & fidelitas vasallo prestanda (§. 736.) *Naturalia feudi* dicuntur determinationes essentielles, quæ constituunt differentiam specificam feudi communiter auctoritate legis, vel moribus recepti, veluti ut promissio fidelitatis sit jurata; *Accidentalialia* vero determinationes essentielles, quæ constituunt differentias specificas specierum feudorum a specie juris auctoritate, vel moribus communiter recepta diversorum, veluti obligatio vasalli ad officia insolita. Unde patet, distinctionem inter naturalia & accidentalialia feudi nullum habere usum in Jure naturæ. Naturaliter enim valent ea, de quibus in contractu feudali conventum (§. 736.) Nimirum quia naturalia & accidentalialia per substantialia non determinantur, consequenter ex hisce demonstrari nequeunt; quando feudum constituitur, a domini rei infeudandæ voluntate dependet, quoniam substantialibus superaddi velut (§. 314.) in contractu feudali ideo definienda.

§. 738.

De feu-
do dato
& obla-
to.

Feudum datum vocatur, quando dominus alteri constituit feudum in re sua: *feudum vero oblatum*, quando danti constituitur in re data.

§. 739.

§. 739.

Quia modus constituendi feudum a voluntate domini rei infeudandæ dependet (§. 737.) ideo *De modis feudum constitui.* constitui potest vel ad certum tempus, vel in perpetuum, sive simpliciter, sive determinative, nominatis personis, ad quas transmitti queat, & de certis præstationibus vasalli, veluti servitiis militaribus, ac domini conveniri potest. Quodsi vero ita conveniatur, ut canon certus præstetur, cum emphyteusi miscetur (§. 725.) Quæ vasallus domino ex contractu feudali præstare tenetur, servitia feudalia appellantur, qualia inprimis sunt militaria. Hinc *Feudum francum* est, si vasallus ad nulla servitia præstanda domino obligatur; *ligium*, si servitia militaria præstare tenetur adversus omnes; *non ligium*, si quidam excipiuntur. Et Juri naturæ convenienter *Feudum masculinum* vocatur, quod pro solis masculis constitutum, ita ut ex lege contractus in fæminam numquam deferri possit; *fæmineum*, quod pro solis fæminis constitutum; *mixtum*, quod pro utrisque simul. Similiter *Feudum oppignoratitium* appellatur, quando dominus, cui pecunia creditur, loco pignoris feudum in re sua constituit.

§. 740.

Quoniam in re, quæ usu non consumitur, dominium directum ab utili separabile (§. 724.) *De rebus, quæ usu non consumuntur, infeudari potest, etiam incorporalis (§. 736.)* consequenter etiam jus percipiendi proventus metallicos, immo etiam jus utendi certa vini, vel frumenti portione ex cella, horreo aut penuario domini ad dies vitæ præstanda. Dicitur autem *Feudum de cavena*, quod ita constituitur, ut alicui ex cella domini certa *De rebus, quæ usu non consumuntur, infeudari potest, etiam incorporalis (§. 736.)* *De feudo cavene, soldate, pecunie & quasi feudo.*

vini, vel ex horreo aut penuario ejus certa frumenti quantitas ad dies vitæ præstetur. Immo facile patet, *naturaliter feudum de cavena extendi posse ad res alias consumptibiles*, veluti ut præstetur certa portio piscium ex piscina domini, vel lignorum ex silva, vel ferarum in silva capiendarum. Difert autem a feudo de cavena *feudum soldatæ*, quo ex gratia alicui certa pecunia, vinum, vel annona, aut res quæcumque alia consumptibilis præstatur; quod in eodem res conventa vasallo præstanda, si ve rerum istiusmodi copia domino sit; si ve iisdem careat, ut eas aliunde comparare necesse habeat; cum in feudo de cavena præstatio restringatur ad ea, quæ dominus habet; & in illo eadem restringatur ad personam constituentis; in hoc vero etiam transeat ad successores. Ita quoque *Feudum habitationis* dicitur, quando jus habitandi in domini ædibus alicui ad dies vitæ conceditur. Tenendum vero in genere est, *res consumptibiles & pecuniam fieri quasi inconsumptibiles*, quatenus per fidejussores, aut hypothecam cavetur, ut semper restitui possit, si restitutione opus sit, tunc enim perinde est, ac si ea uteremur fruermur salva substantia, consequenter *easdem fieri hoc modo ad feudandum aptas*, quatenus scilicet in quasi adhuc extantibus dominium directum subsistere potest. Dicitur autem *quasi feudum*, quod constituitur in re per se ad infeudandum minus apta, sed quæ ad infeudandum apta efficitur arte. Unde *Feudum pecuniæ*, quod constituitur in pecunia, est quasi feudum. Ceterum pecunia, in qua feudum constitutum, feudalis est (§. 736,) in qua nullum constitutum, allodialis (§. cit.) consequenter pecunia, qua feudum venditum est, feudalis non est, sed allodialis. Et eodem modo patet, cum res, quæ pro feudo datur, æquipolleat pecuniæ, quæ pro

eodem datur, si res feudalisi cum allodiali permu-
tatur, allodiale minime fieri feudalem.

§. 741.

Cum qui dominium utile habet, præter jus *De sub-*
utendi & fruendi integrum, etiam partem pro- *infeuda-*
prietatis habeat (§. 724.) quam aliis adhuc mo- *tionem.*
dis restringi posse per se patet; qui dominium uti-
le habet in re, eam alteri in feudum dare potest (§. 736.)
salvo tamen jure domini directi (§. 100.) conse-
quenter salvo jure domini directi in bonis emphy-
teuticis & rebus feudalibus feudum constitui potest.
Feudum in re feudali constitutum alteri, dici-
tur *Subfeudum*; & res feudalisi *subinfeudari*, quan-
do feudum in eadem constituitur: vassallus ve-
ro, cui res feudalisi in feudum datur, *Subvassallus*,
vulgo *Subinfeudatus*; vassallus denique subinfeu-
dans, dominus subfeudi; & contractus, quo de
subfeudo convenitur, *Contractus subvassalli*; ex quo
itaque *jus subvassalli & domini subfeudi metiendum*
(§. 736.) Cumque subinfeudatio tota pendeat a
subinfeudantis voluntate (§. 314.) in contractu
subfeudali substantialibus superaddere licet determi-
nationes, quæ in feudali non continentur, salvo ta-
men jure domini feudi, superaddi possunt, conse-
quenter quæ contractui feudali non adversantur
(§. 736.) Et quia subinfeudatio intactum relin-
quit jus domini feudi; ejus consensus ad subinfeu-
dationem non requiritur. Ceterum per se porro
patet, si quis rerum universitatem sibi infeudatam
habet, eum pro libitu rem unam atque alteram uni,
vel pluribus subinfeudare posse. Denique hoc et-
iam satis liquet, subinfeudatione non totum domi-
nium utile in subvassallum transferri, sed partem
quamdam proprietatis remanere apud vassallum, &
jus subvassalli non augeri, imminui tamen posse,
immo subinfeudationem fieri posse tam gratis, quam
pro certo pretio.

§. 742.

§. 742.

Cujus- Cum vassalli & subvassalli sint fructus omnes
nam sit (§. 736. 741.) periculum omne fructuum ad va-
pericu- sallum & subvassallum spectat.
lum fru-
ctuum.

§. 743.

De suc- Successor feudalis dicitur is, ad quem vi legis
cessore constitutionis mortuo vassallo feudum devolvitur.
feudali Successore igitur deficiente, res, quæ fuerat
& im- feudalis, pleno jure domini est, consequenter et-
muta- iam subfeudum extinguitur (§. 741.) Quamobrem
tione rei cum vassallus nihil facere possit, quod est con-
feuda- tra jus domini, vel successorum (§. 86.) rem feu-
lis. dalem deteriorare nequit, nec servitutem eidem ideo
imponere (§. 708.) consequenter dominus feudi &
successor pati non debet, ut deterioretur. Ex ad-
verso autem, quia nec dominus feudi contra jus
vassalli quid facere potest (§. 86.) nec is de sub-
stantia rei feudalis ita disponere potest, ut jus uten-
di fruendi vel diminuat, vel quoad exercitium
quomodocumque impediatur, nec ideo rei feudali
servitutem imponere (§. 708.) Cum vero nihil
committatur contra jus domini, vel successoris,
si vassallus, quamdiu feudum tenet, alteri in
re feudali concedat jus, quale foret servitus (§. 83.)
hoc facere potest, consequenter si vassallus rei feu-
dali servitutem imponit ipso facto, ea subsistit,
tamquam jus servitutis æmulum, quamdiu feudum
tenet. Et quoniam jus omne utendi fruendi
vassalli proprium est (§. 736.) rem feudalem va-
sallus meliorare (§. 279) ac propterea quoque
eidem servitutem acquirere potest (§. 708.) Ex ea-
dem ratione cum vassallus ex re feudali omnem
percipiat utilitatem, tamquam ex re sibi pro-
pria (§. cit.) omnia quoque onera ferre debet.

§. 744.

§. 744.

Feudum aperiri dicitur domino, si successor feudal^{De aper-}is deficit; ut ideo apertura feudi sit va-^{tura seu-}cuitas juris succedendi in feudo. Et idem aper-^{di.}tura proximum dicitur, si spes sit fore, ut aperiat^rur; consequenter ut brevi nullus extet successor feudal^{is}. Atque propterea feudum apertura proximum, cum alienatio foret contra jus domini (§. 83.) in extraneum alienari nequit.

§. 745.

In constitutione feudi dominium directum De suc-
reservatur domino feudi (§. 736.) & tamquam
res incorporalis accensetur bonis ejus ceteris
(§. 207.) Quamobrem nisi in contractu feudali
expresse conveniatur de dominio directo, successore
in eodem deficiente, idem non acquirit vassallus (§.
318.) consequenter nec jus vassalli in simili casu
subvassallus (§. 741.)

§. 746.

Quoniam ex contractu feudali vassallus do-
mino directo saltem ea prestare obligatur, de
quibus conventum (§. 438.) consequenter do-
minus eum ad prestandum compellere (§. 80.) aut,
si prestatio non amplius integra sit, ad prestandum
interesse adigere posset (§. 415.) nisi expresse fuerit
conventum, quo in casu committi debeat, cum
tunc, quod conventum, valeat (§. 736.) natu-
raliter ob facta, vel non facta contractui feudali re-
pugnantia feudum non committitur, Quoniam con-
tractibus poena adjici potest (§. 410.) de factis
quoque, vel non factis, ob quæ feudum committi
debeat, conveniri potest (§. cit.)

An feu-
dum
commir-
ti possit.

§. 747.

§. 747.

De obli-
gatione
feudali
& felo-
nia.

Obligatio feudalis dicitur, quæ ex contractu feudali oritur; & in mutua domini & vasalli obligatione Nexus feudalis consistit. Obligatio igitur feudalis & nexus feudalis ex contractu feudali æstimari debet. Factum omne tam positivum, quam negativum, obligationi feudali contrarium, Felonia dicitur; quæ ideo tot modis committi potest, quot sunt obligationes feudales, non modo a vasallo, verum etiam a domino, non tamen omnis ejusdem est gradus. Quoniam naturaliter factio, vel non-factio contractui feudali contrario feudum non committitur (§. 746.) juris naturalis non est, ut feudum committatur propter feloniam: ut amitti possit, ex pacto venit. Enimvero in hoc casu feloniam commissa remitti potest (§. 342.) tumque feudum non amittitur (§. 337.) Cum nemini imputari possit factum alienum (§. 3.) si vasallus ob feloniam feudum amittit, eodem mortuo, dominus id restituere tenetur ei, ad quem post mortem ipsius devolvitur, consequenter per feloniam feudum commissum non finitur.

§. 748.

De feudi
resuca-
tione &
revoca-
tione.

Feudum resutare dicitur vasallus, si significat domino, se id diutius habere nolle sive simpliciter, sive in favorem tertii. Unde in casu priori domino; in posteriori tertio resutari in specie dicitur: Quando itaque domino resutatur feudum, jus suum remittit vasallus (§. 338.) quando autem tertio, eidem jus suum cedit (§. 328.) Cum quilibet jus suum remittere possit, si nihil committitur, quod est contra jus alterius (§. 342.) feudum quoque domino vel invito resutari potest, quando resutatio non sit contra jus ipsius: si autem in præjudicium ejus vergat, veluti ne vasallus servitia

vicia militaria, quibus dominus nunc indiget, præstare teneatur, vel eo animo, ut hostilia in eum securius moliri possit, *refutari nequit*. Ast quoniam *nec refutatio fieri potest contra jus successoris (§. 86.)* si feudum domino, aut cognato remotiori *refutatur*, mortuo *refutante*, *successor feudum revocare potest*. Etenim feudum *revocari* dicitur, si quis jure compellitur ad rem feudalem restituendam, feudo in ipsum translato. Per eamdem vero rationem patet, *feudum contra jus domini, vel eorum, ad quos id aliquando devolvi potest, alienatum, consequenter etiam extraneo refutatum*, quippe quod alienatio est, a domino, vel *successore revocari posse*. Ex ipsa autem definitionum collatione patet, *revocationem feudi esse feudi vindicationem (§. 262.)* Cum alienatio feudi non uno modo determinari possit; arbitrio paciscentium est, quomodo de ea convenire voluerint, & standum est eo, quo conventum fuit (§. 667.) nisi jus alienandi per alia, quæ expresse convента sunt, tacite definiatur.

C A P U T XVII.

Quando obligatio ex contractu tollatur.

§. 745.

Obligatio tolli dicitur, quando qui alteri obligatus erat ad dandum, vel faciendum, eidem obligatus esse desinit. Et sublatio obligationis *Liberatio* vocatur.

Quid sit obligationem tollere & liberatio.

§. 750.

Cum pacto dissoluto contrahentes liberentur ab obligatione, qua sibi invicem ex eodem tenebantur, eaque mutuo dissenso dissolvi possint (§. 444.)

De liberatione per pacti dissolutionem.

(§. 444.) quamprimum pactum, seu contractus; mutuo dissensu dissolvitur, vel etiam contractus benificus solo dissensu ejus, qui ex eo utilitatem solus percipit, quia alterius non interest pactum adimpleri, obligatio tollitur (§. 749.) consequenter jus acquisitum, utpote inde pendens (§. 46.) extinguitur.

§. 751.

De liberatione
ratione
per solutionem.

Solutio dicitur actualis perfecte debiti praestatio. Per solutionem igitur obligatio ex contractu tollitur (§. 749.) Quoniam vero solutione praestatur, ad quod praestandum sumus obligati; solvendum est praecise id, quod debetur, nec res alia pro alia solvi potest, nisi creditore, qui jus suum remittere potest (§. 342.) consentiente (§. 337.) Solvendum quoque praecise eo die & loco, quo debetur, nisi, ob rationem eandem, moram indulgere velit creditor (§. 417.) & res tota, quae debetur, solvi debet, consequenter cum solutio particularis dicatur, si quod debetur, non totum solvitur, sed aliqua tantummodo pars, solutio vero partis alterius differatur in aliud tempus, solutionem particularem non acceptare tenetur creditor. Facile autem intelligitur, si res debita ipsa solvi non possit, aestimationem ejus esse praestandam (§. 271.) & accipiendam (§. 37.) Et cum dies, quo solvendum, debitoris gratia adjiciatur, ne ante eundem ad solvendum compelli possit, creditoris autem gratia, ne ante diem solvatur, idque tacite conventum intelligatur, si ex praestatione appareat, interesse creditoris, ne ante diem solvatur; quod in certum diem debetur, ante eundem invito etiam creditori solvi potest, si dies debitoris causa adiectus: non potest, si adiectus sit creditoris causa, vel ex ipsa praestatione appareat interesse creditoris, ne ante diem solvatur. Enimvero si debitor pra-

praestet, quod interest creditoris, ne ante diem solvatur, cum tunc solutione anticipata nil committatur, quod est contra jus creditoris (§. 83.) creditor solutionem ante diem acceptare tenetur. Et quoniam solutio ab arbitrio debitoris dependet; si tempus solutionis arbitrio debitoris relictum, debitor semper solvere, sed creditor ante ipsius mortem debitum exigere nequit.

§. 752.

Interpellatio est actus, quo ex conventionē significatur, quod quis alteri ex contractu ultra istud tempus obligatus esse nolit. Vocari etiam solet a nonnullis *Resignatio*. In specie debitorem interpellare idem significat, ac solutionem debiti ab eo petere. Si quid igitur certo die debetur, naturaliter interpellatione opus non est; si vero ita fuerit conventum, ut precedat solutionem interpellatio, utrique permissa: cum standum sit eo, quod conventum est (§. 438.) debitor ante solvere nec debet, nec potest, nec ex adverso creditor ante ad solvendum debitorem compellere potest, nec debitum accipere tenetur, quam interpellatio convento modo facta fuerit. Enimvero si ita conveniatur, ut creditori liceat debitum exigere, quocumque tempore voluerit, cum debitor se non obligaverit ad non solvendum, antequam interpellatus fuerit, in hoc tamen tacite consensisse videatur, ne creditor solutionem cum incommodo suo accipere teneatur, debitor non interpellatus solvere potest, & creditor solutionem accipere tenetur, nisi justam habeat causam, cur accipere nolit, utique probandam.

De interpellatione.

§. 753.

Oblatio debiti verbalis dicitur, si debitor creditori verbis tantummodo declarat, se esse ad sol-

De obligatione debiti.

solvendum paratum; *realis* autem, si res debita, quam solvere vult debitor, fuerit ipsa præsens; & quidem *realis nuda*, si ad oblationem nullus alius actus accedat; quæ *naturaliter verbali* æquipollet: aut *solemnis*, si res debita actu oblata, sed a creditore non accepta, obsignatur & deponitur. Cum oblatio *realis* *solemnis in re immobili*, aut quæ obsignari, vel commodè deponi nequit, locum minime habeat; oblatio *verbalis* *solemni* æquipollet (§. 37.) Et quoniam perinde est, ac si debitum fuisset solutum, si solutio solenniter offeratur (§. 751.) *solemni* solutione obligatio debitoris tollitur (§. c. t.) consequenter etiam oblatione *verbali* rei *immobilis*, aut quæ obsignari, vel commodè deponi nequit, ac propterea dominium transfertur in creditorem, & ideo omne periculum ipsius est (§. 243.) Quia creditor solutionem accipere obligatur; si eam accipere nolit, rem debitam in ædibus inviti relinquere, & rem immobilem vacuum præstare, omnemque ejus curam abjicere periculo creditoris potest *naturaliter* debitor. Cumque debitor in mora non sit, si solutionem oblatam acceptare recuset creditor (§. 417.) a mora liberatur, ex adverso autem creditor in mora esse incipit.

§. 754.

De accepti-
tilatio-
ne.

Acceptum ferre dicitur creditor, si sufficienter declarat, se debitum acceptum habere, perinde ac si revera solutum fuisset. Qui igitur acceptum fert, debitum & jus suum remittit (§. 337.) consequenter per acceptilationem debitor liberatur, & jus creditoris extinguitur (§. cit. & §. 749.) atque debitor solvisse putatur. Cum a creditoris voluntate dependeat, ut de jure suo pro arbitrio statuatur; pars etiam debiti acceptilatio potest, & acceptilatio fieri potest, vel gratis, vel re quadam alia, aut facto quasi in debitum imputatio.

§. 755.

§. 755.

Pactum de non petendo dicitur, quo inter debitor^{De pacto de non petendo.}em ac creditorem ita convenitur, ne debitum sit solvendum. Cum per pactum de non petendo debitum remittatur (§. 337.) debitor liberatur (§. cit. & §. 749.) Unde & *Pactum liberatorium* appellatur. Pactum de non petendo iniri quoque posse de parte debiti, & fieri vel gratis, vel re quadam alia, aut facto quasi in debitum imputato, patet, ut ante de acceptilatione (§. 754.)

§. 756.

Compensatio dicitur sublatio debiti unius per debitum alterius partis; seu actus, quos debitor<sup>De compensatio-
ne.</sup> debitum soluturus in solutum imputat creditori, quod ipse debet. Facta igitur compensatione utraque pars ab obligatione debitum solvendi liberatur, & compensatio est solutio reciproca, brevi manu facta (§. 323.) Cum res alia pro alia solvi nequeat, & præcisè solvendum sit (§. 751.) qui sibi mutuo sunt creditores & debitores, eandem rem ut debeant, & ut terminus solutionis præterlapsus sit, quando compensatio fieri debet, necesse est. Patet autem, compensationem fieri ipso jure, consequenter ad compensandum non requiri peculiare quoddam factum, ac propterea non opus esse, ut creditori, qui idem est debitor tuus, denunties te compensare velle, sed solutionem a te petentem per compensationem repellere potes. Cum compensationi renuntiare liceat (§. 342.) si eidem renuntiatum fuit, compensare non licet (§. 340.) Quoniam in compensatione utriusque debitum certum esse debet, cum ad solvendum compelli nequeat, nisi is, quem debere certo constat: debitum vero liquidum vocatur, si certo constat, quod ad id præstandum aliquis sit obligatus; illiquidum vero, si

(*Wolfii Instit. J. N. & G.*) V idem

idem certo nondum constat; liquidum cum illiquido compensari nequit. Et quia præcise solvendum (§. 751.) debiti liquidi solutio compensationis gratia differri nequit: quoniam vero quilibet damnum quodvis a patrimonio suo avertere debet (§. 269.) si verendum sit, ne interea temporis is, cui solvitur, fiat non solvendo, aut res debita solemniter offerenda (§. 753.) aut qui accipit, cavere debet solutum iri (§. 697. 569.) In compensatione quod tu mihi solvere debes, succedit in locum ejus, quod ego tibi solvere debeo. Quoniam itaque res alia pro alia solvi nequit (§. 761.) compensari nequeunt nisi res fungibiles, in genere debita (§. 527.) Nimirum res fungibiles tales esse desinunt, quando in specie debentur (§. 515. 527.) Hæc vero ratio est, cur compensatio non habeat locum adversus depositum (§. 541.) & commodatum (§. 515.)

§. 757.

De datione in solutum.

In solutum dari dicitur res, quæ loco ejus solvitur, quæ debebatur. In solutum igitur dari potest res quæcumque, ast cum præcise sit solvendum (§. 751.) non nisi volenti, aut quando præcisa solutio impossibilis (§. 60.) cumque operæ æquiparentur rebus in dominio existentibus (§. 225.) etiam operæ in solutum dari possunt. Et quia jus tuum mihi cedere potes (§. 342.) in solutum quoque dare mihi potes, quod alius tibi debet, jus tuum mihi cedendo. Quamobrem cum debitor invitatus ad dationem in solutum compelli possit a creditore, si impossibile sit, ut rem debitam solvat (§. 80.) si quod alius debet, in solutum dat jus suum cedendo, cessio necessaria vocatur; qualis etiam revera est. Datione in solutum debitorem liberari, abunde liquet (§. 749.)

§. 758.

§. 758.

Novatio dicitur mutatio obligationis prioris in aliam, scilicet quoad debiti causam, vel modum debendi, eodem creditore ac debitore manente, veluti si inter nos convenit, ut ducentos thaleros, quos ex emto debes, ex mutuo debeas. Novatio itaque obligationem veterem perimit, & novam in ejus locum substituit, consequenter debitor a priore debito liberatur (§. 749.) & unice ex posteriore obligatione tenetur. Quamobrem cum omne jus creditoris, quod ex priori obligatione habebat, extinguatur (§. 46.) creditor fidejussores non amplius sibi obligatos habet & jus prioritatis præ aliis debitoris sui creditoribus amittit, nec fidejussio, utpote semel extincta, reviviscit, etiam si a novatione discedant partes & ad veterem obligationem redeant, reditu revera non existente nisi nova novatione. Cum mora pertineat ad veterem obligationem (§. 417.) per novationem mora purgatur (§. 418.) Ex eadem ratione novatio impedit commissionem pænæ, priori obligationi adjectæ. Quia invito jus semel quasitum auferri nequit (§. 100.) novatio fieri nequit nisi mutuo creditoris & debitoris consensu, qui cum de jure suo, prouti ipsis visum fuerit, disporre possint (§. 314.) novando in obligatione veteri mutare possunt, quæ placuerint, atque ideo debitum conditionatum vel in diem converti potest in purum; vel contra. Huc vero referri non debet, si debitum sub conditione vel in diem pure novetur, cum saltem obligatio mutetur, non vero modus debendi; in casu priori novatio non fit nisi conditione existente eadem, in posteriori statim quidem perfecta est, sed debitum novum exigi nequit, antequam dies venerit. Quia novatio perimit obligationem priorem, qua solvendo

De novatione.

adjecto liberari poterat (§. 661. 751.) in novatione adjectus non intelligitur, qui priori adjectus fuerat; ast quia novatio cuilibet mutationi locum facit; in novatione adjici potest, qui in obligatione priori non erat adjectus. In cessione eadem manet obligatio (§. 338.) ea igitur non fit novatio. Ex eadem ratione non fit novatio, si terminus solutionis prorogetur, si ex intervallo tertius adjiciatur, cui solvi possit (§. 661.) vel accedat fidejussor (§. 569.) vel pœna obligationi adjiciatur, quæ ab initio adjecta non fuerat (§. 410.) neque fit in constituto (§. 660.) Sed cum chirographo probetur debitum (§. 652.) si chirographum vetus redditur & ejus loco aliud accipitur, novatio fit. Quoniam vero ex definitione novationis patet, quando fit novatum; naturaliter opus non est, ut quis expresse dicat, se non habere animum novandi; in casu tamen dubio, quando, quod actum est, fieri potest & novandi animo, & sine eo, veluti si tu mihi debes centum ex emto, & ego consentio ex intervallo, ut eos mihi solvas cum usuris post biennium, nisi novatum esse debeat, expresse dicendum, quod agitur, fieri absque animo novandi (§. 318.)

§. 759.

De delegatione. Delegatio est pactum, quo debitor vice sua alium debitorem expromittentem creditori substituit. Qui substituit, vocatur *Delegans*; qui substituitur, *Delegatus*: creditor vero, cui fit delegatio, *Delegatarius*. Cum nemo alteri obligari possit ultra voluntatem suam (§. 317.) nec jus acquiri sine acceptatione (§. 316.) delegatio perficitur delegantis, & delegati & delegarii consensu, scilicet delegatus promittit deleganti, quod expromittere velit, delegatus delegatario, quod ipsi solvere velit, & delegatarius expromissionem acceptat. Unde statim patet, per delegationem delegan-

gantem liberari, & delegatum solum delegatario manere obligatum, consequenter si delegatus non fuerit solvendo, ad delegantem non patere regressum. Nulla vero in eo difficultas est, naturaliter opus non esse, ut delegatio fiat inter partes omnes presentes uno actu, & fieri posse absque animo, vel cum animo novandi, consequenter, cum debitorem meum alteri delegans vel ita convenire possim, ut solvat creditori meo tamquam a me debitum, vel tamquam ex eadem causa, qua mihi debebat, vel denique ut nova contrahatur cum delegatario obligatio, quando debitorem meum alteri delego, novatio fit vel cum delegato, vel cum delegatario, vel cum utroque. Cum jus quæsitum nemini auferri possit (§. 100.) delegatio semel perfecta revocari nequit a delegante (§. 314.) consequenter nec prohiberi ab eodem potest, ne delegatario solvatur, ac ideo nec solutio a delegato sibi sponte oblata accipi. Si facultates delegati delegatario non fuerint perspectæ, nil obstat, quo minus delegans delegatario promittat, se soluturum, si in termino solutionis non sit solvendo. Quoniam itaque tunc delegatio facta sub hac conditione, si in termino solutionis delegatus fuerit solvendo; ea non ante valida, quam si in termino solutionis solvendo fuerit (§. 396.)

§. 760.

Assignatio est actus, quo debitor soluturus substituit alium, quem rogat, ut vice sua solvat, vel solvere jubet. Qui alium substituit, Assignator; qui substituitur, Assignatus vocatur. Quod si ergo creditor nomen assignatum in solum accipit, debitor liberatur; si non accipit, non liberatur nisi solutione ab assignato accepta (757. 749.) Cum per assignationem nihil mutetur in obligatione, nisi in solum accipiat; assignando quoque

De assignatione.

nihil novatur, nisi nomen assignatum in solutum accipiat. In omni autem casu si assignatus solvit, & debitor principalis, & fideiussores liberantur (§. 749. 750.)

§. 761.

De confusione
debiti &
crediti

Confusio debiti & crediti dicitur, quando contingit, ut, qui erat debitor, idem fiat creditor, veluti si creditor sit heres debitoris. Confusione igitur debiti & crediti debitor liberatur (§. 749.)

C A P U T XVIII.

De modo finiendi lites in statu naturali.

§. 762.

Quid sit
ius contro-
versum &
lis.

Jus controversum dicitur, si duo, vel plures eandem rem tamquam suam, vel sibi debitam prætendunt, vel jus, quod unus habere prætendit ad præstationem alterius, alter negat. Et qui hoc faciunt, litigare dicuntur: ipsorum vero de jure controversia, quæ in reciproca contradictione de jure eodem sibi competente consistit, *Lis* vocatur, veluti si tu affirmes, tibi competere dominium in hoc prædio, neges competere mihi, ego autem affirmo id mihi competere, tibi competere nego, vel si tu affirmas me tibi debere centum aureos, ego nego. *Res* vero, de qua litigatur, *litigiosa* dicitur.

§. 763.

De amica-
bili compo-
sitione.

Decessio a lite gratuita, quando scilicet jus controversum uni ceditur, alter vero nihil vicissim accipit, *amicabilis Compositio* vocatur. *Lis* igitur *amicabili compositione* finitur, & qui nihil accipit, se obligat, quod nihil rei litigiosæ causa ab altera.

altero, qui totam accipit, petere velit, consequenter is jus suum, quod habere putat, remittit (§. 337.) ut ideo amicabile compositio naturaliter licita (§. 342.) Quamobrem cum prætensio ipsius extinguatur (§. 337.) ea renovari nequit, facta amicali compositio. Enimvero cum hoc negotium inter me & te saltem geratur, a nobis vero tertio jus, si quod habet, auferri nequeat (§. 100.) facta amicali compositio non tollitur jus tertii.

§. 764.

Quod si litigantes inter se conveniunt, ne a li- De tran.
te gratuito discedatur, sed aliquo dato, vel re- satione.
tento, vel promisso, conventio hæc Transactio
dicitur. Transactio igitur lis finitur, & transi-
gentes se sibi invicem obligant, quod rei litigiosæ caus-
sa neutra pars ab altera petere velit, quam quod con-
ventum fuit, consequenter facta transactio præ-
tensio renovari nequit (§. 438.) Enimvero in tran-
sactione convenitur, quinam rem litigiosam totam ha-
bere debeat, & quid vicissim præstandum alteri, vel
quomodo inter partes litigantes sit dividenda, & num
ad certas præstationes alter alteri præterea obligatus
esse debeat. Patet autem, ut ante (§. 763.) tran-
sactione non tolli jus tertii. Cumque transactio
pactum sit (§. 438.) ob easdem causas a transa-
ctione discedere licet, ob quas discedere licet a pa-
cto (§. 442.) Est autem Transactio vel genera-
lis, quæ extenditur ad omnes prætensiones spe-
ciales, quæ sub ista generali comprehendi pos-
sunt, sive tum, cum fieret transactio, fuerit
cogitatum, sive minus, veluti si transigitur de
omni quacumque prætensione, quæ ratione præ-
dii controversi obvenire poterat ex causa da-
ta: vel specialis, quæ ad res certas, sive
qua speciem, sive qua quantitatem tantummo-
do restringitur, veluti quando transigitur de

dominio prædii, vel de certa quantitate fructuum ex prædio, aut certa quantitate frumenti. Quamobrem in transactione generali renuntiat omnium prætensioni ad rem controversam, qualiscumque tandem fuerit; ast in speciali non renuntiat prætensioni ad eandem rem, siqua posthac appareat, sed ea salva manet (§. 340.)

§. 765.

De differe-
rentia
inter li-
ris deci-
sionem
& com-
positio-
nem.

Lis dicitur componi, si veritate in dubio relicta consensu litigantium terminatur, scilicet ut vel unus a prætensione sua desistat, vel ut utriusque prætensioni pro parte satisfiat. Sed Lis deciditur, si ad facta sufficienter probata principiis juris applicatis ostendatur, a cujus parte stet veritas, seu cuinam competat jus, quod in controversiam adducebatur. In transactione igitur & amabili compositione rei controversæ non fit decisio, sed lis saltem componitur (§. 763. 764.)

§. 766.

Quando-
nam lo-
cus sit a-
micabili
composi-
tioni &
transa-
ctioni.

Cum debitum liquidum certum sit (§. 756.) & ad idem solvendum debitor obligatus (§. 751. 756.) nec quisquam locupletari debeat re aliena (§. 721.) super debito liquido transigi nequit (§. 764.) nec de eo locum habet amabilis compositio (§. 763.) Quoniam tamen quilibet jus suum remittere, eidemque renuntiare potest, quamdiu nil committitur contra justitiam (§. 342.) debitum quoque liquidum vel totum, vel ejus partem, si creditor velit remittere, vel juri suo liquido sive in totum, sive ex parte renuntiare potest. Hæc tamen remissio & renuntiatio non est amabilis compositio, vel transactio, cum in hisce conventionibus remittatur jus incertum, vel eidem renuntietur. Quamobrem patet, amabili compositioni, nisi vocabulorum significatui vim inferre velis, non nisi locum esse in debitis illiquidis.

§. 767.

§. 767.

Vi libertatis naturalis a libera litigantium voluntate unice pendet, utrum litem amicabiliter componere, vel de re litigiosa transigere vetint, nec ne (§. 78.) cum tamen nemo locupletior fieri debeat re, vel ex re alterius (§. 271.) operanda est, ut illiquidum ad liquidum perducatur. Quoniam tamen necesse est, ut lis habeat exitum; sorte definiendum, cujusnam res litigiosa esse debeat, Quodsi vero impossibile fuerit illiquidum ad liquidum perducere, nec sorti committere compositionem litis consultum videatur; parti, cujus interest, ut lis componatur, cum tum aliter componi non possit nisi per transactionem (§. 764. 765.) utique competit jus partem alteram ad transactionem vi adigendi; quia nec jus probabiliter alicui competens eidem auferri potest (§. 100.)

Quid sit
juris, sit
debitum
fuerit il-
liqui-
dum.

§. 768.

Mediator dicitur persona, quæ ad rem controversam inter alios componendam operam suam confert, jure eam componendi destituta. Actus autem quo compositio a tertio vel perficitur, vel tentatur, Mediatio vocatur. Mediator itaque causam utriusque partis agit, in eo autem, quod ipsi visum fuerit, litigantes acquiescere non tenentur. Cum jure litem componendi destituatur; ipsius saltem est offerre conditiones, sub quibus rem controversam imponi posse sibi videtur, explorare litigantium de ea sententiam, & suadere ut conditiones oblatae vel a se, vel a parte alterutra acceptentur. Et quoniam causam partis utriusque agit; non uni parti magis fovere debet, quam alteri, consequenter cum studiosus partium, seu partialis dicatur, qui hoc facit; impartialis, qui non facit, impartialis esse debet, ac propterea

De Me-
diatione.

ex

ex communi utilitate & secundum rationes præten-
sionem utriusque partis de conditionibus statuere.
Unde patet, mediatoris quoque esse de conditioni-
bus, quæ utrinque offeruntur, iudicium suum inter-
ponere & iniquas condiciones a parte alterutra ob-
latas rejicere.

§. 769.

De tra-
ctatibus.

Tractatus dicuntur deliberationes de pacto
aliquo ineundo. Deliberationes autem sunt actus
intellectus, quibus expenditur, num quid po-
tius fieri, an non fieri debeat, & num hoc po-
tius modo, an alio fieri debeat. Quamobrem
deliberationes instituuntur vel de fine, vel de me-
diis, vel de utrisque, consequenter si tractatus in-
stituuntur componendæ controversiæ causæ, cum in
finem, controversiæ nimirum compositionem,
jam consentiant litigantes, de mediis potissimum,
hoc est, de modo componendi litem deliberatur. Cum
nemo alteri se obligare possit nisi promitten-
do (§. 380.) nec obligare nisi acceptanti (§. 381.)
quamdiu in modum componendi litem non consentiunt
litigantes, consequenter quamdiu intra limites tra-
ctatum subsistitur, nulla nascitur obligatio, nec jus
ullum acquiritur (§. cit.) Quamobrem si ad tra-
ctatus non accedat conventio, nihil actum est (§.
437.) Quoniam conventio nondum accedit,
si quod offertur, acceptatur ad deliberandum, vel a
mandatario ad ratihabendum; ex hac quoque ac-
ceptione nulla adhuc nascitur obligatio, conse-
quenter offerentem pœnitere licet, nisi perfectio ne-
gotii sub iis, quæ offeruntur, conditionibus expresse
in casu priori in accipientis, in posteriori in domi-
ni negotii arbitrium fuerit collata; cum jus con-
ditionatum accipienti, vel domino negotii qua-
situm auferri non possit (§. 396. 553.) Cete-
rum cum unicuique jus suum tribuere, nullius
vero

vero jus violare, & æquos nos omnibus, iniquos nemini præbere debeamus (§. 86.) in tractatibus quolibet pars rationes, tam proprias, quam partis alterius, ob quas rem suam esse, vel sibi deberi prætendit, trutinare jure interno debet, & juxta eas conveniendum. Atque hinc patet, easdem esse mediatoris partes (§. 768.)

§. 770.

Compromissum dicitur pactum, quo convenitur, ut stetur eo, quod certa quædam persona, vel plures dixerint. Et *Arbiter* vocatur persona, quæ per compromissum eligitur, ut rem controversam decidat; jus rem controversam decidendi in arbitrum collatum *Arbitrium*; sententia autem, qua controversiam decedit arbiter, *Laudum* appellatur. *Partes* igitur litigantes in laudo acquiescere tenentur, ideoque arbiter finem controversiæ imponit. Differt ab arbitro *Arbitrator*, qui eligitur, ut rem controversam componat, non tamen jure decidendi in eum translato; consequenter in sententia arbitratoris acquiescere non tenentur partes, vel ubi ea displicuerit parti uni, aut utrique, nihil actum, sed utriusque præsentio salva est. Quoniam itaque arbitrator se habet per modum mediatoris (§. 768.) idem arbitratoris, quod mediatoris officium est. Arbitrator quasi medius est inter mediatorem & arbitrum. Non deliberat cum partibus, quemadmodum mediator, nec sententiam definitivam fert, sicuti arbiter, sed partibus deliberandum relinquit, quid de sententia sua statuere velint. Cum promissio acceptata revocari nequeat (§. 427.) compromissum parte altera invita revocari nequit (§. 438.) mutuo tamen dissensu, sicuti pactum aliud quodvis (§. 444.) dissolvi potest, consequenter arbitrium mutuo consensu

De compromisso
in arbitrum &
arbitratore.

sensu revocare possunt partes , adeoque rem quæ controversam amicabiliter componere , vel de ea transigere , etiamsi arbiter arbitrium jam receperit , immo si ejus arbitrio uti displicuerit , alium sibi arbitrum eligere .

§. 771.

De arbitrio suscipiendo & renuntiando .

Ut libertatis naturalis nemo ad arbitrium suscipiendum cogi potest (§. 78.) Enimvero cum arbitrium recipiens promittat ipso facto , quod controversiam decidere velit (§. 379.) consequenter partibus sese ad hoc faciendum obliget (§. 380.) arbitrium receptum partibus inuitis renuntiari nequit (§. 100.) Renuntiare nimirum arbitrium dicitur arbiter , si partibus significat , se controversiam decidere nolle .

§. 772.

De officio arbitri & qualis esse debeat .

Quoniam arbiter controversiam , seu litem decidere debet (§. 770.) adjudicare debet , cujusnam sit res controversa , vel cuiam parti quid debeat , cuiam non debeat , consequenter pronuntiare , utrum ei , qui jus aliquod adversus alterum habere prætendit , revera competat , nec ne . Et in hoc pronuntiato laudum consistit (§. 770.) Hinc sua veluti sponte sequitur , ut arbiter sit imparialis (§. 768.) cumque respectus personarum sit determinatio voluntatis , vel noluntatis per motiva a persona desumpta , in cujus gratiam aliquid fit , seposita veritate ; nullo prorsus habito respectu personarum . Cumque vir bonus dicatur , qui justitiam & honestatem amat , quicquid eidem adversum odit ; qualis quilibet esse debet (§. 86. 49.) consequenter vir bonus intelligere debeat , quid justum & honestum sit , quid injustum & inonestum , adeoque & æquum atque iniquum (§. 83.) veritatis idcirco amans ; arbiter quoque vir bonus esse debet , ac per consequens intellige-

ligere, quid justum & injustum, æquum & iniquum sit, ac veritatis amans esse, & propterea a neutra parte se muneribus corrumpi minime pati tenetur.

§. 773.

Quando partes de jure litigant, Actor vocatur, qui jus prætendit, quod pars adversa ipsi competere negat: Reus autem vocatur, a quo tributio juris petitur. Quamobrem cum arbititer litem decidere debeat (§. 770.) pronuntiare debet, utrum actori competat jus, quod prætendit; consequenter reus ad hoc tribuendum ipsi sit obligatus, nec ne (§. 765.) Quamobrem in facti notitiam inquirere & ut quoad omnes circumstantias aontra negantem probetur curare, ac tandem ad factum leges, hoc est, in statu naturali jus naturæ applicare debet. Unde patet, arbitrum legum, & in statu naturali juris naturæ peritum esse debere.

§. 774.

Cum arbititer ad factum leges applicare debeat (§. 773.) actor factum narrare & quod a reo negatur probare, reus autem ad narrationem facti respondere debet, utrum id pro vero habeat, nec ne, aut unum saltem circumstantias quasdam neget & quænam contra ea, quæ admittit, excipiat, ab eo sufficienter probanda contra actorem negantem (§. cit.)

§. 775.

Quoniam Instrumentum scriptura est, in quam ea, de quibus paciscentes inter se convenerunt, redacta sunt, vel factum quoddam, ob quod alteri jus quoddam competit, aut non competit, relaturn est; per instrumenta, quæ pars adversa, contra quam produciuntur, tamquam vera admittit,

tit, & adversus quæ nihil excipere valet, probantur facta. Quamobrem cum hunc habeant usum instrumenta, si de negotio bilaterali, quando scilicet utraque pars se obligat ad certas præstationes, instrumentum conficitur, ab utraque parte subscribendum & utrique parti exemplar ab utroque subscriptum tradendum: si vero de unilaterali, quando saltem una pars alteri ad quasdam præstationes se obligat, nonnisi ab ea parte subscribendum, quæ se alteri obligat, & tradendum ei, cui obligatur. Ne vero lis oriatur de instrumento, quæ vitari poterat; quando duo instrumenti exemplaria conficiuntur, in eo exprimendum est, duo fuisse confecta, ab utraque parte subscripta, ac unicuique parti unum traditum fuisse. Ex definitione instrumenti patet, epistolam, qua absenti quid significatur, esse instrumentum, veluti in qua debitor fatetur debitum centum aureorum, chirographum item (§. 652.) & apocham (§. 654.) nec non protocollum, cum hoc nomine significetur brevis annotatio rei gestæ, memoriæ causa facta, si in statu naturali a parte adversa subscribatur, vel etiam personis aliis præsentibus fide dignis; cum ab his recognitum pro vero habendum sit. Ceterum hinc etiam patet, protocolla quoque fieri, ut ex iis conficiantur instrumenta. Istiusmodi autem protocollum, ex quo instrumentum conficiendum, Punctatio, a nonnullis Imbreviatura dicitur. In casu dubio si instrumentum dissentiat a protocollo, præsumtio est pro protocollo; cum enim facti sit, ut pacificentes aliquid in instrumento mutuo consensu immutaverint, de quo ante convenerunt, id a parte affirmante probandum. Lis igitur hæc ut evitetur; instrumentum ab alio confectum, antequam subscribatur, relegendum & cum protocollo conferendum (§. 52.) id quod facere etiam tenentur testes, qui

qui adhibentur, ut veritatem rei sic gestæ attestentur, non vero si tantummodo adhibentur, ut attestentur, instrumentum hoc partium consensu esse confectum; cum in hoc casu opus non sit, ut norint, quam in instrumento contineantur. *Instrumentum originale* vocatur, quod mutuo partium consensu confectum; *Copia* vero, five *Exemplum*, quod ex originali descriptum. *Copia* igitur per se nil probat, nisi quatenus constat, eam cum originali instrumento consentire, consequenter, cum *Copia* vidimata dicatur, cujus cum originali conformitatem attestantur personæ fide dignæ, si vidimata fuerit.

§. 776.

Charta blanca dicitur charta vacua, quam a se subscriptam & sigillo suo munitam quistradit alteri, ut eam certi negotii causa scriptio-
ne sua repleat. Cum utique chartam blancam dans fidem accipientis sequatur, quod non scripturus sit, nisi quæ scribi voluit, & accipiens ab omni fraude animum alienum habere debeat (§. 286.) *charta blanca* obligat subscribentem & sigillantem ad id præstandum, quod in scriptio-
ne promittitur, & accipiens danti tacite se obligat ad nihil in ea scribendum, nisi quod is in ea scribi vult, vel intentioni ejusdem convenit, quod si vero quidpiam scripsit, ad quod te obligare nolui-
sti, vel quod a veritate rei gestæ abhorret, ad id præstandum, vel eo standum minime obligaris. Ast cum per se pateat, nude asserenti credi non posse; contra voluntatem tuam, vel rei veritatem quedam scripta esse, probandum. Litis ergo evitandæ causa in subscriptione chartæ blancæ, si fieri potest, determinate exprimendum, in quem finem detur.

*De
charta
blanca.*

§. 777.

§. 777.

De bacillis fissis. Bacilla fissa dicuntur, quæ incisus crenis demonstrant, quantum pars una dederit, altera acceperit, vel etiam una alteri præstiterit, quæ ad certum præstationum numerum fuerat obligata. Quoniam utraque pars in hoc consensit, ut per bacilla fissa probari facta possint; per ea data & accepta, vel ab alterutra parte præstata probantur; consequenter debitum in casu priori & solutum in posteriori probatur.

§. 778.

De probatione per testes.

Testis dicitur persona, quæ ad fidem faciendam de re gesta, seu facto aliquo adhibetur. Quamobrem facta per testes probantur. Quoniam itaque pro vero habendum, quod testis narrat; in eo requiritur & facti notitia, & animus moraliter verum loquendi (§. 347.) ne scilicet vel ipse fallatur, vel fallat (§. 356.) consequenter ut de notitia facti minor sit dubitatio; necesse est ut præsens fuerit, quando id fiebat, de quo quæritur. Testis oculatus dicitur, qui narrat, quæ præsens sensu percepit: auritus vero, qui ab alio audita narrat. Et Testis verus vocatur, qui moraliter verum loquitur; falsus vero, qui moraliter verum non loquitur. Quodsi non demonstrationes, ob quas verum moraliter non dicturus, vel dicere præsumitur, Testis suspectus audit; qui ideo ad testimonium afferendum non admittendus: est in quem nulla cadit suspicio, quod moraliter verum non dicat, Testis integer. Quoniam testis ad probanda facta adhibetur; ad dicendum verum naturaliter obligatur (§. 134.) consequenter falsum testimonium mendacium est (§. 351.) & ut testimonio tanto securius fides haberi possit, testis promittere debet, se moraliter verum dicturum.

rum (§. 380.) utque tanto minus suspicari pos-
simus, testem moraliter verum non dixisse, cum
juramentum arceat omnes tacitas exceptiones
ac conditiones, neque admittat reservationes
mentales (§. 369.) *jurare, quod verum sit di-*
cturus, aut testimonium suum juramento consummare.
Enimvero cum logice falsum esse possit, quod
moraliter verum est (§. 347.) ad probationem
vero facti requiratur veritas logica, quod per
se patet; *testis unus, etiamsi juratus ac minime su-*
spectus sufficienter non probat, ac ideo probatio per
testem unum minus plena est; cum Probatio semi-
plena dicatur, qua factum minime sufficienter
probat: sicuti ex adverso Probatio plena, qua
factum sufficienter probatur. Quoniam veritas
logica non nisi unica est (§. 347.) *quod duo, vel*
plures testes jurati, qui jurando a se dimoverunt
suspicionem, quod moraliter verum non dicant,
simul affirmant, id pro logice vero habendum, ac
ideo pro sufficienter seu plene probato, consequen-
ter negans hoc contra se pro vero admittere tene-
tur, & propterea pro convicto habendus. Nimi-
rum cum probatio aliter exitum habere nequeat,
etsi absolute impossibile non sit, ut logice fal-
sum sit, quod per testes hoc modo probatur:
ea tamen admittenda. Eam enim certitudi-
nem, quæ demonstrationibus mathematicis
debetur, hic frustra requisiveris.

§. 779.

Cum voluntas determinetur per motiva, re-
presentationem scilicet boni, vel mali, conse-
quenter testimonium falsum dicatur, vel spe
boni obtinendi, vel mali fugiendi causa: vel in
favorem ejus, pro quo, aut in odium ejus, contra
quem juratur; si *testis suspectus est, necesse est, ut vel*
spe boni, vel metu mali, vel in favorem, aut odium fal-
sum testimonium dicturus videatur, etiam juratum. At-
(*Wolffii Instit. J. N. & G.*) X que

*Quinam
testari
possint.*

que hinc obstetricantibus circumstantiis singularibus, per quas ea probantur, suspicio oritur. Inde autem sequitur, ut testis suspectus non sit admittendus, cumque ob rationes dictas testis in propria causa suspectus sit, ex qua nempe commodum quoddam sperat, vel incommodum metuit; is ad testimonium afferendum admitti nequit, consequenter nec socius in causa communi testis esse potest. Et quia in teste requiritur notitia facti (§. 778.) nemo testari potest de rebus, que in intellectum ipsius non cadunt, aut ad quæ animo non attendit. Nulla vero ratio naturalis est, cur femina testari nequeant; consequenter admittende. Quamvis autem ex rationibus generalibus a qualitate certarum personarum desumptis, veluti quando queritur, an debitor testis esse possit in causa creditoris, & contra, socius in causa socii non communis, consanguineus in causa consanguinei, levis aliqua moveri possit suspicio, cur testes minus idonei habeantur, ac ideo, si alii haberi queant, iisdem postponendi sint: ex iisdem tamen solis, nisi accedant rationes particulares manifestæ, vix ac ne vix quidem adeo suspecti reddi possunt, ut ad dimovendam suspensionem ne quidem iuramentum sufficiat. Ne vero pars ulla de integritate testis querelas movere possit, qui per testes pro se aliquid probare vult, ipse eos producere debet; si vero contra quem per testes quid probandum, is ante audiendus, aut fidem eorum suspectam reddere velit, an possit, quam admittantur.

§. 780.

De qua
re &
quomo-
do testi-
monium
terbi-
tendum.

Cum facta per testes probanda non aliter, quam sensu cognoscantur (§. 778.) res, de qua testimonium perhibendum, in sensus incurvere debet, ac per consequens testis narrare non debet, nisi quæ

quæ sensu percepit; si vero dicat, quæ sensu percipere non potuit, testimonium nullum est. Et ne fallæ interpretationi testimonium sit obnoxium; narrare debet, quæ sensu percepit, verbis propriis, neque vagis, sed fixis (§. 346.)

§. 781.

Si res controversa aliter probari nequit, veluti deficientibus idoneis instrumentis (§. 775.) vel testibus (§. 778.) aut saltem non sufficienter, cum aliter lis exitum habere nequeat, quem tamen habere debet; per juramentum in casu priori probanda, in posteriori defectus probationis supplendus. Et ob rationem eandem, si adversus aliquem militent præsumptiones, aliter non elidendæ, per juramentum elidendæ sunt; cum is probare debeat, falsum esse, quod contra ipsum præsumitur.

De probatione per juramentum.

§. 782.

Juramentum assertorium est, quod præstatur de veritate dictorum, quibus aliquid affirmatur vel negatur; suppletorium, quo defectus probationis suppletur; ut ideo juramentum suppletorium ex probatione semiplena efficiat plenam (§. 778.) purgatorium, quo quis præsumptiones adversus se militantes elidit, cum purgare se dicatur, qui a suspicione, in quam adductus est, se liberat: juramentum litis decisorium, quod eo fine præstatur, ut lis sit decisa: consequenter juramento litis decisorio finis liti imponitur. Dividitur autem hoc in voluntarium, quando partes inter se conveniunt, quod per juramentum decidi debeat res controversa; & necessarium, quando deficientibus aliis probationibus factum, a quo pendet decisio rei controversa, aliter probari nequit, quam per juramentum, aut saltem

De speciebus juramenti.

Supplendus probationis defectus. Denique juramentum promissorium est, quo jurato quid promittitur; seu quod promissionem continet.

§. 783.

De de-
latione
jura-
menti

Juramentum alteri deferre dicitur, qui sufficienter significat velle sese, ut juret. Quamobrem si aliae probationes deficiunt, aut quod probandum erat, non plene probatum fuit, arbiter juramentum deferre potest (§. 781.) consequenter juramentum ab arbitro delatum partibus necessarium est, ac in specie suppletorium. Ex eadem ratione juramentum quoque coram arbitro deferri parti a parte potest, cum tamen ipsius sit omnis cognitio (§. 770.) eodem approbante; immo ob eandem rationem actor reo super eo, quod hic negat, & reus actori super exceptionibus a se propositis; cum nemo testis esse possit in propria causa (§. 779.) consequenter nec juramento probare, quod negatur a parte altera. Quoniam tamen ad juramentum non deveniendum, si probatio alia in promptu sit (§. 781.) si pars parti coram arbitro juramentum defert, & ea, quod juramento probandum, aliter probare velit, ad probationem admittenda: quam tamen deficiente juramentum adhuc praestandum (§. cit.)

§. 784.

De re-
latione
& recu-
satione
jura-
menti

Juramentum referre dicitur, qui, cum juramentum sibi delatum acceptare nolit, sufficienter declarat, malle sese, ut pars altera, quae dicit, juramento confirmet: aut juramentum recusare, qui sufficienter significat, se jurare nolle, seu juramentum sibi delatum, vel relatum acceptare nolle. Enimvero quoniam jurare nolens nondum vult alterum jurare; qui juramentum recusat, ideo id deferenti nondum referre intelligitur,

Quo-

Quoniam partes stare tenentur eo, quod arbitro visum fuerit (§. 770.) *juramentum ab arbitro delatum recusari ac parti adversæ referri nequit*. Enimvero si pars parti *juramentum desert*, cum tunc liberum sit ei, cui *juramentum delatum*, an ipsa jurare velit, an vero alteram jurare malit (§. 78.) nulla existente obligatione contracta qua libertas naturalis restringitur; *juramentum referri potest*, cumque deferens voluerit juramento decidi, quod controversitur, nec temere Deum testem invocari velle debet (§. 360. 361.) *relatum recusari nequit*. Et quoniam acceptans *juramentum tacite promittit*, ac ideo se obligat ad jurandum (§. 380.) *juramentum delatum, si acceptatum fuerit, recusari nequit*. Ceterum *juramentum suppletorium & purgatorium per se tale est, ut recusari, aut referri nequeat* (§. 782.)

§. 785.

Quoniam qui jurare obligatur, jurare autem non vult, sufficienter significat, se salva conscientia jurare non posse; id contra non jurantem pro vero habetur, *cujus causa jurare debebat*. Quamobrem si *juramentum acceptatum, vel ab arbitro delatum recusatur, contra recusantem pro vero habetur id, cuius causa jurandum erat*.

De eo qui jurare non vult, cum debeat.

§. 786.

Juramentum remitti dicitur, si facta acceptatione pars altera declaret, sese nolle ut actu præstetur, sed id pro præstito habere. Quamobrem, qui *juramentum remittit, contra eum pro vero habetur id, cuius causa jurandum erat* (§. 318.) Cum ejus, contra quem juratur, unice intersit, utrum actu juretur, nec ne (§. 781. 415.) ab ipsius quoque unice voluntate dependet, utrum jurari velit, nec ne (§. 78.) ac propterea *juramen-*

De juramento remissione.

tum tam ab arbitro delatum, quam a se sive delatum, sive relation, ubi viderit alterum ad iurandum paratum, remittere potest.

§. 787.

De duello.

Pugna dicitur actus, quo duo vi sese invicem impetunt. Quando unus vi impetit res alterius, saltem causa pugnae est, quatenus defensor rei suae vim ad resistendum adhibet. Pugna, de qua duo inter se conveniunt, quod per victoriam res controversa decisa, vel pugna lis diremta esse debeat, Duellum dicitur. Quoniam homo obligatur corpus suum & integritatem omnium membrorum ejus conservare (§. 112.) ac omne periculum vitae atque mutilationis membrorum a se avertere (§. 43.) atque eadem obligatio eundem tenet quoad alios (§. 141.) omne duellum naturaliter illicitum, consequenter nemini competit jus alterum ad duellum vi adigendi, & nemo alterum ad duellum provocare, nec provocatus id suscipere debet. Enimvero si quis eo animo vi adoritur alterum; cum unicuique natura competat jus se defendendi (§. 90.) ubi hic se defendit, duellum non est.

§. 788.

Quinam in pugna vincat.

In pugna vincere dicitur, qui alterum ab eadem desistere cogit; alii vinci, qui desistere cogitur. Unde sequitur, eum victum esse qui occiditur, qui vulneratur, ut diutius pugnare vel non possit, vel nolit, qui in fugam conjicitur, tum etiam qui sufficienter indicat, se diutius pugnare nolle, veluti arma abjiciendo, vel expressis verbis idem declarando.

§. 789.

An per duellum liceat

Cum ex eo, quod alterum in pugna viceris, intelligi minime possit, victorem habet causam

fam justam (§. 788.) duellum non est modus aptus decidere decidendi causam controversam (§. 765.) Similiter quia famam aliter defendere non datur nisi ostendendo falsa esse, quæ alter famam nostræ adversa dixit (§. 126.) duellum quoque non est modus aptus tuendi famam (§. 787.) Et quia naturaliter illicitum (§. cit.) nec convenire licet, ut per victoriam in duello, quasi per sortem (§. 669.) causa controversa sit decisa, aut per duellum, sive vincas, sive vincaris, macula famæ, quæ adpersa fuerat, iterum sit absterfa.

§. 790.

Quoniam jus vi adversus alterum persequi non possumus, antequam certo constet, nobis id competere (§. 88. 89.) in causa dubia nemini jus belli per se competit, consequenter bello lacessere alterum, ut vi armorum extorqueas, quod pretendis, minime licet. Quamobrem cum in causa dubia lis finienda sit vel per amicabilem compositionem (§. 763.) vel per transactionem (§. 764.) adhibitis, si ita visum fuerit, mediatoribus (§. 768.) vel per arbitros (§. 770.) vel denique per sortem (§. 670.) in causa dubia vel amicabilis compositionis, aut transactionis causa, adhibitis mediatoribus, sive absque iis colloquia instituenda sunt, vel in arbitrium compromittendum, vel diremtionis sorti committenda. Quoniam tamen nemini jus suum auferri potest invito (§. 100.) etsi adhuc dubium sit, cum periculum superfit, ne jus eidem adimatur, quamdiu dubium fuerit, cuinam litigantium parti revera competat; si quis in causa dubia colloquium amicabilis compositionis, aut transactionis causa acceptare noluerit, nec in arbitrium compromittere, multo minus in sortem consentire velit, offerenti competit jus eundem vi ad transactionem adigendi, consequenter jus belli transa-

An in
caussa
dubia
jus belli
compe-
tat.

tionis causa gerendi (§. 98.) Eodem modo patet, si quis in colloquio, vel etiam per mediatorum aequas condiciones oblatas acceptare nolit, adversus eundem alteri competere jus belli, ut is vi ad transactionem adigatur. Cumque homines non urgente obligatione periculum vitae, aut integritatis membrorum amittendæ, vel statum suum imperfectiorem reddendi subire non debeant (§. 131.) nec bello locum faciat natura, sed malitia hominum, obligationi suæ satisfacere nolentium (§. 99.) in causa dubia pars utraque obligatur querere aequas condiciones, quibus bellum vitetur.

§. 791.

An propter possessionem belli competit.

Cum possessor de possessione vi deijci nequeat, antequam pars altera jus suum probavit (§. 288.) in causa dubia nemini competit jus alterum cogendi, ut de possessione decedat, consequenter si res controversa ab altero possideatur occupatio bellica possessionis illicita (§. 98.) ac propterea condiciones, quibus bellum vitetur, magis querere obligatur, qui petit, quam qui possidet.

§. 792.

De oppignoratione necessaria.

Quoniam naturaliter cuilibet constitutum est jus in bonis debitoris, ut, nisi debito tempore solvat, ex iisdem ipsi satisfiat (§. 705.) si qui rem tuam detinet, eam restituere non vult, aut non solvere, quod debet, naturaliter rem aliam ipsi auferre licet, non ante reddendam, donec tuam, vel tibi debitum acceperis. Cum in eo pignoris capio consistat; pignoris capio naturaliter licita est, & de ea porro tenenda, quæ de pignore demonstrata sunt (§. 697. & seq.) Patet autem, pignoris capionem esse oppignorationem necessariam.

§. 793.

De expletione juris.

Cum nemini jus suum invito auferre liceat (§. 100.) nemo quoque hoc pati teneatur (§. 89.) si quis

si quis rem tuam, quam detinet, tibi restituere, aut debitum solvere noluerit, loco rei tuæ, vel tibi debitæ auferre eidem licet aliam ipsius, quæ tantundem valet, (a) cum tamen locupletior fieri nequeas ex re aliena (§. 271.) quantum ea pluris est, detentori, vel debitori restituere debes. Per se autem patet quod, si is statim restituere velit, quod tuum est, aut debitum solvere, quoniam tum cessat ratio, cur ex re alia ipsius tuum consequaris, res ablata restituenda. Ablatio rei alienæ loco suæ, vel sibi debitæ, si eam a detentore, vel debitore consequi non possumus, expletio juris appellatur. Expletio itaque juris naturaliter licita. Patet autem, expletionem juris non ante perfici, quam ubi constiterit, detentorem rem tuam restituere, aut debitorem debitum solvere nolle, ut suam recipiat, consequenter spatium aliquod deliberandi in casu dubio indulgendum. Quoniam vero necesse est, ut de re expletionis juris causa ablata disponere pro lubitu possis, modo nil committatur, quod juri detentoris, vel debitoris adversum (§. 86.) siquidem ex ea tibi satisfieri debet; expletionem juris facta, dominium in re ejus causa ablata acquiritur (§. 195.) Immo alias expletio juris prorsus inutilis foret.

CAPUT XIX.

De Interpretatione.

§. 794.

Interpretari idem est ac certo modo colligere, quid quis per verba sua, aut signa alia indicare voluerit. Unde Interpretatio est investigatio mentis per verba aliaque signa indicata. Interpretatio quid sit

§. 795.

(a) Juris ordine servato.

§. 795.

Cur opus sit interpretatione. Si singula verba fixum ac determinatum haberent significatum, ut scilicet semper in eodem significato acciperentur, neque nunc plus, nunc minus per ea indicaretur, & loquentes semper mentem suam iisdem sufficienter exprimerent; nulla opus foret interpretatione: contrarium vero cum obtineant, interpretatione opus est.

§. 796.

An promittens verba sua, vel promissarius eadem interpretari possit.

Quoniam jus ex promissione acquisitum (§. 379.) promissario auferri nequit (§. 100.) sed contra promissorem pro vero habendum quod sufficienter indicavit (§. 318.) in promissis, consequenter etiam in pactis nemo verborum suorum esse potest interpretes, cumque acceptatione non plus juris acquiri possit, quam transferens in eum transferre voluit (§. 317.) nec promissario permittendum, ut verba promittentis interpretetur eo sensu, quo eadem intellecta velit.

§. 797.

De recta interpretatione.

Recta interpretatio dicitur, quæ fit per regulas interpretandi demonstratas; quas ideo & promittens & promissarius admittere tenetur. Quamobrem adversus promittentem valet, quod recta interpretatio jusserit, consequenter ad id cogendi promissorem jus promissario competit (§. 378.)

§. 798.

Quamvis si significati proprio inhaerent.

Quoniam paciscentes loqui obligantur, ut a se invicem intelligantur (§. 437. 438.) ideo uti debent verbis in eo sensu, quem fert usus loquendi, hoc est, proprio, & terminos accipere in significato recepto, consequenter scientes ac volentes a verborum significato proprio & significato terminorum rece-

recepto recedere non debent, ac propterea nec recessisse præsumuntur, quamdiu non adsunt rationes in contrarium. Unde porro sequitur, in promissis & pactis interpretandis, a communi usu loquendi non esse recedendum, nisi adsint rationes urgentes in contrarium. Ast quia usum loquendi successu temporis variari constat; pacta & promissa interpretanda sunt secundum usum loquendi ejus temporis, quo facta fuerunt.

§. 799.

Etymologia est expositio originis vocabulorum. Etymologus itaque inquit rationem, cur vocabula primitiva primitus ad has, vel illas res denotandas fuerint adhibita, & a quibusnam derivativa deducantur, ex quibusnam composita componantur, ac quinam sit vi derivationis ac compositionis significatus. Qui ab etymologia petitur significatus etymologicus, item grammaticus dicitur; quem cum non attendi constet in usu loquendi; in pactis & promissis interpretandis significatus etymologicus non attendendus. Vocabula nimirum significatum habent ab arbitrio hominum; ideoque tantummodo quæritur, quid iisdem significare velint.

De significatu etymologico.

§. 800.

Quia pacificentes loqui obligantur, ut a se invicem intelligantur (§. 437. 438.) in pactis & promissis interpretandis non admittendæ sunt reservationes mentales (§. 355.) Hisce sane admissis promissa quælibet eludi possunt.

De reservationibus mentalibus.

§. 801.

Cum ex intentione promissarii constet, quid sibi promitti voluerit; si manifestum fuerit, quinam verborum sensus conveniat intentioni promissarii,

De casibus villariis vitandis.

vii, non licet eum perducere ad alium, intentioni ipsius e diametro contrarium. Ita paciscentes, ne urbe dedita sanguis effundatur, vivi defodi nequeunt.

§. 802.

De ter-
minis
techni-
cis.

Quia termini technici eum habent significatum, quem inter artis peritos obtinent; iidem accipiendi sunt in significato apud artis peritos recepto, nisi adsint rationes urgentes in contrarium (§. 798.) Quod si vocabula aliquid significant secundum gradus, etsi definitiones fiant, prout res sunt in gradu perfectissimo, cum tamen iisdem non semper utamur in tam rigoroso significato, definitioni eorum non semper stricte inherendum, sed orationi cuius pars est vocabulum explicandum, conveniens definitio formanda, veluti si dicatur, standum esse iudicio philosophi, aut medici.

§. 803.

De ho-
mony-
mia &
amphi-
bolia.

Si obscuritas oritur ex homonymia, & amphibolia, cum tunc vocabulum, vel complexio verborum plurium plures habeat significatus, qui vero locutus est ad eum animum advertit se intelligatur, qui ipsi succurrere potuit; significatus conveniens materię, de qua agitur, ceteris præferendus. Vulgo dicitur: verba intelligenda esse secundum substratam materiam. Ita si triginta dierum inducię fuerint pactę, dies quoque noctem comprehendit.

§. 804.

De vi-
tando
absurdo.

Quia nemo absurdum velle præsumitur; ea interpretatio rejicienda, ex qua absurdum sequitur. Ita prohibitio, ne in platea quis sanguinem eliciat, non trahi potest ad chirurgum in platea

tea venam secantem, consequenter interpretatio ita facienda, ut absurdum vitetur. Cumque absurdum sit, paciscentem, vel promittentem nihil agere voluisse; ea interpretatio non admitenda, qua stante sequitur, nihil actum esse. Ex. gr. Si maritus uxori certam bonorum partem in pactis dotalibus permittit; quod ipsi legat in testamento, eo comprehendendi nequit.

§. 805.

Cum quis idem velle tamdiu præsumatur, quamdiu manifestum non est, quod mutaverit voluntatem; si quæ obscure dicuntur, in antecedentibus, vel consequentibus, vel alio loco & occasione sine obscuritate dicta sunt; obscure dicta ita interpretanda sunt, ut cum verborum perspicuorum significatu conveniant. Cumque brachyologiam amantes verba sua vel ad antecedentia, vel ad consequentia referant; ita facienda interpretatio, ut inferiora & superiora textus inter se concordent, nisi manifesto appareat, per inferiora superiora fuisse mutata.

De interpretatione ex antecedentibus & consequentibus.

§. 806.

Constat voluntatem determinari per motiva, quæ sunt ratio sufficiens volitionis. Quod si ergo constet, quænam ratio unice moverit voluntatem alterius, seu cur hoc voluerit; verba ita interpretanda sunt, ut eidem conveniant, consequenter si rationes plures conjunctim motivum constituent, iisdem conjunctim; si divisim, ut conveniant, singulis divisim. Exemplum esto de ægroto, qui mansit in navi, cum vi legis navis & res deberent esse ejus, qui remanserit.

De interpretatione ex motivis voluntatis.

§. 807.

§. 807.

De ver-
bis cum
relatio-
ne ad
aliquid
sumptis.

Facile per se patet, si per verbum quoddam, vel verborum complexio sumatur cum relatione ad aliquid, significatum, quem habet, quando simpliciter sumitur, ita immutandum esse, ut relationi isti conveniat. Ita majore anni parte possedit, se intelligitur, qui duobus mensibus possedit, si adversarius diebus paucioribus, aut nullis possedit.

§. 808.

De la-
tiori in-
terpre-
tatione.

Si quæ in pactis ad communem utilitatem spectant & utrique parti equaliter consulunt, cum nil obstat, quo minus verba sumantur in eo significatu, quem habere possunt, nec ulla ratio urgeat, cur ullo modo restringantur; sumenda utique sunt secundum totam proprietatem usus popularis, aut, si plures sint, eam, quæ latissime patet, nisi vel absurdum quid, vel pacti inutilitas inde sequatur (§. 803.) Dicitur autem significatus latior, quando eadem verba plura significant, quæ etiam pauciora significare possunt, ac interdum solent, veluti si qui de masculis loquitur etiam feminas complectitur, aut quando idem est nomen generis, quod specie, vel pro substrata materia verborum aliqua complexio ad plura extenditur.

§. 809.

De stri-
ctiori in-
terpre-
tatione.

Si qua partem alteram saltem onerant, aut plus onerant alteram, cum nemo præsumatur se nimis onerare velle, in casu dubio verba sumenda in significato strictiori, immo etiam admittitur aliquantulum figuratus, ut onus nimium vitetur. Ita auxilia promissa ab una parte potentiori, intelliguntur promissa impendiis ejus, cui promittuntur. Similiter cum poena promissioni adjecta onus sit (§. 409. 410.) verba, quæ poenam continent; in
stri-

strictiori quoque significato accipienda, scilicet ut admittatur iusta excusatio, quæ liberet a pœna, nec quævis culpa ad pœnam imputetur. Dicuntur nimirum verba sumi in significato strictiori, si pauciora significant, cum etiam plura significare possint.

§. 810.

Cum interpretatione id agatur, ut ostendatur, quid per verba qui locutus est significare voluerit (§. 794.) consequenter de quonam cogitaverit, cum loqueretur; interpretatio facienda de eo, de quo vel similiter fuit cogitatum, non vero contra idem. Exemplum est argentum legatum uxori pauperi a marito divite, si paucum sit in arca, plus in tabulis. Quoniam vero non semper animo nostro obversantur omnes circumstantiæ, quæ circa negotium occurrere possunt, ut qui loquitur in exprimendis animi sui sentis earundem rationem habere possit; interpretatio ita facienda, quemadmodum eam faceret, qui locutus est, si præsens esset, vel si eidem cognita fuissent, quæ nunc palam sunt. Ita prætor in confirmando tutore sequitur utilitatem pupillorum, non verba testamenti.

§. 811.

Interpretatio *extensiva* dicitur, qua ob identitatem rationis volitionis, vel nolitionis mens ejus, qui locutus est, extenditur ad casus, sub verbis, quibus promissio, vel pactum continetur, secundum totam eorumdem proprietatem minime comprehensos. Cum posita ratione sufficiente volitionis, vel nolitionis, ponatur etiam ipsa volitio, vel nolitio; dubitandum non est, si de casu emergente cogitasset, qui locutus est, eum verba sua ad eundem quoque extensurum fuisse, consequenter interpretatio *extensiva* admittenda (§. 810.)

*Regula
generales in-
terpre-
tandi.*

*De in-
terpre-
tatione
extensi-
va.*

§. 812.

§. 812.

De
fraude
legi, vel
pacto
facta.

Fraudem legi, vel pacto facere dicitur, qui quidpiam facit, quod verbis quidem legis, vel pacti non repugnat, menti tamen legislatoris, vel paciscentis adversatur. Et tale quid fieri in fraudem legis, vel pacti etiam dicitur. Cum extra verborum significatum ostendendum sit, quamnam in fraudem legis, vel pacti fiant, consequenter id patere debeat per rationem, cur lex data, vel pacto facta; interpretatio extensiva reprimat fraudem legi, vel pacto faciendam.

§. 813.

De in-
terpre-
tatione
restrictiva.

Interpretatio restrictiva est, qua casus aliquis sub verbis legis, vel pacti equidem comprehensus, ob defectum tamen rationis sufficientis, cur legislator, vel paciscens hoc fieri voluit, vel noluit, excipitur. Eodem vero, quo ante (§. 811.) modo patet, interpretationem restrictivam esse admittendam. Quoniam interpretatio facienda de eo, de quo verisimiliter cogitatum (§. 810.) si materiae, de qua agitur, parum convenit, ut verba tam late sumantur, quemadmodum patere videntur, per interpretationem restrictivam eidem convenienter restringenda sunt; deficiente utique ratione insufficiente volitionis & nolitionis. Et quia nemo absurda velle praesumitur, consequenter in casu emergente, quo quis absurdum velle debebat; cessat volitionis ratio sufficiens; si inde sequatur absurdum aliquod, quod eam mentem illi, qui locutus est, tribuere velis, quam verba generaliter posita indicant, haec ita restringenda sunt, ut absurdum evitetur. Enimvero si res, quas ratio sub se comprehendit, spectentur non secundum existentiam, sed quatenus existere possunt; ubi certum non est, eas existere non posse, restrictio facienda non est;

mani-

manifestum enim est, restrictionem fore menti ejus, qui locutus est, adversam.

§. 814.

Cum ex ratione sufficiente promissionis intelligatur, cur promissor quid promiserit; si status rerum praesens in ratione sufficiente promissionis non continetur, promissa in se non habent tacitam conditionem, si res maneant, quo sunt loco: aut, quo sunt loco.

§. 815.

Quoniam obligatio naturalis immutabilis (§. 38.) si casus emergit in quo verba sequi legi naturae repugnaret, casus hic excipiendus. Et cum naturaliter non obligemur aliorum commoda promovere, nisi quatenus citra neglectum officii erga se ipsum fieri potest (§. 133. 134.) si casus emergit, in quo verba sequi nimis grave foret ei, quem quis ad aliquid praestandum obligare sibi voluit, vel qui se alteri obligare voluit, casus iste excipiendus.

§. 816.

Cum in pactis promissarius promittentem sibi obliget ad hoc faciendum (§. 438. 380.) pacta, quatenus promissa continent, assimilantur legibus (§. 39.) Quamobrem quae de legum collisione valent, supra explicata (§. 64.) ea etiam valent de collisione pactorum. Ceterum cum casus emergentes referri debeant inter ea, de quibus cogitatum non est, cum promitteretur, vel conveniretur; si rationes particulares adsunt, per quas apparet, quid excepturus fuisset, qui locutus est, siquidem de casu collisionis cogitasset, id excipiendum, etiamsi alio ducant regulae de pactorum collisione.

(Wolffii Instit. J. N. & G.)

Y

§. 817.

§. 817.

*Cujus-
nam
verba in
inter-
pretan-
dis pa-
tis ma-
gis at-
tenden-
da.*

Denique quia promissarius promissorem sibi obligare nequit ultra voluntatem suam (§. 317. 379.) contra hunc vero pro vero habetur, quod sufficienter indicat (§. 318.) & conditionem offerre dicitur, qui declarat, quid sibi promitti velit; accipere vero, qui illi promittit; in pactis interpretandis magis attendenda sunt verba conditionem accipientis, quam offerentis, nisi verba illius ad verba hujus referantur.

C A P U T XX.

De mortuis & nondum natis.

§. 818.

*Effectus
mortis
quoad
jura &
obliga-
tiones.*

QUando homo moritur, omni potentia agendi privatur, nec rebus ullis amplius indiget. Quamobrem nullius amplius obligationis & juris capax (§. 37. 46.) Quamprimum itaque moritur, omne jus suum amittit, & omnis ejus obligatio cessat, consequenter quoque dominium, quod habuit in rebus, ac jus omne aliud inde pendens, omne quoque jus ad rem amittit.

§. 819.

*Quomo-
do bona
defuncti
in alios
trans-
mittan-
tur.*

Enimvero quia homo dominium rerum suarum & jus quodcumque aliud in re, vel ad rem in alterum transferre potest, quacumque lege voluerit (§. 314.) nisi personale fuerit (§. 400.) dominium quoque rerum suarum & jus quodcumque aliud, nisi personale fuerit, in eventum mortis in alium transferre potest, consequenter id morte sua in eum transmittit, in quem in eventum mortis id transtulit, ac ideo jus ab eo amissum non extinguitur, & qui fuerant illius debitores, ipso mortuo nunc sunt hujus.

§. 820.

§. 820.

Similiter quia bona debitoris naturaliter op-
pignorata sunt pro debitis creditori (§. 705.)
& jus creditoris iisdem inhæret (§. 697.) quod
eidem auferri nequit (§. 100.) debitor mortuo, *De jure*
jus creditoris, ut ex iis eidem satisfiat, subsistit, *credito-*
ac cum rebus transit in eum, in quem dominium *ris ad*
rerum defuncti transmittitur, si vero defunctus res *bona de-*
nullas relinquit, debitum interit. *functi.*

§. 821.

Jus transmissibile appellamus, quod amissum *De jure*
ab eo, qui habuit, in alium abit: non trans- *trans-*
missibile, quod amissum ab eo, qui habuit, *missibili*
in alium non abit. Jus igitur transmissibile mor- *& non.*
te sua in alium transmittit defunctus, veluti u-
sum fructum ipsi & liberis ejus constitutum in
liberos.

§. 822.

Quoniam fama etiam post mortem superest, *De offi-*
& bene ac recte factorum memoria conservatur; *ciis erga*
officia quoque quoad famam, existimationem, hono- *mortuos.*
rem ac laudem aliis debita (§. 142.) etiam post mor-
tem eorum subsistunt. Similiter quia mors bene-
factoris non delet memoriam beneficiorum;
iis etiam mortuis gratias agere debemus, beneficia
nobis tributa narrando & predicando (§. 474.) cum-
que aliis quoque benefacere possumus in iis,
quos amant, quippe quorum felicitatem perin-
de expetunt ac propriam; mortuis benefacere de-
bemus in iis, quos amarunt, quantum in potesta-
te nostra est (§. 133.) veluti in liberis ipsorum,
vel agnatis.

§. 823.

Quoniam natura homines omnes æquales sunt *De ho-*
(§. 70.) omnes etiam amare debemus tamquam *nore ho-*
Y 2 nol- *mani-*
tatis.

nosmetipsos (§. 136.) & quod perfectione naturali superent res creatas omnes, per se patet; eos quoque spectare debemus tamquam æque homines, amore nostro dignos & omnium creaturarum præstantissimos, consequenter etiam id externis actibus testari: in quibus cum Honor humanitatis consistat, qui homini defertur, quatenus homo est; honorem humanitatis unicuique exhibere debemus, consequenter etiam in modo, quo mortuos ex conspectu nostro removemus.

§. 824.

De Jure
sepulch-
rali.

Quamobrem cum mortuos e conspectu nostro removeri necesse sit, modus autem hoc faciendi omnium commodissimus sit, si humentur, seu cadavera eorum humo tegantur, quod facile patet; mortuos sepelire (§. 48.) & in exequiis, quæ sunt actus sollemnis, quo corpus mortui effertur ad sepulchrum, non modo ea fieri debent, quæ humanitati conveniunt (§. 823.) verum etiam quæ officiis erga mortuos consentanea sunt (§. 822.) Patet itaque, Jus sepulture humanitati deberi, seu homini ideo competere, quia homo est.

§. 825.

De se-
ctione
cadave-
rum hu-
mano-
rum.

Cum sectione cadaverum humanorum distincta notio totius corporis humani & singularum ejus partium acquiratur, quæ non modo ad sanitatis & morborum cognitionem acquirendam necessaria (§. 113.) verum etiam Deum ex structura corporis humani agnoscamus, quod nemo in dubium vocare potest; sectio cadaverum humanorum licita est naturaliter (§. cit. & §. 163.) Quia inde minime infertur, nos eos, quorum cadavera secamus, non habere pro æque hominibus & creaturarum omnium præstantissimis, aut qui amore digni sint; sectio cadave-
rum

rum humanorum honori humanitatis non repugnat (§. 823.) Quatenus tamen officia mortuis debita non respectu omnium eadem sunt (§. 822.) fieri potest, ut illa cum iisdem consistere nequeat. Et facile patet, eam in cadaveribus omnibus administrari non posse.

§. 826.

Luctus dicuntur actus externi, qui tristitiam indignant: suntque vel naturales, qui per essentiam & naturam corporis humani tristitiam committantur; vel voluntarii, quibus tristitia significatum imponimus. Cum iactura amicorum, benefactorum & bene de nobis atque aliis meritum ad mala fortunæ pertineat, homini autem naturale sit, ut mala præsentia tristitiam gignant; *amicos mortuos, benefactores atque eos, qui bene de nobis atque aliis meriti sunt, ne lugeamus, lex naturæ prohibere nequit* (§. 60.) Quoniam tamen officia lege naturæ præscripta inviolabilia sunt (§. 42.) luctus mortuorum ita moderandus, ne quid committatur officio in adversis (§. 130.) & fiducia in Deo atque acquiescentia in providentia divina contrarium (§. 173.) Cumque nobis jus sit ad ea, sine quibus officiis erga mortuos satisfacere non possumus (§. 46.) luctus quoque voluntarius officii erga mortuos conformis naturaliter licitus, veluti si veste lugemus mortuos.

De luctu mortuorum causæ.

§. 827.

Qui nondum natus est, aut in utero matris adhuc existit, aut ne a matre quidem conceptus est. Quamobrem cum qui nondum existit, agere nequeat, & qui in utero matris adhuc latet, inter homines agere non possit, consequenter nondum natus subiectum juris habere nequeat (§. 46.) *nondum natus jus nullum habet.*

An nondum nati habeant jus.

re potest, consequenter nec ullum acquirere, & propterea nec foetus in utero jus acquirere potest. Quamobrem si quis dicat, se jus quoddam transferre in nondum natum, veluti in foetum in utero latentem, id intelligitur velle, ut quando nascitur, seu per nativitatem idem acquirat.

§. 828.

*De jure
in non-
dum na-
tos
trans-
missibili.*

Cum jura transmissibilia per nativitatem acquirantur (§. 827. 821.) si jus aliquod tibi ac a te descendantibus (per nativitatem scilicet) collatum una tibi & a te descendentem competere potest, quamprimum hic nascitur, idem acquirit: quod si vero in te transfertur jus, certa lege in nondum natos transmittendum successive morte possidentis, quamprimum illi nascuntur, acquirunt jus succedendi in jus in te translatum, conditione lege definita existente, quod conditionatum esse per se patet.

§. 829.

*De spe
jus per
nativi-
tatem
acquisi-
tum iri.*

Quamprimum quis in utero materno conceptus est, spes est eum natum iri, consequenter jus, quod per nativitatem acquiritur, ab eo acquisitum iri. Quamobrem cum ea aequipolleat spei, quam habet promissarius ex conditionata promissione, atque hæc eadem auferri non possit (§. 396.) foetus in utero spes acquirendi per nativitatem jus quoddam auferri nequit.

§. 830.

*De re-
nuntia-
tione pro
nondum
natis.*

Quoniam qui nondum natus, nec in utero materno adhuc conceptus est, nec jus, nec spem jus acquisitum iri habere potest (§. 827.) ast foetus in utero non quidem jus habet, spem tamen jus excitaturam, si nascatur, auferri ipsi nesciam (§. 829.) juri per te in nondum na-
tos

tos transmittendo renunciare potes pro te & nondum natis, nec adhuc conceptis, citra eorum injuriam (§. 87.) ast non pro fœtu in utero. Cum renuntiatio a voluntate renuntiantis unice dependeat, & qua lege renunciare velit (§. 342.) naturaliter non repugnat, ut, si quis renuntiet juri per se in nondum natos transmittendo, sibi reservet jus idem in nondum natos transmittendi, eamque repudiatio non contineat renuntiationem pro nondum natis (§. 339. 340.) repudiatio juris in nondum natos transmissibilis nondum natis minime nocet.

§. 831.

Jus, quod certa lege successive ab uno in alios transmittitur, dicitur *providentia majorum* *De jure provi-* *dentia* *majorum* *questum*; transmittens nimirum non sua voluntate transmittit, sed necessario; non idem *questio*. habet a transmittente, qui acquirit, verum a primo acquirente.

§. 832.

Posterī in genere dicuntur, qui mortuis iis, qui jam vivunt, demum nascuntur; ac in specie posterī tui, qui mortuo per nativitatem a te descendunt; sicuti ex adverso *Majores*, qui ante parentes nostros vixerunt. Cum posterī sint homines in locum nostrum, nobis mortuis, succedentes, homines autem conjunctis viribus se statumque suum perficere obligentur (§. 44.) quidquid in utilitatem posterorum facere possumus, ad id faciendum sumus obligati, veluti si operam demus, ut scientiæ ac artes virtutesque morales ad eos propagentur, & ne desint arbores fructiferæ, nec sylvestres lignandi causa.

De officiis erga posterōs.

P A R S T E R T I A .

*De imperio & obligationibus atque iuribus
inde nascentibus .*

S E C T I O I .

D E I M P E R I O P R I V A T O :

De imperio & societate in genere .

§. 183.

*Impe-
rium
quale
183.*



Imperium dicitur jus determinandi actiones liberas alterius pro lubitu suo ; & qui imperium habet, *imperare* dicitur . *Imperium* itaque involvit jus obligandi alterum ad actiones suas sic & non alter determinandum ; cum alias esset inutile . Jus in actiones alterius *Potestas* etiam vocatur .

§. 834

*An im-
perium
in alios
natura
compe-
tere
possit.*

Cum natura actiones hominis independentes sint a voluntate alterius cujuscumque , nec is in agendo dependeat nisi a seipso (§. 77.) natura quoque nemini imperium in alios homines competit : cumque cuilibet permittendum sit, ut in determinandis actionibus suis suum sequatur iudicium , nec ulli hominum rationem reddere teneatur , cur hoc faciat , vel non faciat (§. 78.) nemo sibi in alium *inuitum* imperium arrogare potest .

§. 835.

*De eo ,
qui alte-
ri subje-
ctus .*

Is, in quem alter imperium habet, *subjectus* eidem dicitur . *Natura* igitur nemo alteri *subjectus* est .

est (§. 834.) nec invito quis alteri subijci potest (§. cit.) At quoniam imperans subiectum obligare potest ad actiones suas sic & non aliter determinandas (§. 833.) subiectus obligatur actiones suas ad voluntatem imperantis componere; consequenter cum parere vel obedire dicatur, quæ actionem suam ad voluntatem alterius componit; inobediens vero sit, qui hoc facere recusat; subiectus imperanti parere; vel obedire obligatur, nec inobediens esse debet. Facile autem patet, subiectum quoad eas actiones, in quas imperanti ius est, liberum non esse (§. 77.) consequenter qui se alteri sponte subijcit, libertati naturali quoad eas actiones renuntiare, in quas imperanti ius concedit (§. 340.)

§. 836.

Societas in genere est pactum, vel quasi pactum de fine quodam conjunctis viribus consequendo. Ipsa quoque multitudo hominum finis cuiusdam consequendi causa consociatorum Societas dici solet. Societates igitur differunt fine, qui intenditur, seu cuius gratia ineuntur. Qui societatem contrahunt, Socii, vel Membra societatis vocantur. Quilibet itaque socius facere obligatur, quod ad finem consequendum facere potest, & quod ut faciat specialiter conventum (§. 438.) consequenter sociis competit ius cogendi consocium, ut satisfaciatur obligationi. Quamobrem universis competit ius in singulos: obligationes vero ac jura singulorum metienda sunt ex fine, in quem consensere omnes, atque ex iis, de quibus in pacto specialiter conventum (§. 438.) & universis competit ius determinandi ea, quæ ad finem societatis consequendum necessaria, seu ad media, quibus, finem ut consequantur studere velint.

§. 837.

§. 837.

De sa-
lute so-
cietatis
et bono
commu-
ni socio-
rum.

Non impeditus progressus ad finem societa-
tis consequendum, *Salus societatis* dicitur; ipse
autem finis, quatenus obtinetur, utpote singu-
lis utilis, *commune bonum*. Quamobrem quilibet
socius *commune bonum* promovere pro virili et mo-
do convento debet, nec quicquam committere, quod
sit *saluti societatis* adversum, consequenter quan-
tum datur curare, ut ceteri quoque socii faciant,
quæ ad finem societatis consequendum conducunt, ac
removere impedimenta, quæ obstant, quo minus eum-
dem consequi detur, ideoque socios ope ac consilio
juvare.

§. 838.

De im-
perii or-
tu in so-
cietate.

Jus universis competens in singulos, cum in de-
terminandis ipsorum actionibus consistat (§. 836.) *imperium* est (§. 833.) Quamobrem cum
ex pacto, vel quasi illud oriatur (§. 836.) in
societate *imperium* ex pacto oritur, vel quasi, atque
universis competit, consequenter singuli obedire te-
nentur universis (§. 835.)

§. 839.

De so-
cietate
equali
et ine-
quali.

Cum ex pacto obligationes ac jura singulo-
rum metienda sint (§. 836.) si societas simplici-
ter contrahitur, omnium eadem est obligatio et jus
idem, consequenter socii omnes æquales sunt (§.
70.) tumque societas dicitur *equalis*; ac ideo
in societate equali nulla est prerogativa (§. 71.)
aut si expresse conveniatur, ut unus sociorum ad
quid præstandum obligatus sit, ad quod ceteri non
teneantur, vel uni cuidam jus competat, quod ce-
teri non habent, socii *inequales* sunt (§. 70.) atque
tunc societas *inequalis* appellatur; ac ideo in
societate inequali uni præ ceteris prerogativa que-
dam competere potest.

§. 840.

§. 840.

Quoniam in societate æquali, in qua socii omnes æquales sunt, nulla datur ratio intrinseca, ab ipsa nimirum sociorum natura derivata, præcedentiæ (§. 75.) ordo tamen necessario quidam observandus est; qui societatem æqualem contrahunt, de præcedentia pro lubitu convenire possunt. Quod si vero postea quidam accedunt, cum nemini jus suum auferri queat (§. 100.) eum servare debent ordinem, quo in societatem veniunt, nisi extra ordinem locum alium accedenti cedere ceteri velint; quippe quod arbitrii ipsorum est (§. 342.) Enimvero cum in societate inæquali socii alii plus juris habeant aliis, vel plus ad bonum commune promovendum conferre obligentur (§. 839.) qui plus juris habet, vel etiam ad commune bonum plus conferre debet ceteris, ei præcedentia naturaliter competit, nimirum si supponitur rem decidendam esse per rationem naturalem in conventionibus regnante arbitrio convenientium. Hinc vero ulterius sequitur, ut qui in locum ejus, cui præcedentia per rationem intrinsecam competit, succedit, eidem quoque præcedentia competat. Non vero in societate attendi præcedentiam, quam quis habet extra eam, facile inde patet; quia in societate non attenduntur, nisi jura & obligationes, quæ socium tamquam personam moralem faciunt (§. 96.)

§. 841.

Cum socii adjunctis viribus ad finem societatis consequendum contendere debeant, & ad hoc singuli sese universis obligaverint (§. 836.) quicquid finis consequendi gratia fieri debet, communi sociorum consensu determinandum. Quamobrem quando societas contrahitur, omnium consensu statuendum est de iis, quæ constanter ac semper

De præcedentia sociorum.

De consensu singulorum ad decernendum requisito.

eodem modo fieri debent, & casu emergente, qui ad societatem spectat, quid in eo sit faciendum.

§. 842.

De vo-
rorum
diffe-
rentia.

Declaratio voluntatis suae de eo, quod plurimum consensu determinandum, dicitur *Suffragium*, usitatus *Votum*; idque *affirmativum*, quo declaratur voluntas de eo, quod fieri debet: *negativum*, quo declaratur voluntas de eo, de quo consultatur. Dicuntur autem *Vota consentientia* eorum, qui ejusdem sunt sententiae; *diversa* illorum, quorum sententiae in diversum abeunt. *Vota unanimitas* sunt, quando vota omnium sunt consentientia; *majora* sunt vota consentientia majoris partis; *minora* partis minoris. Sed *paria* sunt vota, quando consentientium & dissentientium idem numerus.

§. 843.

Quomodo per
vota
concludendū.

Concludere dicuntur consultantes, quando votis inter se collatis determinatur, quid fieri, aut non fieri debeat; & quod fieri, aut non fieri debere per vota determinatum, *Conclusum* vocatur. Cum *vota meliora* dicantur eorum, quorum iudicium de eo, quod fieri debet, verius est: facile autem intelligatur, unumquemque votum suum habere pro meliori, negotium tamen exitum habere debeat; *vota meliora concludere* nequeunt, consequenter *majora concludant* necesse est. Qui itaque societatem contrahunt, inter se convenire debent; ut, quod majori parti visum fuerit, id habendum sit pro sociorum omnium voluntate, sicque per partem majorem obligetur minor. Quoniam itaque vota numerantur, si concludendum, non vero ponderantur inquirendo scilicet, quamnam sint meliora; *vota paria non concludunt* (§. 842.) Quamobrem res manent in eo statu, in quo sunt, consequen-

sequenter quoties nihil concludendo negotium exitum habere nequit, veniendum est vel ad sortem (§. 669.) vel necesse est, ut uni competat votum decisivum, quo parti uni accedente efficiuntur majora; aut si negotium fert moram, consultatio repetenda. Dicitur autem decisio negotii controversi per paritatem votorum Calculus Minervæ. Enimvero si vota majora haberi nequeunt, ob diversarum scilicet sententiarum pluralitatem, cum tamen curandum sit, ut negotium exitum habeat; plus valere debent illa vota, quibus pauciora adversantur, quam quibus plura, ideoque sequendum erit, id quod paucioribus displicet; cum sequi non liceat id, quod plurimis placet, veluti si tres reum damnent in viginti florenos, quatuor in decem, duo absolvant, prævalere debet secunda, quæ quinque sibi vota adversa experitur, primæ sex, tertiæ septem contrariis.

§. 844.

Qui absens est, nec ad consultationem vocatus votum suum alteri præsentī committit, aut præsens suffragium ferre non vult, aut alio modo ferre impeditur, cum in casu primo tacite, in secundo expresse juri votandi renuntiet (§. 340.) idque facere liceat (§. 342.) in tertio autem jus non habeat; ejus in votis numerandis nulla habenda ratio est. Vulgo dicitur: vota absentium, aut cum Grotio, jus absentium accrescere præsentibus. Habetur vero præsens, qui votare non vult, vel non potest pro absente. Possunt autem de votis ferendis multa conveniri, ex pacto servanda (§. 348.)

§. 845.

Quoniam duplicem socium repræsentat, qui ad finem societatis consequendum plus confert

De votis
absentium.

De votorum
inaquali
valere.

fert aliis sociis, & ita porro; si quis ad finem societatis consequendum plus confert aliis sociis, valor voti estimandus est in ratione collati sui ad collatum minimum. Atque hinc porro colligitur, si rem, in qua fundamentum habet societas, non equaliter omnes participant, vota estimanda esse in ratione ejus; quod unusquisque participat, veluti si in fundo alius partem dimidiam; alius sextam, alius tertiam habeat, quo in casu vota erunt ut 3. 1. & 2.

§. 846.

De legi-
bus so-
cietatis.

Conventiones sociorum de iis, quæ finis consequendi causa semper eodem modo fieri debent, leges sunt (§. 39.) Quælibet itaque societas suas habere debet leges, & eidem competit jus ferendi leges (§. 841.) Quoniam itaque leges præscribunt media, quibus finis societatis obtinetur; sine legum custodia salus societatis subsistere nequit, nec transgressio earundem ferenda (§. 837.) consequenter societati quoque competit jus sancienti poena legum observantiam (§. 35.) & per consequens transgressores legum puniendi. Hinc porro conficitur, qui in societatem recipitur, eum vel expresse promittere debere, vel tacite promittere intelligi legum observantiam. Cum vero leges vim suam habeant a consensu sociorum; societati integrum est leges, quando visum fuerit, tollere & immutare, atque novas etiam condere.

§. 847.

De con-
cordia
socio-
rum.

Cum concordēs dicantur, qui idem volunt, aut nolunt; discordes vero, quorum voluntas & noluntas in diversa abit; consequenter socii concordēs sint, si legibus societatis se subjiciunt (§. 846.) eorumque vota vel unanimia fuerint, vel si majoribus se non opponunt (§. 842.) iidem concor-
des

des esse debent (§. 846. 843.) Hinc autem porro patet, concordia sociorum salutem societatis conservari (§. 837.)

§. 848.

Adjutorii nomine veniunt actus, quibus vel ad factum alterius concurrimus, vel bonum alterius promovemus. Ideo *mutuum adjutorium* est, quod duo, vel plures sibi invicem præstant. Socii igitur *ad mutuum adjutorium obligantur* (§. 837.)

De mutuo adjutorio.

§. 849.

Si finis societatis illicitus est, societas quoque illicita est (§. 49.) Ex societate autem illicita nulla nasci potest obligatio, nec jus acquiri ullum.

De societate illicita.

§. 850.

Quoniam in societate socii conjunctis viribus agunt (§. 836.) qualibet societas spectanda est instar unius personæ. Quamobrem cum homines naturaliter liberi sint (§. 77.) & dum societatem contrahunt, sese sibi invicem tantummodo obligant, non aliis (§. 836.) qualibet societas naturaliter libera est. Ac propterea societates plures diversæ spectandæ sunt tamquam personæ singulares liberæ.

Quomodo spectanda sint societates.

§. 851.

Cum omnium sociorum actiones tendant ad finem societatis (§. 836.) perfectio societatis consistit in aptitudine finem ejus consequendi (§. 9.) æstimanda ideo ex sufficientia virium, quas socii conjungunt. Atque hinc sequitur, ut ad societatem quamlibet tot requirantur personæ atque tales, quot & quales ad finem societatis consequendum sufficiunt.

De perfectione societatis.

§. 852.

§. 852.

Quando
a socie-
tate di-
scedere
liceat.

Cum finis societatis, quatenus obtinetur, bonum societatis commune sit (§. 837.) si quid fit, quod fini consequendo adversatur, damnum societati datur (§. 269.) Quamobrem cum nemo sociorum damnum societati dare debeat (§. 837.) a societate recedere non licet cum damno sociorum, immo si ita fuerit conventum, numquam recedere licet sine sociorum consensu (§. 438.) Et quoniam alio æque idoneo in locum suum substituto damnum societati non datur; a societate discedere licet, si quis socium alium æque idoneum in locum sui substituit.

§. 853.

De socio
exclu-
dendo.

Quoniam socius a pacto, quo societas nititur (§. 836.) discedit, si præstare nolit, ad quod præstandum vi societatis tenetur (§. 442.) ex societate ea de causa excludi potest. Et si socius unus solo arbitratu suo omnia fieri velit, cum tunc auferre velit ceteris jus suum (§. 841.) quod pati ceteri minime tenentur (§. 100.) eundem excludere licet, vel etiam ei, qui hoc pati non vult, a societate discedere (§. 442.)

CAPUT II.

De matrimonio, seu societate conjugali.

§. 854.

De obli-
gatione
generis
humani
conser-
vandi
& coitu
licito.

Cum membra genitalia utriusque sexus genus humanum faciant aptum ad speciem suam conservandam, & præterea homines, perinde ac animalia cetera, natura ferantur ad conjungendum usum membrorum genitalium, qui ad procreandam sobolem requiritur; homines universim spe-

spectati obligantur ad speciem suam conservandam, & singuli ad coitum non appetendum, nisi sobolis procreandæ causa (§. 43.) consequenter coitus omnis, qui solius voluptatis percipiendæ gratia appetitur; omnisque membrorum genitalium usus eodem fine factus illicitus. Hinc fornicatio, seu scortatio, qui est concubitus cum meretrice, hoc est, fœmina se pluribus prostituente; stuprum, qui est concubitus cum fœmina soluta pluribus sese non prostituente; sodomia, concubitus hominis cum bestia; pedestria, concubitus maris cum mare; masturbatio, qua homo propriis manibus venerecunditatem exercet; lege naturæ prohibentur, ac ideo actus naturaliter illiciti sunt (§. 49.)

§. 855.

Infantes in lucem editi nondum apti sunt ad sibimetipsis prospiciendum de iis, quibus ad conservationem sui indigent, & ad actiones suas juxta naturæ legem determinandum, seu ad vitam hominis ex sese vivendum. Quamobrem cum homines speciem suam conservare debeant (§. 854.) qui prolem generant, eamdem quoque aptam efficere debent ad vitam hominis ex sese vivendum; consequenter cum studium, quo id efficitur, educatio sit, qui prolem generant, eamdem quoque educare debent. Unde sequitur, ut, qui prolem per concubitum illicitum genuit, veluti stuprator, eamdem educare obligetur. Cumque ad educationem & matris & patris cura atque industria requiratur; uterque etiam ad educationem prolis conferre debet, quantum potest. Quoniam itaque concubitus promiscuus est, si fœmina quemvis concumbere secum volentem admittit, sicque incertus est; genus humanum per concubitum promiscuum propagari minime debet, consequenter sobolis procreandæ ac educandæ gratia inter marem & fœminam societas ineunda (§. 836.)

De educatione
prolis
modo
propagandi
genus
humanum.

(Wolffii Instit. J. N. & G.)

Z §. 856.

§. 856.

*Matrimo-
nium
quid sit
& qui-
nam
contra-
here pos-
sint.*

Societas inter marem ac feminam, sobolis procreandæ ac educandæ causâ inita, dicitur *Societas conjugalis*, seu *Matrimonium*. Quamobrem ad prolem generandum inepti sive per ætatem, sive ob vitium quoddam corporis, matrimonium contrahere nequeunt: & si qua alia de causâ inter marem & fœminam contrahitur societas, veluti mutui adjutorii in re œconomica & aliis vitæ humanæ casibus gratia, ea matrimonium non est.

§. 857.

*An ma-
trimo-
nium
consiste-
re debeat
in mono-
gamia.*

Quoniam matrimonium non contrahendum, nisi sobolis procreandæ & educandæ causâ (§. 855. 856.) experientia autem domestica constât, genus humanum abunde propagari per monogamiam, hoc est, si matrimonium inter marem unum & fœminam unam contrahatur, eademque educationi prolis maxime conveni (§. 855.) & imaginem quoque juris naturæ conspiciamus in brutis, quando mas & fœmina ad prolis educationem concurrere tenentur; quin legi naturæ consentaneum sit, ut matrimonium contrahatur inter fœminam unam & marem unum, dubitandum non est, consequenter polygamia, matrimonium personæ unius cum pluribus contractum, legi naturæ parum convenit, & si solius voluptatis percipiendæ causâ contrahitur, manifestò illicita est (§. 854.)

§. 858.

*De obli-
gatione
& jure
conju-
gum mu-
tuo.*

Qui matrimonium contraxerunt, communi nomine *Conjuges* appellantur; & mas in specie *Maritus*, fœmina *Uxor*. Quando igitur matrimonium contrahitur, mas fœminæ & fœmina mari se obli-

obligat, quod corporis sui usum generationis causa velint sibi invicem & quidem solis concedere, atque ambo ad educationem prolis conferre, quod possunt (§. 856. 855.) consequenter fœmina in marem, mas in fœminam transfert jus in corpus suum quoad hunc usum. Cumque ideo jus alterius conjugis violetur, si unus conjugum cum persona alia coitum celebret (§. 83.) injuriam eidem facit (§. 87.) atque a pacto, quo matrimonium contractum (§. 836. 856.) discedit (§. 442.)

§. 859.

Concubitus personæ conjugatæ cum alia sive soluta, sive conjugata, altero conjugè inscio, (a) vel invito, *Adulterium* dicitur. *Adulterium* itaque illicitum est. Adulter tamen prolem ex adulterio genitam educare tenetur (§. 855.)

Adulterium sit illicitum.

§. 860.

Pellices dicuntur fœminæ, quas maritus præter uxorem concubitus causa habet. Cum per pellicatum intendatur primario voluptatis venereæ perceptio, eundem naturaliter illicitum esse patet (§. 854.) nec concubitus cum pellice ab adulterio differt (§. 859.)

De pellicatu.

§. 861.

Liberi ex matrimonio nati legitimi dicuntur; extra matrimonium prognati, veluti ex stupro, adulterio, spurii; ex meretricibus vero geniti, vulgo quæsitii.

De differentia liberorum.

§. 862.

Pudicitia dicitur animus ab omni concubitu illicito alienus; *Impudicitia* animus in concubitu

De pudicitia & virginis.

Z 2

tum

(a) Etiam marito conscio & annuente Adulterium est criminofum. Vide Pontium de Matrim.

rate ac
jure eam
defen-
dendi.

tum illicitum pronus. *Virginitas* vero appellatur immunitas ab usu membrorum genitalium in coitu cum mare; quæ ideo in primo coitu amittitur. Patet igitur, si *virgo* vi comprimitur, *virginitatem* eidem vi eripi; si *vidua*, vel *conjug*, pudicitiam ejus violari, consequenter *virgini* competere *jus virginitatem*, *viduæ* ac *conjugi* pudicitiam defendendi (§. 46. 90.) idque infinitum (§. 94.) consequenter *stupratorem violentum* occidere licet, si *periculum* aliter evitari non possit.

§. 863.

Quomo-
do ma-
trimo-
nium
perficia-
tur.

Cum *matrimonium* pacto contrahatur (§. 856. 836.) *mutuo* maris ac *femine* consensu naturaliter perficitur (§. 438.) consequenter ad declarationem consensu *mutuam* copula carnalis, quæ est conjunctio corporum maris & *femine*, qualis ad generationem requiritur, statim accedere potest.

§. 864.

Despon-
salibus.

Pactum de *matrimonio* ineundo dicuntur *Sponsalia*; & *personæ*, quæ ita contraxerunt, *Sponsus* & *Sponsa*. Quamobrem ex *sponsalibus* oritur obligatio ad *matrimonium* ineundum, prouti conventum fuerit (§. 393.) *mutuo* tamen dissensu *sponsalia* dissolvi possunt (§. 444.) & si bina fuerint celebrata, priora præferuntur (§. 421.) quod si vero *persona*, in cujus præjudicium posteriora fuerint celebrata, *jus suum* remittit, quod facere utique potest (§. 342.) posteriora sunt valida (§. 337.) Patet vero, (a) si *personæ* non conjugatæ in copulam carnalem consentiunt, naturaliter easdem *matrimo-*

(a) VVolffii sententia, quæ apud aliquos ante Tridentinum Concilium invaluerat, nunc ab Ecclesia universa, & ab ipso Protestantium usu est reprobata, ut patet ex variis Anglicanis ritualibus.

matrimonium actu contraxisse (§. 863.) Cum sponsalia contrahendo matrimonium promittatur; tot modis fieri possunt, quot promitti potest, & de iisdem valent, quæ de promissionibus ostensa fuerunt.

§. 865.

Arrhæ sponsalitiæ dicuntur, quas sponsus sponsæ, & sponsa sponso dat; Munera autem sponsalitia sunt dona, quæ persona desponsata una alteri dat, ad declarandum amorem. Dantur itaque arrhæ sponsaliorum probandorum & confirmandorum causa (§. 619.) & si in iis dominium transfertur, ea simul rationem muneris sponsalitiæ habent (§. 475.) Cum munera sponsalitia dentur spc matrimonium consummatum iri; sub tacita hac conditione data intelliguntur, ut restituantur, si matrimonium consummari non contingat, nisi expresse aliud dicatur (§. 318.) consequenter si sponsalia dissolvuntur, arrhæ & munera sponsalitia sunt restituenda.

De arrhis & muneribus sponsalitiis.

§. 866.

Res domesticæ dicuntur, quibus utimur ad vitæ necessitatem, utilitatem ac jucunditatem; & earum administratio Oeconomia vocatur. Quoniam conjuges sine coitu prolem generare nequeunt, & prolem communi cura educare (§. 855.) consequenter & conjunctim de rebus ad vitam necessariis iidem prospicere, atque impensas in educationem facere tenentur (§. cit.) ideo cohabitare, & œkonomiam communem habere debent, & uterque conjux ad res domesticas acquirendas, comparandas & conservandas conferre debet, quantum potest. Ac propterea usus rerum ab utroque conjuge acquisitarum communis est, quantum ad œkonomiam communem sufficit, res tamen ipsæ, quæ usu non consumuntur, uniuscujus-

De cohabitatione & œkonomia conjugali.

que propriae manent. Ceterum hinc apparet, etiam uxorem, quantum datur, acquirere debere ad communem æconomiam & liberorum educationem necessaria.

§. 867.

De rebus
conjugum.

Cum unusquisque alteri jus pro libitu constituere possit in rebus suis (§. 260.) uxor quoque marito jus pro libitu constituere potest in bonis suis, veluti usumfructum (§. 713.) & contra. Immo de bonis suis, quæ habent, dum matrimonium contrahunt, vel quæ durante matrimonio acquiruntur, pro libitu convenire possunt (§. 195.) veluti ut sint communia.

§. 868.

De oneribus
matrimonii.

Onera matrimonii dicuntur omnes impensæ matrimonii causa faciendæ, consequenter communis æconomix & educationis liberorum causa (§. 866.) ad quas impensas cum uterque conjux conferre debeat ratam suam, prouti circumstantiæ permittunt (§. cit.) conjuges conjunctim onera matrimonii ferre tenentur pro modo facultatum suarum.

§. 869.

De præstatione
officiorum
humanitatis
& mutuo
adjutorio.

Cum Conjuges cohabitent, & non modo corporum suorum in generanda prole, verum etiam rerum suarum usum inter se communicent (§. 858. 866.) & sic arctius inter se uniantur, quam cum persona nulla alia conjuncti sunt; sese invicem quoque sibi obligasse intelliguntur ad quævis officia humanitatis præstanda, in quibus itaque, accedente ad obligationem naturalem contracta, conjux unus alterum præferre debet in casu collisionis: nec sine injuria eadem non præstatur (§. 87.) cum respectu conjugis sint perfecte debi-

debita (§. 667.) Atque in præstatione horum officiorum & eorum, quæ matrimonii causa alias fieri debent simul sumtorum, *mutuum adiutorium conjugum consistit* (§. 848.)

§. 870.

Quoniam ex pacto, quo matrimonium contrahitur, eadem nascuntur jura & obligationes conjugum (§. 856. & seq.) *matrimonium societas æqualis est* (§. 839.) & *quæ in ea fieri debent, communi consensu determinanda*, consequenter *imperium conjugale*, quod ex societate conjugali nascitur (§. 838.) *mutuum conjugum in se invicem est*: quatenus tamen uxor jus suum remittere potest (§. 342.) *maritus idem pacto acquirere potest vel expresse, vel tacito*, quatenus tacite in mores consentitur, tuncque *uxor subjecta marito* (§. 835.)

De imperio seu potestate maritali.

§. 871.

Cum conjuges liberos educare teneantur (§. 855.) *matrimonium dissolvi nequit, liberis nondum educatis* (§. 444. 856.) consequenter *nec marito pro lubitu uxorem dimittere, nec uxori licet pro lubitu a marito discedere* (§. 444.) Enimvero cum nulla obstat ratio, quo minus dissolvatur, si nulli adhuc geniti sint liberi, aut qui nati fuerant, mortui (§. 856.) in eo casu naturaliter *matrimonium dissolvi potest*. (a) Cum adulterium committens a pacto discedat (§. 859.) propter adulterium *matrimonium dissolvi potest*, salva tamen obligatione educandi liberos legitimos; quippe a qua

De divortio & secundis nuptiis.

Z 4

nemo

(a) Matrimonii vinculum indissolubile esse ex sua primæva institutione, res est tam clara, ut nihil clarius in tota Evangelica æconomia invenitur. Christi verba Matth. 19. Et Apostolica documenta 1. ad Cor. 7. Rom. 7. expresse docent indivisibile conjugum ligamen a Deo ipso, non ab homine fuisse primitus institutum. Matrimonii perpetuam firmitatem invictis ex ratione petitis argumentis vivencies Lector apud Clariss. Estium in 4. Sent. §. 8.

nemo se facto suo liberare potest (§. 100.) Cum conjux alterum malitiose deferens, vel *debitum conjugale*, quod in actuali copula carnali consistit, præstare recusans a pacto discedat (§. 856. 444.) propter *malitiosam desertionem & debiti conjugalis denegationem* matrimonium dissolvi potest. In statu naturali, vi libertatis naturalis, unicuique permittendum, ut matrimonium pro lubitu dissolvat (§. 78.) Quoniam matrimonio dissoluto mutua conjugum obligatio cessat (§. 444.) utraque pars cum persona alia matrimonium contrahere potest. Et quia per se patet, morte conjugis unius dissolvi matrimonium; ideo quoque viduus vel vidua ad secundas nuptias, quæ dicuntur, transire potest, consequenter polygamia *successiva*, quæ vocari solet, licita. Dicitur autem dissolutio matrimonii *Divortium*; sicuti dissolutio sponsaliorum *Repudium*. Quoniam vero conjux superstes ab obligatione educandi liberos ex priori matrimonio susceptos liberari nequit (§. 38.) si ad secundas nuptias transitur, novus conjux liberorum ex priori matrimonio natorum curam gerere, & nisi propria bona habeant, sumptus educationis de suo sustentare tenetur, cum nonnisi sub hac conditione matrimonium contrahi possit.

§. 872.

De par-
tu agno-
scendo.

Matrem certam esse, quod proles ex se nata sit, per se patet. Pater prolem agnoscere dicitur, si eam ex se genitam vel expressis verbis, vel ipso facto declarat; & agnoscere tenetur, quamdiu probare nequit, eam ex adulterio natam esse. Similiter Stuprator, qui concubitus fatetur eo tempore factum, quo stuprata concepisse præsumitur, cum præsumtionem elidere teneatur, partum agnoscere tenetur, donec probaverit, eam isto

isto tempore cum aliis, vel pluribus adhuc rem habuisse: si vero concubitus neget, femina eundem probare debet, juramenti scilicet delatione, testibus quippe deficientibus (§. 783.)

§. 873.

Quoniam factum alienum, ad quod nullo modo concurrat, nemini imputari potest (§. 3.) factum unius conjugis imputari nequit alteri, ad quod non concurrat, nec factum liberorum parentibus, nec parentum liberis, consequenter nec conjux propter factum conjugis, nec parentes propter factum liberorum, nec liberi propter factum parentum puniri possunt, consequenter nec liberis imputari potest, quod ex concubitu illegitimo nati, nec naturaliter a parentibus macula quædam in ipsis derivatur.

*De imputatio-
ne facto-
rum a
parenti-
bus &
liberis.*

§. 874.

Cum donationes a libera voluntate donantis dependeant (§. 475.) eadem inter conjuges naturaliter illicitæ non sunt.

*De con-
jugum
donatio-
nibus.*

CAPUT III.

De cognationibus & Affinitatibus.

§. 875.

Cognati dicuntur personæ, quæ vel continuo a se invicem, vel ab una persona, non vero a se invicem per generationem descendunt. Persona autem, a qua aliæ per generationem descendunt, *Stipes communis* appellatur; qui adeo in masculinum & femininum dividitur. A stipite masculino descendentes in specie *Agnati* vocantur.

*De co-
gnatis
& eorum
stipite.*

§. 860.

§. 876.

*De lineis
cognati-
onum,*

Series personarum per continuas generationes a se invicem descendantium, dicitur *Linea recta*, quamdiu in se spectatur; eaque vel *ascendens*, vel *descendens*, prouti vel ascenditur ad eas personas, a quibus per generationem descendis, vel descenditur ad eas, quæ a te descendunt. Duæ autem lineæ rectæ in communi stipite concurrentes, quando ad se invicem referuntur, dicuntur *linea obliqua*; quasi sint duæ partes eiusdem lineæ.

§. 877.

*De fa-
milias.*

Personæ omnes, quæ ab eodem stipite descendunt in pluribus rectis, simul sumptæ faciunt *Familiam stipitis*, veluti *familiam patris*, quæ a patre meo, *familiam avi*, quæ ab avo meo & ita porro descendunt.

§. 878.

*De co-
gnatione
directa
& colla-
terali.*

Cognati directi dicuntur personæ in eadem lineâ rectâ constitutæ; *cognati autem a latere*, si-ve *collaterales* personæ, quæ sunt in lineis ad se invicem obliquis, seu, ut vulgo dicitur, in *linea obliqua*.

§. 879.

*De gra-
dibus co-
gnatio-
nis in li-
nea re-
cta.*

Diversitas cognationis inter stipitem & personam quancumque in *linea recta* oritur ex numero generationum, per quas a stipite descendit (§. 875.) Quamobrem cum ea gradus dicatur; generatio facit gradum, ac persona descendens stipiti in eo gradu cognata est, quem indicat numerus generationum, per quas a stipite descendit: ita filius patri cognatus in primo gradu, avo in secundo, proavo in tertio. Atque hinc intelligitur, quinam cognati sint propiores, quinam remotiores, quinam proximi.

§. 880.

§. 880.

Gradus superioris ordinis sunt, qui obtinent in cognatione personæ alicujus cum aliquo ascendente; ast inferioris ordinis, qui obtinent in cognatione cum aliquo descendente. Dicuntur autem cognati ordinis superioris in linea recta communi nomine *Parentes*; cognati ordinis inferioris, *Liberi*.

De gradibus superioris & inferioris ordinis.

§. 881.

Cum generatio gradum faciat (§.879.) iidem numero gradus in lineis obliquis simul sumpti gradum familiæ faciunt. Ita liberi omnes primi gradus constituuntur in primo gradu familiæ, patris nimirum sui; horum autem liberi in secundo gradu familiæ, quæ est familia avi, cujus illi sunt liberi secundi gradus. Continet autem familia avi familiam patris mei, & familiam proavi familiam avi & patris, ac ita porro.

De gradibus familiæ.

§. 882.

Linea obliqua dicitur æqualis, quando duæ lineæ rectæ in eodem stipite terminatæ æquales sunt: ast *inæqualis*, si hæ fuerint inæquales. Cum cognati collaterales ideo cognati sint, quia ab eodem stipite descendunt (§.878.) collaterales in linea æquali inter se cognati sunt in eo gradu, in quo cognati sunt stipiti. Enim vero si in linea inæquali remotior duobus, tribus, quatuor gradibus distet a communi stipite, propior uno; erit ille huic cognatus in gradu secundo, tertio, quarto familiæ patris sui: quod si propior a communi stipite distet duobus gradibus, remotior tribus, quatuor &c. erit hic cognatus in gradu tertio, quarto &c. familiæ avi sui, & ita porro (§.877. 881.) Unde sequitur, ut cognatus mihi in gradu

De gradibus in linea inæquali.

gradu quocumque familiae patris mei uno gradu mihi propior sit, quam cognatus in eodem gradu familiae avi mei, & duobus gradibus propior, quam cognatus in eodem gradu familiae proavi mei, & ita porro. Atque hæc est famosa illa graduum computatio canonica, naturæ maxime conformis, quæ recte attenditur in iis causis, in quibus ratio habenda propinquitatis sanguinis, veluti in matrimonialibus & criminalibus.

§. 883.

De cognatione ex illicito concubitu natorum. Cum omnis cognatio prodeat a generatione (§. 875.) naturalis cognatio eadem est, siue quis ex matrimonio fuerit natus, siue ex concubitu quocumque illicito. Quamobrem hæc etiam attendenda venit, ubi propinquitatis sanguinis ratio habetur.

§. 884.

De affinitate. Quoniam conjuges arctissime uniuntur, ut singulari quodam modo spectentur tamquam una persona (§. 858.) cognatis unius conjugis eundem quasi respectum habent ad conjugem alterum, quem ad illum habent. Hic respectus cognatorum conjugis unius ad conjugem alterum cum Affinitas dicatur; cognati conjugis unius sunt affines conjugis alterius, & in quo gradu persona quedam cognata est conjugi uni, in eo affinis est alteri. Per se autem patet, affinitates contrahi per matrimonia, siue nuptias, nondum vero per sponsalia (§. 874.)

§. 885.

De quasi affinitate. Cum, qui copula carnali junguntur, sibi invicem concedant usum corporis sui instar conjugum (§. 858.) qui copula carnali matrimonium consumant; quasi conjuges sunt, consequen-

quenter personæ , quæ alteri carnali copula jungitur , cognati sunt hujus quasi affines . Inde sequitur , ut stupratori virginis quasi affinis sit soror ejusdem , & virgo stuprata affinis fratri stupratoris . Copula carnalis quasi nuptiæ sunt , per quas ideo quasi affinitas contrahitur (§. 884.)

C A P U T I V.

De societate paterna & potestate patria.

§. 886.

Cum parentes obligentur liberos , quos *An parentes habeant jus enecandi , aut exponendi liberos.* procreaverunt , conservare , ut adolescant , & eos aptos efficere , ut sibimetipsis prospicere possint de iis , quibus ad conservationem sui indigent (§. 855.) *parentibus non competit jus enecandi infantes , nec jus infantes exponendi liberos.* (§. 51.)

§. 887.

Similiter cum parentes liberos aptos efficere *De jure debeant , ut actiones suas juxta legem naturæ determinare valeant (§. 855.) quamdiu liberi per se officiis satisfacere nequeunt , parentes actiones ipsorum determinare debent , consequenter iisdem competit jus in actiones liberorum.*

§. 888.

Jus parentum in liberos imperium quoddam est *De patria potestate.* (§. 883. 887.) cumque ex obligatione educandi liberos oriatur (§. 885.) tam matri , quam patri commune (§. cit.) Dicitur vulgo Potestas patria , & per errorem longe ultra limites suos extenditur.

§. 889.

§. 889.

De obe-
dientia
libero-
rum &
jure eos
obligan-
di ac pu-
niendi.

Liberi igitur parentibus subiecti sunt, & iis obe-
dire obligantur (§. 835.) cumque imperium, pa-
rentibus competens (§. 888.) involvat jus
obligandi (§. 833.) parentes liberos ad obedi-
entiam obligandi, ac per consequens jus puniendi
inobedientes habent (§. 35.) quæ pœnæ a paren-
tibus inflictæ liberis castigationes paternæ appel-
lantur: cum eadem emendatrices esse debeant
(§. 93.) & intra officiorum liberis debitorum
terminos coercendæ sint. Legi autem naturæ
adversa præcipientibus liberi obedire non tenentur
(§. 38.)

§. 890.

De libe-
ris ad
virtu-
tem per-
ducen-
dis, a vi-
tio avo-
candis.

Cum parentes liberos aptos efficere debeant ad
actiones suas juxta legem naturæ determinan-
dum (§. 855.) eos officiis erga seipsum, erga
alios atque erga Deum adsuefacere (§. 57.) & per
consequens cum habitus actiones suas ad le-
gem naturæ componendi Virtus sit, habitus
contrarii vero vitia sint, eos ad culturam virtu-
tis adducere, a vitiis vero avocare debent. Quan-
obrem cum maxima vis sit exemplorum, præ-
sertim in tenellis puerorum animis; liberis exem-
pla bona præbere, mala prodere minime debent.

§. 891.

De vita
genere,
cui libe-
ri desti-
nandi.

Similiter quia parentes liberos aptos effice-
re debent ad sibimetipsis prospiciendum de iis,
quibus ad conservationem sui indigent (§. 855.)
eos destinare debent certo vitæ generi, ad quod apti
sunt, & omnem dare operam, ut ea rite addi-
scent, quæ id vitæ genus exigit.

§. 892.

§. 892.

Ex eadem ratione operam quoque dare debent pro virili, ut liberi consequantur bona fortuna, & eos aptos efficiant ad eadem consequenda, promove-
consequenter curæ habere, ut fiant fortunati.

De fortuna liberorum
promove-
venda.

§. 893.

Cum parentes speciali obligatione liberorum suorum ac status eorumdem perfectionem promovendi teneantur (§. 855.) & hominibus perinde ac brutis natura infusus sit amor prolis suæ, qui *φιλία* appellari solet; liberos suos non modo amare debent parentes, sicuti ceteros homines (§. 136.) verum etiam eos in amore, ac per consequens officiis omnibus, quæ aliis debentur, ceteris præferre (§. 44.)

De amore liberorum
promove-
venda.

§. 894.

Quoniam liberi non modo parentibus debent vitam suam, sed propter educationem etiam eos agnoscere debent maximos benefactores suos, (per demonstrata in antecedentibus vi (§. 470. 471.) ideo gratum erga parentes animum habere debent, & quacumque data occasione ipsis, quantum possunt, vicissim benefacere, eosdem amare, magnificere ac singulari honore prosequi, qui Reverentia filialis dici solet (§. 474.)

De officio liberorum
erga parentes.

§. 895.

Reverentia filialis cum consistere nequeat cum illa familiaritate, quæ inter conjuges intercedit; matrimonium quoque inter liberos & parentes naturaliter illicitum. Nimirum ob immutabilitatem obligationis naturalis (§. 38.) lege naturæ matrimonia permixta non sunt, quæ tollunt, aut labefaciunt officia, quæ pars una alteri debet.

De matrimonio
inter liberos
illicitum.

§. 896.

§. 896.

De providentia parentum circa educationem liberorum incasum mortis. Quoniam sumptus in educationem faciendi a parentibus debentur (§. 855.) iisdem cura esse debet, ut, si ipsos mori contingat, antequam liberi fuerint educati, ipsis relinquunt bona, de quibus sumptus educationis sustentari possint, & curam educationis atque administrationis bonorum, quæ ipsis relinquunt, aut quæ aliunde iisdem obveniunt, personis aliis demandare, quas eam diligenter curaturos confidunt.

§. 897.

De cura educationis parentibus superioribus & cognatis incummente. Cum generis humani propagandi causa generentur homines (§. 854.) parentes superioris gradus generarunt liberos, ut ex iis porro procreentur alii. Quamobrem cum prolis educatio a generatione inseparabilis sit (§. 855.) si parentes moriantur, antequam liberi fuerint educati, parentes superioris gradus eos educare obligantur, aut his prædefunctis, cum beneficia etiam reddantur parentibus in liberis ipsorum, cognati curam educationis in se suscipere debent, (§. 894. 873.)

§. 898.

De tutela. Tutores dicuntur personæ, quibus educatio pupillorum cura est: & pupilli vocantur liberi nondum educati, quorum parentes defuncti, aut qui uno saltem, præsertim patre, orbi. Atque jus educandi liberos parente orbos Tutela dicitur. Dicuntur autem Tutores testamentarii, qui voluntate ultima parentum constituuntur; legitimi, qui jure cognationis tales sunt; & dativi, qui in statucivili a magistratu dantur. Quodsi liberi ea sint ætate, aut bonorum administrandorum causa saltem, aut potissimum aliena ope indigeant, cum persona, cui competit jus bona

bona alterius administrandi, quæ vel propter
 atatem, aut corporis quoddam, vel animi vi-
 tium rebus suis ipsamet præesse nequit, *Curator*
 dicatur; in Jure Romano curatores a tutoribus
 distinguuntur: nostris tamen moribus tutela tam-
 diu durat, donec educatio prorsus absoluta, id quod
 Juri naturæ convenientius.

§. 899.

Quoniam *Vicarius* dicitur, qui vicibus alterius
 fungitur; tutores sunt vicarii parentum defuncto-
 rum in educatione pupillorum, ac per consequens
 idem ipsis curæ esse debet in educandis liberis, quod
 parentibus, nisi quod proprios sumtus in eamdem fa-
 cere non teneantur; cum nulla adsit ratio, cur
 quis liberos alienos suo sumtu educare debeat.
 Nimirum si pupilli propria habeant bona, non opus
 est, ut alieno sumtu educentur; cum alteri præstan-
 da non sint, quæ ipsæmet in potestate sua habet
 (§. 133.) si iisdem careant; quoniam mendici sunt
 (§. 487.) de eleemosynis prospiciendum ipsis est
 (§. 488. 491.) Distinguendum vero est, quod tu-
 toribus faciendum, ab eo, quod parentibus
 superioris gradus incumbit (§. 897.)

*De offi-
 cio tuto-
 rum.*

§. 900.

Cum non repugnet, ut tutori uni tantum-
 modo cura educationis, alteri administratio bo-
 norum committatur, ne unus nimium oneretur,
 immo ut melius consulatur pupillo, alii saltem
 inspectio tutelæ demandetur; alii sunt *Tuto-
 res educatores*, alii *administratores*, alii *inspecto-
 res*. *Educatores* & *administratores* communi
 nomine *Tutores inferiores*: *inspector* autem *Tu-
 tor superior*, seu *honorarius* dicitur. Et, si plu-
 res fuerint tutores, a parentum, vel constituen-
 tium voluntate dependet, utrum tutelam inter eos divi-
 (Wolffii Instit. J. N. & G.)

*De tuto-
 rum di-
 versita-
 te.*

A a dere,

dere, an ii conjunctim indivisam committere velint
(§. 314.)

§. 901.

De in-
habili-
tate tu-
torum.

Quia tutores pupillos ad virtutem perducere, a vitiis avocare debent (§. 890. 899.) ad tutelam inhabiles sunt, qui vitiis dediti, aut propter aetatem, vel animi quoddam vitium aut corporis ipsimet tutore vel curatore indigent: cumque nemo obligari possit ad id, quod in potestate sua non est (§. 60.) aut nonnisi cum neglectu officii erga seipsum prestare potest (§. 133) a tutela excusantur, qui ob infirmitatem corporis, vel ob aetatem nimis proVectam, aut multitudinem negotiorum, tutelam ea diligentia, quae requiritur, administrare nequeunt.

§. 902.

De in-
ventario
confi-
ciendo.

Inventarium dicitur consignatio bonorum pupilli vel curandi administrandorum. Ut igitur constet, quanam administranda fuerint; tutor inventarium conficere debet.

§. 903.

De alie-
natione
bonorum
pupilli.

Cumque tutor bona pupilli administrare debeat omni diligentia, ne damnum pupillo detur (§. 21. 269.) ut de eadem constet; rationem administrationis singulis annis reddere tenetur. Et quia is, cuius bona administrat, dominus est; bona pupilli immobilia alienare nequit (§. 257.) quoniam tamen in administrando personam pupilli repraesentat, ac ideo ea facere tenetur, quae ipse necessitate urgente facere cogeretur; si ea adsit necessitas, quae ipsum pupillum ad alienandum cogit, eadem alienare potest, consequenter si aes alienum solvendum, nec ex rebus aliis solvi possit, si sumtus in educationem ex rebus aliis fieri

fieri nequeant, si prædii reficiendi causa contrahendum sit æs alienum & usuræ prædium inutile redant. Ut vero tutor omnem suspicionem a se amoveat; si res pupillares distrabendæ, a peritis taxandæ & tutori curæ esse debet, ut inveniat emtorem justum pretium offerentem. Enimvero cum patrimonium pupilli conservare & quantum in potestate est, amplificare debeat (§. 208.) bona mobilia supervacua, ac ea in primis, quæ servando servari non possunt, vendere, ac pecuniam inde redactam vel fœnori dare, vel in emtionem prædiorum collocare debet, nisi pater res quasdam alienari expresse prohibuerit, nec ulla eas alienandi necessitas adsit (per demonstrata.)

§. 904.

Si tutor dolo, vel culpa damnum in administratione dederit, id rescire tenetur (§. 270.) cumque hoc respectu sit debitor pupilli (§. 336.) naturaliter pupillo bona tutoris obligata sunt pro iis, quæ finita tutela ipsi restituenda (§. 705.)

De damno a tutore dato.

§. 905.

Cum tutori, vel curatori competat administratio bonorum (§. 898.) pupillus sine consensu tutoris, & qui curatorem habet, sine consensu curatoris se alteri ad aliquid præstandum obligare nequit. Quoniam vero administratio ideo committitur tutori, vel curatori, ne pupillus, aut curandus defraudetur (§. cit.) si is alterum sibi obligavit ad aliquid præstandum, vel cum eo in commodum suum contraxit, actus validus est.

De pupillo, vel aliis eiusdem obligandis.

§. 906.

Quoniam nemo alteri gratis facere tenetur. si is vicissim dare possit (§. 473.) per se autem patet, tutelam haud exiguum esse onus, præ-

De salario & honorario tutoris.

tertium si ampla fuerit bonorum administratio; naturaliter illicitum non est, ut tutori, vel curatori pro administratione, si ampla sint bona pupilli, salarium aliquod constituatur. Cumque beneficia, qualis est administratio tutelæ, si ea gratis fiat, sint rependenda (§. 474.) æquum omnino est, ut finita tutela pro eadem fideliter ac utiliter gesta honorarium quoddam solvatur (§. 525.)

§. 907.

De inde-
mitate
tutoris
& cura-
toris.

Et quia pupillus, vel curandus locupletior fieri nequit ex re tutoris, vel curatoris (§. 271.) pupillus & curandus obligantur tutori & curatori restituere impensas administrationis causa factas, & damnum occasione ejus datum resarciendum, adeoque si pupilli, vel curandi causa res proprias oppignoravit tutor, vel curator, aut fidejussit, finita tutela, vel cura eum liberare tenetur pupillus, vel curandus.

§. 908.

De quasi
pacto tu-
toris.

Tutor in administrationem tutelæ consentit expresse, dum eandem in se suscipit, & cum eam exigit manifesta pupilli utilitas, ejus consensus recte præsumitur (§. 686.) Tutela igitur acquiritur quasi pacto (§. cit.) unde perfecta etiam nascitur obligatio & jura perfecta acquiruntur (§. 687.)

§. 909.

De socie-
tate pa-
terna.

Non absimili modo ostenditur, inter parentem & liberos educationis causa intercedere quasi pactum, & per consequens inter eosdem societatem quamdam, ipsa natura duce, contrahi: quæ societas paterna appellari solet. Ac ideo obligationes & jura ad educationem liberorum spectantia non solum officii sunt lege naturali præscripti, verum etiam

etiam ex quasi pacto, perinde ac ex pacto vero oriuntur (§. 687.) Educatio liberorum duplici modo spectatur, tum quatenus ad utrumque conjugem spectat, tum quatenus a parentibus in utilitatem liberorum fieri debet. Priori respectu ad societatem conjugalem, posteriori ad paternam pertinet.

§. 910.

Quoniam parentes actiones liberorum determinare debent, quia ipsi in iis rite determinandis sibi non sufficiunt (§. 887.) successive autem eas ipsi per se determinare discunt; potestas patria crescente etate successive intra actiones limites redigitur (§. 888.) id quod etiam de tutela valet (§. 899.) Enimvero cum educatio non ante absoluta intelligatur, quam ubi liberi per se ea acquirere possunt, quæ ad vitæ necessitatem & commoditatem necessaria sunt (§. 855.) quamdiu in domo paterna vivunt, quia sibi metipsis nondum prospicere possunt de victu & amictu, aliisque necessariis vitæ subsidiis, voluntati parentum subiaciuntur quoad ea, quæ ad domum spectant.

An patria potestas parentum eadem.

§. 911.

Patria potestas cum parentibus nulla competit, nisi quæ ex obligatione educandi liberos nascitur (§. 888.) finita educatione patria potestas tollitur, & liberi fiunt sui juris: consequenter etiam tutela finitur. Enimvero cum tam officia parentum erga liberos, quam liberorum erga parentes lege naturæ præscribantur (per demonstrata) consequenter obligatio ad ea prorsus immutabilis sit (§. 38.) officia liberorum erga parentes durant per omne vitæ tempus, nec minus parentum erga liberos officia ab educatione sejuncta

De duratione patrie potestatis & officiorum

perpetua sunt. Unde sequitur ut liberi, quamvis destinat obedientia, quam patria urget potestas (§. 889.) toto tamen educationis tempore studere debeant, ut placeant parentibus.

§. 912.

De consensu
parentum ad
matrimonium
liberorum.

Quoniam liberi toto vitæ tempore studere debent in omnibus suis actionibus, ut placeant parentibus (§. 911.) sine eorum quoque consensu matrimonium contrahere non debent, cumque matrimonia nisi ubi iudicium eorum jam satis maturum est, suo potius iudicio stare licet, quam parentum sine iusta causa contradicentium (§. cit. & §. 78.) consequenter matrimonium dissensu parentum irritum effici nequit, ac ideo consensus eorum honestatis est (§. 49.) non necessitatis (§. 80.)

§. 913.

De dote
uxoris.

Cum filia nubentes in eum perducantur statum, quo parentes non amplius opus habent iisdem prospicere de iis, quæ ad ipsarum conservationem requiruntur (§. 866.) onera autem matrimonii conjuges conjunctim ferre teneantur pro modo facultatum suarum (§. 868.) & Dotis nomine veniant res, quas uxor affert ad maritum, onerum matrimonii sustinendorum causa; si parentes filiam elocant, quæ propria bona nulla habet, pro modo facultatum suarum eam dotare debent; non tamen tenentur, si maritus indotatam ducere velit, aut quod per se patet, si non possint (§. 60.) Et quia parentum est iudicium de facultatibus suis (§. 78.) dotis determinatio tota ab ipsorum arbitrio dependet. Quoniam vero dos datur ad sustinenda onera matrimonii; usufructus saltem in ea impendendus; & substantia salva esse debet uxori, consequenter

ter si pecunia, vel res aestimata in dotem detur, cum usus pecuniæ nullus sit, nisi erogari possit, dominium dotis in maritum transferendum, & idcirco bona mariti naturaliter oppignorata sunt pro dote (§. 705.) Pacta, quibus de dote convenitur, tum & aliis ad utilitatem conjugum spectantibus, vocantur *dotalia*. Cum in hisce regnet paciscentium voluntas (§. 667.) de quibus in pactis dotalibus conventum, iis standum.

§. 914.

In Jure Romano *Donatio propter nuptias* appellatur donatio mulieri a viro in securitatem dotis facta; quæ ideo non minor esse debet dote: naturaliter vero eadem opus non est (§. 913.)

De donatione propter nuptias.

§. 915.

Morgengaba dicitur donum, quod sponsus dare solet sponsæ altero nuptiarum die in præmium virginitatis, seu pudicitiae ereptæ. Cum ex pacto matrimoniali sponsa obligetur sponso ad concedendum corporis sui usum (§. 858.) sponsus quoque naturaliter pro concessione primi coitus nihil solvere tenetur, consequenter *morgengaba*, quæ moribus veterum Germanorum introducta, Juris naturalis non est. Vi tamen ejusdem uxor in *morgengaba* accepta dominium acquirit (§. 317.)

De morgengaba.

C A P U T V.

De Jure hereditario, seu testamentis & successione ab intestato.

§. 916.

IN bona defuncti succedere dicitur, qui post mortem defuncti jus in bonis, quæ habue-

De herede & jure hereditario.

rat, acquirit. Qui in ea succedit, *Heres* dicitur; & jus succedendi in bona defuncti *jus hereditarium*. Rerum a defuncto relictarum universitas *Hereditas*; & dominium, quod in ea acquiritur, *Dominium universale* appellatur. Denique *hereditatem suscipere* dicitur, qui verbis, vel facto sufficienter declarat, quod heres esse velit. Quodsi voluntas verbis, vel signo, sine ullo tamen facto declaratur, in specie *Hereditatis aditio*; si vero facto, *Gestio pro herede* vocatur.

§. 917.

De acquisitione juris hereditarii & hereditatis.

Hinc statim patet, cum heres eadem persona moralis sit cum defuncto quoad bona ab hoc relictā (§. 916.) in eodem omne jus defuncti & omnes obligationes quoad ipsius bona continuari. Et quia susceptio hereditatis est acceptatio juris hereditarii (§. cit. & §. 316.) aditione hereditatis, vel gestione pro herede *jus hereditarium* & cum eo *dominium universale* (§. 916.) occupatione autem possessionis *hereditas* acquiritur (§. 200.)

§. 918.

Quenam ad hereditatem pertineant.

Patet hinc porro, ad hereditatem pertinere res omnes corporales tam mobiles, quam immobiles, siue fuerint in potestate defuncti, siue alterius, nomina etiam & jura omnia, qualiacumque fuerint, solis personalibus exceptis (§. 400.) res vero alienas, quippe quæ non fuerint defuncti (§. 207.) & restituendæ sunt domino (§. 261.) ad hereditatem non pertinere, & æs alienum ab ea deducendum esse (§. 207.)

§. 919.

An ultra vires hereditatis

Cum per se pateat, neminem pro alio solvere teneri, nec ipse defunctus, si esset in vivis, plus

plus solvere posset, quam in bonis ejusdem est, naturaliter heres ultra vires hereditatis non teneatur, si æs alienum massam superet, nec alio animo eandem suscipere intelligitur, quam ut ultra vires ejus non teneatur. Quamobrem ut de viribus hereditatis constare possit, si hereditas æri alieno obnoxia fuerit; inventarium conficiendum (§. 902.) a quo in statu naturali jurata specificatio non differt; cum quæ per testes probari nequeant, per juramentum probanda (§. 781.)

§. 920.

Hereditatem repudiare dicitur, qui jus hereditarium sibi delatum acceptare non vult. *De hereditatis repudiatione.* A voluntate igitur uniuscujusque dependet, utrum hereditatem sibi delatam suscipere, an repudiare velit (§. 316.)

§. 921.

Cum parentes fortunam liberorum, quantum possunt, promovere debeant (§. 892.) si moriantur, bona sua liberis relinquere debent. Quoniam vero curæ habere obligantur, ut, si eos mori contingat, bona liberis nondum educatis relinquunt, ex quibus sumtus educationis sustentantur (§. 896.) si quidam liberorum fuerint educati, alii non fuerint, & quæ ab ipsis relinquuntur bona vix educationi horum sufficiunt, ea naturaliter ad nondum educatos pertinent; aut si fructus huic sufficiant, ususfructus, donec fuerint educati. Ex eadem ratione idem intelligitur de parentibus superioris ac liberis inferioris gradus (§. 897.) Quamobrem cum sui heredes dicantur, qui per generationem a defuncto descendunt; liberi primi & ulterioris gradus sunt heredes sui. Cumque fortunæ non minus liberorum ulterioris, quam primi gradus consulere debeamus, (per de-

De successione liberorum.

demonstrata) si defuncto fuerint liberi & primi, & ulterioris gradus, naturaliter quoque hi subeunt in locum parentum suorum. Quamobrem quia jus subeundi in locum parentum suorum, cum liberis primi gradus ad hereditatem concurrentibus liberis ulterioris gradus competens, jus representationis vocatur; hoc jus naturale est, seu juri naturæ convenit.

§. 922.

De suc-
cessionem
parentum.

Quoniam liberi parentibus beneficia rependere obligantur, quantum possunt (§. 894.) si quis improles moritur, naturaliter bona sua relinquere debet parentibus suis primi gradus, aut his deficientibus, gradus ulterioris. Nimirum beneficia parentibus nostris primi gradus exhibita a parentibus suis, qui nobis sunt parentes ulterioris gradus (§. 879.) per illos etiam in nos derivantur.

§. 923.

De heredi-
tatis
delatio-
ne in
linea re-
cta.

Atque hinc patet, in linea recta natura hereditatem deferri descendantibus, observato jure representationis: his autem deficientibus, parentibus secundum gradus (§. 921. 922.)

§. 924.

Quale
sit jus
succeden-
di li-
berorum
& pa-
rentum.

Cum jus succedendi liberorum atque parentum non modo natura sit constitutum, sed etiam ex quasi pacto oriatur (§. 921. 922.) non modo per modum officii (§. 57.) verum etiam tamquam jus ex pacto quasitum subsistit (§. 909. 687.) ipsis auferri nescium (§. 100.) Accedit, quod societas paterna, quæ ab initio consensu liberorum præsumto nitebatur (§. 909.) ubi ad maturiorem ætatem perveniunt, tacita eorundem rati habitatione confirmetur, quasi pacto in expressum transeunte. Tacitus iste consensus extenditur etiam

etiam ad familiam parentum superiorum (§. 877. 881.) saltem Jure naturæ extendi debet.

§. 925.

Liberi abdicari dicuntur, si parentes sufficienter declarent, quod eos pro liberis agnoscere nolint. Quod si liberi scientes ac volentes ea committunt, quæ e diametro ipsorum erga parentes officio, reverentiæ in primis filialis repugnat, vel a vita scelestæ sese revocari minime patiuntur, cum a pacto vel quasi, quo nititur societas paterna (§. 909. 924.) discedant (§. 442.) naturaliter eos abdicare licet (§. cit.) Per se autem patet, abdicatos amittere jura liberorum.

*De abdi-
catione
libero-
rum.*

§. 926.

Cum liberis ac parentibus jus succedendi competat, quia liberi ac parentes sunt (§. 921. 922.) naturaliter liberi omnes ejusdem gradus æquale jus habent ad hereditatem parentum, & vicissim parentes ejusdem gradus ad hereditatem liberorum, consequenter singuli hereditatem æqualiter inter se dividere debent, & qui jure representationis succedunt (§. 921.) eam partem accipere debent, quam parens ipsorum accepisset, si adhuc in vivis fuisset.

*De quæ-
ritate ju-
ris here-
ditarii
libero-
rum &
pare-
ntum.*

§. 927.

Expressa declaratio voluntatis defuncti de translatione dominii rerum post mortem suam relictarum, & de eo, quod præterea post mortem suam fieri vult, ea lege facta, ut nonnisi post mortem suam acceptatio fieri possit, Testamentum dicitur. Quamobrem cum dominium ea lege in alterum transferri possit, ut nonnisi post mortem suam acceptari possit (§. 314.) testamentum Juris naturalis est, nec de voluntate

*De testa-
mento.*

Testa-

Testatoris ante mortem ejus, ut heredi constet necessesse est, & ante mortem testamentum revocari ac pro lubitu mutari potest (§. cit.) Quamobrem patet, testamentum morte demum testatoris validum effici, seu irrevocabile.

§. 928.

De exheredatione liberorum & parentum.

Liberi exheredari dicuntur, quibus a parentibus expressa voluntate aufertur hereditas. Quoniam iidem abdicari possunt, abdicati autem amittunt jus succedendi (§. 925.) liberi quoque exheredari possunt. Cum tamen jus ipsis in se auferri nesciunt (§. 924.) pro lubitu a parentibus auferri nequeat; sine justa causa exheredari nequeunt: quæquales esse debeant, ex anterioribus colligitur (§. 925.) Quæ de exheredatione liberorum dicta sunt, ob eandem rationem etiam applicanda ad exheredationem parentum.

§. 929.

De legatis.

Quoniam obligatio naturalis fortunam aliorum promovendi, quantum in potestate sua est, etiam parentes atque liberos tenet (§. 134. 38.) si parentes absque neglectu liberorum suorum, & liberi absque neglectu parentum fortunam aliorum promoveri possunt, in gratiam quoque extraneorum & mendicorum ac egenorum de bonis post mortem suam relictis disponere possunt, veluti si parentes habeant patrimonium amplum, vel liberis jam adsint, quæ vitæ necessitati, commoditati ac jucunditati sufficiunt, vel contra. Quamobrem cum donatio rei cujusdam, vel etiam certæ pecuniæ summæ, ultima voluntate facta, Legatum dicatur; inde patet, quatenus legata Juri naturæ conveniant. Dicitur autem Legatarius persona, cui legatum relinquitur. Et quia legata spectanda sunt tamquam onus hereditati adjectum

Atum (§. 409.) cum hereditas nonnisi sub hoc onere acquiri possit (§. 317.) ab herede legatariis præstanda. Per se autem patet, legata in præjudicium liberorum relicta naturaliter non subsistere.

§. 930.

Cum cognatis collateralibus ad promovendum ipsorum fortunam non aliter obligemur speciali quadam ratione; quam quatenus parentibus in ipsis beneficium rependimus (§. 894. 878.) ac ideo non quia ipsis per se beneficium debetur; bona quoque post mortem ipsis relinquere perfecte non obligamur, consequenter in testamento præteriri iidem possunt, herede extraneo instituto, vel ex collateralibus eum, qui placuerit, vel etiam conjuge superstite.

An cognati collaterales in testamento præteriri possint.

§. 931.

Ab intestato succedere dicitur, qui in bona defuncti succedit testamento nullo facto, vel a defuncto in testamento non institutus heres. Quamobrem cum posthumus, qui post mortem demum patris nascitur, sit quoque heres suus patris sui, immo etiam parentum superioris gradus (§. 921.) si in testamento prætereatur, una cum ceteris liberis ad hereditatem admittendus, & testamentum naturaliter quoad cetera subsistit, etiam quoad legata, nisi ideo relicta intelligantur, quia heredum numerum minorem putavit defunctus. Ob eandem rationem idem intelligitur, si unus ex liberis fuerit præteritus, non exheredatus (§. 928.)

De successione ab intestato & præteritione liberorum in testamento.

§. 932.

Cum naturaliter ad testamentum faciendum non aliud requiratur, quam ut testator voluntatem suam expresse declaret (§. 927.) testamentum natu-

De modo testandi.

naturaliter validum est, si quocumque modo constet hanc esse defuncti voluntatem, consequenter si eam coram testibus declaret, vel in scripturam redigat, aut ab alio in scripturam redactam subscribat. Per se autem patet, si testamentum scriptum a testibus subscribatur, opus non esse, ut ejus tenor ipsis sit notus (§. cit.) Dicitur autem Testamentum nuncupativum, quando testator voluntatem suam declarat coram testibus, siue præsens sit heres, siue absens: Testamentum autem scriptum, quando testator voluntatem suam in scripturam redactam relinquit.

§. 933.

De modo
succe-
dendi ab
intesta-
to.

Quoniam non uno casu contingere potest, ut quis voluntatem suam ultimam non declaret; ex eo minime sequitur, quod voluerit, ut, bona sua post mortem sint res nullius, consequenter occupanti cedant (§. 209. 210.) Si quis ergo intestatus decedit, præsumendum est, cuiusnam esse voluerit bona post mortem relicta. Quamobrem qui ab intestato succedit, nisi hereditas ipsi debita sit (§. 924.) ex præsumta defuncti voluntate succedit. Quoniam itaque id præsumendum, quod officii maxime congruit, collateralibus autem qua talibus speciali ratione obligamur ad promovendum eorum fortunam, quatenus in ipsis beneficium redditur parentibus communibus primi, vel ulterioris gradus (§. 930.) deficientibus heredibus in linea recta, ab intestato succedunt, qui sunt in familia patris, vel matris, secundum gradus familie, & bis deficientibus similiter, qui sunt in familia avi, vel avie, ac ita porro, ut non fiat transitus de familia in familiam, nimirum de arctiori in diffusiores, nisi ubi in illa nulla extet persona, ubi vis nulla habita indifferentia sexus.

§. 934.

Cum dominium amittatur, quamprimum quis moritur (§. 818.) consequenter si deficiat heres, & res ab eodem relictae fiant nullius; hereditatem occupare potest naturaliter, qui voluerit (§. 210.) aut is, a quo jus occupandi occupatum est (§. 214.)

De herede deficiente.

§. 935.

In heredem transfertur dominium rerum a defuncto relictarum (§. 916.) & legatario datur, quæ ipsi legantur (§. 929.) Quot modis igitur aliquid dari potest, seu dominium transferri, tot etiam modis heres institui & legatum relinqui potest. Quamobrem quæ ex diverso modo dandi fiunt, ea etiam valent de herede hoc, vel isto modo instituto, & de legato hoc, vel isto modo relicto.

Quot modis heres institui & legatum relinqui possit.

§. 936.

Ceterum si testator velit, eum heredem sibi esse, qui ab intestato succedit, legatum tamen uni, vel alteri relinquere, vel alia quædam fieri post mortem suam; naturaliter in testamento, nulla facta heredis institutione, legata relinqui possunt, immo de aliis disponi potest, quæ post mortem suam testator fieri vult (§. 927.) tumque heres est, qui ab intestato succedit, & ultimam voluntatem testatoris adimplere tenetur (§. 317.)

De testamento sine heredis institutione facto.

§. 937.

Et quia in testamento mutare pro lubitu potest, quicquid visum fuerit, testator, quamdiu vixerit (§. 927.) naturaliter testamento adjecti possunt non minus, per quæ nonnulla in eodem mutantur, tum quæ nihil mutationis afferunt.

De iis, quæ ad testamentum adji- ciuntur.

§. 938.

§. 938.

De pra-
legatis.

Prælegatum dicitur legatum heredi uni, vel alteri relictum. Quoniam a voluntate testatoris dependet, cuinam legatum relinquere velit (§. 929. 475.) consequenter nil obstat, quo minus etiam heredi relinquatur; prælegata Juris naturæ non contrariantur.

§. 939.

De here-
ditate,
vel lega-
tis repu-
diatis.

Si heres unus hereditatem, legatarius legatum repudiet, cum perinde sit, ac si heres non fuisset institutus, vel legatum nullum relictum (§. 920. 339.) proportio illius, vel res legata hujus hereditati accrescit; (cumque heres facto suo jus legatario adimere non possit (§. 100.) & naturaliter in testamento etiam de legatis tantummodo disponi queat (§. 936.) si heres institutus hereditatem adire nolit, vel non possit, legata tamen subsistunt.

§. 940.

De sub-
stitutio-
ne here-
dis, vel
legata-
rii.

Cum heredis institutio & legati relictio a voluntate testatoris dependeant (§. 930. 938.) testator quoque heredi instituto alium substituere potest, ut illo deficiente quacumque de causa hic succedat, vel deficiente legatario substitutus legatum accipiat.

§. 941.

De fidei-
commis-
sis.

Hereditatis delatio ea lege facta, ut vel tota, vel certa ejus pars, prouti testator jussit, restituatur alteri, Fideicommissum dicitur, in casu primo universale, in secundo particulare. Ac in specie Fideicommissum familiæ dicitur, quod familiæ relictum; vel si testator prohibet, ne res extra

extra familiam alienentur. Fideicommissa esse naturaliter valida, patet per liberam testandi voluntatem (§. 930.)

§. 942.

Cum dominus vi dominii de rebus suis pro lubitu disponere possit (§. 195.) naturaliter valida sunt pacta de hereditate inita, consequenter etiam pacta successoria conjugum.

§. 943.

Per se patet, mortuo conjugee uno, matrimonium dissolvi, consequenter usum rerum, quas quique habet, quantum ad communem æconomiam sufficit (§. 866.) cessare, cumque res ipsæ uniuscujusque propriæ sint; conjugem superstitem recipere quod suum est, nullum vero jus habere ad bona defuncti. Quoniam tamen conjux unus in casu collisionis alterum præferre debet in præstandis officiis humanitatis (§. 869.) si conjux superstes non habeat propria bona, vel ea non sufficiant ad vitæ necessitatem, commoditatem aut jucunditatem, qui moritur, post mortem suam eam pro modo facultatum suarum bonorum partem ipsi relinquere debet, quæ vel vitæ necessitati soli, vel etiam commoditati, immo jucunditati sufficiunt, aut saltem usumfructum in ista parte bonorum, vel bonis etiam omnibus, sive ad dies vitæ, sive donec in statu viduitatis permanserit, prouti circumstantiæ particulares suadent, consequenter deficiente herede in linea recta (§. 921. 922.) conjugem heredem instituere potest, aut si non deficiat, vel alia de causa heredem instituere hunc nolit, legato (§. 929.) aut fideicommisso (§. 941.) aut usufructu constituto eidem prospicere debet.

De successione naturali conjugum.

§. 944.

De in-
dissolu-
bilitate
matrimo-
nii.

Quoniam parentes non modo liberos conjunctim educare (§. 856.) communique sumptu (§. 866.) verum etiam pro virili fortunam eorum promovere (§. 892.) ac ipsis post mortem bona sua relinquere debet (§. 921.) immo etiam tacite se invicem sibi obligant ad quævis humanitatis officia præstanda (§. 869.) & conjux unus alteri post mortem suam de iis prospicere debet, quæ ad vitæ necessitatem, commoditatem ac jucunditatem requiruntur, quantum datur (§. 943.) Jure naturali matrimonium perpetuum esse debet.

§. 945.

De libe-
ris ex
illicito
concubi-
tu natis.

Libervis imputari nequit, quod ex concubitu illegitimo nati (§. 873.) Quoniam itaque naturaliter inter liberos legitimos & ex concubitu illicito natos nulla datur differentia; naturaliter ex illicito concubitu nati æquale jus habent ad hereditatem parentum suorum cum liberis ex justis nuptiis natis.

§. 946.

De ma-
trimonio
collate-
ralium.

Cum inter fratres atque sorores nulla concipi possint officia; nisi quorum ratio continetur in eo, quod per nativitatem ab iisdem parentibus descendant, nulla quoque fingi possunt officia, quæ cum officiis conjugum consistere nequeant, prouti id obtinet inter parentes & liberos (§. 895.) Quamobrem matrimonia inter fratres & sorores contracta naturaliter illicita non sunt, ac ideo multo minus inter collaterales remotiores. Alia vero quaestio est: num istiusmodi matrimonia ob rationes civiles in statu civili prohiberi debeant(

De servitute & societate herili.

§. 947.

Servitus est subjectio, qua quis operas per- *Servitus*
petuas pro alimentis perpetuis præstare ob- *quid sit.*
ligatur. Qui operas præstare obligatus, *Servus*;
si foemina fuerit, *Ancilla*; qui alimenta, *Domini-*
us dicitur; & jus domini in servum, *Potestas*
dominica. Est autem *Servitus perfecta*, si operæ,
quæ perpetuo debentur, determinatæ non sunt;
consequenter a domino pro lubitu determinandæ:
imperfecta vero, si operæ saltem certæ debentur,
aut non perpetuo, vel non continuo.

§. 948.

Cum qui per operas ad victum & amictum *De Ser-*
necessaria acquirere tenetur, eas alteri locare *vitute*
possit pro mercede (§.620.) & de operis a se *volun-*
præstandis pro lubitu statuere (§.225. 195.) si *taria*
quis non habet nisi operas, quarum præstatione sibi
comparare valet ea, quæ ad vitæ necessitatem faciunt,
eidem jus est sese alteri in servitutem dandi (§.947.)
Quoniam itaque ex pacto tunc oritur servitus,
quæ voluntaria dicitur; in servitute voluntaria ex
pacto metienda sunt jura atque obligationes. Et vi
libertatis naturalis unicuique permittendum, ut se
alteri in servitutem det pro lubitu suo (§.78.) con-
sequenter etiam se vendere (§.887.) aut quocumque
modo alio alienare licet.

§. 949.

Quoniam parentes liberos educare obligantur *An pa-*
(§.855.) si aliter liberis suis de iis prospicere non *rentibus*
possunt, quæ ad educationem requiruntur, eos in *liceat*
servitutem vendere licet (§.46.) At cum nec *liberos*
vendere,
vel in-

ritio uxore.
rem.

liberi æs alienum parentum solvere teneantur, nec uxor mariti (§. 873.) ob æs alienum parentibus liberos, marito uxorem vendere non licet. (a)

§. 950.

De servitute
debitoris.

Enimvero cum naturaliter bona debitoris obligata sint pro quolibet debito, ut ex iisdem satisfiat creditori (§. 705.) operæ autem æquiparentur rebus in dominio existentibus (§. 225.) creditor debitorem, qui solvendo non est, in servitutem redigere potest, donec sibi operis præstitis ex æsse fuerit satisfactum, consequenter eundem etiam alii pro eo solvendi in servitutem addicere, aut pro pretio convento (§. 338. 342.) Dicitur autem servitus coacta, quam quis præter voluntatem suam subire cogitur.

§. 951.

De jure
domini,
in servitutum.

Cum servus domino operas præstare teneatur (§. 947.) eidem non competit jus nisi in operas a servo præstandas, & in actiones ceteras, quatenus respectum quemdam ad illas habent, consequenter etiam jus eum ad operas præstandas obligandi, & præstare nolentem, vel in præstandis negligentem puniendi, ac ideo minis & verberibus ad præstandum operas debitas compellendi (§. 35. 93.)

§. 952.

De officiis
humana-
ritatis
servi
de
hijis.

Cum servus non desinat esse homo; dominus quoque servum amare & cetera officia humanitatis præstare debet, quæ homo homini debet (§. 38. 133.) consequenter non permittere, ut is sit vitio deditus, sed curare, ut virtuti studeat (§. 139.) ipsi-

(a) Hac praxis tam sæva & immitis quæ caritatem paternam adversos liberos omnino evertit, jam diu fuit ab Ecclesia proscripta, & a cultoribus populis reprobata. Vide Estium in 4. Sent. Cujacium; aliosque plurimos qui hoc argumentum egregie tractant.

ipsique competit ius præcipiendi servo, quæ legi naturæ conveniunt, prohibendi, quæ repugnant (§. 951.)

§. 953.

Quoniam operæ præstantur pro alimentis (§. 947.) dominus servo alimenta salubria iusti quantitate, & vestes aptas ad corpus contra injurias ævis tuendum dare debet (§. 114. 115.) nec operas exigere, ultra quod sanitas permittit (§. 124. 37.)

De operis a servo exigendis.

§. 954.

Operæ servi, quæ ante erant in dominio servi (§. 225.) nunc sunt in dominio domini (§. 951.) Quicquid igitur per operas servi acquiritur, domino acquiritur (§. 226.) Enimvero si servus aliunde quid acquirit, vel per operas suas horis subsceivis, in quibus voluntate domini a labore vacat, id servi manet. Dicuntur autem Peculium servi res & pecunia, quas servus quomodocunque extra ministerium domini acquirit: quod dominus in rem suamvertere nequit (§. 195.) Non tamen permittere tenetur, ut servus eodem abutatur (§. 952.) & de eo satisfaciendum domino, si servus dolo, vel culpa sua damnum dederit (§. 270.) alias nonnisi puniendus (§. 93.)

Cuinam servus acquirat & de peculio servi.

§. 955.

Cum potestas dominica sit ius determinandi actiones servorum, prouti sibi visum fuerit, & prouti legi naturæ convenit (§. 951. 952.) ea imperium est (§. 833.) Unde & imperium herile appellari nonnumquam solet. Domino igitur ius nullum in corpus & vitam servi competit; consequenter naturaliter ius vitæ ac necis in servum non habet. Ac propterea, cum in servum servire di-

Quale ius sit potestas domini?

catur, si dura verba jugiter ferat in servum, in præstandis operis licet assiduum, aut ob non præstitas operas nimias, aut solo odio sine ulla ejus culpa nimis duriter tractet; in servum sæviri non licet.

§. 956.

De obli-
gatione
servi.

Quoniam servi domino subjecti sunt (§. 955. 835.) eidem obedire debent (§. 836.) & per consequens facere, quæ jubet, non facere, quæ prohibet (§. cit.) Et operas debitas omni diligentia præstare obligantur (§. 947. 21.)

§. 957.

De alie-
natione
servi.

Quia quilibet jus suum alienare potest pro lubitu (§. 257.) dominus quoque servum, hoc est jus, quod in ejus operas & ceteras actiones habet, alienare potest, cui & quomodo voluerit, veluti vendere.

§. 958.

De ma-
numis-
sione.

Cumque etiam jus suum remittere possit (§. 342.) quo factò servus fit liber (§. 337.) servus autem manumitti dicatur, si dominus libertatem suam eidem restituit; dominus servum manumittere potest, non tamen invitum, si hoc pacto servitus contracta (§. 438.)

§. 959.

De na-
tis ex
ancilla
& de
comu-
bernio.

Quoniam partus ancillæ sumtibus domini educandus, & is præterea operis carere debet, quas mater propter partum præstare impedita fuit; ex ancilla natus naturaliter tamdiu servilis conditionis est, donec sumtus educationis & si quid præterea interest restituantur. Pactum, quod ancilla cum servo init liberorum procreandorum causa, matrimonium est, utut a Romanis Con-
tuber-

tubernium servile vocetur. Quoniam tamen dominus partum suo sumtu educare debet; ad contubernium consensus domini requiritur.

§. 960.

Qui alicui certas operas ad certum tempus pro alimentis & certa mercede locat, *Famulus*, & eorum conductor *Herus* dicitur. Ex pacto igitur metienda sunt jura & obligationes heri atque famuli. Quatenus vero eodem utriusque partis commodum promovetur, cujus causa famulus operas locat, herus eas conducit, *Societas* quædam inter famulum & herum inicitur (§. 836.) quæ *herilis* vocatur. Convenit cum ea servitus voluntaria (§. 948.) & famuli imperfectam servitutem subeunt (§. 947.)

§. 961.

Cum famulus hero perfecte obligetur ad certas operas præstandas (§. 960. 438.) hero competit jus famulum obligandi ad faciendum, quod intra conventum modum imperare potest: si præstare nolit, vel negligens fuerit, eum ante diem dimittere potest (§. 442.) Quoniam itaque famulus negotia domini negligere non debet; eo tempore, quo heri negotia obanda sunt, sua curare nequit, nisi domino consentiente (§. 337.) utpote qui jus suum remittere potest (§. 342.) Cum vero domino nullum damnum detur, si famulus tempus in utilitatem suam collocet, quo a negotiis liber est; id prohiberi nequit.

§. 962.

Cum nemo alterum tertio obligare possit contra voluntatem suam (§. 78.) intra tempus contractus nec herus famulo herum, nec famulus hero famulum alium loco sui obtrudere potest.

A b 4

Quod-

De hero
vel fa-
mulo
non ob-
truden-
do.

Quod si vero dominus velit, ut operas quoddam, alias sibi debitas, quibus interea carere vult, praestet alteri, cum in eo nihil fiat, quod est contra jus famuli (§. 83.) *herus famulum alteri ad aliquot dies commodare potest (§. 513.)*

C A P U T VII.

De domo.

§. 963.

De societate composita & simplici. **S**ocietas composita dicitur, quae ex aliis simplicibus, aut minus compositis constat; simplex autem, cujus membra sunt individua physica. *Membra igitur compositae sunt integrae societates, tamquam individua moralia (§. 96.)*

§. 964.

Domus quid sit. Domus dicitur societas composita ex conjugali, paterna & herili, vel saltem ex binis. Illa perfecta est, haec imperfecta. Dicitur autem *Paterfamilias*, qui in societate conjugali maritus, in paterna pater, in herili herus appellatur; *Materfamilias* vero, quae in conjugali uxor, in paterna mater, in herili hera vocatur. Liberi autem & famuli, quatenus sunt membra minus digna domus, *Domestici* dicuntur, etsi vocabulum subinde ad solos famulos & famulas restringatur. Quoniam societates simplices, ex quibus domus componitur, in eadem subsistunt; singulorum quoque membrorum domus jura & obligationes ex fine societatum simplicium metienda: quia tamen societates simplices in unam coalescunt; unusquisque sibi cavere debet, ne alteri quomodocumque impedimento sit, quo minus aliqua ex parte officio suo desit.

§. 965.

§. 965.

Cum societas finis cujusdam conjunctis vi- *De fine*
ribus obtinendi causa contrahatur (§. 836.) do- *domus &*
mus quoque finem quemdam habere debet, socie- *obliga-*
tatibus simplicibus subsistentibus, non alium, *tionem ac*
quam ut conjunctis viribus eorum, qui membra so- *jure inde*
cietatum simplicium sunt, salus societatum simpli- *re.*
cium rectius promoveatur, consequenter quando
quis fit membrum societatis simplicis, quæ compositæ
cujusdam, veluti domus, membrum est, eo ipso ta-
cite se obligat, quod salutem simplicium, quantum
datur, promovere velit, ac propterea tacite quo-
que acquirit jura obligationi isti respondentia (§. 46.)

§. 966.

Quoniam in societate conjugali conjugum *De im-*
(§. 870.) in paterna parentum (§. 888.) in he- *perio in*
rili heri acheræ commune est imperium (§. 955.) *domo.*
naturaliter in domo imperium patri & matrisfam-
lias commune est, convenire tamen possunt, ut pa-
trifamilias soli competat partim per se, partim per
matremfamilias exercendum, & de modo exercendi
(§. 667.)

§. 967.

Hinc consequitur, cum domus tamquam so- *De legi-*
cietas (§. 964.) suas habere debeat leges (§. 846.) *bus do-*
leges in domo mutuo patris & matrisfamilias con- *mesticis.*
sensu determinandas esse, nisi quatenus de imperio
& ejus administratione specialiter quid fuerit con-
ventum. Vocantur autem leges istæ domesticæ,
quæ cum præscribere debeant media, quibus
finis domus obtinetur, (§. 846.) ex fine domus
derivandæ.

§. 968.

§. 968.

*De vigi-
lantia
patris &
matris-
fami-
lias.*

Quoniam itaque finis domus obtineri nequit absque legum domesticarum observantia (§. 967.) pater & materfamilias diligenter attendere debent ad actiones domesticorum, consequenter cum vigilantia consistat in diligentia animum attendendi ad omnia, quæ fiunt, & quæ nosse interest, ne scilicet facile quid notitiæ nostræ subducatur; pater & materfamilias vigilantes esse debent.

§. 969.

*De au-
thoritate
patris &
matris-
fami-
lias.*

Et quia pater ac materfamilias conjunctim imperium domesticum exercent, vel saltem paterfamilias id ex parte per matremfamilias exercet (§. 967.) & patri, & matrifamilias curæ esse debet, ut in altera parte hæreat auctoritas, & neutra pars propriam auctoritatem imminuere debet.

§. 970.

*De cura
utrius-
que in
domo.*

Naturæ autem domus apprimè convenit, ut pater atque materfamilias provide prospiciant, ne liberorum mores per famulos & famulas, nec vicissim famuli ac famulæ per illos corrumpantur, & propterea permittere minime debent, ut liberi impliceantur familiaritatibus famulorum & famularum, nec in hos sibi jus quoddam arrogant.

§. 971.

*De offi-
ciis hu-
manita-
tis.*

Quia denique officia humanitatis a quovis debentur cuivis, quantum in potestate est (§. 133.) qui in eadem domo sunt quævis officia humanitatis data quacumque occasione sibi invicem præstare debent.

S E C T I O II.

DE IMPERIO PUBLICO, SEU
JURE CIVITATIS.

C A P U T I.

De origine civitatis & imperii publici.

§. 972.

Domus singulas sibi non sufficere in iis, quæ ad vitæ necessitatem, commoditatem ac jucunditatem, immo felicitatem faciunt, nec ut jure suo quiete frui & quod ab aliis tribuendum satis tuto consequi, seque ac sua adversus vim aliorum defendere possint, haud difficulter assequimur. Neesse igitur est, ut conjunctis viribus obtineantur, quæ domus singulæ per se consequi nequeunt, adeoque societates contrahendæ (§. 836.) Societas eo fine contracta *Civitas* appellatur. Unde patet, pacto hominum civitates fuisse constituendas (§. 836.) & finem civitatis consistere in vitæ sufficientia; abundantia eorum, quæ ad vitæ necessitatem, commoditatem & jucunditatem requiruntur, ac mediorum felicitatis; tranquillitate civitatis, vacuitate a metu injuriarum, seu a violatione juris sui (§. 87.) & securitate, seu vacuitate metus a vi præsertim externa; Salutem autem civitatis in fruitione vitæ sufficientiæ, tranquillitatis & securitatis (§. 837.) quæ, quatenus obtineatur, bonum publicum est (§. cit.)

*Cur ci-
vitates
introdu-
cenda &
de fine
earum-
dem.*

§. 973.

Civitatis ordinatio *Respublica* dicitur, quamvis civitas & Resp. a nonnullis pro synonymis habeantur, sed perperam; cum aliud sit pactum, quo

*Respub.
quid sit.*

quo civitas constituitur, alia conventio, qua contentur in media finem civitatis consequendi. Ex illo nimirum civitas formam suam specificam nondum nanciscitur, quam ex hac demum acquirit.

§. 974.

*Quid sit
gens, ci-
vis, pere-
grinus,
incola.*

Multitudo hominum in civitatem confociatorum *Populus*, sive *Gens* dicitur. *Multitudo* itaque hominum alio fine, quam qui civitatis est (§. 972.) confociatorum gens non est. Membra civitatis, seu singuli, qui societatem civilem incunt, dicuntur *Cives*; qui vero membrum civitatis nostræ non est, *Peregrinus* appellatur. Et peregrinus, cui habitare & rem suam gerere permittitur in aliena regione, *Incola* audit.

§. 975.

*De obli-
gatione
singulo-
rum &
universo-
rum.*

Cum ex pacto, quo civitas constituta (§. 972.) oriatur obligatio (§. 438.) singuli obligantur universis ad commune bonum pro virili promovendum, & universi singulis, quod sufficientie vite ipsorum, tranquillitati & securitati prospicere velint (§. 972.) consequenter a neutra parte fieri debet, quod huic obligationi contrariatur, ideoque universis competit jus cogendi singulos, ut obligationi suæ satisfaciant.

§. 976.

*De lege
suprema
civita-
tis.*

Quoniam itaque in civitate nihil faciendum, quod saluti ejusdem adversatur (§. 972. 975.) salus publica in eadem suprema lex est, consequenter si salus publica exigit, ut certo modo de rebus civium disponatur, immo de ipsis civibus quibusdam, jus ita disponendi universis, seu populo competit.

§. 977.

§. 977.

Cum singuli , qui in civitatem coeunt , liberi sint (§. 77.) & dum in eamdem coeunt , nonnisi sibi invicem se obligant (§. 972.) natura civitates diversæ inter se spectantur tamquam personæ liberæ in statu naturali viventes (§. 850.) id quod etiam inde patet , quod civitas societas sit (§. 972. 850.)

De libe-
rrate
Civita-
tum, seu
gentiū.

§. 978.

Quoniam quælibet civitas natura , seu qualis est vi originis suæ , libera est (§. 977.) ac ideo in actionibus suis independens ab omni alia gente ac homine quocumque (§. 77.) jus quoque habet determinandi pro lubitu modum , quo salus publica promoveri debet , seu media , quibus finis civitatis obtinetur , consequenter non modo constituendi ea omnia , quæ eo fine necessaria sunt , & determinandi ea , quæ constanter eodem modo fieri debent , adeoque leges ferendi (§. 39.) verum etiam decernendi , quid in casu quolibet emergente fieri debeat . Patet autem , ea omnia determinanda esse communi omnium consensu (§. 841.) Ast cum fieri non possit , ut semper consentiant omnes ; majori quod visum fuerit parti , id pro voluntate omnium habendum , sicque minor pars obliganda per majorem .

De jure
deter-
minan-
di ea
que fi-
nis con-
sequendi
caussa
fieri de-
beant.

§. 979.

Jus universis competens in singulos , cum in determinandis eorum actionibus consistat (§. 978.) imperium est (§. 833.) quod civile , vel etiam potestas civilis appellari solet , atque oritur ex pacto , quo civitas constituta (§. 972.) & originarie penes populum est (§. 974.) tamquam res incorporealis propria (§. 206.)

Imperii
civilis
origo.

§. 980.

§. 980.

De limi-
tibus
imperii
civilis.

Imperium civile cum metiendum sit ex fine civitatis (§. 976. 972.) idem non extenditur ultra eas civium actiones, quæ ad bonum publicum consequendum pertinent, consequenter cum nonnisi quoad easdem libertas naturalis singulorum restringatur (§. 975. 77.) quoad ceteras actiones ea illibata manet.

§. 981.

De sum-
mitate
imperii
civilis.

Quoniam *imperium civile* quoad exercitium liberum est ab omni alia gente & homine quocumque (§. 977. 77.) nullus quoque actus ad imperii exercitium spectans ab ullo homine irritus fieri potest. Quamobrem cum *imperium summum* dicatur, cuius actus a nullo homine irriti fieri possunt; *imperium civile* in se, quale scilicet originarie populo competit (§. 979.) summum est.

§. 982.

Quomo-
do de
imperio
disponere
possit
populus
Et de iure
Recto-
ris civi-
tatis.

Cum *imperium civile* originarie sit penes populum, seu in dominio ejusdem (§. 979.) si civitas ordinanda, populus, sive universi inter se convenire debent, utrum *imperium* sibi retinere, aut in personam unam, vel in plures conjunctim, utrum totum, an divisum; & num certa lege, an absque ulla lege transferre velint, num revocabiliter, an irrevocabiliter, num ad certum tempus, an ad dies vite, num tamquam transmissibile in certos alios, an tamquam non transmissibile, num saltem quoad exercitium, vel quoad ipsam substantiam. Quamobrem cum Rector civitatis is dicatur, cui *imperium* in civitate delatum est, ut id exerceat; Rectoris civitatis jus metiendum est ex voluntate, quæ populo fuit, cum *imperium* transferret.

§. 983.

§. 983.

Quoniam imperium civile consistit in jure determinandi ea, quæ ad bonum publicum promovendum requiruntur (§. 980.) pro horum diversitate varia complectitur jura, quæ *Partes imperii potentiales* vocantur a Gratio. Atque ideo *Imperium plenum* dicitur, quod nulla sui parte diminutum; *minus plenum*, quod una, vel altera parte diminutum. Est autem *Imperium limitatum*, cujus exercitium certis legibus adstrictum, vel consensu alterius indiget; *absolutum* vero, quod limitatum non est. *Imperium* itaque *minus plenum absolutum* esse potest, idemque *summum* (§. 981.) *plenum* vero *limitatum*, immo pro aliqua parte *limitatum*, pro reliqua *absolutum*. Ad certum tempus si confertur *Imperium*, vocatur *temporarium*; quod *absolutum* & *summum* esse potest: si sub clausula, quamdiu placuerit, *precarium*; quod *quovis momento revocabile*, consequenter *summum* esse nequit (§. 981.) etsi *absolutum* esse possit.

De di-
visione
imperii

§. 984.

Leges, ad quas exercitium imperii adstringitur, *fundamentales* dicuntur. Quamobrem *lex* quoque *fundamentalis* est, ut *Rektor civitatis* in certis negotiis requirat *consensum* vel *populi universi*, vel *certorum quorundam*, & qua disponitur de modo transmittendi, vel deferendi *imperium*. Patet præterea, *Rectorem civitatis* obligari ad *legum fundamentalium observantiam*, nec eas pro *lubitu suo* mutare posse (§. 982.) Cum vero *leges fundamentales* fiant *consensu populi* (§. 978.) eodem quoque tolli & mutari possunt, modo *jus Rectori civitatis*, aut *eius successoribus* inde *quæsitum* non *diminuat* (§. 86. 100.) Enimvero quia *leges*

De legi-
bus fun-
damentali-
bus.

fun-

fundamentales a populo fiunt pro lubitu imperium in Rectorem civitatis transferente (§. 982.) si Rector civitatis, qui absolutum imperium habet; ipse certas leges constituit, juxta quas imperium exercere velit, vel etiam concilium, sine cujus approbatione quid facere nolit, eadem leges fundamentales non sunt, ac per consequens Rector civitatis non semper necessario easdem observare tenetur, immo si ita visum fuerit, eas prorsus tollere potest. Quamobrem nec ea de causa imperium esse definit absolutum (§. 983.) atque summum (§. 981.) Idem valet, si populus saltem exprimit voluntatem suam de nonnullis, quæ Rector civitatis facere, aut non facere debeat, non vero expresse declarat, se ejus judicio stare nolle, nec concilium constituit, sine cujus consensu nihil eorum decernere valet; cum nullum sibi jus in actus Rectoris reservet populus,

§. 985.

Quomodo imperium deferri nequeat.

Cum bonitas & malitia actus, quippe de qua non omnium idem est judicium, non sit apta ad distinguendum jus Rectoris civitatis & populi; imperium transferri nequit ea lege, ut populus universus recte imperanti parere debeat, male autem imperanti resistere eumque coercere possit; consequenter mutua populi & Rectoris civitatis subiectio perpetua esse nequit (§. 835.)

§. 986.

De modo habendi imperium.

Si Imperium in Rectorem civitatis saltem transfertur quoad exercitium, usufructuarium vocatur; si simul quoad substantiam, patrimoniale. Quamobrem imperium patrimoniale habetur pleno jure, usufructuarium minus pleno (§. 198.) Patet autem, imperium usufructuarium plenum absolutum & summum esse posse: imperium autem

autem patrimoniale minus plenum & limitatum (§. 983. 981.) Modus habendi imperium, cum non sit pars imperii, sed ab eo distinguatur tamquam res diversa; in ipso imperio nihil mutat, nec is ad exercitium imperii spectat (§. 66.)

§. 987.

Quia res etiam incorporales infeudari possunt (§. 740.) imperium quoque infeudari potest (§. 121. 979.) Cum infeudatio ad modum habendi imperium pertineat; imperium infeudatum absolutum, plenum & summum esse potest (§. 986.) habetur tamen minus plene (§. 736. 986.)

De infeudatione imperii.

§. 988.

Quoniam delatio imperii tota dependet a voluntate populi transferentis (§. 982.) imperium quoque transferri potest per modum fideicommissi, hoc est, ea lege, ut post certum tempus, vel moriens id restituat certo cuidam alteri (§. 941.) Et ut ante (§. 987.) patet, hoc modo delatum absolutum, plenum ac summum esse posse.

De imperio per modum fideicommissi delato.

§. 989.

Pacta, in quibus de modo administrandi imperii inter Rectorem civitatis & populum convenitur, vel eos, qui populi jus habent, Capitulatio dicitur. Est igitur capitulatio lex fundamentalis (§. 984.) consequenter eadem opus est, si imperium limitatum esse debet (§. 983.) nullae autem sunt leges fundamentales perpetuae. Pacta cum servanda sint (§. 483.) absque consensu eius, cum quo capitulatio facta, nihil in eadem mutari potest.

De capitulatione.

CAPUT II.

De diversis Rerumpublicarum formis.

§. 990.

Demos-
cratia.

SI imperium est penes totum populum, forma Reip. dicitur *Democratia*, subinde etiam status popularis. Quoniam *Libertas civilis populi* est independentia quoad actus ad bonum publicum promovendum requisitos a voluntate alterius, in *democratia* populus libertate civili fruatur, nec tantummodo liber est respectu aliarum gentium (§. 977.) verum etiam respectu sui ipsius.

§. 991.

Monar-
chia.

Monarchia dicitur, si imperium, quale originarie in populo est, consequenter plenum, absolutum, & summum est penes unum. Quamobrem in *monarchia* monarcha tantundem potest, quantum populus universus in *democratia*. Cum tamen modus habendi imperium in ipso imperio nihil mutet (§. 986.) nihil interest, num imperium sit in patrimonio, an in usufructu. Et quia in *monarchia* jus populi in monarcham translaturum; monarcha populum representat.

§. 992.

Ariste-
cratia.

Aristocratia dicitur, si imperium, quale originarie in populo est, penes certas quasdam personas est, qui *Optimates* appellantur. *Optimates* itaque in *aristocratia* tantundem possunt, quantum populus potest in *democratia*, & imperium plenum, absolutum & summum habent. De modo habendi imperium idem tenendum, quod de monarcha diximus (§. 991.) Et quia *optimates* jus populi habent; conjunctim populum representant. Quamobrem

obrem cum Dignitas civilis sit præcellentia supra personas alias in Rep. ex juribus personæ competentibus æstimanda, optimates autem conjunctim jus habeant, quod monarcha solus habet; major est dignitas monarchæ, quam optimatum singulorum.

§. 993.

Respublica mixta est, quæ in aliis ad monarchiam, in aliis ad aristocratiam, in aliis ad democratiam accedit, aut saltem ex binis Reip. formis aliquid participat. Oritur Reip. forma mixta ex imperii divisione in partes potentiales (§. 983.) & ejus limitatione (§. 980.) Utrumque cum variis modis fieri possit; mixtæ Reip. formæ pluribus modis differre possunt, & earum forma per leges fundamentales definienda (§. 984.)

Respub.
mixta.

§. 994.

Regnum dicitur ea Reip. forma in qua imperium sive plenum, absolutum ac summum, sive quomodocumque limitatum aut diminutum penes unum est, salva tamen summitate civitati manente. Persona, penes quam in regno imperium est, Rex dicitur. Regnum igitur est vel monarchia, vel mixta quædam Reip. forma (§. 991. 993.) Rex tamen quilibet in negotiis cum aliis gentibus populum representat, nisi per leges fundamentales aliis gentibus notas quoad nonnulla aliter fuerit cautum.

Regnum

§. 995.

Imperium polyarchicum, a nonnullis Condominitus dicitur, si duo, vel tres habeant imperium indivisum in uno regno commune, veluti si duo, vel tres fratres simul imperent. Duo autem isti, vel plures Condomini, vel Correges di-

Impe-
rium po-
lyarchi-
cum, seu
condo-
minu-

cuntur, in quibus quasi singulis regis potestas & dignitas tota refidet.

§. 996.

*Superior
quoniam
& sub-
diti qui-
nam
sunt.*

Superior in civitate dicitur is, cui competit jus in actiones singulorum; hi autem vocantur *Subditi*. Quamobrem in democratia populus universus superior est (§. 990.) in regno & monarchia Rex sive monarcha (§. 991. 994.) in aristocratia sunt optimates conjunctim (§. 992.) aut singuli in democratia, monarchia & aristocratia, & in hac etiam singuli optimates subditi sunt. Enimvero in condominatu condomini sunt singuli superiores, nec unus eorum subditus alteri (§. 995.)

§. 997.

*De re-
gno he-
rili.*

Regnum herile dicitur, in quo Regi idem jus competit in subditos & res subditorum, quod domino in servum; seu in quo Regi præter potestatem civilem etiam dominica competit; consequenter in regno herili Rex de operis subditorum sibi præstandis & de rebus subditorum pro libitu disponit, & actiones publicas ad suam præcipue utilitatem dirigit, nonnisi secundo utilitatem subditorum intendens: id quod cum pacto, quo civitates constitutæ, repugnet (§. 972.) imperium herile inde ortum suum non trahit, nec a fine civitatis derivatur. Quoniam tamen populus imperium alii deferre potest, prouti visum fuerit (§. 982.) si imperium herile in Regem deferre velit, hoc ipsi permittendum (§. 977. 78.) Et quoniam in regno herili subditi omnes subeunt servitutem personalem, servitus autem personalis in se illicita non est (§. 948.) regnum quoque herile in se illicitum non est, nec si populus in idem consentit, injustum (§. 83.) Quia vero etiam dominus servum amare & cetera humanitatis officia præ-

præstare debet, quæ homo homini debet (§. 952.) in regno quoque herili Rex, seu imperans subditos amare debet & officia humanitatis præstare, consequenter in exercendo imperio herili nil committere, quod officiis istis repugnat. Per se patet, possibilem etiam esse aristocratiam herilem, de qua eadem tenenda, quæ de regno herili.

§. 998.

Majestas est dignitas ejus, penes quem summum imperium est indivisum. Non obstat, quod ejus exercitium in nonnullis ad leges quasdam fundamentales adstringatur; cum autem hisce conformes a nullo homine irriti fieri possit. Atque hinc *Jura majestatica* appellantur, quæ ad imperium summum ejusque exercitium pertinent. Patet autem, in *democratia majestatem* convenire *populo universo* (§. 990.) in *aristocratia collegio optimatum* (§. 992.) in *monarchia & regno Regi* (§. 991. 994.)

De majestate & jure majestatico.

§. 999.

Senatus dicitur cætus certarum personarum, cui regimen publicum quoad ea, quæ quotidianæ administrationis sunt, vel quæ moram non ferunt, & executio illorum, quæ a superiore decreta sunt, committitur, & qui ad consilium de rebus publicis superiori subministrandum adsciscitur. In *democratia* itaque *senatus necessario constituendus*, cum *populus non quotidie convenire possit* (§. 990.) & *tanto plus auctoritatis & potestatis in eum conferendum*, quanto *rarius populus, aut difficilius convenire potest*.

De senatu.

§. 1000.

Conventus negotiorum publicorum agendorum causa celebrati dicuntur *Comitia*. Quamob-

De comitiis.

rem in democratia populus universus negotia publica, senatui non permessa (§. 999.) per se non nisi in comitiis agere potest (§. 990.) cumque de iis, quæ ad exercitium imperii spectant, pro libitu statuere possit (§. 978.) a voluntate ejus unice dependet, utrum comitia statuto tempore semper sint habenda, an vero saltem in casu emergente, quo de re quidam ex præsentis tempore statuendum. Patet (§. 999.) jus convocandi comitia competere senatui debere, cumque eidem status præsens rerum optime perspectus sit; eidem quoque conferendum esse jus ea in comitiis proponendi, aut saltem suggerendi, de quibus deliberandum, ut etiam, cum in democratia natura omnium æquale jus sit (§. 70. 972.) quilibet suggerere possit, quod ipsi ad promovendum bonum publicum conducere videtur, ut de eo deliberetur. Et quoniam concordia sociorum salus societatis conservatur (§. 847.) ut evitentur discordiæ; leges de comitiis celebrandis condendæ (§. 978.) veluti quinam jus comitorum habere debeant, ut scilicet in iis votum habeant, quomodo populus in certos ordines, & hi in cætus quosdam minores sint distribuendi, qui certas eligant personas ipsorum nomine ad comitia mittendas, seu deputatos, quinam in comitiis Directoris munere fungi debeat, & ita porro. Denique cum in Rep. mixta retineri possint, quæ in statu populari necessaria sunt (§. 993.) in ea quoque locus esse potest comitiis.

§. 1101,

De aristocratia formanda. Quoniam vi libertatis, populo competentis (§. 977.) formam Reip. eligere is potest; quam voluerit (§. 78.) a voluntate populi in aristocratia unice dependet determinare, quantus esse debeat optimatum

numerus, num ex omnibus populi ordinibus, an saltem ex eminentiore ejus parte optimates constituendi, num eorum regimen annuum, vel temporarium, an perpetuum esse debeat; utrum successores eligendi, an certa successionis lex statuenda; num jus optimatum ad certas familias, an ad possessionem prædiorum, vel aliam personarum conditionem restringendum. Hinc Aristocratia alia annua vel temporaria, alia perpetua, alia electiva, alia successiva est, alia denique laxa, quando ingens admodum fuerit optimatum numerus, et si is minorem populi partem faciat; alia strictior, quando numerus optimatum non major est, quam qui quotidie convenire, aut citra moram convocari possit.

§. 1002.

Cum monarcha imperium plenum, absolutum & summum habeat (§. 991.) de omnibus negotiis publicis pro lubitu statuere potest (§. 983.) & ejus judicio standum (§. 981.) Et quia non a tempore dependet jus monarchæ, sed imperium plenum, absolutum ac summum ad tempus quoque haberi potest; Rector civitatis temporarius monarcha esse potest. Et quoniam Regnum asymneticum dicitur, si imperium saltem ad tempus in aliquem transfertur; idem monarchia esse potest, non tamen necessario est. Ceterum monarcha non habet imperium herile; quippe quod ab eo, quale originarie in populo est, & in monarcham translatum (§. 991.) dissentit (§. 997.)

De jure
monar-
cha &
regno a-
symne-
tico.

§. 1003.

Regnum Laconicum dicitur, in quo exercitium imperii quidem uni commissum, sed qui id exercere tenetur juxta populi, vel procerum voluntatem. In regno igitur Laconico Rex magis sua-

De Re-
gno La-
conico.

deni, quam jubendi potestate pollet, & inter monarchiam & regnum Laconicum, cum imperium Regi competens variis modis limitatum, aut deminutum esse possit (§. 981. 983.) plures regni species interjectæ sunt. Patet etiam, in regno Laconico Regem assimilari senatui (§. 999.)

§. 1004.

De re-
gno le-
gitimo.

Regnum legitimum dicitur, in quo Rex imperium exercere tenetur juxta leges fundamentales vel perpetuas, vel in delatione imperii ipsi in specie præscriptas, seu capitulationem. Regna igitur legitima sunt Resp. mixtæ (§. 993.) & species inter monarchiam & regnum Laconicum interjectæ. Patet etiam, in regnis legitimis jus Regis omne metiendum esse ex legibus fundamentalibus (§. 984.)

§. 1005.

De re-
gno ele-
ctivo &
inter-
regno.

Regnum electivum dicitur, quando populus eligit successorem, Rege deficiente, aut jus eligendi in alios transulit. Rege mortuo imperium ad populum redire, per se patet, consequenter a voluntate ipsius dependet, nun Regem novum eligere velit, an aliam Reip. formam introducere. Cumque Interregnum dicatur status Reip. in quo sedes regia vacat; populus in interregno imperium vel per se, vel per alium, aut certos alios administrare potest, consequenter Vicarios regni constituere, quorum jus ex lege fundamentalis metiendum (§. 984.) & ideo in ipso momento incipit, quo Regis jus finitur.

§. 1006.

De Re-
gis ele-
ctione.

Cum jus transferendi imperium originarie penes populum sit (§. 982.) jus eligendi Regem vel populus universus sibi reservare, vel idem sum-
pli-

pliciter in alios certos transferre, vel denique certas electionis leges condere potest (§. 984.) veluti determinando personæ eligibilitatem, tempus & modum electionis. Dicitur autem *Electio legitima*, quæ juxta leges de electione Regis condita facta; *illegitima*, quæ legi cuidam contrariatur. Quamobrem cum electorum jus ex legibus fundamentalibus metiendum; *populus non tenetur Regem illegitime electum agnoscere.*

§. 1007.

Cum salus publica suprema lex sit (§. 976.) *De iure*
Ex obli-
 Rex electus promittere tenetur, quod imperium sa- *gatione*
 lutæ publicæ convenienter & cum populus velit, *egis*
 id secundum leges fundamentales administra- *electi.*
 ri (§. 984.) si certæ leges eidem præscribuntur; secundum easdem administrare velit. Quoniam pactum intercedit inter Regem electum & populum, quo ille se obligat ad imperii exercitium, hic jus exercendi in ipsum transfert (§. 438.) nec rex imperium sine consensu populi abdicare, nec ipse a populo abdicari potest (§. 100.) Quoniam vero pactum, cui lex commissoria addita, statim resolvitur, conditione resolutive, quæ eidem inest, existente (§. 609.) si Regi deferatur imperium sub lege commissoria, ut regno cadat, quando hoc fecerit, vel non fecerit, regnum amittit, si fecerit, vel non fecerit.

§. 1008.

Regnum successorium dicitur, quando in locum *De re-*
 Regis deficientis certa lege succedit alius. *gno suc-*
 successionis, qua designantur personæ regni ca- *cessorio.*
 paces, & modus succedendi definitur; in delatione imperii primo Regi facta consensu populi, aut eorum, qui jus populi habent, condenda (§. 984.) Quod si quædam hæc spectantia in eadem fuerint præter-

termiffa, cum ea tamquam per fe nota populus fuppoluerit, more gentium vicinarum, quem tacite approbaffe intelligitur, fucceditur. Et quia regna fuccefforia introducuntur eo fine, ut fucceffor fit certus, evitandarum nimirum barbarum cauffa, quæ in electione facile oriuntur: in cafu dubio populus de fucceffione id voluiffe præfinitur, quod fucceffionem certam facit.

§. 1009.

De fuc-
ceffione
in regno
patri-
moniali.

Cum in regno patrimoniali Rex præfens difponere poffit de ipsa fubftantia imperii (§. 986.) fuccefforem fibi eligere poteft, quem voluerit, perfonam fibi cognatam, vel nullo fanguinis vinculo junctam, etiam extraneam, feu peregrinam, immo quoque filium exheredare, ne fuccedere poffit. Et cum Regnum patrimoniale vel fit perfecte tale, fi omnis proprietas imperii fuerit penes Regem; vel imperfecte tale, fi faltem jus tranfferendi imperium pro lubitu fuerit penes Regem; in perfecte tali imperium dividere poteft in partes non modo potentiales (§. 983.) verum etiam fubjectivas.

§. 1010.

De divi-
fione im-
perii in
partes
fubjec-
tivas.

Nimirum partes fubjectivæ imperii dicuntur imperium in perfonas, quæ incolunt certam territorii partem. Territorium vero vocatur locus; in quo alicui imperium civile competit; unde civitatis territorium eft regio, quam populus inhabitat, & in qua originarie imperium habet. Cum ad finem civitatis pertineat defenfio fui adverfus vim externam (§. 972.) imperium in fe partes in fubjectivas divifibile non eft, confequenter populus non intelligitur imperium tranftuliffe in alium, nifi ea lege, ne in partes fubjectivas dividatur.

§. 1011.

§. 1011.

Modus succedendi hereditarius est, si eodem modo in regno succeditur, quo in hereditate ab intestato succedi solet, nimirum qui eo tempore, quando imperium primo Regi defertur, apud populum deferentem in usu est (§. 810.) Cum nonnisi unus in regno succedere possit (§. 994.) si Regi defuncto plures extiterint heredes, deficiente ratione intrinseca electionis, natu major præfertur natu minori; utpote qui prior jus succedendi acquisivit per nativitatem (§. 828.) Et nisi expressa populi voluntate fœminæ admittantur, aut non admittantur, nisi deficientibus masculis; in casu priori fœminæ prætereuntur, in posteriori ultimo Regi filia, vel agnata proxima succedit (§. 1008.) Patet etiam, si in successione in bonis obtineat jus representationis, idem quoque obtinere in successione in regno.

De modo succedendi hereditario.

§. 1012.

Actus Regis regii sunt, qui pertinent ad exercitium imperii; privati vero, qui ad idem non pertinent. Rex igitur quoad actus privatos tamquam persona privata spectandus, consequenter quoad eos non fruatur nisi jure privatorum. Similiter Bona Regis regia, seu publica sunt, quorum usus ad imperii administrationem & splendorem regum perpetuum destinatus. Bona vero Regis privata, seu propria sunt, quæ ad usus ipsius privatos destinantur, aut quocumque modo ab ipso acquiruntur. Bona igitur Regis privata cum regis in unam massam confundi nequeunt, consequenter regia ad hereditatem ipsius minime pertinent (§. 916.) Quamobrem etsi modo hereditario succedatur in regno (§. 1011.) qui in regno succedit, non ideo succedit in bonis Regis privatis, & hereditate

De actibus & bonis Regis regis, ac privatis.

ditate repudiata in regno succedere potest, nec debita antecessoris privata solvere tenetur.

§. 1013.

De successione
lineali.

Successio linealis est, in qua regnum continuo ab uno in alterum devolvitur in linea recta, nec ad aliam propiorem fit transitus, nisi illa extincta. In successione itaque lineali mortui habentur pro vivis, & regnum per eos devolvitur ad eum, qui in vivis est, in eadem linea semper a persona gignente ad genitam; quando vero fit transitus ad aliam lineam, ab ultima in regnatrice ad primam in eadem proxima. Dicitur autem successio linealis agnatica, si feminae a successione in aeternum excluduntur; cognatica vero, si cum masculis promiscue admittuntur, vel masculis deficientibus succedit femina Regi ultimo proxima. Patet autem, ut ante (§. 1011.) natu majorem praferri natu minori. Ceterum cum regna successoria ideo fuerint introducta, ut successor certus sit (§. 1008.) si deficiente agnatica substituitur successio linealis cognatica, regnum devolvitur ad filiam ultimi Regis & ejus liberos masculos, vel ad cognatam proximam & ejus liberos masculos.

§. 1014.

De aliis
succeden-
di modis.

Cum modus succedendi a libera populi imperium deferentis voluntate dependeat (§. 982.) tot modi succedendi in regno possibiles sunt, quot concipi possunt, & is obtinebit, quem tempore instituti regni populus elegerit. Sed de his in specie plura dici nil attinet.

§. 1515.

Unde jus
successio-
nis ha-
beatur.

Quoniam in regno successorio ideo quis succedit, quia populus voluit, ut hac lege succedatur; successor jus suum non habet ab eo, cui succedit, sed

sed a voluntate populi, seu primo acquirente, At- in regno
que jus succedendi providentia majorum quaesitum successio-
est (§. 831.) & de ejus renuntiatione ac repudia-
tione valent, quae de jure per te in alios transmit-
tendo alibi ostendimus (§. 830.)

§. 1016.

Quia jus succedendi in regno requiritur in- De jure
dependenter a Regis praesentis voluntate (§. deciden-
1005.) nec populus, imperio in primum Re- di con-
gem certa successionis lege delato, quicquam trover-
in ea pro lubitu immutare potest, invitis iis, sam de
quibus aliquod jus inde quaesitum (§. 100.) successio-
controversam de jure succedendi suo ordine nec Rex ne.
praesens, nec populus decidere potest. Quoniam
tamen initio imperium deferre potest populus
ea lege, qua placuerit (§. 982.) & primo regi
jus decidendi controversiam de jure succedendi de-
ferre, & idem sibi reservare potest.

C A P U T I I I.

De republica constituenda.

§. 1017.

Constitutio Reip. est determinatio modi, quo
finis civitatis obtinendus. Quamobrem ut
jura sub imperio civili contenta agnoscantur, Constitutio
& officium tam imperantium, quam parentium Reip.
pateat, ac jura singulorum intelligantur; de quid sit.
constitutione Reip. hic agendum (§. 978.)

§. 1018.

Cum in civitate conjunctis viribus finis civi- De nu-
tatis obtinendus (§. 972.) tantus esse debet ci- mero ci-
vium numerus, qui bono communi civitatis promo- vium.
vendo & defensionem adversus insultus hostiles sufficit, &

ut sint tales, quales ad hunc vel istum finem particularem apti, consequenter ne sit major cum universim, tum in specie in quolibet vitæ genere, quam ut ne desit sufficiens copia eorum, quæ ad vitæ necessitatem, commoditatem ac jucunditatem requiruntur, nec minor.

§. 1019.

De dis-
cessu a
civita-
te.

Hinc consequitur, ut a civitate discedere liceat iis, quorum opera ad promovendum bonum publicum & defendendam civitatem Resp. carere potest: de quo cum sit superioris judicium (§. 996.) sine consensu superioris sive expresso, sive tacito a civitate discedere non licet. Quamobrem cum Reip. intersit, ne discedant divites aut locupletes, vel qui in aliquo vitæ genere præclaram Reip. operam præstare valent, aut quorum opera ad defendendam Remp. opus est; superior id permittere non tenetur. Per eandem rationem gregatim discedere non licet, nisi ea sit verum penuria, ut extremæ vitæ necessitati discedentium prospicere non detur (§. 442.) Qui a civitate discedit, cum civis esse desinat; fit peregrinus (§. 974.) nec civitati in eum amplius jus est (§. 975.)

§. 1020.

De rec-
prione
peregr-
inorum.

Sequitur hinc porro, ut a voluntate superioris dependeat, num & qua lege peregrinum recipere velit, num eum civibus equiparare, an non omnia civium jura in eum conferre, an saltem permittere, ut in regione sua habitet & rem suam agat, an tamquam incolam recipere. Appellantur autem Indigenæ, qui ex parentibus civibus in ea regione, in qua habitant, nati sunt; Advenæ vero, qui aliunde eo veniunt, ubi habitant, vel ex advenis nati sunt. Et Jus civitatis, vel etiam Indigenatus dicitur jus, quo cives fruuntur. Sunt vero etiam Advenæ temporarii, qui aliunde

veniunt non eo animo, ut perpetuo apud nos habitent, sed saltem aliquo temporis intervallo commorentur; qui cum nec civibus, nec incolis annumerandi sunt (§. 974.) qui ex ipsis apud nos nascuntur, nec cives nostri sunt, nec incolæ. Nimirum jus indigenatus & incolatus transmissibile est (§. 821.) cum alias civitas conservari non posset.

§. 1021.

Sufficientia vitæ exigit, ut res industriales & artificiales, quantum datur, multiplicentur, ne permittatur, ut otio diffluant, quibus vires ad laborandum suppetunt, ne cuiquam desit, qui laborare vult, labor, ut quilibet studio ac labore suo tantum acquirere possit, quantum ad res, si non utiles & voluptuarias, saltem necessarias comparandum sufficit (§. 972.) consequenter huic fini convenienter pretia rerum ac laborum determinanda, & curæ maxime habendum, ne subditi in paupertatem, vel egestatem incendant, vel ad mendicitatem redigantur. Ac propterea non ferendum, ut annonæ flagelletur, &, quantum datur, subditi sublevari, ne annonæ caritas ipsis sit dammosa. Cumque maximus isque indispensabilis sit lignorum usus; curandum ne desit sufficiens lignorum copia, & iis rarefcentibus ad eorum parsimoniam subditi obligandi. Et quoniam luxus consistit in sumtuosiori cibi, potus, vestitus & aliarum rerum cura (§. 509.) & eo bona dilapidari constat; nimis, quo scilicet ad paupertatem, aut mendicitatem rediguntur cives, non tolerandus. Ob rationem eandem usuraria pravitas non permittenda (§. 649.) nec tolerandi sunt ludi, quibus bona dilapidantur, ac ideo nec lusores, qui lufum tamquam artem exercent, immo nec lotariæ ac ollæ fortunæ, nisi boni publici causâ, quod aliter promoveri nequit (§. 46.) concedendæ (§. 637. 674.)

§. 1022.

§. 1022.

*Ea porro
expen-
duntur
quoad
pauperes
& men-
dicos.*

Eadem vitæ sufficientia exigit, ut etiam egenis ac mendicis prospiciatur de iis, quæ ad vitæ necessitatem requiruntur, & ne subditi nimis eleemosynis graventur, ea curæ esse debent, quæ lex naturæ de eleemosynis constituit (§. 488. & seqq.) Hinc instituenda sunt ergastula, in quibus opus facere coguntur, qui cum laborare possint, mendicare malunt; *prochotrophia*, in quibus aluntur egeni, qui labore suo ea acquirere nequeunt, quibus ad vitæ necessitatem indigent, ac cognatis, vel amicis destituuntur, qui indigentia ipsorum prospiciant; *nosocomia*, in quibus ægotantes pauperes aluntur & curantur; *orphanotrophia*, in quibus educantur pupilli egeni; *Scholæ pauperum*, vel *piæ*, in quibus liberi pauperum parentum gratis instituuntur in iis, quorum notitia ipsis necessaria ac utilis.

§. 1023.

*De cura
superio-
ris circa
tutelam.*

Immo quia præcavendum, ne subditi in paupertatem incidant (§. 1021.) superiori quoque curæ habendum, ut pupillis sint tutores, qui eorum educationem diligenter curent & eorum bona fideliter administrent (§. 898. & seq. (§. 972.) consequenter tutores testamentarii & legitimi prævia cognitione confirmandi, antequam administrationi se submittant, nec scilicet inhabiles admittantur; & ut tutela rite administretur; certis personis publico nomine omnis cura tutelarum committenda.

§. 1024.

*De cura
superio-
ris circa
felicita-
tem sub-*

Cum felicitas in statu voluptatis ac lætitiæ durabilis consistat (§. 118.) voluptas autem in sensu perfectionis, & illa legis naturalis observantia acquiratur & conservetur (§. 43. 44.) felicitas exigit,
ut in

ut in Rep. qui ad legem naturæ servandam proni ^{ditorum} sunt juventur, nec ab aliis impediuntur, ceteri au- ^{& reli-} tem vi adigantur, ut minimum actus externos ad ^{gionem.} legem naturæ componant. Quamobrem curæ habere debet superior, ut subditi officiis tam erga seipsos, quam erga alios atque Deum satisfacere studeant (§. 57.) consequenter ut de iis atque illis, quæ in suo vitæ genere ipsis scitu necessaria atque utilia sunt, absque oneroso sumtu instituuntur publice. Patet itaque, in Rep. constituendas esse Scholas, in quibus publica auctoritate instituuntur pueri, atque adolescentes & juvenes in iis, quæ ipsis addiscenda sunt; & in iis Præceptores ac Professores instituendos, qui probe callent ea, quæ docere debent, dono docendi instructi sunt, omnem diligentiam in institutione adhibent ac moribus sese discipulis commendant; Academias, vel Societates scientiarum, in quibus a personis habilibus scientiæ ac artes perficiuntur, & novis inventis locupletantur; & Academias artium; in quibus artifices in arte, quam profiteri debent, veluti architecti, pictores, musici excellentes educantur. Ut vero subditi de Deo & voluntate ejus, de virtute ac vitiis, cultuque divino instituuntur, ad virtutem incitentur & a vitiis avocentur; cura quoque cultus divini externi superiori incumbit (§. 179.) ut scilicet extruantur templa, in quibus conventus cultus divini gratia celebrantur; determinentur dies festi, qui cultui divino destinantur; & instituuntur Doctores publici, qui cultui divino præfunt & ea docent, quæ in conventibus sacris docenda. Facile igitur patet, tolerandum non esse, ut cultus divinus, seu religio, quæ dicit certum Dei colendi modum, in contemptum adducatur & opiniones religioni ac bonis moribus adversæ disseminentur.

§. 1025.

De rebus
sacris.

Res sacræ dicuntur, quæ cultui divino publico dicata sunt. Hinc loca sacræ sunt templa, & res sacræ imagines, quæ attributa & beneficia Dei, itemque exempla singularia pietatis in memoriam revocant, in templis collocatæ; cum earum usus pertineat ad cultum divinum. Res autem profanæ vocantur, quæ sacræ non sunt. Et usus profanus est, qui cultui divino non intersit. Res autem sacræ profanari dicitur, si ad alium, quam ad sacrum usum adhibetur. Ex ipsis definitionibus patet, res sacræ alium usum non habere præter sacrum, & si quis eas ad alium usum transfert, eas profanari. Cumque Consecratio sit actus, quo res quædam cultui divino publico dicatur; consecratione res sacræ ab omni usu profano separari, & ad usum sacrum unice dedicari.

§. 1026.

De Ec-
clesia &
rebus ec-
clesiasti-
cis.

Ecclesia dicitur cœtus hominum eodem modo Deum colentium; consequenter eidem religioni addictorum. Vocatur autem particularis, quæ in loco quodam particulari est, veluti in una urbe, vel certa ejus parte, aut in uno pago: Universa autem, quæ per quæcumque terrarum loca dispersa. Hinc Res ecclesiasticæ, vel Ecclesiæ dicuntur, quæ ad usum quemdam Ecclesiæ pertinent, non tamen directè & simpliciter ad cultum divinum dedicantur. Universim sumptæ vocantur Bona ecclesiæ, quæ tam in rebus corporalibus, quam incorporalibus consistere possunt (§. 121.) Cum tam res sacræ, quam ecclesiasticæ destinantur ad usum Ecclesiæ cujusdam particularis (§. 1025. & præf.) utræque ecclesiæ particulares sunt: quoniam tamen ecclesiam non faciunt, qui nunc vivunt, verum etiam qui
his

his mortuis in eorum locorum successive succedunt, salva manente eadem communione religionis; qui nunc sunt ejus membra de iis disporre nequeunt in præjudicium ecclesiæ pro tempore futuro.

§. 1027.

Repræsentationes factorum personarum sive verarum, sive fictarum, si fuerint exitus læti, *De comædiis* Comædias, si tristes, *Tragædias* appellamus, sit & *tragædiis.* ita, quod veteres comædias a tragædiis distinxerint personarum conditione & fortunarum negotiorumque qualitate. Quoniam comædiæ & tragædiæ eum, quem exempla propriæ experientiæ, præbent usum, & propter manifestum nexum inter facta & exitum efficacia majore, consequenter ad praxim officiorum hominis & civis plurimum adjumenti afferunt; ad finem hunc, quem habere debent, apte in Rep. tolerandæ; minime autem, si vitiorum libidinem animo instillant.

§. 1028.

Vacuitas a metu injuriarum, quæ ad finem civitatis pertinet (§. 972.) exigit; ut quilibet *De curâ superioris circa justitiam.* tutus præstetur ab injuria aliorum, consequenter non ferendum, ut quis ledatur ab alio (§. 88.) vel defraudetur (§. 286.) sed curandum, ut unicuique jus suum tribuatur (§. 86.) nimirum ut consequatur, quod ipsi ab alio debetur (§. 80.) damna data resarciantur (§. 270.) & ob injurias factas rei puniantur (§. 93.) Cum violenta juris sui persecutio bellum sit (§. 98.) belli privati exercitium in Rep. superiori competit. Quoniam fieri nequit, ut superior id per se exerceat, & judices dicuntur personæ, quæ unicuique in Rep. jus suum tribui curant, ac unumquemque adversus injurias aliorum defendunt; in Rep. constituendi sunt judices. Patet itaque, in Rep. judicia succedere in locum belli privati.

Dd 2

§. 1029.

§. 1029.

De iure
iudi-
cum.

Quoniam iudices curare debent, ut jus suum unicuique tribuatur (§. 1028.) causas in iudicium deductas cognoscere, a cuiusnam parte stet veritas pronuntiare & victo injungere debent, ut præstet vincenti, quod debet, sique sponte præstare nolit, eundem vi adigere. Cum itaque iudices sint veluti arbitri a superiore constituti (§. 770.) quæ de ipsis ostendimus quoad modum finiendi lites (§. 772. & seq.) ea de iudicibus quoque tenenda. Quia tamen in ipsos translatum est exercitium belli privati, natura singulis competentis (§. 98.) expletio juris (§. 793.) quæ Executio scilicet sententiæ dicitur, & exactio penarum ob injurias privatas, seu in singulos commissas, ad iudices pertinet. Enimvero cum jus belli privati singulis non sit ademptum, sed per iudices saltem exercendum; si copia iudicis haberi nequit, bellum privatum adhuc licitum est, ideoque se adversus aggressorem (§. 90.) & res suas adversus prædonem, possessionem adversus invasorem defendere licet (§. 263. 265.)

§. 1030.

De puniendis
delictis
publicis.

Cum universitas in civitate spectetur tamquam persona moralis (§. 972.) injuria in Remp. committitur, si quid fit, quod est contra jus universorum, veluti omnium securitatem (§. 89.) Quamobrem universis, consequenter superiori (§. 996.) etiam competit jus puniendi eum, qui jus universis competens, veluti securitatem publicam, quomodocumque violat. Factum dolosum, quo alteri damnum datur; vel infertur injuria, Maleficium dicitur, Quasi Maleficium vero factum culposum. Maleficium, quo damnum datur, vel injuria infertur privato, Delictum; quo

Reip.

Reip. damnum datur: vel injuria infertur, *Crimen* appellatur. Dicuntur quoque illa *delicta privata*; hæc *publica*, Quamobrem *judicibus* etiam conferendum *jus puniendi delicta publica*, siue *crimina*.

§. 1031.

Cum pœna irrogetur ob delictum vel crimen perpetratum (§. 1030.) nemo puniri potest, nisi delicto, aut crimine sufficienter probato, aut si sponte id confiteatur: cumque circumstantiæ adhuc latentes ad pœnæ mitigationem facere possint; antequam reus convictus & confessus condemnatur, ipsi permittendum est, ut, quæ sui excusandi causa se in medium afferre posse existimat, proferat, consequenter indefensus puniendus non est, nisi ipse confiteatur, se in defensionem sui nihil afferre posse. Quoniam interest Reip. ne delicta & præsertim crimina mancant impunita (§. 93.) si crimen sufficienter probari nequit, opera danda, ut qui de eodem suspectus est, in negando tamen perseverat, ad confessionem adigatur, consequenter jus est ad ea media, sine quibus confessio extorqueri nequit (§. 46.) Atque in his consistit *Inquisitio*, quæ dicitur, ac is, in cujus delictum publicum inquiritur, *Inquisitus* vocatur.

De in-
quisitio-
ne.

§. 1032.

Tortura dicitur actus, quo corpus criminis suspecti dolore ac cruciatu afficitur, ut ad confessionem criminis adigatur. *Territio* vero sunt minæ de torquendo, quæ intenduntur inquisito in loco torture destinato, præsentem carnificem & apparatus ad torquendum requisito. Equidem cum haud pauci mori malint, etiamsi sint innocentes, quam cruciatus torture perpeti; *tortura non satis apta est ad veritatem ornendam*, nec

De tor-
tura.

desunt exempla innocentium propter fævitiam tormentorum confessorum, ac ideo condemnatorum: quoniam tamen Reip. maxime interest, ne crimen maneat impunitum, quod e diametro securitati publicæ adversatur (§. 93.) si inquisitus criminis istiusmodi gravioris valde fuerit suspectus; ut scilicet ad certitudinem vix quicquam adhuc deesse videatur, quam propria inquisiti confessio, corpore autem sano & robusto, & malitia ejus manifesta, torqueri potest. Juramentum purgatorium criminis suspecto a iudice delatum Tortura spiritualis appellari solet; quæ quod non satis apta sit ad veritatem eruendam, si crimen pœnam capitalem, vel corporis afflictivam, vel aliam infamem meretur, facile patet; cum non omnes Deum vindicem timeant, alii se veniam facile impetraturos putent, ut ideo pejerare (§. 371.) quam crimen confiteri malint.

§. 1033.

Quia crimina impunita manere non debent (§. 1032.) si constet crimen esse commissum, opera danda, ut reus detegatur; si notus fuerit, ne fugiat, in carcerem conjiciendus; si lateat, aut auferit, nihil intentatum relinquendum, ut apprehendatur. Et exinde ulterius sequitur, ut sit tamdiu in carcere detinendus, donec iudicis sententia vel absolutus, vel condemnatus fuerit; cumque nonnisi custodiæ causa in carcere detineri debeat, executio pœne, nulla præsertim necessitate urgente, non differenda. Atque hinc simul intelligitur, incarcerationem fieri non debere, si pœnam in absentem exequi datur; posse vero etiam testem de fuga suspectum incarcerari (§. 778.) Inculpatus dicitur; qui de delicto, vel crimine aliquo postulatur. Quod si ergo inculpatus, immo etiam reus, cui non deneganda defensio (§. 1031.)

metu

metu carceris aufugit, & absens promittit iudici, quod citatus iudicio semper se sistere & causam suam agere velit, præstita securitate de non incarcerando, qui saluus conductus dici solet; iudex eam ipsi tribuere debet, præstita, ne iudicium eludere ausit, cautione de se iudicio sistendo. Enimvero, si sententia a iudice lata ad pœnam capitalem, vel corporis afflictivam condemnatur, aut torturæ subjiaciendus, cum tunc de fuga suspectus sit; saluus conductus expirat: & si durante inquisitione crimen committat, ob quod incarcerari potest; non obstante salvo conductu, quippe qui ad id non spectat, incarcerandus.

§. 1035.

In Rep. homo conjunctis omnium viribus De cura
consequi id debet, ad quod consequendum per superioris circa
se naturaliter obligatur (§. 972.) Quicquid igitur sanitas sub-
diti conferretur & amissa restituatur, ad id ditum.
faciendum obligatur. Atque hinc nascitur cura de
salubritate ciborum ac potuum, de apparatu medica-
mentorum, & ne desint medici atque chirurgi peri-
ti, ac Professores Medicinæ idonei instituuntur,
item ne subditi labore nimio sanitati officere cogantur,
& qui officiis publicis præficiuntur, iis salaria
sufficientia præbeantur. Huc etiam pertinet
cura de viarum publicarum commoditate & securitate.

§. 1035.

Ob eandem rationem patet (§. 116.) superioris De cura
curæ esse debere, ut materia ædificiis extruendis circa æ-
dis conveniens æquo pretio comparari possit, ut adsint
architecti & fabri lignarii ac murarii, aliique opifices
periti, & ne officio suo in extruendis ædificiis desint.
Huc etiam pertinet cura circa incendia, ut tem-
pesti-

pestive restinguantur, & quantum datur præcaveantur. Et quoniam ædificia publica venusta splendorem conciliant civitati; ut templa, curiæ, gymnasia, collegia academica & alia quæcunque ædificia publica non modo firma & utilia, verum etiam venusta sint, superiori curæ esse debet.

§. 1036.

De cura
circa
monetam.

Quoniam pecunia comparantur & res, & operæ, quibus indigemus (§. 494.) superiori curæ habendum, ne moneta sufficiens ad res & operas comparandas desit: & quia defraudatio non permitenda (§. 1028.) ut monetae bonitas intrinseca conveniat extrinsecæ, seu moneta sit proba; ac propterea in monetae adulteratores, qui vel monetam falsam cudunt, veluti vilioris metalli quantitatem permiscendo, quam lege publica cautum, vel etiam radendo eandem diminuunt, severe animadvertendum, nec ferendum, ut moneta proba ad externos exportetur, & ejus loco minus proba invectur a trapezitis, aliisque lucri sordidi cupidis.

§. 1037.

De oneribus
Reip.

Onera Reip. dicuntur omnes sumtus Reip. administrandæ causâ faciendi. Quamobrem cum sine oneribus Resp. administrari & defendi nequeat; onera quoque Reip. ferre debent universi (§. 972.) non imponenda ultra, quam Reip. administratio & defensio exigit; & cum nemo civium ad paupertatem sit redigendus, singuli contribuere debent pro modo facultatum suarum. Sunt vero onera ordinaria, quæ perpetuus usus exigit; extraordinaria vero, quæ casus quidam emergentes exigunt.

§. 1038.

§. 1038.

Ærarium publicum dicitur locus, in quo pecunia publica reposita est. Patet itaque, *Remp. opus habere ærario* (§. 1036.) *paratam esse debere pecuniam, quantum Reip. administratio & defensio* *De ærario pu-*
blico. *exigit. Immo præter ærarium totius civitatis, cætus quoque particulares sua debent habere æraria, in quæ reponuntur pecuniæ in usum publicum a singulis collatæ.*

§. 1039.

Differt ab ærario publico *Fiscus*, qui est receptaculum pecuniæ privatæ Regis, seu imperantis. Quæ igitur Regis propria sunt, seu ad ejus usus privatos destinata, in fisco sunt. Unde *Defisco.*
Confiscatio bonorum est actus, quo in pœnam omnia bona, quæ quis habet, eidem adimuntur, & fisco attribuuntur. Hinc simul intelligitur, quid sit *Confiscatio rei particularis.*

§. 1040.

Cum Rex sine sumtu se familiamque suam sustentare nequeat, nec splendorem dignitatis regię, imperium verò exerceat subditorum causa; in regno subditi Regi sumtus suppeditare tenentur ad sustentandum se familiamque suam, & obtinendum dignitatis regię splendorem sufficientes, consequenter fisco assignandi sunt certi redditus, pro diversitate circumstantiarum augendi (§. 1039.) Prædia, quorum redditus Rectori civitatis ad sustentandum se familiamque suam requiruntur, dicuntur *Domania*; & hi redditus sunt bona ipsius propria (§. 1012.) De redditibus igitur ex domaniis pro arbitrio suo disponere potest (§. 195.) *De do-*
maniis. *ast ipsa domania, utpote nonnisi usufructuarius, alienare & oppignorare nequit (§. 713.) &*
alie-

alienata a successore revocari, nec quantumcumque tempore prescribi possunt (§. 451. 452.) Quoniam in regno patrimoniali perfecte tali omnia imperii causa constituta sunt in dominio Regis (§. 986.) dominia quoque alienare & oppignorare potest (§. 257. 697.) Et si Rex habet jus ex nova causa tributa indicendi sine ulla restrictione; dominia oppignorare potest; cum potuisset loco pecuniae mutuo summae tributa indicare.

§. 1041.

De titu-
lis &
praece-
dentia.

Cum unicuique honor meritis sit exhibendus (§. 142.) superior quoque determinare debet actus externos, quibus honor ob merita in Remp. exhiberi debet de eadem bene merentibus a ceteris: ad quod modi apti sunt tituli, qui sunt vocabula praecellentiam cujusdam supra alios significantia, & praecedentia (§. 75.) Quoniam itaque tituli & praecedentia esse debent signa meritorum in Remp. & per eos cives ad praecelara in Remp. merita obligantur (§. 35. tituli cum praecedentia non debent esse venales. Ceterum ob eandem rationem (§. 142.) ferendum non est, ut quis ignominia afficiat alios, praesertim eos, qui dignitatibus civilibus eminent, seu ornati sunt.

CAPUT IV.

De Juribus majestaticis.

§. 1042.

Qua-
nam ad
jurama-
jestatica
referen-
da.

Cum jura majestatica sint, quae ad imperium summum & ejus exercitium pertinent (§. 998.) ad ea referenda sunt jura omnia, sine quibus imperium publicum ita exerceri nequit, ut bonum publicum, quantum fieri potest, promoveatur (§. 980.) consequenter qui imperium civile exercet, ei competit

petit jus omnia constituendi, quæ ad bonum publicum consequendum ipsi facere videntur.

§. 1043.

Quoniam qualibet societas, consequenter etiam civitas suas habere debet leges, & eidem competit jus ferendi leges (§. 846.) ad jura majestatica pertinet potestas legislativa, jus condendi leges (§. 1042.) Quamobrem cum leges concipi nequeant sine obligatione (§. 39.) si tales non fuerint, ut iis satisfieri nequeat per executionem, seu vi compellendo ad præstandum, quod præcipitur (§. 1029.) iisdem tales ac tantæ addendæ sunt pænæ, quæ ad cohibendam transgressionem, quantum datur, sufficiunt. Hinc intelligitur, leges non esse, si superior saltem significet, quid a subditis fieri, aut non fieri debeat, non vero addit, quod secus facientes puniri, aut vi adigi debeant ad faciendum; cum hac voluntatis declaratione saltem admoncantur subditi officii sui. Facile autem patet, leges fundamentales non subesse potestati legislative, Reclori civitatis competenti (§. 984.)

§. 1044.

Cum lege voluntatem suam declaret superior, quid a subditis fieri, vel non fieri velit (§. 1043. 39.) jus interpretandi leges in Rep. superiori competit (§. 974.) Quamobrem in casu dubio interpretatio ab eo requirenda, quæ authentica dici solet. Leges vero fundamentales superior interpretari nequit (§. 984.)

§. 1045.

Lex abrogari dicitur, quando declaratur, quod subditos non amplius obligare debeat. Cum obligatio, quæ a lege humana venit, dependeat a voluntate legislatoris (§. 39.) superior, qui legem tulit

De jure
abrogan.
di & im-
mutandi
leges.

tulit (§. 1043.) eam quoque abrogare potest, si ipsi visum fuerit, consequenter jus abrogandi leges ad jura majestatica pertinet (§. 1042.) Et quia leges mutare idem est ac veteres tollere, & alias in eorum locum substituere; in jure leges ferendi & abrogandi etiam jus leges immutandi continetur. Enimvero quoniam obligatio naturalis, quæ a lege naturæ venit (§. 39.) immutabilis est (§. 38.) leges naturales abrogari nequeunt.

§. 1046.

De jure
dispensandi.

Dispensatio vocatur permissio actus lege prohibiti in casu singulari facta. Quamobrem cum dispensare idem sit ac legem tollere in casu quodam singulari, seu aliquem ab obligatione quæ inde venit, liberare; superior circa leges dispensare potest (§. 1045.) ac propterea jus dispensandi ad jura majestatica pertinet (§. 1042.) ob immutabilitatem vero obligationis naturalis (§. 38.) ad legem naturæ extendi nequit. Quamobrem si quædam permittere tenetur superior, quæ legi naturæ adversantur, ea tantum impune fieri permittit.

§. 1047.

De jure
dandi
privilegium.

Privilegium est concessio juris cujusdam, sive affirmativi, sive negativi, personæ uni, vel pluribus, aut certo cuidam personarum ordini facta, quo ceteri carent. Dicitur in specie Privilegium familiæ, quod datur personæ cuidam & omnibus ab ea per nativitatem descendantibus. Qui privilegium habet, Privilegiarius, vulgo privilegiatus appellatur. Cum concessione privilegiorum ceteri obligentur pati, ut privilegiatus jure suo fruatur, nec quicquam committere, quod eidem adversatur; privilegia revera leges sunt (§. 39.) consequenter cum potestas legislatoria superiori competat (§. 1043.) eadem-

eidemque sit jus dispensandi circa legem (§. 1046.) quod in privilegiis obtinet; *jus concedendi privilegia ad jura majestatica pertinet*. Cum voluntate superioris dentur privilegia, ideoque ab eadem pendet, cuinam privilegia dare & qua lege velit; superior privilegia concedere potest vel ad tempus, vel ad dies vite, sub onere quocumque, sub certa conditione, præsertim potestativa, aut precario, immo etiam sub pœna, veluti ut abusu, vel certo quodam facto amittantur. Quoniam tamen salus publica in civitate suprema lex est (§. 976.) privilegia dari non debent, nisi boni publici causa, consequenter si vergant in detrimentum Reip. aut multorum civium, superior ea tollere potest.

§. 1048.

Cum a metu pœnarum vim habeat obligatio (§. 35. 93.) pœnæ legibus additæ executioni dandæ sunt. Quamobrem cum puniendæ etiam sint delicta tam privata; quam publica (§. 1029.) ad jura majestatica pertinet *jus puniendi & pœnas determinandi*. Quia pœnæ vel sunt mala fortunæ, vel corporis (§. 93.) in privatione sui & in faciendo dolore in corpore consistunt, consequenter in pœnam adimi possunt res quæcumque corporales, pecunia, jura quælibet, ideoque etiam privilegia (§. 1047.) sive in perpetuum, sive ad certum tempus, delinquens infamia notari, corpus variis modis affligi, immo cum exercitium juris puniendi revera sit defensio adversus eos, qui lædendi animum habent (§. 90. 93.) in pœnam ipsa vita eripi potest (§. 94.) Pœnæ igitur capitales in se illicitæ non sunt, & si crimina aliter averti nequeunt, licitæ. Jus pœnam capitalem sumendi de maleficis *jus gladii* dicitur, immo etiam *jus vite & necis*; quod tamen
latius

De jure
puniendi
&
jure gladii.

latius extenditur, quatenus scilicet jus exponendi vitam subditorum periculo mortis, veluti in bello, continet.

§. 1049.

*Antalia
in irro-
gandis
pœnis
atten-
denda.*

Talio cum sit par vindicta, qua tantum quis patitur mali, quantum fecit, & tamquam illicita in se in exercitio juris puniendi non attendenda (§. 156) in puniendis quoque delictis tam privatis, quam publicis talio non observanda, sed pœnæ loco malum nunc gravius, nunc minus inferendum, quam quantum fecit, qui deliquit, prouti finis pœnæ exigit (§. 94.) Qua etiam de causa malum in se tale non est, ut puniri debeat, nec Rector civitatis necem malefici intendit, sed averfionem læsionis cum a singulis, tum a Reis seu universis.

§. 1050.

*Quoniam
puniri
nequeat.*

Quoniam jus puniendi natura hominibus non competit, nisi ob læsionem actu factam (§. 93.) actus interni, quando in externos non erumpunt, puniri non possunt. Hinc ob errores nemo puniri potest: disseminatio tamen erroris, præsertim si fiat contra prohibitionem, pœnis coerceri potest.

§. 1051.

*An pœna
nomine
sepul-
tura de-
neganda.*

Cum jus sepulturæ humanitati debitum (§. 824.) in pœnam adimi possit (§. 1048.) ac præterea pœnis maxime conveniat, ut eorum memoria conservetur, quatenus exemplares sunt (§. 93.) cadavera supplicium ultimum perpefforum insepulta in conspectu publico relinqui possunt. Immo ob eandem rationem pœnæ nomine denegatur sepultura in loco honesto contemptoribus religionis, & propter antochiriam ex causa non imputabili minimè commissam, veluti non in furore, delirio, vel ex melancholia.

§. 1052.

§. 1052.

Quoniam scelera, seu vitia fœda superior per-
mittere non tenetur in Rep. præsertim ubi ve-
rendum, ne invalescant (§. 1024.) aut si salu-
ti publicæ quodammodo adversentur (§. 976.) *An sce-*
cum eadem prohibere possit; *lera pu-*
test, veluti scortationem, adulterium, concu-
bitus, qui sunt contra naturam, blasphemiam,
luxum nimium. *niri pos-*
sint.

§. 1053.

Si bona parentum confiscantur, cum liberi in
iisdem nullum adhuc jus proprium habeant. *Quomo-*
quippe quod demum post mortem eorum con-
sequuntur (§. 917. 921.) iidem ob factum pa-
rentum non puniuntur (§. 1048) Quatenus tamen
ipsis adimittitur hereditas, quam sperare pote-
rant; occasione ejusdem malum quoddam sentiunt.
Quatenus vero parentes curæ habere debent,
ut liberi sint fortunati (§. 892.) atque eo du-
cit natura insitus amor, qui in ipsis brutis con-
spicitur; ipsi affliguntur, quod videant liberos
privari bonis, quæ post mortem suam habitu-
ri erant. Ac ideo parentes in liberis confiscatione
bonorum puniuntur (§. 93.) Idem intelligitur eo-
dem modo, si ob crimen parentum liberis admi-
tuntur, si quid habent, aut expectare possunt, in quod
jus proprium non ipsis, sed populo aut Regi est,
seu quod non in ipsorum, sed in populi aut Regis
dominio est, qualia sunt nobilitas, jus certarum
dignitatum civilium hereditarium, aptitudo ci-
vilis ad certa officia publica, jus possidendi
prædia equestria & alia privilegia familiæ da-
ta; quippe quæ sunt talia, quæ continuo juri
superioris subiecta sunt, ut de iis disponere pos-
sit, prouti salus Reip. exigit (§. 976.)

§. 1054.

§. 1054.

*De jure
aggrati-
andi.*

Cum salus Reip. suprema lex sit (§.976.) pœnarum autem qualitas & quantitas voluntate superioris determinanda sit (§. 1048.) si e re Reip. esse superiori videatur, ut pœna remittatur, vel saltem mitigetur, eandem remittere, vel mitigare potest. Sunt autem rationes ad hoc sufficientes præclara parentum, vel majorum in Remp. aut superiorem merita, ob quæ pœnæ remissio, vel mitigatio æquipollet beneficio, quod ipsis redditur in liberis, vel posteris, aut eorum cognatis. Tales etiam sunt præclara delinquentium in Remp. & Rectorem civitatis merita, vel magna spes meritorum in posterum. Jus vero pœnas remittendi, vel mitigandi *Jus aggratiandi* appellatur. Quod si pœnæ lege fuerint determinatæ; aggratiatio dispensationi æquipollet (§.1046.) & Jus aggratiandi sub jure dispensandi continetur.

§. 1055.

*De jure
abolendi.*

Accusatio, vel *inquisitio* aboleri dicitur, si de crimine, cujus aliquis postulatur, non inquirendum; consequenter is absque omni cognitione, aut saltem inquisitione nondum absoluta e numero reorum eximitur. Est igitur *abolitio remissio pœnæ in casu dubio*. Quamobrem cum jus abolendi sub jure aggratiandi contineatur (§.1054.) superiori jus abolendi competit (§. cit.)

§. 1056.

*De am-
nestia.*

Differt ab abolitione *Amnestia*, quæ est obli-
vio injuriarum & criminum patratorum in per-
petuum decreta. Unde & *Lex oblivionis* voca-
tur. *Amnestia* igitur præstita, ante actarum rerum
nemo accusari, neve puniri potest. Cum salus
Reip.

Reip. suprema lex sit (§. 976.) si e re civitatis fuerit, veluti si præteritarum injuriarum obli-
vione certius cavetur, ne novis iisque graviori-
bus pandantur fores, vel si eadem tutius finian-
tur, si pœna remittatur, quam si nocentes pu-
niantur, *amnestia naturaliter licita*, & eam, cum
sit pœnæ remissio, superior præstare valet (§. 1054.)
Facile autem intelligitur, si in rebellionem *amnestia*
a superiore præstatur, cum id fiat transactione,
ut pax restituatur, ac ideo vim suam a pacto
accipiat (§. 764.) id non fieri vi imperii.

§. 1057.

Fus onera imponendi, superiori competens (§. 1037.) ad jura majestatica pertinet (§. 1042.)
Dicuntur autem *Tributa* pecunia, quæ pro re-
bus immobilibus, pro moventibus, pro bonis
possessis, aut negotio quæstuoso, vel etiam pro
capite suo, onerum Reip. ferendorum causa,
solvitur: *Vestigial* vero pecunia, quæ eadem de
causa pro mercibus & rebus consumtibilibus, pro
vestura, & si qua sunt his gemina, solvitur.
Ad ea etiam pertinent *Munera publica*, quando
subditi sine dignitate publicæ utilitatis causa
gratis, vel etiam cum damno patrimonii & sum-
tibus suis quid facere obligantur. Istiusmodi
munus publicum est personali hospitio excipere
milites, est etiam tutelæ administratio. Patet
autem, tributa & munera publica rerum immobi-
lium pretium imminuere, vestigialia autem rerum
pretium augere. Hinc vero sequitur, ut nova
tributa & munera publica, atque vestigialia caute
sint imponenda.

*De Jure
onera
impo-
nendi &
ejus ge-
neribus.*

§. 1058.

Collecta dicitur pecunia, quæ a civibus usus
cujusdam particularis gratia colligitur, veluti
(*Wolfii Instit. J. N. & G.*)

*De jure
colla-
tandi.*

Ee ex-

structionis templi, vel ædium incendio devastatarum, aut pauperum alendorum causa. Cum collectæ indirecte respiciant Remp. quatenus universi consulere tenentur singulis, vel cœtibus particularibus (§. 975.) & si fiant in usum exteriorum, pecunia ex civitate exportatur, consequenter onera sint, quæ respectum ad Remp. habent; concessio juris collectandi ad superiorem pertinet (§. 1057.) ideoque jus collectandi sine ejus permisso exerceri nequit. Et quamvis collectæ confundendæ non sint cum eleemosynis, quas privatus quidam colligit miseriæ sublevandæ causa, in quam quis fatali incendio, vel alia calamitate reductus est; ipse tamen superior etiam de his disponere potest, cum jus disponendi de eleemosynis eidem competat (§. 1022.) eademque referendæ sint ad onera, quæ indirecte Remp. respiciunt.

§. 1059.

Superioris cum sit curare, ne desit moneta probæ sufficiens copia & ne adulteretur (§. 1036.) De jure mone-
tam cu-
dendi. jus monetae cudendæ ad jura majestatica pertinet (§. 1042.) & superiori quoque competit jus valorem extrinsecum monetae tam propriæ, quam peregrinæ determinandi, prouti e re civitatis visum fuerit. Quod si ob temporum calamitates moneta ex materia vili, vel exigui, aut fere nullius pretii cause immodicus valor extrinsecus tribuendus, ne plurimi civium ad incitas redigantur, cessantibus illis superior curare debet, ut cum moneta proba permutetur.

§. 1060.

De jure
confe-
rendi of-
ficia pu-
blica.

Officium publicum dicimus administrationem certorum negotiorum vi imperii civilis gerendorum & executioni dandorum. Officio igitur

tur publico funguntur non modo illi, quibus exercitium cujusdam juris ad imperium civile pertinentis committit superior, verum etiam hi, quorum ministerio vel ipse, vel illi utuntur in executione negotiorum. In specie autem Magistratus dicitur, cui partes quædam imperii exercendæ committuntur a superiore, quales sunt magistratus oppidani, gubernatores provinciarum, immo & judices (§. 1028.) Cum superior imperium solus per se exercere nequeat, sed exercere teneatur partim per alios, consequenter magistratus & judices ipsius nomine faciant, quicquid faciunt, & in genere, qui officio cuidam publico præficiuntur, nonnisi exequantur a superiore sibi demandata; superiori quoque competit jus magistratus atque judices instituendi, & in genere officia publica conferendi. Ceterum ab ipsius arbitrio pendet, quatenus quoad functiones minores jus conferendi magistratibus, judicibus & quis aliis officii funguntur, concedere velit & qua lege. Facile autem patet, hos suo jure non uti nisi dependenter a voluntate superioris.

§. 1061.

Et quia tituli & præcedentia per se sunt præmia bene meritorum de Rep. vel persona superioris (§. 1041.) per quos subditi ad præclare merendum obligantur (§. 35.) jus conferendi titulos & præcedentiam ad jura majestatica pertinet (§. 1042.) Cumque hi etiam adhæreant officiis publicis, quatenus, qui iisdem funguntur, bene de Rep. merentur; ideo officia publica, quæ dignitatem adjunctam habent, a Romanis *Honores* appellabantur.

De jure
conferendi
titulos &
præcedentias
seu dignitates
civiles.

§. 1062.

Quomodo
ius
istud ex-
ercen-
dum.

Cum imperium publicum exerceri debeat fa-
luti publice convenienter (§. 976.) officium pu-
blicum nemini conferendum, nisi qui habilis est, hoc
est, cui non modo sunt vires sufficientes, ut eodem
recte fungatur, sed & constans atque perpetua vo-
luntas eodem recte fungendi, consequenter officia
publica non vendi debent, nec conferri plus lici-
tanti, (a) neque etiam ferendum est, ut ab iis,
qui officium aliquod ambiunt, munera accipiant,
qui vel officia conferunt, vel superiori personas ha-
biles commendare, aut presentare debent. Quam-
obrem cum Crimen ambitus vocetur, quo quis
data pecunia, vel alio illicito modo corruptis
suffragiis officium quoddam publicum, vel di-
gnitates civiles parat; crimen ambitus non tole-
randum, consequenter penis coercendum. Immo
si ex indigni electione damnum Rep. fecerit is, cui
officii publici collatio mandata est, id resarcire tene-
tur (§. 270.)

§. 1063.

De re-
movere,
suspensionem
& dimissionem
ab
officio.

Removeri ab officio dicitur, qui eodem invi-
tus privatur; suspendi, qui eodem fungi ad
tempus certum, vel indefinitum prohibetur;
dimitti, cuius precibus annuit superior, ne eo-
dem diutius fungi obligetur. Quoniam officii
collatio pacto perficitur inter collatorem & eum,
cui confertur, quo is certorum negotiorum ad-
ministracionem, vel executionem eidem com-
mittit (§. 1060.) & salarium promittit, hic ve-
ro

(a) Officia publica pro Reipublicae utilitate plus of-
ferenti conferri possunt; modo in idoneum & probate fi-
dei virum electio cadat. Nec exempla desunt in Jure
Civili, & quamplurimæ magni nominis Civitates hunc
servant morem.

ro spondet, se negotia ista diligenter administraturum, vel executurum (§. 438.) nemo officium abdicare potest sine consensu superioris, aut ejus, qui ab eodem jus habet (§. 341.) nec removeri, nec suspendi potest sine justa causa, veluti si negligenter, aut fraudulenter eodem fungatur (§. 442.) aut in pœnam (§. 1048.) Patet itaque, jus removendi, suspendendi & dimittendi ab officio competere per se superiori.

§. 1064.

Jus circa sacra, aut Jus sacrorum dicitur jus disponendi de iis, quæ ad cultum divinum & Ecclesiam spectant. Cum cura cultus divini externi superiori incumbat, veluti ut extruantur templa, determinentur festa, instituantur doctores publici (§. 1024.) consequenter etiam ut rectus fiat rerum sacrarum usus (§. 1025.) & de rebus ecclesiasticis rite disponatur (§. 1026.) jus aliquod circa sacra superiori competit. Quandoque tamen unicuique liberum sit sententiam suam proponere ac rationibus defendere, citra contumeliâ, vel insectationem partis alterius, aut ut de eo, quod controversum est, in cultu divino publico taceatur. Ast de iis, quæ in cultu externo salvo interno non uno modo fieri possunt, pro lubitu disponi posse ab eo, qui jus sacrorum habet, prouti e re civitatis, vel ecclesiæ ipsi visum fuerit, nihil difficultatis habet (§. 976.) Enimvero cum imperium civile metiendum sit ex fine civitatis (§. 980.) jus circa sacra quoad eos actus, qui respectum quemdam ad Remp. habent, vel quorum executio brachio civili indiget, & quatenus ecclesia tutelam civilem exigit, ab imperio civili dependens semper est. Quoniam Rector civitatis ad legum fundamentalium observantiam obligatur (§. 984.) si qua de jure circa sacra

*De jure
circa sa-
cra.*

lege fundamentali disponuntur, veluti ne tolerentur religiones ab ea, quam populus profiteatur, diversæ, vel ne Rector civitatis alii religioni addictus sit, ea tenent Rectorem civitatis. Si lex nulla fundamentalis obstat, cum tunc pro lubitu statuere possit de eo, quod sibi visum fuerit; religionem quamcumque in civitate tolerare potest, modo ea non sit statui civili adversa, & eam præscribere legem, sub qua eandem tolerare velit.

§. 1065.

De dominio & potestate eminentis.

Jus disponendi de rebus propriis civium salutaris publicæ causæ, in casu necessitatis, dicitur *Dominium eminens*; jus vero eadem de causâ in casu necessitatis disponendi de ipsis personis civium, *Potestas eminentis*. Utrumque conjunctim *Jus eminentis*, in res scilicet & personam civium vocatur. Superiorem itaque dominium & potestas eminentis, seu jus eminentis competit (§. 976.) & jus utrumque jus quoddam necessitatis est, nec locum habet, nisi quando ejus usus est medium unicum salutis publicæ in casu emergente promovende: cumque res sacræ & ecclesiasticæ sint ecclesiæ particularis, cujus membra sunt cives (§. 1026.) vi domini eminentis etiam de rebus sacris & ecclesiasticis disponere potest superior, non tamen sine consensu ejus, qui jus circa sacra habet, si id a regimine seculari fuerit sejunctum (§. 1064.) Cum dominium & imperium sint duo jura a se invicem prorsus distincta, quorum unum ab altero prorsus independens est (§. 195. 833.) si Rex fuerit fundorum privatorum dominus, id ad imperium non pertinet, nec quicquam in ipso imperio, aut modo habendi imperium mutat.

§. 1066.

§. 1066.

Cum superior Remp. defendere teneatur ad-
versus vim externam, consequenter etiam ju-
ra populi sui & singulorum quoque subditorum
vi persequi adversus gentes alias (§. 972.) *De Jure belli.* jus
etiam belli in alias habet (§. 98.) idque ad jura
majestatica pertinet (§. 1042.) Atque hoc bellum,
quod jure civitatis geritur cum gentibus aliis,
publicum dici solet.

§. 1067.

Denique quia superior populi salutem quovis
modo promovere debet (§. 972. 996.) si ope
atque auxilio aliarum gentium salutem civium suo-
rum promovere possit, pacta de eo cum gentibus
aliis inire potest. Sed de jure belli & pacta
ineundi cum gentibus aliis agendum in Jure
Gentium. *De Jure paciscen- di cum gentibus aliis.*

C A P U T V.

De theoria naturali legum civilium,

§. 1068.

Leges civiles dicuntur, quæ a superiore fe-
runtur subditis in civitate. Cum civitates
diversæ inter se spectentur tamquam personæ
liberæ in statu naturali viventes (§. 977.) leges
civiles non obligant nisi membra ejus civitatis, in
qua feruntur, consequenter si leges peregrinæ re-
cipiuntur, ex vim obligandi nanciscuntur a superio-
ris voluntate, qui vult eas esse leges suæ civitatis.
Quoniam vero salus publica suprema lex est
(§. 976.) leges peregrinæ non ante recipiendæ, quam
demonstratum fuerit per ea, quæ præscribunt, bonum
commune hujus civitatis promoveri posse, ideoque

*De legi-
bus civi-
libus.*

si mutato verum statu, vel agnito errore deprehendatur, ea non esse media commune bonum promovendi, abrogandæ sunt: id quod in genere de legibus quibusvis tenendum.

§. 1069.

De habitu legum civilium ad naturales præceptivas & prohibitivas.

Cum obligatio naturalis sit immutabilis (§. 38.) nec ullus homo ab ea liberari possit (§. 42.) leges civiles contrariæ esse non debent naturalibus præceptivis & prohibitivis, consequenter lex civilis ex naturaliter debito facere nequit illicitum, nec ex naturaliter illicito debitum, vel licitum (§. 49.) Quamobrem si lege civili tacite permittitur, quod legi præceptivæ, vel prohibitivæ contrarium; id saltem toleratur, vel concessa impunitate agendi, vel denegato auxilio judicis, majoris mali, vel damni vitandi causa, vel quod alia quacumque de causa id fieri necesse sit (§. 976.) Nimirum permittendo legi præceptivæ, vel prohibitivæ naturali contrarium lege civili libertas naturalis non restringitur ultra id, quod exigit finis civitatis (§. 78. 980.) Enimvero cum permittendo urique velit superior, ne alius agere volentem vi impediatur, quo minus agat; si lege civili quid permittitur, lex permissiva obligat ceteros, ne agentem vi impediatur, quo minus faciat, quod permittitur, ac inde nascitur agenti jus non patiendi, ut vi impediat (§. 46.)

§. 1070.

De legibus civilibus a naturalibus materiæ non differentibus.

Quod si obligatio naturalis non satis efficax fuerit ad legum naturalium observantiam, quas tamen in Rep. observari necesse est; leges naturales additis poenis, quarum metu introducitur obligatio positiva naturali fortior (§. 35. 93.) efficiuntur civiles, quatenus scilicet poenas continent lege naturali minime determinatas (§. 39.)

(§. 39.) Immo cum metus executionis a iudice faciendæ (§. 1029.) & prævisio actus ab eodem irriti efficiendi aut rescindendi vim obligandi habeat (§. 35.) *leges quoque naturales formam civilium induunt, quatenus iisdem præstatur auxilium in foro.*

§. 1071.

Quoniam in civitate libertas singulorum restringitur quoad eas actiones, quæ ad bonum publicum consequendum pertinent (§. 980.) superior ex naturaliter licito lege civili debitum, vel illicitum, & ex imperfecte debito, seu officio humanitatis perfecte debitum facere potest, prouti fini civitatis convenit (§. 49. 80.) Quod vi libertatis naturalis singuli per pacta facere possunt (§. 667.) idem superior, cuius juri subjecta est libertas naturalis singulorum, facere potest, quatenus finis civitatis id exigit (§. 980.) Hinc sequitur, ut, si quid pluribus modis fieri potest, superior præcipere possit, ut hoc vel isto modo fieri debeat, consequenter actus civiliter validus non sit, nisi lege præscripto modo fiat. Huc etiam pertinet, si superior determinat modum, quo obligationi naturali satisfieri potest, aut ab eo præcaveatur, ne eidem adversa committantur, aut ut contra-ctui insit, quod per pacta eidem adjici potest, vel lex detur, quam contrahentes dare poterant.

De habitu legum civilium ad naturales permissivas & officia humanitatis.

§. 1072.

Cum superior curet, ut jus suum unicuique tribuatur per iudicem (§. 1028. 1029.) facile patet cavendum esse, ne lites multiplicentur in minimum, & ex litibus nascantur lites, nec in foro protrahantur, atque curandum, ut exitum habere possint. Quamobrem ob minimam quamcunque læsionem litibus in foro locus concedi nequit; cum

De legibus civilibus materia liter a naturalibus differens.

& in

& in statu naturali ob læsiones non magni momenti a bello abstinere jubeat prudentia, vel caritas, & sæpe pœna danda sit culpæ, ut posthac cautius mercari discas; & si determinationes legis naturæ adjectæ fuerint probatu difficiles, vel prorsus impossibiles, in earum locum substituendæ aliæ probatu faciles, quæ probabiliter, seu ut plurimum iisdem equipollent. Hinc sequitur, ut lege civili determinantur læsiones, ob quas auxilium dandum, vel denegandum in foro, & culpa pro diversitate negotiorum præstanda.

§. 1073.

Unde desumenda
sit ratio
legum
civilium
ex
naturali
facien-
darum.

Quoniam leges civiles præscribere debent media, quibus commune bonum civitatis obtinetur (§. 1068.) ratio eorum, quæ legi naturali vel addenda, vel subtrahenda, ut ex ea efficiatur civilis, vel a statu civitatis in genere, vel hujus in qua lex fertur, in specie desumenda. Et per se patet, si legum civilium una concordia esse debeat; admittenda etiam esse juri naturali non in totum consona, quæ ex aliis legibus civilibus necessario consequuntur. Quamobrem cum voluntas legislatoris contradictoria concipi non debeat; quæ ex lege civili necessario consequuntur, ea etiam pro lege tenenda.

§. 1074.

De erro-
ribus
circa jus
naturæ
vitan-
dis.

Quoniam ex hætenus dictis apparet, leges civiles efficiendas esse ex naturalibus; cavendum est, ne legislator errores quosdam communes pro jure naturæ sumat, consequenter si per inscitiam temporum errores quidam irrepserunt in leges civiles, aut quedam ex aliis hac labe infectis per consequentiam fuerint erute, eadem abrogandæ, vel veritati convenienter emendandæ sunt.

CAPUT VI.

De officio superioris & subditorum.

§. 1075.

EXercitium imperii civilis dicitur *Regimen*, De bono
 Quamobrem cum boni publici promovendi & malo
 di causa constituta sint civitates (§. 972.) & regimi-
 ne.
 imperium civile consistat in determinandis actionibus civium atque iis, quæ ad bonum publicum consequendum faciunt (§. 978. 980.) Re-
 ctor civitatis bene regit Remp. si ea facit, quæ ad
 bonum publicum promovendum requiruntur, male
 autem regit, si ea facit, quæ bono publico adver-
 santur, & ad bene regendum obligatur.

§. 1076.

Quamobrem Rector civitatis instructus esse de-
 bet scientia eorum, quæ ad bonum regimen requi-
 runtur, & habere voluntatem constantem ac perpe-
 tuam nonnisi ea faciendi, quæ ad bonum regimen
 spectant. Enimvero cum fieri non possit, ut
 omnia negotia publica ac ea imprimis, quæ
 ad decernendum in præsentī supponenda ve-
 niunt, ipsi sint intime perspecta; ideo uti de-
 bet relatione ac consilio virorum prudentum, quo-
 rum alii in hoc, alii in alio negotiorum genere ex-
 cellunt. Dicuntur hi Consilarii, & dividuntur
 in diversas species pro diversitate negotiorum,
 ad quæ consilium ipsorum adhibetur. Consilia-
 rii igitur non modo negotia habere debent perspe-
 cta, verum etiam fideliter referre omnia, quæ in
 casu præsentī attendenda sunt, nil quicquam celare
 & ab omni adulatione procul abesse.

De qua-
 litatibus
 R. c. &
 consilia-
 rii ad
 bonum
 regimen
 requisi-
 tis.

§. 1077.

§. 1077.

De vir-
tute R. e.

Cum maxima vis sit obligandi subditos exemplum Rectoris civitatis; Rector civitatis omni virtute ac pietate excellere debet (§. 1024.) Utque voluntas constans ac perpetua bene regendi sit (§. 1075.) populum suum amare.

§. 1078.

De abu-
su pote-
statis
vicari-
do.

Quoniam vero bene Remp. regere obligatur (§. 1075.) summitatem imperii non debet confundere cum potestate arbitraria, consequenter jura majestatica probe perspecta ipsi esse debent & rectus eorumdem usus (§. 1042.) una cum legibus fundamentalibus, si quæ sunt, ad quorum observantiam obligatur (§. 984.) consequenter ad omnia animam attendere, quæ de Rep. rite constituenda demonstrata sunt (§. 1017.)

§. 1079.

De obe-
dientia
subdito-
rum.

Quoniam imperium summum non admittit, ut actus ad ejus exercitium spectantes ab ullo homine irriti reddantur (§. 981.) imperium summum in se irresistibile, consequenter populus in iis, in quibus imperii summitatem habet Rector civitatis, resistere non debet. Cumque imperium transferri nequeat ea lege, ut populus universus recte imperanti parere debeat, male autem imperanti resistere cumque coercere possit; populus Rectori civitatis in iis, in quibus summitatem imperii habet, obligatur ad obedientiam cum patientia, seu non modo bene, sed etiam male regenti Remp. obedire tenetur: id quod durum videri nequit, cum præstet sub malo regimine, quam in statu naturali vivere (§. 972.) At quia ab obligatione naturali nemo liberari potest (§. 42.) si superior imperet legi naturæ præceptis, vel

vel prohibitive repugnantia, obediendum non est, & patienter ferendum, si propterea puniatur, aut potius male tractetur. Et quoniam superiori nullum jus est imperandi legibus fundamentalibus adversa (§. 984.) nec obediendum, si legibus fundamentalibus adversa imperentur, immo imperanti resistere, eumque coercere licet, si in jus populo, vel optimatibus reservatum inolet (§. 88. 90.)

§. 1080.

Supplicare dicitur, qui cum reverentia precatur, ut quid fiat, vel non fiat. Quamobrem cum motivis opus sit, ut quis facere velit, vel nolit; supplicanti licet rationes, ob quas aliquid fieri, vel non fieri debeat, demisse exponere. Quamobrem cum fieri possit, ut superior imperet, quod nimis durum, vel iniquum videtur, quia non satis novit, cur nimis durum, vel iniquum videatur; si imperet, quod nimis durum, vel iniquum videtur, subditis supplicare licet, & Magistratibus in primis jus supplicandi subditorum nomine competit (§. 1060.) minime autem jus resistendi injuriis imperantis; cum non utantur jure, nisi a superiore ipsis concessio & dependenter a voluntate ejus exercendo (§. cit.) Quod si supplicatio, etsi justa, non attendatur, subditis hoc patienter ferendum (§. 1079.)

§. 1081.

Si rex imperium abdicavit, vel derelinquit, aut regnum ex feloniam in eum, cujus est feudum, aut ex clausula in ipsa delatione imperii posita, ut, si Rex hoc faciat, subditi omni obedientie vinculo solvantur, committit, cum Rex persona moralis sit, qui propter imperium, quod habet, Rex est (§. 994.) consequenter imperio amisso Rex esse desinat; in personam privatam recedit, ideoque in eundem licet, quod in privatum.

§. 1082.

§. 1082.

De cri-
mine la-
sæ maje-
statis &
in specie
perduel-
lionis.

Cum nemo quicquam facere debeat, quod est contra jus alterius (§. 86.) nullus quoque civis quicquam facere debet, quod est contra jura majestatica, consequenter nec machinari quicquam adversus personam ejus, qui jura majestatica in civitate, ideoque imperium summum habet (§. 998.) quo scilicet jus aliquod majestaticum, vel totum summum imperium eidem vel aufertur, vel diminuitur, vel usus ejus quomodocumque impeditur (§. 83.) Quamobrem nihil moliri debet, quod ad Reip. everisionem & labefactionem, ac rectoris civitatis interitum tendit. Quoniam Crimen læsæ majestatis dicitur factum, quo quid adversus jura majestatica, & per consequens adversus personam ejus, qui imperium summum habet, committitur, crimen hoc naturaliter illicitum, seu contra jus naturæ est. Et quia superiori competit jus puniendi eum, qui jus universis competens violat, qualia sunt jura majestatica sub imperio contenta (§. 979. 998.) & in Rectorem civitatis translata (§. 982.) superiori quoque competit jus puniendi eum, qui crimen læsæ majestatis committit. Quoniam vero cum jura majestatica omnia non sint ejusdem gradus, vi eorum, quæ de hisce juribus demonstrata sunt (§. 1042. & seq.) neque etiam facta adversus eadem commissa æquale nocumentum afferant Reip. non omne crimen læsæ majestatis eodem modo puniri potest. Vocatur autem in specie Crimen perduellionis, quo quis Rectorem civitatis vita, vel imperio privare, vel Remp. evertere, aut labefactare conatur: quod, cum inter crimina læsæ majestatis utique maximum sit, gravissimis poenis coercendum. Patet vero, crimen læsæ majestatis & perduellionis committi posse
in

in quacumque Reip. forma. Cumque liberi & cognati puniri nequeant ob facta parentum, vel cognatorum (§. 873.) perduellium liberi & cognati puniri non possunt, Quoniam denique obligatio ad non commitendum crimen læsæ majestatis venit ex pacto, quo civitas constituta (§. 972.) & ex pacto, quo imperium in Rectorem civitatis translatum (§. 982.) crimen læsæ majestatis & perduellionis committi nequit nisi a subditis, & qui committit, perfidus est (§. 390.)

§. 1083.

Invasor imperii dicitur, qui cum nullum jus ad imperium capeffendum habeat, vi, vel dolo id occupat. Quamobrem cum invasor imperii raptori æquiparetur (§. 263.) consequenter in eundem tantumdem liceat, quantum vi injustæ depellendæ sufficit (§. 268.) si invasor imperii in actu invadendi constitutus, ei vi resistere, & si possessionem sola vi retineat, neque pactio ulla secuta sit, quæ servanda (§. 438.) eum vi deicere, immo in utroque casu occidere, si opus sit, licet. Et quoniam superior, cui hoc jus competit, id vel per se, vel per alium exercere potest; si promiscue unicuique privato permittat, ut invasorem in casu utroque interficiat, quilibet eum interficere potest.

§. 1084.

Quod si rector civitatis in talem conjectus sit statum, ut subditos defendere non possit, nec civium tantæ sint vires, ut invasori citra præsens exitium valeant resistere, cum cives imperium in Rectorem civitatis eo fine contulerint, ut ipsos adversus vim externam defendat (§. 972.) sui conservandi causa cum invasore pacisci licet. Et quoniam pacta servanda sunt (§. 438.) pactio- ne facta eidem obediendum, nec quicquam animo hostili adversus eum moliri licet.

§. 1085.

§. 1085.

De officiis humanitatis a R. c. subditis & ab his R. c. debitis. Rector civitatis subditis, & subditi Rectori civitatis obligantur ad quævis officia, quæ homo homini debet. Etenim obligatio naturalis immutabilis est (§. 38.) nec ullus homo ab ea liberari potest (§. 42.) Quamobrem cum Rector civitatis non desinat esse homo, quia Rector civitatis est, nec subditi esse desinat homines, quia subditi sunt; obligatio inter Rectorem civitatis & subditos quoad officia humanitatis quævis subsistit, consequenter *mutuus* vigere debet amor Rectoris civitatis & populi (§. 136.) Immo eadem obligatio inest pacto, quo civitas constituta (§. 972.) & pacto, quo imperium in Rectorem civitatis translatum (§. 982.)

§. 1086.

De iis, qui civitati se associant. Cum qui civitati se associat, si non expresse, saltem tacite ratihabeat pactum, quo civitas constituta & imperium in Rectorem civitatis translatum; ad legum civitatis observantiam obligatur (§. 978. 1068.) Accedit, quod civitati non alia lege se quendam associari patiatur superior, quam ut ad legum observantiam obligatus sit.

§. 1087.

De civium concordia. Quoniam cives focii sunt (§. 972. 974.) focii autem concordēs esse debent (§. 847.) cives concordēs esse debent, consequenter minime discordes. Quamobrem superiori curæ esse debet, ut concordia civium conservetur, nec discordiæ locus fiat.

P A R S Q U A R T A.

De Jure Gentium.

C A P U T I.

De Jure Gentium in genere.

§. 1088.

¶ Uniam Gentes diversæ inter se spectantur tamquam personæ liberæ in statu naturali viventes (§. 977.) ab obligatione autem naturali, propterea quod in civitatem coivere, se liberare non potuerunt (§. 42.) ad eadem officia tum erga se ipsas, tum erga gentes alias obligantur, quæ singuli singulis tenentur; & ex ea eadem nascuntur jura, quæ singulis in statu naturali competunt (§. 46.) ipsis auferri nescia (§. 74.) consequenter inter se utuntur Jure naturali. Jus naturæ ad Gentes applicatum, vocatur *Jus gentium necessarium*, vel *naturale*. Vocari etiam solet cum Grotio a non-nullis *Jus Gentium internum*. Atque hoc *Jus* prorsus immutabile est (§. 40.) nec ab obligatione, quæ inde venit, gens ulla se liberare potest (§. 42.)

*De jure
Gentium
necessa-
rio.*

§. 1089.

¶ Vi Juris Gentium necessarij gentium omnium eadem est obligatio, eadem sunt jura (§. 69.) ac ideo omnes natura æquales, (§. 70.) nulli prærogativa aliqua (§. 71.) nec præcedentia competit (§. 75.) Nulli jus est in actiones alterius (§. 76.) singularium est libertas (§. 77.) cujus usus non impediendus a gente alia (§. 78.) Nulla gens alteram ledere, seu jus perfectum ipsius violare debet (§. 88.) seu injuriam facere (§. 87.) & adversus injuriam

*De jure
natura
gentibus
compe-
tente.*

(Wolffii Instit. J. N. & G.) Ff inten-

intentatam jus defendendi (§.90.) adversus factam
jus puniendi competit unicuique (§.93.) Et præ-
terea singulis quoque gentibus competit jus alias ad
certas præstationes sibi obligandi, & per consequens
jus perfectum acquirendi (§. 97.) auferri nescium
(§.100.) ac denique jus belli (§. 98.)

§. 1090.

De jure
gentium
volun-
tario.

Cum gentes conjunctis viribus se statumque suum
perficere obligentur (§.44.1088.) ipsa natura socie-
tatem quamdam inter gentes instituit, in quam ob
obligationis naturalis indispensabilem necessi-
tatem (§. 38.) consentire tenentur, ut quasi
pacto contracta videatur (§. 836.) Atque hæc
societas communis salutis causa inter gentes
instituta, *Civitas maxima* vocatur; cujus mem-
bra, seu veluti cives, sunt singulae gentes. At-
que hinc nascitur jus quoddam universis com-
petens in singulas, quod *imperium universale*,
sive *Gentium* appellari potest; nimirum determi-
nandi actiones singularum salutis communis obtinendæ
causa, & cogendi singulas, ut obligationi suæ satisfa-
ciant. Cumque omnis societas suas habere de-
beat leges, quibus determinantur ea, quæ sa-
lutis communis causa semper eodem modo fie-
ri debent (§.846.) civitas quoque maxima leges
habere debet. Quemadmodum vero lex naturæ
præstat consensum in civitatem maximam; ita
eadem quoque eundem supplet in condendis
legibus. Sicuti enim in qualibet civitate leges
civiles ex naturalibus condendæ, & ipsa lex na-
turæ præscribit modum, quo id fieri debet (§.
1068. & seq.) ita quoque ex legibus naturalibus
fieri debent leges civiles in civitate maxima eodem
modo, quo in civitate qualibet particulari, juxta
theoriam lege naturali præscriptam. Atque hoc
jus, quod ex notione civitatis maxime deri-
vatur,

vatur, cum Grotio dicimus *Jus Gentium voluntarium*: idque revera admittitur ab illis, qui *Jus Gentium voluntarium* impugnant, sed *Jus* aliquod externum interno, quod *Jus gentium naturale* est (§. 1088.) contradistinctum defendunt; ut ideo non tam de re, quam de nomine lis sit, etsi nec *Grotius*, nec ejus antagoniste satis distinxerint, quæ revera sunt *Juris gentium voluntarii*.

§. 1091.

Gentes etiam pactis jura acquirere & obligationes contrahere possunt (§. 1089.) Atque hoc jus, quod ex pactis oritur inter gentes diversas initis cum obligationibus respondentibus, vel adhaerentibus, *Jus gentium pactitium* appellatur; consequenter cum pacta saltem obligent partes contrahentes (§. 438.) *Jus gentium pactitium nonnisi jus particulare est.*

De Jure gentium pactitio.

§. 1092.

Denique *Jus gentium consuetudinarium* appellatur, quod longo usu inter quasdam gentes introductum & instar juris observatum; quod *particulare saltem esse* apparet: cumque nullo expresso consensu nitatur: non diutius obligat, nisi donec gens contrariam voluntatem expresse declaravit.

De Jure gentium consuetudinario.

C A P U T I I.

De officiis gentium erga seipsas & inde nascentibus juribus.

§. 1093.

Conservatio gentis consistit in duratione con- sociationis in civitatem. Quamobrem cum singulis obligentur universi prospicere sufficien-

*De conserva-
tione
gentis.*

tiae vitæ ipsorum, tranquillitati & securitati (§. 975.) qui finis nisi salva conlociatione obtineri nequit, quælibet gens se conservare obligatur.

§. 1094.

De perfectione
gentis &
status
ejusdem.

Perfectio gentis consistit in aptitudine finem civitatis consequendi; ac ideo status gentis perfectus est, si in eo nihil desideratur, quo ipsa ad eam consequendum indiget. Quamobrem cum in civitate coeuntes sese sibi invicem obligaverint ad hunc finem conjunctis viribus proficuum (§. 972.) gens quælibet obligatur ad se statumque suum perficiendum.

§. 1095.

De obligatione
ac jure
inde fluente.

Quoniam gens se conservare (§. 1093.) & perficere obligatur (§. 194.) omne quoque periculum interitus a se avertere, & vitare debeat ea, quantum in potestate est (§. 60.) quæ perfectionem ipsius atque status ejusdem quomodocumque impediunt, aut ipsam vel statum ejusdem imperfectionem reddunt, consequenter cuilibet genti competit jus ad ea, quibus periculum interitus avertere, & sine quibus se statumque suum perficere, aut imperfectionem sui statusque sui præcavere nequit: consequenter si alterius gentis ope, aut auxilio eo fine indiget, de eo cum eadem pactiones inire debet (§. 1091.)

§. 1096.

De gloria.

Gloria est consentiens laus bonorum & peritorum, seu bene judicantium (§. 127.) consequenter sine virtutibus intellectualibus & moralibus veram gloriam nemo consequi potest, & gloria maxime excellit, qui virtute plurimum præstat (§. 125.) Atque hinc gloria gentis consistit in laude, quæ consensu bonorum & peritorum eidem tribui-

buitur cum ob perfectionem, tum ob facta ex virtutibus intellectualibus & moralibus profecta. Cumque a singulis in universam gentem deriventur, & de ea prædicanda sint, quæ de maiore parte gentis, vel pluribus in certo vitæ genere prædicanda; facta quoque singulorum, ac in primis plurimorum, aut saltem multorum in eodem vitæ genere ex virtutibus intellectualibus & moralibus profecta ad gloriam gentis faciunt. Ita e. gr. gens dicitur docta, quæ abundat viris doctis, dicitur iusta, in qua plurimi iustitiæ dediti, & ita porro.

§. 1097.

Cum quivis homo operam dare debeat, ut laude dignus sit (§. 125.) consequenter gloriam mereatur (§. 127.) gens quoque *quælibet* operam dare debet, ut gloriam mereatur. Unde sequitur, ut singuli quoque actiones suas ad gloriam gentis suæ referre debent, & Rector ipse civitatis actus regios (§. 1096.) consequenter sibi cavere, ne faciant, quæ genti suæ dedecus inferant. Atque hinc porro patet, gentes quoque doctas & cultas esse debere. Dicuntur nimirum gentes doctæ, quæ virtutes intellectuales colunt; consequenter doctrina excolunt animum; & cultæ vocantur, quæ moribus ad normam rationis & suavitatem compositis utuntur. Opponuntur illis barbaræ atque incultæ.

§. 1098.

Quoniam homines sibi invicem obligantur ad dandum, prouti unusquisque re alterius, qua ipse carere potest, indiget (§. 329.) nemo autem alteri gratis dare tenetur; qui vicissim dare potest (§. 473.) genti cuilibet competit jus ad res, quibus indiget, ab aliis gentibus, quæ iisdem opus non habent, æquo prætio sibi comparandas, non vero

De gloria gentis promovenda.

De jure res sibi æquo prætio ab aliis gentibus comparandi.

jus res suas apud aliam gentem vendendi sine consensu ipsius, consequenter si qua gens nolit res certas peregrinas in regionem suam transportari, genti, a qua veniunt, injuriam non facit (§. 87.)

§. 1099.

De com-
merciis.

Commercium dicitur jus emendi vendendique invicem res quascunque mobiles ac moventes. Dicuntur autem *Commercia interna*, quæ exercent, qui eidem imperio civili subsunt, seu cives inter se; *externa* vero, quæ exercentur cum gentibus aliis, aut cum peregrinis. Cum *commercia interna* hunc habeant usum; ut unusquisque habere possit ea, quæ ad vitæ necessitatem, commoditatem & jucunditatem requiruntur, & ut eadem pecunia continuo ab uno in alium transferatur & in plurimorum commodum convertatur, *externa* vero, ut quæ genti uni desunt, ab alia comparari possint; tum singuli in civitate sibi invicem (§. 975.) tum gentes inter se *commercia* exercere obligantur (§. 1098.) Quamobrem cum pactione jus perfectum acquiratur (§. 1089.) gentes pacta commerciorum inire debent.

§. 1100.

De jure
meræ fa-
cultatis.

Jus meræ facultatis dicitur, quo quis uti potest & non uti, prouti visum fuerit, liber ab omni coactione externa. Quamobrem cum actus meræ voluntatis dicantur, qui unice a voluntate nostra dependent; tales sunt actus omnes ad juris meræ facultatis exercitium spectantes, veluti emere merces, ubi volueris. Quoniam itaque ex actibus meræ voluntatis colligi nequit, quod quis renuntiet juri suo sic & non aliter agendi, in gratiam alterius; jura meræ facultatis præscribi nequeunt (§. 452.) nisi ex quo tempore intercesserit prohibitio, vel coactio, eique paritum est, cum sufficiente consensus significatione.

§. 1101.

§. 1101.

Cum *jus commerciorum* perfectum non acqui- *De pre-*
ratur nisi pactione (§. 1099.) consequenter per *scriptio-*
se fit *jus meræ facultatis* (§. 1100.) id præscri- *ne com-*
bi nequit, nisi ex quo tempore intercesserit probibi- *mercio-*
tio, aut coactio, eique paritum est, cum sufficiente *rum.*
consensus significatione.

§. 1102.

Ad perfectionem gentis requiritur, ut sit *De jure*
potens, hoc est, ut vi aliarum gentium, qua *poten-*
vel ipsa, vel res ejus impetuntur, resistere pos- *tiam au-*
sit (§. 1094. 972.) Quamobrem *gens* quælibet stu- *gendi.*
dere debet, ut sit *potens*, consequenter ipsi *jus* est
ad ea, quibus *potentiam* suam citra injuriam alte-
rius gentis (§. 87.) augere potest (§. 46.) Quam-
obrem si qua *gens* minus *potens* fuerit ad se tuen-
dum adversus injurias aliarum gentium, cum per
pactiones acquirantur jura perfecta (§. 1089.)
genti cuidam potentiori se certa lege, de qua con-
ventum, subicere potest, & jura utriusque partis
metienda sunt ex pacto subjectionis (§. 317.) Quod
si ergo *gens*, quæ tutelam debet, sibi plus juris ar-
rogat in minus potentem, quam ex pacto habet, cum
tunc huic injuriam faciat (§. 87.) vi resistere
& alienum auxilium implorare licet (§. 90.)

§. 1103.

Domicilium dicitur habitatio aliquo in loco *De do-*
constituta perpetuo ibidem manendi animo. *micilio.*
Qui itaque negotii cujusdam causa alicubi quanto-
cumque tempore commoratur, *domicilium* ibidem non
habet. Quoniam vero vi libertatis naturalis uni-
cuique permisa est voluntatis mutatio (§. 78.) do-
micilium mutari potest. Vocatur autem *domicilium*
naturale, quod quis natiuitate consequitur ibi-

dem, ubi pater domicilium habet; *adscititium* vero, quod quis propria voluntate sibi constituit. Quamobrem *domicilium naturale* tandiu quis retinere censetur, quamdiu propria voluntate sibi nullum constituit; aut illud non derelinquit.

§. 1104.

De va-
gabun-
dis.

Vagabundus vocatur, qui nullibi domicilium habet. *Vagabundi* igitur nunc hic, nunc alibi commorantur, nullibi tamen animum perpetuo manendi habent. Etsi autem plerumque *vagabundi* sint, qui scelestum vitæ genus sequuntur, aut certe parum honestum; non tamen repugnat, ut etiam sint *vagabundi*, qui honestum sequuntur.

§. 1105.

De pa-
triam
ejus a-
more.

Patria dicitur locus, nimirum terra, vel urbs, in qua parentes, dum quis nascitur, domicilium habent; respectu habito ad gentem, vel certam quamdam de gente universitatem, cujus terra, vel urbs ista est. Differt a patria locus *natiuitatis*; in quo quis natus est, cum etiam extra patriam quis nasci possit. Cum locus *natiuitatis* spectetur sine respectu ad gentem; nato quoque nullum tribuit jus. Patet vero, ex parentibus *vagabundis* natos patriam nullam habere (§. 1104.) Quoniam subditi speciali obligatione amandi universos tenentur (§. 1085.) consequenter quilibet gentem suam amare debet (§. 974.) patriam quoque suam amare debet.

§. 1106.

De exu-
libus.

Exul dicitur, qui ex urbe, vel terra, ubi domicilium habet, ejicitur, vel discedere cogitur absque infamiae nota. *Exilium* etiam poena esse potest (§. 1048.) *Exilium invitum* vocatur, si quis sententia judicis, vel jussu superioris discedere cogitur: *voluntarium* vero, quando quis poenæ, aut cala-

calamitatis subterfugiendæ causâ sua sponte ex loco, ubi domicilium habet, discedit. Quoniam habitatio concedenda sedibus expulsi & receptum quærentibus, nisi rationes singulares obtent (§. 312.) exulibus perpetua habitatio a gente concedenda in terris suis, nisi obtent rationes singulares: de quibus cum iudicium sit penes gentem (§. 1089. 78.) si receptus denegetur, id ferendum.

§. 1107.

Permissio exilii voluntarii dicitur *Jus emigrandi*. Facile autem patet, *jus emigrandi nasci* *De jure* *emigrandi* *vel ex pacto, aut lege fundamentali, vel a voluntate superioris dependere*. Spectat huc etiam pactum, quo civitates constitutæ, & cui non derogatur nisi per pacta alia particularia, ad quæ etiam referendæ ipsæ leges fundamentales.

C A P U T III.

De officiis gentium erga se invicem ac inde nascentibus juribus.

§. 1108.

Cum jus naturæ ad Gentes sit applicandum (§. 1088.) gens qualibet alteri cuicumque debet, quod sibi, quatenus altera id non habet in potestate sua, ipsa autem citra neglectum officii erga seipsam hoc alteri præstare potest (§. 133.) consequenter quæ ad conservationem ipsius, vel ejusdem ac status ipsius perfectionem conferre potest, conferre debet (§. 1093. 1094.) Jus tamen ad ea genti alteri imperfectum est, jus autem petendi perfectum, nec ea impediri potest, quo minus petatur, citra injuriam (§. 82. 87.)

§. 1109.

§. 1109.

De amo.
re, gloria
& com-
merciis,

Ob eandem rationem gens qualibet alteram amare ac diligere debet tamquam se ipsam (§. 136.) etiam inimicam (§. 137.) atque studere, ut gentes etiam aliæ gloriam mereantur (§. 1097.) & unamquamque tanti existimare, quanti meretur, tantumque laudis tribuere, quantum meretur (§. 142.) ac ideo quoque pro virili conferre, ut fiat docta & culta. Huc etiam pertinet obligatio cum gentibus aliis commercia exercendi (§. 1099.)

§. 1110.

Quomo-
do de
commer-
ciis con-
veniri
possit.

Cum jus perfectum commerciorum non nisi pactione acquiratur, & ex ea æstimandum sit (§. 438.) commercia restringi possunt ad solam emtionem, vel res certas emendas, aut vendendas, & ad certum tempus, & pactis commerciorum adfici possunt conditiones quæcumque & clausulæ commissoriæ: quod si vero gentes sibi invicem saltem permittant, sive tacite, sive expresse commercia, ea vero pacto nullo firmanantur, pro lubitu revocari possunt.

§. 1111.

De com-
merciis
non im-
pedien-
dis &
pactis
negati-
vis.

Quoniam naturaliter unicuique genti competit jus ad commercia cum quacumque gente exercendi (§. 1099.) nulla gens prohibere potest, ne qua alia cum gente quadam commercia exercent, pacisci tamen cum ea potest, ne hoc fiat (§. 337.) Et cum pacta sint servanda (§. 438.) ex pacto negativo de commerciis parti alteri nascitur jus non patiendi, ut pars altera cum gente quadam commercia exercent, vel ea ultra restrictionem conventam extendat.

§. 1112.

§. III2.

Quoniam genti unicuique liberum est cum alia quacumque commerciorum causa pacta inire (§. 1099.) si commercia exercendo, quæ ante non exercuerat, lucrum alterius gentis abruptio & mono- poliis gentiū. per consequens facit, si cum altera gente contrahit, ut sibi soli res certas vendat, quæ aliunde nisi ab ea haberi possunt, & easdem deinde aliis, quæ iisdem indigent, vendit. Naturaliter equidem tum res istæ vendendæ sunt pretio æquo; ne fraudi locus admittatur (§. 286.) cum tamen domino permittendus sit juris sui abusus (§. 202.) nulla committitur injuria, si pretio parum æquo vendatur (§. 87.)

§. III3.

Cum per commercia commune bonum gentium promoveatur (§. 1099.) ad quod promovendum gentes sibi invicem obligantur (§. 1108.) gens quælibet pro virili conferre debet, quæ ad mutua commercia promovenda faciunt, consequenter nullo modo ea impedire, sed quæ iisdem obesse possunt, remove. Quamobrem curæ habere debet, ut res, quæ in commercium veniunt, commode ac secure importari & exportari, suoque loco facile commutari possint, & ut tutus sit navibus atque plaustis accessus atque discessus, nec mora teneat importantes, vel exportantes, ne nimii ab iisdem impendendi sint sumtus, ut lites inter mercatores ortæ sine mora dirimantur, ut nihil committatur, quod juri ex pactis quæsito contrarietur, & quæ sunt alia hujus generis plura.

§. III4.

Quoniam vero nemo alteri gratis præstare quid tenetur, qui vicissim dare potest (§. 472.) mer- De ve- titigali mercibus impo- nend.

mercibus transeuntibus, vel importatis, aut exportatis vectigal imponi potest in ratione onerum commerciorum causa sustinendorum, tum etiam lucri ex earum venditione percepti, non tamen imponenda sunt onera, quæ nullum respectum ad illas habent (§. 1057.)

§. 1115.

De em-
poriis.

Emporia dicuntur loca commerciis continuis inter gentes destinata. In ea igitur merces venales quovis tempore importare, & emptas ex iis exportare licet. Cum per ea commercia facilitentur; emporia erigenda & quæ commoditati commerciorum in iisdem conveniunt, constituenda sunt (§. 1113.) Huc etiam pertinet, ut privilegia ad commercia promovenda utilia concedantur, veluti de perpetua habitatione, de rerum immobilium possessione, de libero religionis exercitio, de juris patrii inter se usu, de immunitate a solvendo vectigali, vel solutione ordinario minoris, & ita porro. Atque hinc patet, ad quamam gens una alteram per pacta obligare possit.

§. 1116.

De por-
tibus.

Ad commercia maritima promovenda faciunt Portus, qui sunt loca conclusa ad litora maris, in quibus navibus importantur merces & inde exportantur. Ut securitas præstetur mercantibus, adversus vim hostilem; muniendi sunt. Huc etiam pertinet, quod securitatem præstent navibus adversus vim tempestatum.

§. 1117.

De iure
stapulae.

Ius stapulae dicitur privilegium, prætereuntes cum mercibus in flumine publico sistendi, necessitate vendendi injecta, aut, si vendere nolint, tributum solvendi: quod cum libertati com-

commerciorum maxime obstat ; non concedendum , nisi singulares prorsus rationes a bono publico promovendo desumptæ id urgeant (§. 1113.)

§. 1118.

Consules dicuntur personæ, quibus in emporiis De consulis. maritimis, seu portubus demandatum est, ut privilegia & jura nationis, seu gentis suæ custodiant & lites mercatorum definiant. Manent consules subditi constituentis ; cum fungantur officio ab eodem in ipsos collato : in territorio autem recipientis considerantur tamquam peregrini, negotiorum suorum causa in eodem commorantes . Et facile patet, jus perfectum consules constituendi & obligationem eos recipiendi ex pactis venire (§. 1089.) atque in iisdem conveniri posse, quæ e re partis utriusque visa fuerint.

§. 1119.

Quoniam naturaliter genti nulli prærogativa De nomine ac titulis R. c. & præcedentia competit (§. 1089.) utraque aliter acquiri nequit nisi per pacta. Et vi libertatis gentium cuilibet genti liberum est, quo nomine Rectorem civitatis suæ appellare velit, & quosnam honorum titulos eidem tribuere, ab aliis vero gentibus id impetrandum. Enimvero si gens jus perfectum pacto acquisivit, ut Rector civitatis suæ hoc nomine compelletur & hi tituli ipsi tribuantur; post hac absque injuria denegari nequeunt (§. 87.)

§. 1120.

Cum gentes omnes natura æquales sint (§. 1089.) De jure æqualitatis non violando. & Rectores civitatum gentem suam representent (§. 994.) quilibet Rector civitatis Rectorem alterius civitatis spectare debet tamquam sibi æqualem : quod jus auferri nescium cum sit (§. 74.) si quis verbis, vel factis contrarium decla-

clarat, injuria committitur (§. 87.) Hinc omnes actus, qui vergunt in contemptum, vel contumeliam Rectoris civitatis injuria sunt.

§. 1121.

De la-
sco-
nibus
gen-
tium.

Gens nulla alteram ledere debet (§. 1089.) consequenter nec jus ejus violare (§. cit.) Quamobrem cum ex hac obligatione partis unius nascatur alteri jus eidem respondens (§. 89.) genti cuilibet competit jus non patiendi, ut ledatur ab alia, ac per consequens jus non patiendi, ut alia quaedam gens regimini suo sese immisceat: id quod etiam libertati gentium repugnat (§. 1089. 87.) Hinc sequitur, ut, si Rector civitatis subditos suos nimium oneret, aut eos nimis duriter tractet, Rector alterius civitatis vi resistere nequeat. Cum tamen qualibet gens perfectionem alterius promovere debeat, quantum potest, (§. 1108.) pro iis intercedere licet.

§. 1122.

De reli-
gione a-
pud a-
lias gen-
tes vi
non pro-
pagan-
da.

Cum jus circa sacra aliquod etiam superiori competat (§. 1064.) & eidem curae esse debeat, ut subditi colant Deum (§. 1024.) gens nulla alteram vi adigere potest ad religionem suam amplectendam (§. 1120.) consequenter nec jus habet religionis causa gentem aliam sibi subjiciendi; immo nec missionarios, hoc est, personas, quae propagandae alterius religionis causa adveniunt, admittere tenetur, ideoque si abire jussi discedere nolint, eos punire potest. (a)

§. 1123.

An di-
versitas
religio-
nis obstat
officiis

Et quoniam officia gentis erga gentem non supponunt identitatem religionis, sed in humana natura fundantur (§. 39.) ob diversitatem religionis gens alteri officia humanitatis, quae
gens

(a) De jure simpliciter naturali hic loquitur Auctor, alias Erherodoxus.

gens genti debet, denegare non potest. Quamobrem ^{gentium} in officiis humanitatis præstandis nulla habenda est ^{erga se} ratio diversitatis religionis. Multo minus itaque ^{invi-} diversitas religionis liberat ab obligatione perfecta ^{cem.} contracta (§. 80.)

§. 1124.

Denique cum gentes sint veluti cives civi- ^{De con-} tatis maximæ (§. 1090.) inter se concordēs esse ^{cordia} debent (§. 1087.) consequenter discordias & ea, ^{gen-} quæ discordiis causant dant, sollicite vitare. ^{tium.}

CAPUT IV.

De dominio Gentis.

§. 1125.

SI gens regionem vacuum occupat, cum occupa- ^{De ori-} tione rei nullius acquiratur dominium (§. 210.) ^{gine do-} omnis terra & quæ in ea sunt, in dominio ipsius ^{minii} sunt, loca etiam deserta & sterilia, aut inculta, ^{gentis &} atque jura, quæ terræ quasi adherent (§. 214.) cum- ^{territo-} que jam de singulis pro lubitu disponere pos- ^{rii.} sit (§. 195.) quæ in singulos non dividuntur, aut in communionem mixtam cœtuum quorundam particularium non deducuntur (§. 197.) ea universorum manent. Quoniam vero genti cuique competit imperium civile (§. 979.) sive id per se, sive per aliam exerceat (§. 982.) consequenter dubitandum non est, quin etiam in ea regione, quam occupat, seu in terris, quæ suæ sunt, imperium habere velit; imperium in regione occupata simul occupat, sicque tota regio fit territorium ipsius. Dicitur namque Territorium locus, in quo quis imperium habet. Atque hinc patet, imperium, quod quidem jus populi est, quasi inherere districtui terræ, quem inhabitat, consequenter peregrinum,

num, quamdiu in regione ista, tamquam in territorio alieno, commoratur, imperio illius gentis subiectum esse. Et propterea Rector civitatis Dominus territorii appellatur, item Dominus regionis.

§. 1126.

De fa-
miliis se-
gregi-
bus.

Si familie segreges in regione quadam cohabitent & fundos privatos possideant, cum ab initio iidem fuerint occupati (§. 210.) in iis dominium habent: sed loca cetera, utpote quæ ab ipsis occupata non sunt, in communione primæva relicta (§. cit.) Enimvero si familie segreges sedem fixam non habent, sed per incultas solitudines errent, cum in id tacite consensisse intelligantur, ut fundi in ea regione, in qua sedes pro lubitu mutant, usui singulorum inservientes sint communes, ideoque regionem quoad istos fundos conjunctim occupasse intelligantur (§. cit.) fundi, qui ipsorum usui inservire possunt, in communione mixta sunt (§. 197.) ceteris, utpote non occupatis, in communione primæva manentibus (§. 210.) Enimvero cum familiæ istæ natura liberæ sint (§. 77.) & libertas invitis auferri nequeat (§. 74.) imperium quoque in familias segreges, sive sedem fixam habeant, sive non, occupabile non est, sed eidem subijci nequeunt nisi sua voluntate.

§. 1127.

De ac-
cessione
territo-
riorum
origina-
ria.

Quoniam cum dominio imperium simul a gente occupatur (§. 1125.) si gens insulam, aut terram inhabitatam, vel partem quandam maris terræ continenti adjacentem occupat; quæ occupantur territorii istius gentis accessorium sunt, quantumque intervallo ab eodem distent (§. 1125.)

§. 1128.

§. 1128.

Quæ facta occupatione in communione prima relicta sunt, Jctis Romanis dicuntur *Res communes*; quæ in communionem mixtam gentis totius deducta sunt & in ea manserunt, *Res publicæ*; quæ in communionem mixtam certorum cœtuum particularium venerunt, *Res universitatis*; quæ denique dominio singulorum subiecta fuerunt, *Res singulorum* appellantur. Cum dominus dominium rei suæ ea, quæ ipsi visum fuerit, lege in alium transferre possit (§. 314.) quilibet ex re sua rem universitatis sive directe, sive indirecte talem facere potest, vel simpliciter, vel certa lege. Atque hic est modus acquirendi res universitatis derivativus.

De divisione rerum.

§. 1129.

Cum res universitatis non modo sint eorum, qui nunc vivunt, sed pertineant quoque ad eos, qui in locum mortuorum succedunt (§. 1128.) res universitatis ab universitate alienari, aut oppignorari pro lubitu nequeunt, nisi indispensabilis adsit necessitas, quæ legem non habet, aut manifesta universitatis utilitas id suadeat; cum tunc nihil fiat in præjudicium posterorum. Quoniam tamen Reſtori civitatis competit cura eorum, quæ ad utilitatem publicam spectant (§. 1075.) atque dominium eminens in ipsis quoque rebus universitatis (§. 1065.) alienatio & oppignoratio fieri nequit sine ejus consensu. Et quia dominium excludit ceteros omnes (§. 195.) rebus universitatis nemo uti potest, qui extra eandem est, nisi consensu ipsius.

De rebus universitatis.

(Wolffii Instit. J. N. & G.)

Gg §. 1130.

§. 1130.

De re-
bus pu-
blicis.

Quia res publicæ in communionem mixtam gentis totius deductæ sunt (§. 1128.) in dominio totius populi sunt, omnibus vero indifferenter usus earum competit, non aliter tamen quis ea uti potest, quam ne usui publico, aut omnium communi noceatur (§. 197.) Et quia dominus jus, quod in re habet, in alium transferre potest (§. 314.) in Rectorem quoque civitatis dominium rerum publicarum transferri potest, cui non modo imperium in locis publicis competit; verum qui etiam dominium eminens in rebus publicis habet, usu vel omni, vel saltem aliquo manente apud populum, de quo, prouti communis utilitas exigit, disponendi jus est superiori (§. 976.)

§. 1131.

De jure
transitus
& com-
morandi
in terri-
torio a-
lieno.

Vi juris innoxie utilitatis ex communi-
one primæ residui (§. 311.) peregrinis & mercibus
eorundem concedendus est transitus per terras & flu-
mina dominio subiecta, concedendum quoque pere-
grinis, ut ob justas causas ibidem commorentur
(§. 312.) Enimvero cum vi libertatis gentibus
competentis (§. 1089.) genti unicuique, seu ei,
qui jus ejus habet, permittendum sit, ut judicet,
num transitus sit sibi innoxius & num ex eo, quod
peregrinus commoretur in suo territorio, nocumentum
metuendum sit Reip. eoque standum sit (§. 78.) non
sine expresso, vel tacito consensu domini territorii
transire, vel in eo commorari licet. Ex eadem ra-
tione patet, a voluntate domini territorii pende-
re, sub qua conditione idem permittere velit. Quo-
niam itaque aliter id permittere non intelligi-
tur, nisi expressa voluntate aliud significetur,
quam ut legibus loci subsint peregrinorum actio-
nes (§. 1125.) peregrini, quamdiu in territorio alie-
no

no versantur, aut commorantur, ad ea facienda & non facienda obligantur, quæ civibus isto tempore sub iisdem circumstantiis facienda, vel non facienda essent, nisi quatenus leges particulares de peregrinis aliud insinuant. Immo si salutis Reip. parum convenire videatur, ut pateant terræ peregrinis; sub pœna prohiberi potest, ne quis peregrinus territorium ingredi audeat (§. 976.)

§. 1132.

Cum peregrini, quando in territorio alieno versantur, subsint legibus loci (§. 1125.) si in territorio alieno delinquant, juxta leges loci puniendi, & si inter ipsos & cives, vel duos etiam peregrinos oriantur controversiæ de jure, eadem per judices loci juxta leges loci definiendæ. Hinc etiam sequitur, ut peregrinus puniatur ob injurias civi, vel peregrino alii illatas, & ad contractum adimplendum cogatur.

De peregrinis puniendis & eorum controversiis definiendis.

§. 1133.

Quoniam factum alienum nemini imputari potest (§. 26.) si gentis unius civis civem alterius gentis lædit, seu injuriam facit, id genti imputari nequit. Quoniam vero imputari potest, si ad id quomodocumque concurrat, veluti ratihabendo, aut approbando (§. cit.) si injuriam factam sive expresse, sive tacite ratihabeat, imputari potest. Non hic attenditur, an in territorio gentis facta fuerit injuria, an extra idem in loco quocumque.

De injuria civis in vicem alieni.

§. 1134.

Sed quia gens nulla gentem nullam (§. 1089.) & homo nullus hominem nullum lædere debet (§. 88.) Rector civitatis ferre non debet, ut quis subditorum civi alterius gentis damnum det, aut injuriam faciat.

De non ferendo, ut subditi alieni ledantur.

§. 1135.

De jure genti alteri jus constituendi in territorio suo. Cum gens qualibet & dominium & imperium habeat in regione, quam inhabitat (§. 1125.) ac ideo regio sit sua (§. 195.) gens qualibet alteri, vel subditis ejus jus quoddam in territorio suo constituere potest, veluti concedere jus piscandi in flumine, vel jus fortalitium habendi in solo suo, aut praesidium in certo munimento, vel emendi ac possidendi praedia (§. 260.)

§. 1136.

De jure non com. potente in territorio & in territorio gentis alterius. Ob eandem rationem cum nemini jus suum auferri (§. 100.) aut contra idem quid fieri possit (§. 86.) genti nulli competit jus alteram ex regione, quam incolit, expellendi, ut sedem ibidem figat, nec jus imperii fines propagandi, hoc est, idem extendendi in loca gentis vicinæ ultra limites territorii sui, nec gentem sibi subjiciendi, quia inhabitat regionem antea nobis incognitam, aut loca quædam in iis occupare & jus quoddam sibi in iisdem arrogare, immo in genere gens nulla, nec privatus ullus peregrinus jus quoddam sibi arrogare potest in territorio alieno.

§. 1137.

An in territorio alieno versantes cives gentis sue. Cum peregrinus in territorio alieno versans, vel commorans non mutet domicilium (§. 1103.) civis manet gentis suæ, consequenter si injuriam facit concivi suo, vel damnum dat, redux ad suos ibidem puniri & ad damnum resarciendum adigi potest, & si testamentum condit, id secundum leges in loco domicilii præscriptas facere tenetur; quatenus tamen gens una jurisdictionem alterius agnoscere obligatur (§. 1100.) testamentum valet ut judiciale, si in loco judicii, ubi factum fuerit, depositum.

§. 1138.

§. 1138.

Quia peregrinus in territorio alieno versans, *De jure*
 vel commorans civis manet gentis suæ (§. 1137.) *albinagii.*
 si in eodem moritur, hæres ipsi existit, qui secum
gii.
 dum leges patriæ succedit. Cumque Rector civita-
 tis nonnisi in eas actiones peregrini jus habet,
 quæ respectum quemdam ad finem civitatis ha-
 bent, ne hoc documentum afferatur civitati (§. 1131.)
 bona quoque, quæ secum habet, sunt ejus, qui ipsi
 in patria hæres existit; consequenter non cedunt
 fisco, nec testamenti factio eidem adimi potest.
 Quamobrem cum Jus albinagii dicatur, quo ex-
 teri jure successionis in bonis defuncti civis,
 vel peregrini privantur; & per consequens nec
 in testamento institui possunt heredes, nec le-
 gata iisdem relinqui; id non modo juri gentium
 parum convenit quoad peregrinum in territorio alie-
 no mortuum, verum etiam, cum superiori in bo-
 na civium non competat nisi dominium emi-
 nens (§. 1065.) quoad cives, seu subditos.

§. 1139.

Cum usucapio & præscriptio sit juris naturalis *De usucapione & præscriptio-
ne.*
 (§. 463.) ea etiam valet inter gentes (§. 1088.)
 Quoniam tamen inter gentes plures sunt causæ,
 cur silendum, etiamsi quæ norit rem suam
 injuste detineri ab alio; ob silentium diuturnum de-
 relictio inter gentes, quæ ad usucapionem & præ-
 scriptionem inde secutam requiritur (§. 451. 452.)
 non tam facile præsumitur, quam inter privatos.
 Et quoniam non qui possidet, sed qui rem pe-
 tit, dominium probare debet (§. 262.) id quod
 fieri nequit, si possessio fuerit immemoralis, cu-
 jus scilicet initii memoria non extat; præscri-
 ptio immemoralis inter gentes admittenda. Enim-
 vero quia gentes de iis, quæ ad communem

utilitatem spectant inter se pacisci possunt (§. 1091.) si gentes vicinæ de præscriptione inter se conveniunt, eo modo valebit præscriptio, quo conventum fuit. Atque ut fiat, maxime convenit fini civitatis maximæ.

C A P U T V.

De fœderibus & sponsonibus.

§. 1140.

*Potestates que-
nam di-
cantur.* **P**otestates summæ dicuntur personæ, quæ imperium summum in civitate habent; minores autem, quæ partem quamdam imperii dependenter a summa & ejus nomine exercent, veluti magistratus & belli duces.

§. 1141.

*De fœderum &
pactio-
num dif-
ferentia.* **Fœdus** dicitur pactum a summis potestatibus boni publici causâ in perpetuum, vel longius saltem tempus inter se initum. Pacta vero, quæ præstationes transitorias, seu non iterandas continent, Pactiorum nomen retinent. Cum vero perinde sit, si quis aliquid faciat per se, si per alium; fœdus facere possunt, qui mandatum a summa potestate habent (§. 551.) Ex notione fœderum patet, si summæ potestates, veluti Reges, inter se paciscuntur de rebus ad privatam ipsarum utilitatem spectantibus, vel potestas summa cum privato quodam, pactum hoc fœdus non esse.

§. 1142.

*De fœderibus te-
nenâ.* Quoniam fœdera pacta sunt (§. 1141.) de fœderibus eadem tenenda, quæ de pactis demonstrata sunt atque promissis (§. 438.) Cum ex fœderibus acquiratur jus perfectum (§. 380.) violatio fœderis injuria est (§. 87.) consequenter fœdera injure non licet

licet fœderibus cum alia gente jam contractis contraria (§. 86.) Atque ideo fœdera priora, hoc est ante contracta, præferuntur posterioribus.

§. 1143.

Cum gens nulla alteram lædere debeat *De fœde-*
 (§. 189.) fœdera de non lædendo, quæ fœdera *ribus a-*
 amicitiæ vulgo dicuntur, miri necesse non est. *micitiæ.*
 Enimvero si gentis cujusdam ea sit opinio, quasi
 gentes externas pro lubitu lædere liceat, fœdera de
 non lædendo recte panguntur (§. cit.)

§. 1144.

Fœdera æqualia dicuntur, in quibus pacifcen- *De æ-*
 tes sibi invicem eadem, aut æquivalentia pro- *qualita-*
 mittunt: inæqualia autem, in quibus eadem, *te &*
 aut æquivalentia non promittunt. Sunt vero *inequa-*
 inæqualia ex parte digniori, si qui plus præstare *litate*
 valet, præstationes gratuitas, vel majores pro- *fœde-*
 mittit: inæqualia ex parte minus digna, si qui im- *rum.*
 potentior est, aut præstatione aliqua nimium one-
 ratur, præstationes vel gratuitas, vel majores,
 vel tales, quæ cum valde gravant, promittit.
 Et hæc vel fiunt cum imminutione imperii, si pars
 quædam imperii potentialis quoad exercitium,
 vel substantiam transfertur in partem digniorem,
 aut saltem jus in omnes actus ad exercitium ju-
 ris iustius spectantes; vel sine imminutione imperii,
 si pars minus digna saltem sese obligat ad certum
 quid faciendum, vel non faciendum, quod alias
 vi summi imperii, vel libertatis naturalis, aut
 juris qua genti sibi competentis non facere, vel
 facere licebat, Fœderum æqualium & inæqualium
 æquitas ex officiis gentium erga se invicem dijudicanda
 (§. 1108.) Enimvero cum a voluntate jus trans-
 ferentis unice dependeat, num & quomodo
 idem transferre velit (§. 314.) & quod quis

verbis sufficienter significat, id contra ipsum pro vero habetur (§. 318.) *fœdera valida sunt, si in modo paciscendi nihil vitii hæret, non attenda eorum æquitate, vel iniquitate.* Quoniam tamen lex naturæ urget etiam in gentibus officia (§. 1108.) *gentes in pangendis fœderibus æquitatem servare naturaliter obligantur.*

§. 1145.

De gente tributaria.

Gens tributaria dicitur, quæ quotannis certum tributum solvere tenetur alteri. Cum gentes naturaliter liberæ sint (§. 1089.) gens tributaria fieri nequit nisi pacto (§. 677.) Quoniam in gentem tributariam parti alteri non aliud competit jus nisi tributum exigendi, tamquam a debitore suo (§. 336.) gens tributaria facta summum imperii propterea non amittit (§. 981.)

§. 1146.

De fœdere reali et personali.

Cum fœdus personale ad personas paciscentes restringatur (§. 400.) non autem reale (§. 401.) fœdus personale non est, si nomina paciscentium saltem fuerint adjecta, ut demonstretur, a quibusnam fœdus factum fuerit. Hinc etiam intelligitur, fœdus reale esse, quod fit in perpetuum, aut ad certum tempus, aut cum eo, cum quo agitur, & ejus successoribus, vel etiam ob utilitatem civitatis manentem, aut si adjicitur, ut factum sit in bonum regni. Similiter fœdus reale est, quod fit cum populo libero: & quoniam mutata Reip. forma populus idem manet, quippe quem consociatio facit (§. 974.) non modus exercendi imperium, mutata Reip. forma subsistit, nisi (quod per se patet) causa fuerit statui populari propria.

§. 1147.

§. 1147.

Quoniam Rex jus populi habet (§. 982.) De obli-
conſequenter jure populi fœdera pangit (§. 1141.) ex fœde-
fœdus, quod cum ipſa gente initum intelli- re & pa-
tur, etiam populum obligat & Regis ſucceſſores, & Etis Re-
in hos quoque jus ex fœdere quaſitum tranſiit, niſi gum na-
perſonale fuerit (§. 1146.) Inde etiam ſequitur, ſcente.
ut, ſi Rege mortuo populus fiat liber, aut ſi Rege
expulſo, vel depoſito fiat liber, vel Regem alium
eligat, fœdus ſubſiſtat, niſi id perſonæ ejus deſen-
dendæ cauſſa fuerit initum; cum tunc ſit perſo-
nale (§. 400.) Eadem etiam intelliguntur de
pactionibus aliis Regum, ſeu Rectorum civi-
tatis. Quamobrem ſi Rector civitatis Reip. cauſ-
ſa etiam a privatis ſuſcipit æs alienum, ſucceſſores
quoque & populus ad id luendum & uſuras con-
ventas ſolvendum obligantur.

§. 1148.

Quia fœdera panguntur de iis, quæ ad con- De fœde-
ſervationem & perfectionem gentis faciunt (§. re cum
1141.) eandem vero naturaliter ſibi obligan- gente al-
tur promovere qua gentes (§. 1095.) fœdera terus re-
inire licet cum gente alii cuicumque, immo nulli re- ligionis
ligioni addicta, immo etiam contra gentem ejusdem inito.
cum nobis religionis (a)

§. 1149.

Quando a fœdere diſcedere liceat, patet ex De gua-
ſuperioribus (§. 442.) In ſecuritatem autem fœ- rantia .
deris a tertio fit *Guaranda*, ſive, ut alii loqui
amant, *Guarantia*, quæ eſt promiſſio fœderato
utrique, vel alterutri facta, conventa ſervatum
iri, conſequenter *Guarandus*, qui promiſit, auxi-
lium

(a) Modò - ubi ſubverſionis periculum.

lium ferre obligatur contra eum, qui conventa servare non vult si alter eodem indiget, ideoque non tenetur, nisi id imploretur. Unde patet, quale pactum tacitum contineat guarantia. Dicitur autem *Guarantia generalis*, si præstatur de iis omnibus, de quibus in fœdere fuit conventum; *specialis* vero, quæ saltem de nonnullis, aut uno, vel altero convento. Et *Pactum guarandigiatum* dicitur, ad quod guarantia vel generalis, vel specialis accedit. Cumque guarantia saltem respiciat utilitatem ejus, qui præstatur; præstari potest, nescio ac inconsulto eo, contra quem præstatur, & si plures fœdus ineunt, singulis universi guarantiam præstare possunt. Haud difficulter vero patet, a guarantia differre fœdus, quo quis auxilium promittit contra eum, qui jus quoddam suum eidem auferre conatur, & fidejussionem pro gente alia, qua promittitur a se præstitum iri id, quod gens altera debet, nisi ipsa præstiterit (§. 569.) Denique cum nemo alteri jus suum auferre possit (§. 100.) guarantia non intelligitur præstita nisi salvo jure tertii.

§. 1150.

De oppi-
gnora-
tione in-
ter gen-
tes &
pacto
anti-
chrestii-
co.

In fœdere quoque, vel alia pactione, cum oppignoratio fiat in securitatem debiti (§. 697.) pignore caveri potest, conventa servatum iri. Cum vero oppignorari nequeant nisi res suæ, pro alieno tamen etiam debito (§. 700.) non modo oppignorari possunt, quæ sunt in dominio gentis, veluti urbs, certæ territorii partes, integræ provinciæ, jura genti competentia, res pretiosæ, quæ sunt civitatis; sed Rectoris quoque civitatis res propriæ, sive privatz pro debitis gentis. Enimvero si integra provincia, aut certa territorii pars in securitatem crediti, vel quacumque de causa debiti traditur; pactum *antichresticum* ad oppi-

oppignorationem accedit. Est enim *Antichreſis* jus re oppignorata utendi fruendi loco pecuniæ creditæ, in compensationem ſcilicet uſurarum. Quoniam vero pactis conventis ſtandum (§. 438.) juxta ex pacto antichreſtico quaſitum æſtimandum eſt ex iis, quæ conventa fuerunt. Quamobrem ex eo patet, utrum imperium ſimul fuerit oppignoratium, nec ne. Per ſe autem liquet, oppignorationem & antichreſin finire, præſtito eo, cujus cauſſa oppignoratio facta, quamvis res oppignorata pro alio quoque debito retineri poſſit (§. 706.) niſi aliter fuerit expreſſe conventum (§. 337. 342.)

§. 1151.

Obſides dicuntur perſonæ, quæ traduntur in ſecuritatem debiti, ſcilicet conventum ſervatum, vel debitum præſtitum iri, *Obſides* igitur revera oppignorantur (§. 679.) tamdiu retinendi, donec præſtitum fuerit, quod debetur. Quamobrem accipienti competit jus obſides cuſtodiendi, quantum ſufficit, ne auſugere poſſint, nullum autem jus ad præſtandas operas eoſdem cogendi, cum hoc eſſet idem ac pignore uti (§. 702.) Quoniam vero nemini competit jus in vitam alterius (§. 141.) vita obſidum oppignorari nequit, conſequenter non niſi libertas (§. 77.) non tamen propterea ſunt ſervi (§. 947.) ſed ſunt ſervi, non præſtito eo cujus cauſſa dati (§. 697.) aut ſaltem captivi detinendi, interfici vero nequeunt. Et ideo obſides tales eſſe deſinunt, ſi dans fidem fallit. Cumque obſides revera ſint pignora; in unam cauſſam dati in aliam retineri poſſunt, niſi expreſſe aliter fuerit conventum (§. 1150.) Et quia impenſæ neceſſariæ in pignus factæ a conſtituente reſtituendæ (§. 703.) ac debita ſolvenda ſunt (§. 751.) qui obſides dedit, reſtituere tenetur impenſas in allimenta eorum factas, & obſes debita, quæ contraxit, ſolvere debet, antequam dimittatur.

§. 1152.

§. 1152.

De obli-
gatione,
qua dñs
obsidis
tenen-
tur.

Cum qui *obsidem* dat, obligetur ad id præstandum, cuius causa obses datur, & ad *obsidem liberandum* (§. 1151.) ei, qui datur, se obligat ad eundem liberandum, consequenter cum servus fiat, vel saltem ut captivus detineatur, si fides fallitur (§. cit.) ad eum redimendum. Et quia *obsidem* ire onus est, quod boni publici causa fertur, consequenter ad quod civis quis obligatur, non saltem is, qui obses datur (§. 1037.) civitas aut ejus Rector incommodum obsidi, quod patitur, aut cognatis ejus repensare tenetur. Quod si vero obses datus fuerit vel expromissor, vel fidejussor, vel sponsor (de quo mox dicetur) per se patet, non præstito eo, cuius nomine datur, eum ex proprio facto teneri.

§. 1153.

De san-
ctitate
fæde-
rum.

Sanctum in Jure Gentium dicitur, quod ab omni violatione immune esse jubet publica, vel communis gentium salus. Quamobrem cum fœdera pangantur boni publici causa (§. 1141.) & non modo sicuti pacta cetera sint servanda (§. 438.) verum etiam gentium maxime intersit ut servantur; fœdera sancta sunt & gentibus sancta habenda: cumque in pangendis fœderibus non attendenda sit religionis diversitas; sanctitas fidei nullum respectum habet ad religionem gentis, cum qua fœdus initur.

§. 1154.

De fide
tacita.

Quando de negotio aliquo convenitur, in cetera omnia, quæ requiruntur, ut id constare possit, tacite consentitur: Quamobrem sine quo id, in quod consensus est, constare non potest, id tacite conventum, vel promissum intelligitur. Ita
omni

omni contractui benefico ineſt indemnitas ejus, qui alteri gratis quid præſtat, ut qui ſalva obligatione, qua nemo locupletior fieri poteſt cum damno alterius (§. 271.) conſtare nequit. Dicitur autem *Fides tacita*, quæ conſenſu tacito nititur; & quæ ideo non minus ſancta eſſe debet, quam expreſſa, quæ nimirum expreſſio conſenſu nititur.

§. 1155.

Poteſtates minores cum juſ omne a ſumma habeant (§. 1140.) nomine ſummæ nil promittere poſſunt, niſi vel expreſſo mandato, vel intra fines præpoſitionis ſuæ, nec aliter eos, quibus præpoſiti ſunt, vel etiam poteſtatem ſummam aliis obligare poſſunt.

De jure poteſtatum minorum.

§. 1156.

Sponſio eſt pactum de republica ſine mandato poteſtatis ſummæ, nec intra fines præpoſitionis factum. Facile autem intelligitur, ſponſorem promittere ſe effecturum, ut poteſtas ſumma id, quod promittitur, ratum habeat, conſequenter ad hoc ſe obligare (§. 380.) Quoniam nemo alterum tertio obligare poteſt abſque voluntate ſua (§. 385.) ſponſio ſummam poteſtatem non obligat, niſi eandem ratihabeat, vel expreſſe, vel tacite, faciendo nimirum, poſtquam ea ipſi innotuit, quod ad aliam cauſſam probabiliter referri nequit; multo minus itaque, ſi diſſenſum ſuum expreſſe declarat. Quoniam vero ſponſor factum proprium promittit, non tantum alienum; ratihabitione non ſecuta, ſponſor tenetur ei, cui ſponſondit, ad id, quod intereſt (§. 415.) conſequenter pro eo ipſi obligata ſunt omnia ſponſoris bona (§. 705.) ipſa etiam libertas (§. 950.) ut ſcilicet ſi ex bonis ſatisfieri non poſſit, ipſe dedatur in ſervitutem. Quod ſi vero ſponſor certi quid promiſerit ei, cui ſponſondit,

De ſponſionibus.

dit, præstare, si potestas summa suspensionem ratihabere recusaverit, ultra id eidem non tenetur (§. 317.)

C A P U T VI.

De modo componendi controversias gentium:

§. 1157.

De controversiis & gravaminibus gentium.

Controversiæ Gentium & Rectorum civitatis sunt contentiones eorumdem de juribus sibi competentibus, aut injuria facta. Gravamina vero sunt querelæ de jure manifesto, sibi ab altera gente, vel Rectore civitatis denegato, vel de injuria quacumque sibi facta, aut facienda. Unde facile patet, quamam gravamina sint justa, quamam injusta. Patet etiam, gravamina tolli, si genti alteri jus suum tribuatur, de injuria facta satisfiat, a facienda desistatur, aut quando fides suspecta est, sufficienter caveatur; cumque unicuique jus suum sit tribuendum (§. 86.) nec gens ulla alteram lædere, seu injuriam facere (§. 88.) debeat (§. 1089.) gravamina tollere gens qualibet obligatur, si qua adversus ipsam allata sint. Quoniam tamen jus suum quilibet remittere potest (§. 342.) Gens quoque si velit, gravamina sua remittere potest. Et quia gentes inter se utuntur jure naturali (§. 1088.) controversiæ gentium, eodem modo componendæ, quo lites privatorum in statu naturali finiuntur, consequenter vel amicablem, vel per transactionem, vel per mediationem, vel per arbitrium, ac propterea conventus celebrare & in colloquium venire tenentur, aut decisio sorti committenda (§. 790.)

§. 1158.

§. 1158.

Enimvero si quis in nullum istorum modorum consentire velit, vel facile prævideatur, eo modo controversiam terminatum non iri; offerenti competit jus belli in acceptare nolentem; quo hic ad transactionem adigatur (§. 790.)

De bello trans- actionis causæ licito.

§. 1159.

Bellum per se non esse modum aptum decidendi controversias; eodem modo patet, quo idem de duello ostendimus (§. 789.) Oppido igitur falluntur, qui sibi persuadent, Regum, seu gentium controversias vi armorum esse decidendas, & ultimam victoriam æquivalere sententiæ a iudice latæ.

An controversia vi armorum decidi possint.

§. 1160.

Cum jus talionis naturale nullum sit (§. 156.) gentes autem inter se utantur jure naturali (§. 188.) talio quoque inter gentes illicita. Enimvero cum gentibus competat jus puniendi adversus injuriam factam (§. 1089.) si gens alteri a se læsa de injuria irreparabili satisfacere nolit, aut satisfactum iri spes nulla videatur, læsa jure puniendi uti potest, adimendo scilicet res vel corporales, vel incorporales, veluti jura ad certos actus in territorio læsa (§. 1048.)

De jure talionis & jure puniendi.

§. 1161.

Retorsio juris dicitur constitutio, qua in subditos alterius gentis decernitur jus, quo ipsa utitur in subditos nostros; seu est usus juris in subditos alterius gentis, quo ipsa utitur in nostros. Cum unicuique genti liberum sit statuere, quantum juris alteri concedere velit in territorio suo, prouti e re civitatis esse videtur (§. 976. 978.) cuilibet genti liberum est jus retorquere.

De re- torsione juris.

§. 1162.

§. 1162.

*De bonis
civium
pro debi-
to civi-
tatis ob-
ligatis.*

Quoniam gentes inter se spectantur tamquam personæ singulares (§. 977.) bona omnia singulorum simul sumpta respectu gentium exterarum habenda pro bonis gentium, ac propterea obligata sunt promiscue pro debitis civitatis (§. 705.) consequenter etiam bona privata Regis (§. 1012.)

§. 1163.

*De jure
repressa-
liarum.*

Cum gentibus idem competat jus, quod singulis in statu naturali (§. 1088.) bona autem omnia singulorum simul sumpta respectu gentium exterarum habenda pro bonis gentium (§. 1162.) si qua gens rem suam, vel civium suorum ab alia gente, quæ eadem detinet, vel alio quocumque modo debet, consequi non potest, seu gens hæc illi, vel civibus illius jus reddere denegat, expletio juris inter gentes licita, & rem civium quorumcumque eo fine capere licet (§. 793.) Hæc ablatio bonorum civium alterius gentis, vel Rectoris civitatis expletionis juris causa dicuntur *Repressalia*. Quamobrem patet, repressalias inter gentes esse licitas, & jus repressaliarum non competere nisi gentibus, aut iis, qui jus gentis habent, Rectoribus scilicet civitatis, consequenter privatum jure repressaliarum uti non posse, nisi permissu Rectoris civitatis.

§. 1164.

*De an-
drole-
psia.*

Cum in bonis civium contenta sit etiam eorum libertas naturalis (§. 207.) libertas quoque civium singulorum, seu personæ ipsorum, quibus hoc jus inhæret, obligata sunt pro debitis civitatis (§. 1163.) consequenter si gens alteri, vel subditis ejus jus denegat, pignorationis causa etiam subditi alterius capi possunt: cumque capiantur eo fine, ut gens ista promoveatur ad jus reddendum; capi poss-

possunt persone meritis, vel dignitate in civitat^e eminentes, sexus cujuscumque earumque liberi. Hæc civium captura pignorationis loco facta cum Androlepsia, seu Viricapio dicatur; androlepsia inter gentes licita. Quoniam vero nonnisi civium libertas oppignoratur pro debitis civitatis; si gens promoveri nequit ad jus reddendum, eodem modo, quo de obsidibus (§. 1151.) patet, captos aut servos fieri, aut tamquam captivos in carcere detineri posse, non autem interfici, aut pœna corporis affectiva affici.

§. 1165.

Quoniam repressaliæ (§. 1163.) & androlepsia licitæ sunt (§. 1164.) si quis executioni repressaliarum & androlepsiæ resistit, in eum eadem licent, quæ defensori licita sunt (§. 90.) Vis igitur in eo casu æstimanda non ex eo, quod debetur, sed quod ad vim injustam, qua resistitur, depellendum sufficit.

De eo, quod licet in re. sistentem repressaliis & androlepsia.

§. 1166.

Cum naturaliter quilibet damnum datum refarcire teneatur (§. 270.) qui causam dedit repressaliis, damna iis refarcire debet, quibus eam ob causam aliquid decedit, atque ut damnum datum refarciatur, superior curare debet. Nemo scilicet civium pro altero solvere tenetur.

De damno per repressalias dato concivibus refarciendo.

§. 1167.

Cum Rector civitatis jure populi agat (§. 982.) consequenter populus per eum facere intelligatur; quicquid qua talis facit; populus factum Rectoris civitatis qua talis pro suo agnoscere tenetur, adeoque etiam id, quo injuria infertur exteris. Eadem nimirum ratio est obligationis, quæ ex maleficio, quam quæ ex fœderibus nascitur. Quamobrem si facto suo, sive privatus jussu ipsius re-

Quando id de publico fieri debeat.

(Wolffii Instit. J. N. & G.) Hh pref-

pressaliis causam dedit, damnum iis, quibus eam ob causam aliquid decedit, resarciendum est de publico (§. 1166.)

§. 1168.

De re-
pressa-
liarum
& an-
drole-
psia ef-
fectu.

Quoniam repressalia in expletionem juris consistunt (§. 1163.) per repressalia dominium rerum captivum acquiritur iis, quarum causa facta, nisi quod restituendum, quod abundat (§. 793.) Et cum repressalia (§. 1163.) & androlepsia licite sint (§. 1164.) parti adversæ justam belli causam non dant (§. 98.) Ex adverso autem cum per ista media jus tuum consequi debeas, quod a parte adversa tibi denegatur (§. 1163. 1164.) si per repressalias & androlepsiam jus tuum consequi non potes, scilicet ut injuria facta reparetur, aut ob irreparabilem tibi satisfiat, quæ illas licitas faciunt, justa belli causa sunt (§. 98.)

C A P U T VII.

De Jure belli Gentium.

§. 1169.

De belli
divisione.

Bellum publicum dicitur, quod geritur inter gentes, seu auctoribus iis, qui summum imperium habent: *privatum* vero, quod geritur inter privatos propria auctoritate. *Mixtum* denique est, quod una ex parte est publicum, ex altera privatum, veluti si rector civitatis bellum gerit cum subditis rebellibus. Vocatur autem *Bellum offensivum*, quod inferitur ei, qui de bello inferendo non cogitabat: *defensivum* vero, quo quis se defendit adversus eum, qui ipsi bellum infert. Offensivi quædam species est *punitivum*, quo pœna sumitur ab altero, & *vindicativum*, quo jus nostrum & id, quod nobis debetur, consequi studemus.

§. 1170.

§. 1170.

Cum justa belli causa non sit nisi injuria facta, vel facienda (§. 98.) bellum offensivum tam punitivum, quam vindicativum licitum est, si jus tuum fuerit certum, at de injuria irreparabili manifesta alter satisfacere nolit, nec id aliter consequi possis, & si id infertur alterum ad transactionem compellendi gratia in causa dubia (§. 1158.) bellum vero defensivum licitum est, quo adversus eum, qui bellum injustum infert, te defendis (§. 1089.)

Quando
bellum
offensi-
vum,
puniti-
vum
& de-
fensivum
licitum.

§. 1171.

Sola igitur utilitas justa causa belli non est (§. 1170.) Quamobrem cum rationes suasoriae dicantur, quae desumuntur ab utilitate, seu quibus evincitur e re nostra esse, ut bellum suscipiatur in oppositione ad justicias, quae desumuntur a jure ad bellum in casu dato nobis competente; & inter eas mediae sint quasi justiciae, quae, si rite expendantur, iusticiae non sunt, sed saltem videntur; injustum est bellum, quod ob rationes suasorias solas & quasi justicias suscipitur. Quia naturae humanae repugnat nocere alteri commodi sui causa (§. 44.) consequenter ea immanitas, qua bellum per se delectat, cum tot hominum innocentium caedibus & laniationibus, rerumque vastationibus conjunctum, humanam naturam repellit; bellum humanum modum excedit, si quis nec rationibus iustis, nec suasoriis motus in bella fertur, atque ideo ferinum dicitur. Sunt autem rationes suasoriae aequae, quae a fine civitatis desumuntur (§. 976.)

De bellis
utilita-
ris solius
caussa
gestis.

§. 1172.

Quoniam genti cuilibet jus est augendi potentiam suam (§. 1102.) nec qui damnum dare

De metu
& vici-
na.

rentia
& con-
serva-
tione &
quili-
brii.

potest, ideo dare vult; potentia crescens vicine gentis & metus ex vicina potentia iusta belli causa non est (§. 1170. 1171.) Quamobrem cum Equilibrium inter gentes dicatur gentium plurium secundum potentiam ad se invicem relatarum status, quo potentie unius prapponentis, vel quarundam conjuncte potentia conjuncta aliarum equalis est; sola conservatio equilibrium inter gentes iusta belli causa non est, ea tamen rationibus suasoriis accensenda, si de bello iusto suscipiendo consultatur (§. 1171.) Quod si ergo gens potentia confisa manifesta consilia agitet de gentibus sibi subiciendis, aut injustis armis securitatem publicam gentium turbare non veretur, cum quolibet gens se conservare debeat (§. 1093.) & gentibus universis competat jus cogendi turbatorem quietis publice, ne turbet (§. 1090.) communi securitati consulere, potentiamque crescentem labefacere licet. Tum nimirum bellum hoc respectu defensivum iustum est (§. 1169.)

§. 1173.

De sceleribus, Quoniam omne malum in se tale non est, ut puniri debeat ac possit, bellum punitivum in gentem licitum non est, quod jus nature immaniter violet, aut in Deum delinquit, vel quia atheismus, aut deismus proficitur, vel idololatrica gentis. est. (a)

§. 1174.

(a) Aliquando obtingit ut Principes Christiani tamquam Divini cultus, & vere Religionis vindices punire possint, ac debeant perfidos ac impios errorum sectatores. Tinnichius egregie hoc argumentum tractat in suo Opere Saul ex-Rex.

§. 1174.

Milites dicuntur personæ, per quas auctor belli vim infert parti alteri, cum qua bellum gerit: Arma vero res omnes, quibus ad vim alteri inferendam, autem eam a se avertendam utimur. Cum potestatibus summis competat jus belli (§. 1066.) iisdem quoque competit jus militem conscribendi, atque hoc jus ad jura majestatica pertinet (§. cit.) exercendum, prouti visum fuerit superiori, si nulla extet lex fundamentalis (§. 984.) ita tamen, ne bonum publicum aliquid inde capiat detrimenti (§. 976.) Quoniam singuli obligantur ad defensionem civitatis conferre, quod possunt (§. 972. 975.) in casu extremæ necessitatis operas militares præstare tenentur subditi omnes, ad ministerium bellorum apti (§. 60.) & vi potestatis eminentis, ad id compelli possunt invitati (§. 1065.) ast quia præter operas militares ad commune bonum promovendum aliæ adhuc præstandæ sunt (§. 972.) & sumtus bellicos subministrare tenentur subditi (§. 1037.) extra casum necessitatis milites conscribendi invitati non sunt, qui alias Reip. utiles ac necessarias operas præstant, & ad sumtus bellicos contribuere possunt. Peregrini, qui sponte sua nomen militiæ dant, dicuntur Milites conductitii, atque horum obligatio ex pacto venit (§. 438.) quod Capitulatio dicitur; & in iis conventa sunt servanda (§. cit.) Cum vero jus conscribendi militem sit jus majestaticum, quod ab externa gente violari nequit (§. 1136.) in territorio alieno sine consensu domini territorii militem conscribere non licet; cumque hic non locum habeat potestas eminens (§. 1065.) nec concessa libertate conducendi militem invitos conscribere licet.

De militate & jure conscribendi militem.

§. 1175.

De plagio.

Plagium dicitur surreptio hominis, qui alterius cuiusdam potestati subiectus est. Quoniam hominem potestati ejus, cui subiectus est, subducit & sibi jus quoddam in eum asserit plagiarium; plagium cum furto convenit (§. 263.) atque ideo furtum hominum recte habetur. Quamobrem patet, qui subditos alienos dolose surreptos ad ministerium bellorum cogunt, plagium committere, & potestatem eminentem ejus, cujus sunt subditi, violare, consequenter huic injuriam facere (§. 87.) ideoque justam bello causam dare, nisi de injuria facta satisfiat (§. 1170.)

§. 1176.

De stipendiis militum & hostiis militariibus.

Stipendium dicitur æs, quod pro ministerio bellorum solvitur. Cum qui militiæ operam dant, alio modo nil acquirere possint; stipendia militibus præcise solvenda. Ob eandem rationem ipsis non modo debentur vestimenta, verum etiam, cum habitatione indigeant, si belli causa in campis non commorantur, hospitia personalia. Cum hospitia ista pertineant ad munera publica (§. 1057.) consequenter ad onera Reip. (§. 1037.) singuli ædium possessores personali hospitio milites excipere obligantur pro modo facultation (§. cit.) ne tamen subditi nimium onerentur; superior curæ habere debet, ne hospitia ista evadant nimis molesta, nec sint præter necessitatem sumptuosa, nec immunitas ab iisdem concedenda nisi personis, quibus ea in partem salarii, vel in præmium meritum in Remp. imputari potest; utpote privilegium nonnisi boni publici causa concedendum (§. 1047.)

§. 1177.

§. 1177.

Cum obligationem naturalem, qua tam *Milites* cives quam peregrini tenentur (§. 1174.) parum capiant milites homines plebeji, vel illiterati; jurato promittere tenentur, quod ministerium bellorum a se susceptum deferere nolint (§. 380. 446.) & tamquam perjuri & perfidi gravius puniri possunt. Patet autem, qui desertiores clam abducit, aut celat, plagium committere (§. 1175.) consequenter qui quomodocumque ad desertionem concurrat, plagii participem fieri (§. 26)

De desertione militum

§. 1178.

Præfecti militum dicuntur, quibus a potestate summa certum imperium in milites tributum & certæ functiones bellicæ demandatæ sunt.

Duces autem excellenter dicuntur illi, quibus imperium in integrum exercitum tributum, seu summa belli commissa est. Sunt igitur *præfecti militum* potestates minores, quorum alii aliis subjecti & a potestate summa longius remoti, alii vero eidem propiores pro diversitate juris, quo polent; duces autem excellenter dicti summis potestatibus proximi. Cum *Jus militare* dicantur leges, in quibus disponitur de iis, quæ a militibus eorumque præfectis fieri, aut non fieri debent, aut quæ iisdem permittuntur; in eo quoque agitur de jure præfectorum militum, summorum etiam ducum, eorumque officiis.

De præfectis militum

§. 1179.

Auxilia, vel etiam *copiæ auxiliares*, immo absolute *Auxiliares* dicuntur *copiæ* tam pedestres, quam equestres, quas genti bellum gerenti mittit gens alia, cujus bellum non est. *Pecuniæ subsidariæ* dicuntur, quæ genti bellum gerenti solvun-

De auxiliis & subsidiis.

tur a gente alia, cujus bellum non est, ut illa sumtum in rem militare facere possit. Dicuntur etiam hodie simpliciter subsidia. Naturaliter gentes obligantur auxilia & subsidia mittere genti bellum iustum gerenti & quocumque modo juvare eam in bello, quantum datur (§. 1108.) ut vero jus perfectum ad ea acquiratur (§. 1109.) fœdera pangenda sunt (§. 1141.) utpote sancta inter gentes habenda (§. 1153.) Patet vero tum jus partis unius & obligationem alterius aestimari debere ex iis, quæ in fœdere conventa fuerunt (§. 317.)

§. 1180.

De speciebus fœderum belli & casu fœderis. Fœdera belli offensiva dicuntur, si auxilia & subsidia saltem promittuntur in bello offensivo; defensiva si saltem in defensivo; offensiva & defensiva simul, si in utroque. Casus autem fœderis vocatur concursus circumstantiarum, sub quibus fœdus initum, sive expresse fuerint dictæ, sive tacite suppositæ. His igitur simul existentibus, casus fœderis existit, & facile patet, non nisi eo existente præstanda esse, quæ in fœdere promissa sunt (§. 318.) Quamobrem si bellum geratur manifesto injustum, vel qui conventa præstare debet, ipse iisdem indiget, casus fœderis non existit; cum uterque in omni fœdere tacite exceptus intelligatur.

§. 1181.

De iis, qui in bello medii sunt. In bello medii dicuntur, qui neutri belligerantium parti adherent; consequenter bello sese non immiscent. Dicuntur etiam vulgo neutrales, & ipsorum terræ vocantur *Terræ neutre*. Quamvis vero vi libertatis naturalis (§. 1089.) genti unicuique permittendum, ut sit in bello media (§. 78.) ut tamen jus perfectum acquiratur ad neutralitatem, fœdera cum belligerantium vel uno, vel utroque, prout casus tulerit, pangenda

da (§. 1141. 1153.) quæ Fœdera neutralitatis appellantur, & præter id, sine quo fœdus istud concipi nequit, scilicet ut in eo promittatur, quod, qui medius in bello esse vult, nolit partem adversam in bello juvare, ipsius autem, cum quo fœdus pangitur, nullo modo impedire motus, in iis etiam conveniri potest de aliis, quæ pars utraque e re sua esse judicaverit. Quoniam vero fœdus neutralitatis non extendendum ultra limites suos & ea, de quibus specialiter conventum; qui neutrarum partium sunt, utrique belligerantium parti debent, quæ jure gentium debentur extra bellum, veluti utriusque partis belligerantium militibus & subditis aditum in territorium suum & transitum per terras suas tutum concedendo, & ut justî negotii causa in eo commorentur & res, quibus indigent, æquo pretio sibi comparent permittendo (§. 1131.) nisi expresse aliter conventum, scilicet ut utrique belligerantium parti non sit concedendum, quod alias erat permissum (§. 667.)

§. 1182.

Quoniam transitus ob justas causas per terras alterius est jus ex communione primæva residuum (§. 312.) gens una copiis militaribus gentis alterius transitum sibi innoxium & transeuntibus tutum permittere debet. Cum tamen judicium de eo, an sit innoxius, sit permittentis (§. 1089. 78.) transitus petendus, & quia innoxius non est, si metuendum, ne is concedenti bellum inferat, vel sedem belli in terra pacata figat, aut alio modo noceat, contra quem conceditur, denegari potest. Et eadem de causa, pro iis, quibus transiturus indiget, cum per se pateat, quod ea transeunti denegari non possit, justum is pretium solvere tenetur, quamvis transitus ipse, utpote naturaliter debitus, gratis sit concedendus. Cum vero damna

De transitu cum copiis militaribus.

data

data sint refarcienda (§. 270.) si transeuntes incolis damna dederint, is, cui transitus concessus, ea refarcire tenetur, & Rector civitatis curare debet, ut refarciantur iis, quibus data. Ac ideo transitum concedens, si metuit, eum non fore innoxium, aut præstationem estimationis damni, si quod detur, ægre obtentum iri, eum concedere non tenetur nisi sufficienter a transeunte caveatur.

§. 1183.

De belli
denun-
tiatione.

Denuntiatio belli est actus, quo parti adversæ significatur ab altera, quod jus suum vi armorum persequi velit. Dicitur etiam a nonnullis Clarigatio, quamvis ea apud Romanos ab illa erat distincta, ita ut parte adversa satisfactionem negante demum sequeretur denuntiatio, quæ ideo clarigationi saltem eventualiter inerat. Est autem denuntiatio vel conditionata, qua declaratur, bellum illatum iri, nisi res reddatur, aut de injuria facta satisfiat; vel pura, qua absque conditione significatur, bellum illatum iri. Naturaliter opus non est, ut conditionatam sequatur pura; cum per se pateat, altero jus denegante nobis aliud medium id consequendi non superesse, quam bellum. Satis etiam liquet, in bello offensivo opus esse denuntiatione, non vero in defensivo (§. 1169.) Enimvero si is, cui bellum denuntiandum, nec legatos admittit, nec fit occasio mittendi epistolam, in bello quoque offensivo denuntiatio omittenda (§. 60.) At talio, utpote in se illicita (§. 156.) non est iusta causa omittenda denuntiationis. Denique quia bellum denuntians parti adversæ non indulgere tenetur moram sibi damnosam (§. 269.) nisi bello denuntiato statim offerantur æque pacis conditiones, operationes bellicas sine mora inchoare licet.

§. 1184.

Cum bellum publicum geratur inter gentes *De hosti.*
 (§. 1169.) si Rector civitatis unius bellum indicit *bus &*
 Rectori civitatis alterius, publicum bellum indictum *rebus ho-*
 intelligitur toti genti a tota gente. Quamobrem cum *stilibus.*
 Hostes dicantur illi, quibus inter se bellum est,
 & eorum Res hostiles; partis utriusque belligeran-
 tium subditi, consequenter etiam feminae, pueri,
 infantes, sunt numero hostium: eorumque res hos-
 tiles, quocumque in loco fuerint. Cum tamen hostes
 non sint peregrini in territorio hostili commo-
 rantes, utpote non subditi hostis (§. 1137.) res
 peregrinorum in territorio hostili deprehensæ, hostiles
 non sunt, sed cum probandum sit, eas esse pe-
 regrinorum, hostiles præsumuntur, donec contra-
 rium fuerit probatum. Et quia res etiam incor-
 porales hostium hostiles sunt, consequenter
 etiam jus ad ea; quæ hosti debentur ab eo, qui ho-
 stis non est, eadem in numero rerum hostilium sunt.

§. 1185.

Qui hosti meo se associat, veluti auxilia aut sub- *De iis,*
 sidia mittendo, aut cum quocumque modo in bello *qui hosti*
 adjuvando, cum ad bellum ipsius concurrat, *se asso-*
 & ideo ejus particeps fiat (§. 26.) hostis meus *ciant.*
 est & res ejus hostiles sunt, consequenter quan-
 do bellum denuntiatur, idem simul denuntiatum in-
 telligitur omnibus iis, qui hosti meo se associaturi
 sunt. Quamobrem si eidem bellum inferre velis,
 denuntiatione opus non est.

§. 1185.

Publicatio belli est significatio ejus ab eo facta, *De pu-*
 qui bellum suscepit, potestatibus summis aliis *blicatio-*
 atque subditis suis; consequenter publicatione opus *ne belli.*
 est tam in bello defensivo, quam offensivo. Cum pu-
 bli-

blicatio non uno modo fieri possit , a voluntate publicantis unice dependet, quemnam eligere velit . *Publicari potest aliarum gentium Re-
ctoribus vel per ministros* , quos publicans habet in aulis exteris , *vel per litteras ad eos missas* , *subditis autem vel per pracones* , *vel per rescripta* , immo utrisque per scripturam typis expressam.

§. 1187.

De ma-
nifesto & anti-
manifesto.

Scriptura typis expressa, qua bellum offensivum publicatur , dicitur *Manifestum* ; qua bellum defensivum , *Antimanifestum* . Quamobrem cum nemo videri nolit sine justa causa bellum gerere ; in manifesto exponendae sunt rationes iustitiae , in antimanifesto eadem refutandae (§. 1171.) Et quoniam superior subditis imperare potest, quae durante bello ab ipsis fieri , aut non fieri debeant (§. 1043.) ea tam manifesto , quam antimanifesto simul inferenda . Quia expositio rationum justificarum saltem requirit recensionem factorum , & juris naturae atque gentium applicationem , refutatio earundem , demonstrationem falsitatis factorum , aut minus recte factae juris applicationis ; a verbis & dictionibus , quae odium & vindictae cupidinem spirant , abstinendum.

§. 1188.

De amo-
re ho-
stium.

Cum gens gentem etiam inimicam amare ac diligere debeat tamquam seipsam (§. 1109.) & ab hac obligatione liberari non possit (§. 42.) hostis quoque hostem amare ac diligere debet tamquam seipsum . Differt nimirum inimicus ab hoste (§. 137. 1184.)

C A P U T VIII.

De Jure gentium in bello.

§. 1189.

Qui bellum injustum gerit, ei nulla justa belli causa est (§. 1170.) Quicquid igitur in bello facit, id illicitum, consequenter si hostes occidit, latroni; si res hostiles eripit, invasori & prædoni equiparatur. Et quoniam qui bellum injustum gerenti se associat, nullum jus in bello habere potest, utpote agens nomine ejus, cui se associat; quicquid agit, pariter ad rapinas, invasions & latrocinia referendum, aut ad actus, quibus ea promoven-
De ab-
sentia
juris in
bello in-
justo.

§. 1190.

Bellum justum geritur juris sui consequendi causa (§. 1170.) Quamobrem qui bellum justum gerit, illi in bello licitum est, sine quo jus suum consequi nequit. Quod vero ad hunc finem consequendum non facit, illicitum est. Vi autem libertatis naturalis judicium de eo, quod ad hunc finem consequendum necessarium, belligeranti relinquendum (§. 1089. 78.) Quoniam impensas belli, quas maximas esse constat, pars adversa vi injusta causatur (§. 1189.) consequenter damna dat refarcienda (§. 269. 270.) bellum justum gerenti debentur impensæ in bellum factæ. Cumque vi injusta continuo dentur damna & injuriæ novæ committantur (§. 269. 87.) ob damna belligerator injustus tenetur justo ad restitutionem rerum ablatarum, si adsint, aut ad præstandam estimationem earum, quæ non extant, & ob injurias in pœnam (§. 1189.) Denique cum bellum, utpote post se trahens magnum malorum cumulum
De jure
in bello
justo.
gen-

gentibus sit valde finestum, geratur propter pacem, & qui bellum iustum gerit, non aliud intendat, quam ut partem adversam adigat ad offerendas æquas pacis conditiones, prouti ex hæcenus dictis haud obscure colligitur; qui bellum iustum gerit, ei etiam jus est ad ea, quæ hostem ad finiendum bellum permovere possunt.

§. 1191.

De acti-
bus &
operatio-
nibus
bellicis
& hosti-
litati-
bus.

Quicquid hostis quomodocumque belli causa agit, *Actus bellicus* est: aut *Operatio bellica* vocatur actus bellicus, quo hosti vel rebus ejus vis actu inferitur, vel ad vim inferendam, aut arcendam via sternitur. Operationes autem bellicæ, quibus hosti vel rebus ejus vis actu inferitur, *Hostilitates* appellantur.

§. 1192.

De jure
in perso-
nas.

Cum qui bellum iniustum gerit injuriam intentet ei, cujus iustum est bellum (§. 1189.) consequenter huic competat jus se defendendi (§. 1089.) *jus in personas in bello iusto nascitur ex defensione sui & rerum suarum*, consequenter æstimandum ex eo, quod necessarium est ad vim hostis depellendam (§. 90.) Quamobrem subditos ejus, qui bellum iniustum gerit, quamdiu ab omni vi abstinent, nec animum vim inferendi produnt, interficere, aut alio modo in corpus eorum sevivere non licet, neque in bello captos, vel sine conditione deditos licet interficere, nisi singulare præcesserit delictum, quo ad pœnam capitalem teneantur; multo minus itaque interficere licet vitam salvam paciscentes sive in prælio, sive in obsidione, nec repudianda hæc conditio. Idem tenendum de iis, qui in prælio arma deponunt. Et quia interfectio medium licitum non est, si ea facere videatur ad reparationem juris nostri, prouti ex dictis apparet;

captivos, deditos, aut dedere se cupientes occidere, aut eorum corpora male tractare non licet, si terrore opus sit. Immo ex modo, quo jus in personam hostium nascitur, etiam patet, hostes interfici non posse, quod fortiter restitum sit, multo minus autem ea de causa interficere licet eos, qui ipsi non resisterunt. Quod si pertinaci resistentia damna fuerint data & injuria facta irreparabilis; jus est ad alia, quibus nobis satisfiat, veluti in obligatione, ut vel sine conditione, vel durioribus conditionibus se dedere cogantur, ut certam pecuniæ summam solvant, ut urbes atque domus diripiendæ relinquantur.

§. 1193.

Cum in bello id agatur, ut pars adversa ab eodem desistere cogatur (§. 1190.) quicquid facit ad imminuendas vires bellum injustum gerentis, id ei, qui justam bellandi causam habet, licitum, consequenter hostes quoscunque capere licet, tum quatenus quocumque modo reparationi juris sui resistunt, aut finem belli impediunt, tum per modum androlepsiæ (§. 1174.) ac propterea capere licet non modo milites eorumque præfectos, verum etiam feminas illustres atque virgines, viros dignitate conspicuos & administrationi Reip. vacantes & personas quascunque alias (§. cit.)

De diminuen-
dis viri-
bus bel-
lum in-
justum
gerentis.

§. 1194.

Cum hostes capiantur, tum ne reparationi juris nostri resistant, tum ut pars adversa permoveatur ad bellum finiendum & jus nobis reddendum (§. 1192. 1193.) ad hoc vero sufficit, ut detineantur, donec a suis liberentur; captivi naturaliter non sunt servi (§. 947.) intra pœnæ tamen meritum ob delictum in servitutem redigi possunt, adempta scilicet libertate (§. 1048.)

An ca-
ptivi
siant ser-
vi.

Quod si

Quod si inter gentes belligerantes pactiones fuerint factæ de captivis redimendis, cum standum sit conventis (§. 438.) soluto pretio reddendi.

§. 1195.

De vastatione territorii.

Vastatio rerum hostilium dicitur actus, quo eas perdendo hosti damnum datur, nullum vero inde nobis obvenit lucrum. Ea igitur licita non est, nisi quatenus sine ea jus nostrum consequi non possumus, vel vires hostis inde diminuuntur, nostræ augeantur, aut si fiat in justam pœnam (§. 1170. 1193.) Hinc agros hostiles corrumpere, fruges ac segetes in iisdem conculcare, ædificia diruere, hortos & vineas extirpare licet, si castrorum mutatio, obsidio urbium ac prælia id exigunt: urbes autem, oppida, pagos excidere, aut vastare, postquam in potestatem nostram venerunt, non licet, nisi ob delictum, quod talem pœnam meretur. Eodem modo intelligitur, demolitionem monumentorum licitam esse, postquam expugnata fuerunt, ubi ea derelinquere visum fuerit, aut sepulcrorum & monumentorum sepulchralium, rerumque sacrarum vastationem illicitam esse. Cum nobis nullum competat jus in gentem alteram propter religionis diversitatem, si vel maxime sit idololatrica (§. 1173.) nec res sacras vastare licet, quod superstitioni, aut idololatriæ inservire putantur. (a)

§. 1196.

De non permissis in territorio pacato.

Quoniam in territorio alieno nemo sibi jus quoddam arrogare potest (§. 1121.) in territorio pacato hostes & res hostiles capere non licet, nec per istud captivos & res captas ducere. Pugnat idem cum fœdere neutralitatis, si quod initum (§. 1181.)

§. 1197.

(a) Si quis tenetur pro viribus Naturam perficere; quidni in præsentî Naturæ lapsæ corruptione ac cœcitate hominum errores corrigere data occasione licebit? Vid. Notul. §. 1173.

§. 1197.

Quia peregrinis in territorio nostro commo-
 rantibus permiffus eft aditus tutus, & ideo abi-
 tus quoque tutus concedendus (§. 1131.) quan-
 do bellum denuntiatur, in publicatione peregrini,
 qui funt cives hoftium, intra tempus definitum di-
 fcedere jubendi funt, quo elapfo pro hoftibus haberi
 di, confequenter tamquam captivi detineri po-
 funt (§. 1192.) fed quia nemo obligari poteft
 ultra id, quod in potestate eft (§. 60.) fi quis
 vi majore impeditus, veluti morbo, quo de-
 cumbit, intra præfcriptum tempus difcedere non
 poffit, mora ipfi indulgenda.

De iis,
 qui ante
 bellum
 in terri-
 torium
 hoftile
 vene-
 runt.

§. 1198.

Res hoftiles mobiles in territorio fuo cum cape-
 re liceat intra debiti ac pœnæ modum (§. 1190.) mobili-
 confiscare licet, ac prohibere debitoribus hoftium, territo-
 civibus fuis, ne creditoribus durante bello debitum rio ho-
 folvant, immo imperare, ut die folutionis veniente ftili.
 fibi folvant.

§. 1199.

Cum peregrinus, qui bona immobilia poffi-
 det in territorio alieno, qua poffeffor eorum-
 dem fit fubditus domini territorii (§. 1125.) De im-
 bona immobilia a peregrino in territorio hoftili poffef- mobili-
 fa refpectu domini territorii res hoftiles non funt, bus.
 fed refpectu ejus, cujus eft civis, feu in cujus
 territorio domicilium fuum habet.

§. 1200.

Quoniam bellum juftum gerenti expenfæ et-
 iam debentur (§. 1190.) collatio autem pecu-
 niarum aliarumque rerum fungibilium ad fu-
 ftentandum exercitum a fubditis hoftilibus fa-
 (Wolffii Inftit. J. N. & G.)

De con-
 tributio-
 nibus
 milita-
 ribus.

Et contributiones militares dicuntur; bellum justum gerenti competit jus contributiones militares imperandi & exigendi, pro modo tamen facultatum eorum, qui eas prestare tenentur (§. 60.)

§. 1201.

De direptionibus.

Direptiones sunt ablationes violentæ rerum mobilium ex hostilibus ædibus vel locis aliis, in quibus asservantur, vel absconduntur, a militibus factæ. Direptiones igitur, si contributiones justæ non præstentur, cum fiant expletionis juris causa (§. 793.) licitæ sunt, itemque si fiant intra pœnæ meritum (§. 1190.) Attamen in direptionibus urbium & domuum, res quæ direptionibus patent, vastandæ non sunt, nisi in justam pœnam (§. 1195.)

§. 1202.

De præda.

Præda dicuntur res mobiles hostiles in bello captæ a militibus; consequenter depredationes hostium in bello justo, quacumque occasione oblata, licitæ sunt (§. 1200.) & quæ in direptionibus auferuntur, in præda sunt (§. 1201.) Quoniam vero in bello omnia fiunt jure summæ potestatis (§. 1169.) ejus quoque præda est, nec militibus, qui res hostiles manu capiunt, neque etiam eorum præfectis, immo nec copiis auxiliariis jus ullum ad prædam competit. Quia tamen summa potestas de suo pro lubitu disponere potest (§. 195.) quidnam juris militibus, aut eorum præfectis in prædam concedere velit, in ejus arbitrio positum est, & de præda cum mittente auxilia convenire potest.

§. 1203.

An dolus in bello licitus &

Cum simulatio, falsiloquium & dissimulatio communi nomine Dolus dicantur; si dolo idem con-

consequi datur, quod vi aperta licebat, quin is in de str- bello licitus sit, utpote minus nocumentum affe- tagema- tens vi aperta, dubitandum non est, sed quia pro- tis. missa sunt servanda (§. 388.) & contra promittentem pro vero habendum, quod promittit (§. 318.) nonnisi extra sermonem promittentem. Quia stratagemata sunt actus bellici improvisi, tam in vi, quam in dolo consistentes; eadem quoque licita sunt.

§. 1204.

Occupatio bellica est actus, quo vi armorum res hostiles, in primis immobiles, veluti urbes ac terræ, rediguntur in suam potestatem. Cum in bello res omnes hosti eripere liceat ob causas justas (§. 1190. 1193.) occupatione bellica acquiritur dominium rerum hosti ereptarum: res autem mobiles non ante occupatæ intelliguntur, quam de iisdem pro lubitu disponi possit (§. 200.) & quoniam imperium civile terris quasi inhæret (§. 1125.) & tamquam res incorporalis dominio quoque subijci potest (§. 206.) urbibus ac terris occupatis imperium quoque occupatum est, consequenter qui in iisdem habitant, fiunt subditi occupantis (§. 996.) hostes esse desinunt (§. 1184.) atque ideo nihil eorum licet in eos, quæ licita erant in hostem, sed ea saltem licita sunt, quæ jure imperii in subditos. Ceterum cum imperium contineat dominium gentis (§. 1130.) & dominium eminens atque potestatem eminentem (§. 1065.) occupatis urbibus ac terris acquiritur dominium gentis, seu quicquid in dominio gentis in istis est, una cum dominio eminente & potestate eminente.

De occupa-
tione
bellica.

§. 1205.

Cum imperium originarie sit res populi propria (§. 979.) in se spectatum tale est, quale est in populo. Quamobrem si occupatione bellica

Quale
impe-
rium in
victos

acquiratur.

imperium acquiritur, tale in victos acquiritur, quale est in populo, nisi pactione aliter fuerit conventum, qua standum (§. 438.) Equivalet nimirum legi fundamentali, qua imperium in Rectorem civitatis transfertur (§. 989.) Quamobrem si sine pactione imperium acquirit victor, formam Reip. pro lubitu mutare potest & de modo habendi imperium itidem pro lubitu disponere. Quoniam vero in regno herili subditi omnes subeunt servitutem personalem (§. 997.) imperio herili non subjiciuntur subditi nisi intra pœne juste modum (§. 1194.)

§. 1206.

Quando hosti non competit vis in personam.

Qui vi hostis se non opponit, cum adversus eum nulla defensione opus sit (§. 90.) in eum quoque vis nulla hosti competit (§. 1192.) Quamobrem supra violenta militibus non permittenda, præsertim cum & in se illicita sint (§. 862.) nec fontes veneno inficere licet, ex quibus etiam aquas haurire contingit eos, qui vi hostium se non opponunt.

§. 1207.

De hoste veneno interficiendo.

Cum vero in hostem, quamdiu reparationi juris nostri resistit, tantumdem liceat, quantum ad vim injustam depellendam sufficit (§. 90. 1192.) eum veneno interimere licet, consequenter etiam in bello uti globis vel sagittis venenatis, immo aquas ita corrumpere sine veneno, ut bibi nequeant (§. 1193.) cogere nimirum licet hostem, ut a vi injusta absteineat.

§. 1208.

De exploratoribus.

Exploratores dicuntur, qui clam veniunt ad hostem, ut inquirant, quoniam in statu sint res hostis & quidnam in nos molitur: quod cum in-

interfit nosse ad actus bellicos determinandos ad persequendum jus nostrum facientes; exploratores mittere licet. At cum noceant ei, ad quem mittuntur; is, cujus arma justa sunt, habet jus eosdem puniendi.

§. 1209.

Percussor vocatur, qui mercede conductus ex insidiis & dolo hostem interficit. Quamobrem cum dolus in bello licitus sit (§. 1203.) immisso percussore interficere hostem, naturaliter non illicitum (§. 1192.) Deprehensos autem in pœnam interficere potest belligerator justus (§. 1189. 1048.)

De percussoribus.

§. 1210.

Cum jus belli sit summæ potestatis (§. 1066. 1169.) subditi belligerantis hostilitates sine mandato, aut concessione summæ potestatis, saltem tacita, ut rati habitio recte præsumatur, quia quod fit in bello, magnum momentum habet, permixta non sunt, immo nec militibus sine jussu aut concessione præfectorum, qua intra limites fœctionis suæ imperare possunt.

De hostilitatibus a privato susceptis.

§. 1211.

Induciæ dicuntur suspensio actuum bellicorum ab utraque belligerantium parte intra tempus conventum. Fiunt itaque pactione (§. 438.) consequenter quæ de iis conventa, iis standum (§. cit.) Per inducias bellum non finitur, etiamsi ad longius tempus fuerint contractæ, & iis finitis hostilitatibus statim locus est, non vero nova belli denuntiatione opus (§. 1183.) Ut de iis constet his, quorum nosse id interest; quamprimum de induciis conventum, eadem publicandæ sunt. Cum obligatio contrahentium veniat ex pacto; induciarum contractu perfectò contrahentes statim obligant; sed

De induciis.

quod subditos obligare nequeant, nisi a momento publicationis, per se patet, nisi expresse fuerit conventum, a quo die incipere debeant. Dicuntur autem *Induciae universales*, quibus omnes actus bellici suspenduntur; *particulares vero*, quibus saltem certæ. Cum omne jus in bello sit summæ potestatis (§. 1066. 1169.) *induciae universales* pangi nequeunt nisi a summis potestatibus: *ast* pangi possunt a minoribus intra fines functionis suæ (§. 1155.) Cum factum privati, nisi fiat jussu summæ potestatis, aut ab eadem ratihabeatur, ei imputari nequeat (§. 26.) *inducias non rumpit*, *privatus tamen puniri debet* & *res raptæ restituendæ sunt*; cum alias ratihaberetur. Quia *induciae* securitatem præstant tam personis, quam rebus; *induciarum tempore ire & redire ultro citroque licet*, non vero loca incustodita occupare. At cum loca derelicta hostis amplius habere nolit (§. 203.) ea occupare licet. Denique quia tempore *induciarum omnia manere debent in eo statu, in quo sunt*, consequenter nihil fieri in præjudicium hostis, quod fieri non poterat *induciis non pactis*; *durantibus induciis nec vallum tormentis hostis labefactatum rescicere, nec auxilia aliaque necessaria urbi laboranti mittere*, intra suos autem fines cum exercitu interius recedere; *mœnia rescicere & militem conscribere licet*.

§. 1212.

*De com-
meatu.* *Commeatus* dicitur jus secure hinc inde eundi, concessum vel personis, vel rebus: cujus concessio privilegium est (§. 1047.) Quoniam privilegium personæ datum ultra eam non extenditur (§. 400.) *commeatu personæ dato uti nequit alia persona, nec patri datus filium & uxorem comprehendit*, ideoque cui venire permissum, is alium mittere nequit. Quia vero perinde est, per quam res

res deferantur; si commeatus rebus datus, eadem per alium, quam cuius sunt, in locum destinatum transferri possunt. Quia commeatus totus pendet a voluntate concedentis, idque finis, cuius causa datus, indicat; cui abire vel transire datum, non & redire, & cui negotii cuiusdam causa concessa securitas, ea concessa intelligitur, donec negotium fuerit finitum. Similiter si itineris causa conceditur commeatus, in ea etiam comprehenditur reditus, & sub eo etiam comprehenduntur res, quæ solite sunt ad iter assumi & famulus unus alterque, sine quo ire indecorum foret. Sed ne de eo lis oriatur, consultius est, ea in litteris, quibus commeatus datur, discrete exprimi.

§. 1213.

Cum quilibet jus suum pro lubitu in alium *De pretio redemptionis.* transferre possit (§. 314.) pretium quoque redemptionis captivi in alium transcribi potest. Et quia pacta servanda (§. 438.) conventio de pretio rescindi nequit, quia captus intelligitur locupletior, quam credebatur. Cumque non occupetur; quod captus clam penes se habet, aut ipsi non admittitur, ideoque ejusdem manet (§. 1204.) id in pretium redemptionis imputari potest. Quoniam vero datur pro liberatione captivi; si captus moriatur, pretio nondum soluto, antequam facultas abeundi data, vel in itinere, si ad hostes conducendus fuit, pretium non debetur: alii debetur, si in libertate moriatur, aut si in securitatem debiti tantummodo detineatur, pignoris instar (§. 627.) Denique cum captivum pro certo pretio dimittens tantummodo prestare teneatur securitatem reditus ad suos; si, postquam ad suos rediit, denuo capiatur ab alio, pretio redemptionis nondum soluto, id bis debetur.

§. 1214.

De post-
liminio,
quate-
nus juris
naturæ.

Restitutio rerum & personarum ab hoste captarum & in potestatem gentis suæ venientium in statum pristinum *Postliminium* vocatur. Cum summa potestas subditos suos eorumque jura contra vim externam hostium defendere teneatur (§. 972.) nec injustus belligerator occupatione bellica naturaliter jus ullum in rebus captis & in personas captas acquirere possit (§. 1189.) si res & personæ vi injusta ab hoste captæ ad suos redeunt, in statum pristinum utique restituntur. Atque hinc apparet, quatenus *postliminium* sit juris naturæ; quatenus vero sit juris gentium, mox dicetur. Enimvero qui se, vel sua hosti dederunt, cum eo ipso promiserint, se ejus esse velle, vel sua ejus esse debere, ideoque jus eidem acquisitum auferri nequeat (§. 100.) *postliminio* carent, itemque res, quæ fuerant ipsorum. At si personæ dimittantur, & res debite ab eodem deserantur, cum eo ipso significet hostis, se eas habere nolle, jure ipsius non amplius obstante, *postliminium* habent.

§. 1215.

De jure
gentium
volunta-
rio in
bello.

Cum negotia inter gentes exitum habere debeant, uterque autem belligerantium prætendat causam justam sibi esse belli, & vi libertatis naturalis gentibus competentis (§. 1089.) a gentibus aliis permittendum, ut suo quælibet stet judicio (§. 78.) immo in causa plerumque dubia id facile definiri non possit, ipsum autem bellum non sit aptum ad hanc controversiam decidendam (§. 1159.) multoque difficilius definiri queat, an belligerator licet justus jure suo in bello non abutatur (§. 1190. & seqq.) ac propterea id relinquendum sit conscientiæ ipsius (§. 78.)

ideo

ideo necesse est, ut bellum ab utraque parte quoad effectum habeatur pro iusto, ut uterque scilicet eodem jure utatur, & ideo quoque uniuscujusque conscientiae relinquatur, quid ad consecutionem juris sui necessarium videatur. Atque in hoc consistit Jus gentium voluntarium in bello (§. 1090.)

§. 1216.

Quoniam gentium, quæ nullius in bello partes sequuntur, nullum jus est decidendi de causa belli, vel num hæc, vel ista in bello jure fiant, aut non fiant (§. 1215.) gentes, quæ bello sese non immiscent, facta utriusque pro iustis, seu jure factis admittere tenentur, ac ideo quoque apud gentes pacatas jure gentium voluntario postliminium non est (§. 1214.) Eodem autem jure idem intelligitur commune utriusque belligerantium parti.

De postliminio jure gentium.

C A P U T IX.

De pace & pactione pacis.

§. 1217.

Pax dicitur status, in quo nobis cum nemine bellum est; consequenter quia cum nemine per vim certandum (§. 98.) in pace jure nostro quiete fruimur. Cum gens nulla alteri injuriam facere debeat (§. 1089.) & curæ habere, ut controversias sine vi armorum componat (§. 1157.) consequenter nullam causam bello dare (§. 1158.) gentes pacem inter se colere naturaliter obligantur. Et quia homines in civitatem coivere, ut jure suo quiete fruantur, & tuto ab alio id consequantur (§. 972.) Rector quoque civitatis & subditis suis, & quatenus ipsa natura gentes in civitatem

De pace colenda.

tem

tem maximam redegit (§. 1090.) gentibus aliis hoc naturaliter debet, ut pacem omni modo conservare studeat, consequenter non modo ipse bellum vitare debet, quantum potest, verum etiam dare operam, ut dissuadeat aliis, ne temere bellum suscipiant. Ex ipsa autem definitione pacis liquet, induciarum tempore pacem non esse (§. 1211.) pace autem facta bellum finire.

§. 1218.

De tur-
batore
quietis
publicæ.

Turbator quietis publicæ dicitur, qui bellis temerariis atque injustis laceffit gentes alias. Gentibus igitur quibuscumque competit jus turbatores quietis publicæ cogendi, ne turbent (§. 1090.) Quamobrem si qua gens a turbatore quietis publicæ sibi metuit, tempestive fœdera belli pangere debet cum aliis (§. 1180.)

§. 1219.

Quam-
diu bel-
lum con-
tinuare
liceat.

Cum bellum justum geratur juris sui consequendi causa (§. 1170.) tamdiu id continuare licet, donec jus tuum fueris consecutus, consequenter donec in causa dubia alter vel transactionem offerat, vel oblatam acceptet (§. cit.) contra turbatorem vero quietis publicæ tamdiu, donec securitati futuræ sufficienter fuerit prospectum (§. 1218.) Quod si vero belligerator unus ad offerendum, vel acceptandum æquas pacis conditiones permoveri nequit; per se patet, bellum esse continuandum, donec is totaliter fuerit victus, ne scilicet resistere diutius possit.

§. 1220.

Quinam
pacem
facere
possint.

Cum bellum sit summarum potestatum (§. 1169.) pacem pangere nequeunt nisi summæ potestates. Cum vero Rex infans, vel impubes, aut imminutæ mentis, veluti furiosus, vel mente captus admi-

administrationem imperii non habeat ; ideo pacem pangere nequit , consequenter pacem facere eorum est , quibus imperii administratio competit . Quoniam invasor imperii , si ei fidem dederunt subditi , imperium summum habet , ac gentes exteræ stare tenentur iudicio gentis alterius (§. 1089.) cum invasore imperii , si ei fidem dederunt subditi , pacem facere licet . Cum de regno patrimoniali Rex disponere possit pro lubitu (§. 986.) si regnum fuerit patrimoniale , Rex captivus pacem facere potest . At cum per captivitatem Regi adimatur liberum imperii exercitium , fitque verendum , ne in præjudicium gentis suæ promittere cogatur , quæ liber promissurus non erat : si regnum patrimoniale non fuerit , Rex captivus pacem facere potest per eos , quibus administrationem imperii commisit , aut , ubi de ea nihil dispositum , qui proximam succedendi spem habet . Et quia de re sua privata pro lubitu suo disponere potest (§. 195.) pacem quoque facere potest promittendo rem suam privatam simpliciter , seu pure , publicam vero sub conditione ratihabitionis .

§. 1221.

Quoniam rigori iustitiæ convenit , ut cui libet jus suum tribuatur ; si in pangenda pace is observari deberet , de iustitia belli gesti sententia foret ferenda , & bellum iustum gerenti præstandum foret debitum , cuius causa bellum gestum , restituendæ impensæ in bellum factæ , ob injurias in ipso bello factas ipsi satisfaciendum (§. 1190.) quæ vero a belligeratore iusto ultra modum debiti occupata , alteri restituenda , & de injuria abusu juris facta foret satisfaciendum (§. 271.) Facile apparet , si hoc modo pax fieri deberet , negotium nullum exitum habiturum . Quamobrem pax aliter fieri nequit , nisi per tran-

Quomodo pax pangi possit.

transactionem (§. 764.) ideoque in pactione pacis nec causa belli deciditur, nec deciduntur controversie, quæ de factis in bello moveri poterant, neutra parte alteram iniustitiæ dammante, & rationes potissimum suasoriæ attenduntur. Quoniam amnestia est injuriarum & offensionum antea factarum in sempiternum sancita oblivio (§. 1056.) ea quidem naturaliter per se inest omni pacis pactioni, ut tamen perfecte debeat, de eo primo omnium loco conveniendum (§. 667.)

§. 1222.

Quomodo in pactione pacis conveniri possit. Cum in transactione standum sit eo, quod convenitur (§. 764.) in pactione pacis conveniendum, vel ut omnia restituantur in eum locum, quo fuerant ante bellum, vel ut maneant eo, quo sunt loco, vel ut quedam in bello capta restituantur, alia retineantur, & ut quadam alia præterea præstentur. Unde sequitur, ut, de quibus nihil dictum, ea maneant, quo sunt loco. Enimvero quia negotium exitum non haberet, ubi etiam res mobiles restituendæ forent; si conventum fuerit, ut capta restituantur, sub iis mobiles non comprehenduntur, nisi de quibusdam expresse fuerit dictum.

§. 1223.

Ad quæ amnestia extendi nequeat. Quia amnestia saltem pertinet ad ea, quæ in bello facta sunt (§. 1221.) quæ ante bellum debita fuerunt, nec non injuriæ ante idem factæ, sed ob quas bellum non fuit gestum, aut etiam debita durante bello aliunde contracta, vel injuriæ extra bellum factæ, & quæ tempore belli privatis ex contractibus vel maleficio deberi cæperunt per pacem remissa non intelliguntur.

§. 1224.

§. 1224.

Cum in pactione pacis facta statim incipiat *De fru-*
 jus ejus, cui aliquid restituendum, nisi restitu- *ctibus re-*
 tio ad certum diem restricta (§. 438. 317.) si *stitu-*
dis.
 res vi pacis restituendæ, restituendi quoque sunt
 fructus a die concessionis (§. 228.)

§. 1225.

Quia res talis restituenda, qualis in bello *Nonnul-*
 capta (§. 1222.) si res vi pacis restituenda, ju- *la circa*
 ra quoque rei coherentia restituenda, ideoque ante *rei resti-*
 restitutionem munimenta, quæ erant, cum occuparen- *tutio-*
 tur, demoliri non licet. Et, si vi pacis quædam *nem no-*
 restituenda in eum statum, quo fuerant ante bellum, *tanda.*
 status ultimus intelligitur, qui erat, cum inciperet
 bellum; cum de eo cogitasse intelligantur paci-
 scentes (§. 810.) nisi is ad certum annum refera-
 tur (§. 438.) Quod si in pactione pacis relatio sit ad
 alias præcedentes, cum in brevitatis tantummo-
 do causâ fiat; ea valebunt, quæ in his de re con-
 venta expressius dicta sunt.

§. 1225.

In regno patrimoniali Rex disponere de impe- *De alie-*
 rio potest pro lubitu (§. 986.) consequenter *natione*
 Rex tam totum, quam partem ejus sine populi consen- *imperii*
 su alienare potest. At quia in usufructuario pro- *per pa-*
 prietas imperii penes populum manet (§. cit.) *cem &*
 ad alienationem requiritur populi consensus, & quia *rerum*
 universi obligantur parti ad ea, quæ ad salu- *privata-*
 tem ejus promovendam faciunt (§. 975.) consensus *rum.*
 ejus partis, in quam fit alienatio, aut saltem ejus ra-
 tihabitio, quæ factis declaratur, dum populus no-
 vo acquirenti sine ulla contradictione homagium
 præstat. Enimvero si jus pangendi pacem sine
 ulla restrictione in Regem translatum, populi
 con-

Consensum non demum requirere tenetur; nulla scilicet lege fundamentali extante, ad cuius observantiam obligetur (§. 984.) De rebus autem privatis & personis vi dominii eminentis & potestatis eminentis, prout casus tulerit, convenire potest (§. 1065.)

§. 1227.

*De effectu
pacti
pacis.*

Cum transactione facta prætenso renovari nequeat & a lite discedatur (§. 764.) pace facta bellum finitur, nec propter eam causam, ob quam bellum gestum est, denuo bellum suscipi potest.

§. 1228.

*De sociis
in bello.*

Quoniam cum sociis eorum, qui pacem pangunt, idem fuit bellum, quod inter hosce, de bello autem finiendo transigitur (§. 1221.) in pactioe pacis comprehenduntur etiam socii, consequenter amnestia ad ipsos quoque pertinet (§. 1223.) Enimvero si cum ipsis peculiare fuerit bellum, cum ipsis quoque pax expresse pangenda.

§. 1229.

*De obligatione
ex pactioe
pacis veniente.*

Pactio pacis, utpote utilitatis publicæ mænentis causa facta, *fœdus reale* est (§. 1146.) ac propterea populum quoque & successores obligat. Enimvero paciscentes statim obligat, quamprimum perfecta; cum ex pacto veniat obligatio (§. 438.) subditos vero & milites, quamprimum iisdem fuerit publicata; cum de ea ante publicationem ipsis certo constare non possit.

§. 1230.

*De ruptura
pactis.*

Pax *rumpi* dicitur, si pactio pacis non servetur, hoc est, si quis quid facit, quod vi ejusdem facere non poterat, nec debebat, aut non facit, quod vi ejusdem facere debebat ac poterat.

terat. Eodem sensu in genere *fœdus* quodlibet *rumpi* dicitur. *Rumpit* igitur *pacem*, qui ob eandem causam, ob quam bellum gestum fuerat, vel ob ea, quæ in eodem facta fuerunt, vim bellicam infert (§. 1227.) etiam sociis in ea comprehensis (§. 1228.) non vero, si ob novam quamdam causam; utpote ad quam pax non pertinet (§. 1221.) consequenter nec *rumpitur*, etiamsi posthac alii te *associes*, qui bellum ei, cum quo pacem fecisti, infert; ob rationem eandem. Ex ipsa quoque definitione patet, *pacem* non *rumpi*, si per te non stet, ut in pace promissum adimpleas, veluti si ipse bello implicitis auxilia vel subsidia promissa mittere nequeas, aut res, quæ dari debebat, interierit. *Articuli pacis* dicuntur singulæ conventionis partes, quibus distinguuntur ea, de quibus sigillatim quidpiam fuit conventum. Sunt autem vel *connexi*, in quibus convenitur de rebus ad eandem causam pertinentibus; vel *diversi*, in quibus convenitur de rebus ad diversam causam spectantibus. Unde facile intelligitur, si pax *rumpitur* in articulis diversis, eam in ceteris durare: ex adverso autem, si *rumpitur* ab uno in articulis connexis, nec alterum pacem servare amplius obligari (§. 442.) Ast quoniam factum alienum nemini imputari potest, ad quod is non concurrat (§. 26.) si subditi tui sine consensu tuo, vel subsecuta ratihabitione faciant, quod est contra pactionem pacis, pax non *rumpitur*; ex adverso autem *rumpitur*, si subditi tui contra articulos pacis leduntur a parte altera.

§. 1231.

Publicatio pacis est factum quo tam militibus, quam subditis significatur, pacem esse factam; consequenter bellum finitum (§. 1227.) Quamobrem militibus sine mora publicanda (§. 1174.) necessitas vero, quæ obtinet ex parte militum,

De publicatione pacis.

tum, cum non sit eadem ex parte civium, subditis publicari potest, quando commodum visum fuerit.

§. 1232.

De rebellionē.

Rebelles dicuntur subditi, qui arma injusta sumunt adversus Rectorem civitatis, nimirum ut eundem vel imperio exuant, vel ad certas conditiones acceptandas cogant. Atque is status *Rebellio* vocatur.

§. 1233.

De bello civili.

Differt a rebellionē *Bellum civile*, quo iusta arma adversus Rectorem civitatis sumunt subditi. *Licet* igitur est in omni casu, in quo Rectori civitatis resistere licet (§. 1079.)

§. 1234.

De tumultu.

Differt a rebellionē & bello civili *Tumultus*, in quo turba confluens vim infert magistratibus, aut aliis potestatibus minoribus, vel earum rebus, tum etiam privatis eorumque rebus, aut saltem inferre minatur. Cum per tumultum securitas publica lædatur; *delictum publicum* sive crimen est (§. 1030.) Quamobrem tumultum excitantes, vel foventes, eidemque sese immiscentes, cum sint criminis rei; pro diversitate circumstantiarum puniri possunt (§. 1030. 1048.)

§. 1235.

De promissione bellis & tumultibus servanda.

Quoniam potestas summa rebellibus & tumultuantibus rebellionis aut tumultus sedandi causa promittens, cum salvo jure suo in rebelles & tumultuantes promittere non possit, jus suum remittere intelligitur (§. 337.) si qua promittit, ea servanda sunt (§. 388.) Eodem modo patet, hosti,

hosti, prædonibus & latronibus promissa servanda esse. Quamobrem si amnestia promissa sit, nullus eorum, quæ in rebellionem & tumultu facta sunt, accusari, neve mulctari potest (§. 1056.)

C A P U T X.

De Jure legationum.

§. 1236.

Legati dicuntur personæ quæ a gente una, seu ejus Rectore, ad gentem aliam, seu Rectorem ejus, publici negotii causa mittuntur. Quamobrem legati naturaliter sunt mandatarii gentis suæ, seu Rectoris civitatis (§. 551.) & jus mittendi legatos summis potestatibus competit (§. 1140.) etiam inæquali fœdere junctis (§. 1144.)

§. 1237.

Agentes appellari solent personæ, quæ negotia privata Rectoris civitatis, vel etiam subditorum ipsius, ejusdem nomine apud gentem aliam curant. Cum a voluntate constituentis dependeat, quænam negotia iis committere velit; nil obstat, quo minus etiam negotia quædam publica minoris præsertim momenti Agentibus committantur.

§. 1238.

Genti unicuique competit jus perfectum petendi ab altera gente officia humanitatis, nec impediri potest citra injuriam, quo minus petantur (§. 1108.) competit etiam jus pacificationis ineundi cum alia gente, si ope & auxilio ejusdem indiget (§. 1095.) conjunctis viribus se statumque suum perficiendi (§. 1090.) ac

(Wolffii Instit. J. N. & G.)

Kk

ideo

De jure
mittendi &
obligatione
admittendi legatos.

ideo fœdera faciendi (§. 1141.) Obligantur quoque tollere gravamina, & controversiæ componendæ (§. 1157.) nec ad bellum, ad controversias decidendum per se minus aptum (§. 1159.) procedendum, aliaque media violenta (§. 1163. & seqq.) quamdiu nondum constat sine violentia injuriam factam reparari non posse (§. 1158.) Pangendæ quoque sunt fœdera belli (§. 1180.) & in bello emergunt casus, in quibus pactiones incundæ, vel pars una alteri voluntatem suam significare tenetur. Immo ut a bello decedatur, pactiones pacis faciendæ (§. 1227.) Legationes igitur necessarie sunt, & gentibus competit jus perfectum mittendi legatos ad gentes alias: quod cum citra injuriam denegari non possit (§. 100.) legati admittendi sunt ab eo, ad quem mittuntur, consequenter si non admittuntur, mittenti injuria fit (§. 87.) nisi id fiat in causa manifesta collisionis officii erga seipsam & erga gentes alias, veluti si legatus mittatur ad perturbandum civitatis statum, vel is fuerit criminis perduellionis reus.

§. 1239.

De legatis assiduis.

Legati assidui dicuntur, qui per plures annos in aulis exteris resident. Quoniam negotia gentium, ob quæ legationes necessariae sunt (§. 1238.) nec quotidiana, nec continua sunt, legati præterea assidui quasi exploratorii numero sunt (§. 1208.) jus habendi legatos assiduos in aulis exteris nec jus gentium necessarium (§. 1088.) nec voluntarium est (§. 1090.) consequenter legationes assiduæ, nonnisi moribus quarundam gentium introductæ, ad jus gentium, consuetudinarium pertinent (§. 1092.) ideoque si non admittantur, mittere volenti injuria non fit (§. 87.)

§. 1240.

§. 1240.

Cum Rector civitatis quilibet Rectorem civitatis alterius spectare debeat tamquam sibi æqualem (§. 1120.) legati autem mittantur, ut negotium tractent vel cum Rege ipso, vel cum primariis ejus ministris, quibus hæc cura demandata est, nomine mittentis (§. 1236.) *Quales legati mittendi.* legati mittendi sunt, qui dignitate eminent in Rep. mittentis (§. 54. 55.) Atque ita Jus naturale gentium consulit dignitati ejus, ad quem mittuntur.

§. 1241.

Ob eandem rationem legati honorifice excipiendi & tractandi, cumque hæc obligatio a lege naturæ veniat (§. 1240.) consequenter nemo ab ea se liberare possit (§. 42.) etiamsi veniant ab hoste. Quoniam itaque legatis ab hoste missis, vel etiam ab eo, qui hostis non est, contumeliæ non imponendæ, nec iidem contemptui habendi (§. 146. 51.) ne quidem prætenso, utpote quod nullum est (§. 156.) jure talionis, contemptus ideo legatorum & multo magis contumeliæ ipsis impositæ injuria sunt (§. 87.) nec impune ferri debent (§. 93.) Atque ita Jus naturale gentium consulit dignitati mittentis. *Quomodo excipiendi.*

§. 1242.

Character repræsentativus legati dicitur signum repræsentationis mittentis apud eum, ad quem mittitur. Cum naturaliter legati sint mandatarii Rectoris civitatis, a quo mittuntur (§. 1236.) jure naturæ character repræsentativus consistit in facultate nomine ac jure potestatis summæ, a *De characterē repræsentativo.*

qua scilicet mittitur, negotium aliquod publicum apud aliam potestatem summam gerendi, consequenter jure naturæ legatus non est quasi eadem persona moralis cum mittente, ita ut perinde sit ac si mittens ipse esset præsens & is, ad quem mittitur, eundem spectare debeat tamquam personam sibi aequalem. Et quoniam characteris representativi, qui consistit in facultate personam mittentis ferendi, nulla est necessitas sive ex negotio gerendo, sive ex dignitate mittentis, quæ sine eo salva esse potest (§. 1241.) nec character representativus ultra naturalem extensus juris gentium voluntarii est (§. 1090.) & per consequens si moribus introductus, juris gentium consuetudinarii (§. 1092.) si pactis, pactitii est (§. 1091.) Quamobrem quæ ex characteris isto deducuntur de legatis per necessariam consequentiam, ea nec juris naturæ, nec juris gentium voluntarii sunt, & multominus ea, quæ gratis ad eum ampliandum adjiciuntur. Ac propterea gens nulla eum agnoscere tenetur, nisi ex pacto.

§. 1243.

De jure
legati
quoad
actus
privatos.

Cum legati non representent mittentem nisi quoad actus ad negotium, cujus causa missi, spectantes (§. 1242.) quoad actus suos privatos spectari aliter nequeunt, quam tamquam peregrini in territorio alieno versantes, consequenter jure peregrinorum naturaliter censentur. Ac ideo quoad actus privatos cum comitatu & vasis seu rebus jure gentium naturali subsunt jurisdictioni loci tam civili, quam criminali (§. 1132.) nec ulla adest ratio, cur jure gentium voluntario in his quicquam imputari debeat (§. 1090.) Extritorialitas itaque, qua legati cum suo comitatu & vasis finguntur extra territorium sita, juris gentium naturalis & voluntarii non est, consequenter nec, quæ

quæ inde infertur, sanctitas, seu inviolabilitas legati, quæ consistere debet in independentia legati ab imperio ejus, in cujus territorio commoratur, multo minus itaque, ut habeat jurisdictionem in suum comitatum & adibus, quas inhabitat, adhæreat jus asyli. Quamobrem istiusmodi jura aliter acquiri nequeunt quam pacto sive expresso, sive tacito (§. 1089.) salva tamen exceptione in casu collisionis cum officio ejus, ad quem missus est legatus, erga gentem suam (§. 64.)

§. 1244.

Quoniam peregrini æquiparantur civibus temporariis, quamdiu in territorio alieno commorantur (§. 1125.) nec Rector civitatis ferre debet, ut quis subditorum iis damnum det, aut injuriam faciat (§. 1134.) legati, quatenus spectantur tamquam privati & tamquam peregrini in territorio alieno commorantes, tuti sunt ab injuriis communi peregrinorum (§. 1028.) & communi gentium jure. Quoniam vero ut consulatur dignitati mittentis, legati quæ tales honorifice excipiendi & tractandi (§. 1241.) ideoque injuria in ipsos illata gravior est quam in alium peregrinum illata, quatenus ea derivatur in mittentem, ab injuriis quoque tuti sunt jure speciali legatorum. Ac in eo sanctitas legati naturalis consistit (§. 1153.)

De inviolabilitate legati.

§. 1245.

Litteræ credentiales dicuntur, quas mittens dat legato ad eum, ad quem mittitur, & in quibus eum legatum suum declarat. Quoniam cum eo tractanda sunt negotia certa (§. 1236.) consequenter ei, ad quem mittitur, constare debet

De litteris credentia- libus.

debet de voluntate mittentis, legatus litteris
credentialibus instructus esse debet.

§. 1246.

*Jus pa-
trium
& con-
suetudi-
narium.* Si quæ gentes de certis juribus legationum & de
modo honorifice tractandi legatos inter se convene-
rint, vel quædam moribus introduxerint, cum ea
nonnisi juris pactitii (§. 1091.) vel consuetu-
dinarii sint (§. 1092.) nonnisi paciscentes obligant,
vel eos, quorum longo usu introducti sunt hi mores,
quamdiu voluerint (§. 444. 1092.)

F I N I S.

IN-

I N D E X.

Numerus §. designat.

A

A *Bdicatio* juris, 341. 342.
 liberorum, 925. officii,
 1063. regni, 1007. 1081
Abolitio accusationis, vel in-
 quisitionis, 1055
Abrogatio legum, 846
 1045. 1068. 1074.
Absurda in interpretatione
 vitanda, 804. 813
Abusus domini, 202. juris,
 66. rei locatae 622.
Academia scientiarum, ar-
 tium, 1024
Acceptans, in cambio, 656
Acceptare, accipere, 316.
 conditionem, 817. ad de-
 liberandum, ad ratihaben-
 dum, 769
Acceptatio, 316. 317. 319.
 honorarii, 525. promissio-
 nis, 381. 384. 386. 425.
 428. 431. & seqq.
Acceptilatio, 754
Acceptio indebiti 693. sine
 causa, quasi sine causa, 695
Accessio, naturalis, artificia-
 lis, mixta, 242. territo-
 riarum originaria, 1127
Accessorium, 242
Accidentalibus feudi, 737
Acquiescentia in providentia
 divina, 173
Acquisitio bonorum, 134. do-
 minii rerum nullius, 209.
 & seqq. rerum in dominio
 existentium, 317. ex dereli-

ctione praesumpta, 348. 450.
 domini universalis, 917.
 imperii & domini gentis
 per occupationem belli-
 cam, 1204. 1205. juris he-
 reditarii & hereditatis,
 917. juris successionis in
 regno, 1015. pecuniae, 507.
 508. 511. rei alienae per
 possessionem, 448. rei de-
 relictae, 219. per servum,
 954. possessionis, 291. 294.
 455. praecedentiae inter re-
 ges, 1119. inter socios,
 840. servitutis, 710. 743.
 per sortem, 670. 671. 672.
 titularum inter reges, 1119.
 tutelae, 908
Actio appetibilis per se,
 averfabilis per se, 15. bo-
 na, 12. in se, 13. coacta, 4.
 culpofa, 18. deliberata, 6.
 dolofa, 18. externa, 1. inde-
 liberata, 6. per se indiffe-
 rens, 13. interna, 1. 1050.
 invita, 5. humanarum de-
 terminatio quot modis fieri
 possit, 7. determinatio per
 attributa divina, 160. dire-
 ctio ad perfectionem mun-
 di, 162. liberae, 1. 11.
 quatenus rebus in dominio
 existentibus aequiparantur,
 225. 226. mala, 12. in se,
 13. naturalis, necessa-
 ria, 1. positiva, priva-
 tiva, 2. sincera, 349. vo-
 luntaria, 5

- Aktor*, 774
Actus (pro servitute) 712
 plenus, minus plenus, ib.
 bellici, 1191. benefici,
 mere tales, obligatorii,
 466. 668. compositi, 465.
 communicatorii, 467. &
 seqq. directorii, 467. 468.
 473. mere voluntatis, 1100.
 permutatorii, 467. regis
 regii, 1012. 1057. 1167.
 privati, 1012. simplicies,
 465.
Addictio in diem, 608. pu-
 ra, conditionata, 608. de-
 bitoris in servitutem, 950
Adiectus, 661. 758
Aditio hereditatis, 916
Adplumbatura, 236
Advena, temporarii, 1010
Adulteratores moneta, 1036
Adulterium, 859. 860. 871
Edificatio, 237
Edificiorum in civitate cu-
 ra, 1035
Enigma, 354
Egalitas in contractibus one-
 rosis observanda, 580. 668.
 678. in permutatione, 584.
Equalitas naturalis gentium,
 1089. hominum, 70. inter
 Rectores civitatis, 1120
Equilibrium inter gentes,
 1172
Equitat, 86. foederum, 1144
Equum, 83
Erarium publicum, univer-
 sitatis, 1038
Es alienum inter bona, 207
 hereditaria, 918 919. rei
 publica causa contractus, 1147
*Estimatio nummorum mutu-
 data*, 535. 536
Affectus, compescere, rege-
 re, sedare, 110
Affinitas, 884
Agentes, 1237
Aggressor, 268
Agnati, 875
Agnitio Dei, 163. prolis, 872
Agri assignati, limitati. ar-
 cifinii, 252
Alienatio bonorum pupilli,
 903. ib. servi, 957. doma-
 niorum, 1040. feudi, aper-
 turæ proximi, 744. kukuum,
 683. imperii per pacem,
 1226. iurium, 257. iur. su-
 perficiei, 734. rei, 257.
 rer. communium, 330. per
 contractum libellarium ac-
 quisitarum, 732. oppigno-
 ratarum, 697. 698. per-
 mutatarum, 585. priva-
 tarum per pacem, 1216.
 promissarum, 413. rer. uni-
 versitatis, 1129. sui ipsius
 in servitutem, 948
Allegoria, 354
Allodium, 736
Alluvio, 251. & seqq.
Alvens derelictus, 246
 ex agro factus, 248
Ambiguitas in loquendo, 353
Amicabilis compositio, 763
 & seqq. 790
Amicitia studium, 138
Amicus, 137. 826
Amissio juris per mortem, 818
 possessionis, 291. 296
Amnestia, 1056. in pace
 contenta & conventa, 1221.
 1223. 1228. rebellibus &
 tumultuantibus promissa,
 1235.
Amor aliorum, 136. compla-
 cen-

I N D E X.

iii

- centiæ, 169. 150. Dei, 1109. hostium, 1188. liberorum, 893. parentum. 894. patriæ, 105. populi, 1077. proprius, 132. rectoris civitatis & populi mutuus, 1085
- Amphibolia*, 803
- Anatocismus*, 651
- Ancilla*, 947
- Androphegia*, 1164. 1165. 1168
- Animus deliberatus*, indeliberatus, 836. gratus, 474. novandi, 758. 759
- Annona* difficultas, 307. 1021
- Antichresis*, 1150
- Antimanifestum*, 1287
- Apertura feudi*, 744
- Apocha*, 654. 775
- Apprehensio*, 320. 322. brevi manu, 323. longa manu, 324
- Aptitudo*, 80
- Aque ductus*, haustus, 712. pecoris ad aquâ appulsus, 712
- Arbiter*, 770. 772. 723
- Arbitrator*, 770
- Arbitrium*, 770. 771
- Arcana*, committere, proderere, 358
- Aristocratia*, 992. annua seu temporaria, 1001. herilis, 997. electiva, laxa, perpetua, strictior, successiva, 1001
- Arma*, 1174. in pralio deponentes, 1192
- Arrha*, 619. sponsalitia, 865. arrhæ datio, 619. 865
- Articuli pacis*, connexi, diversi, 1130
- Artifex*, 634
- Asscuratio*, 679
- Asscurator*, 679
- Assertio nuda* de dando & faciendo, 383. 385. 389
- Asseveratio*, 361. 367
- Assignatio*, 760
- Assignator*, 760
- Assignatus*, 760
- Associantes se civitati*, 1086. hostibus, 1185. 1189
- Attentionem conservare*, 108
- Auskommen*, das nothige, reichliche, 486
- Autochiria*, 112. 1051
- Auctritas patris & matrismilias*, 969
- Avulsio*, 245
- Auxilium* in acquirendis bonis, 134. 892. in bello, 152. 1179.

B

- B** *Acilla fissa*, 777
- Bellum*, 98. 99. 102. an fit aptum ad cōtroversias gentium decidendum, 1159. quamdiu continuandum, 1219. ejus finis, 1217. 1227. bell. gerere, 102. vitandum, 790. 791. 1217. civile, 1233. defensivum, 1169. 1170. ferinum, 1171. injustum, 1189. 1190. justum, 1190. 1192. & seqq. 1215. ob metum ex vicini potentia, 1172. mixtum, 1169. offensivum, 1169. 1170. privatatum, 1169. ejus exercitium in republica, 1028. 1019. publicum, 1066. 1169. punitivum, 1169. 1170. propter scelera gentis, 1173. transactionis causa gestum, 790. 1158.
- vin-

- vindicativum, 1169. 1170.
 utilitatis causa gestum,
 1171.
Benefactor, 470. 826
Beneficiarius, 470. 474
Beneficium, 470. & seqq.
 reddere, 474. 822. 894
Benemriti, 482. 826
Blasphemia, 166
Bodemeria, 681
Bona, 207. animi, 104. cen-
 fitica, 733. conjugum,
 866. 867. 943. corporis,
 104. defuncti, 819. 820.
 933. ecclesiarum, 1026. em-
 phyteutica, 724. fortu-
 na, 104. liberis prospici-
 enda, 892. 896. gentis,
 1162. naufragorum, 222.
 pupillorum, 903. regis re-
 gia, privata seu propria,
 1012. 1162. societatis, 642
Bona fides ad prescriptionem
 requisita, 461
Bonitas divina, 170. intrin-
 seca actionum, 14. 15. mo-
 netur, vid. *Moneta*.
Bonum, 12. bon. commune
 civitatis, 972. societatis,
 837.
 C
Calculus Minerva, 843
Calumnia, 142
Calumniator, 150
Cambium, manuale, 655. sic
 cum, 657. tractatum, 656
Campsarius, 65
Campsor, 656
Canon emphyteuticus, 725.
 726. a vasallo praestandus,
 739.
Capitulatio cum Rectore ci-
 vitatis, 989. cum militi-
 bus, 1174
Captivi, 1192. 1194. quinam
 ducendi, 1164. 1193
Castigationes paternae, 889
Casus contingens in commo-
 dato, 520. 521. in deposti-
 to, 541. in mutuo, 537.
 in locatione conductione,
 633. & seqq. in pignore,
 702. in quasi usufructu,
 719. in usufructu, 716
Casus excipiendi, 816. taci-
 te excepti, 815. casus fœ-
 deris, 1180
Cavillationes, 801
Causa belli iustae, 98. 447.
 1168. 1170. 1172. & seqq.
 causam dare promissa, 405.
 caus. debendi in chirogra-
 pho, 653. in donatione,
 475. in promissione ex-
 pressa, 407. caus. libera
 actionis, 3. renuntiationis
 mandati iusta, 568. causa
 non secuta, 694
Cautio de restituenda re quasi
 usufructuaria, 720 de re-
 stituenda re consumtibili,
 740. de se iudicio sisten-
 di, 1033
Cedens, 338
Celebratio nominis divini,
 174.
Censualis, 733
Census, constitutus, reserva-
 tivus, 733
Ceremonia in cultu divino,
 180.
Certatio per vim, 98
Cessio juris, 338. 342. ne-
 cessaria, 757. in deposito,
 541. in fideiussione, 570.
 ex

INDEX.

V

ex mandato arcano, 553.
in mutuo rei alienæ, 530.
in novatione, 758. ex promissione tertio facta, 433.
juris retractus, 611
Cessionarius, 338
Character representativus legati, 1242
Charta blanca, 776
Chirographum, 652. 653. 654. 758. 775.
Civiliter equum, justum, 83
Civis, 974. civium numerus, 1018.
Civitas, 972. 973. maxima, 1090.
Clarigatio belli, 1183
Clausula commissoria, 609. vid. L. commissoria.
Coacte agere, pati, 4
Cognati, 875. 897. 930
Cognatio, directæ, collateralis, 878. ex concubitu illicito natorum, 883
Cognitio aliorum, suiipfius, 105.
Cohabitatio conjugum, 866
Coius licitus, illicitus, 854
Collecta, 1058
Collisio damnorum, 283. legum, 63. 64. 65. officiorum ibid. erga conjuges, 869. erga liberos, 893. vid. Officia, pactorum, 816. pignorum, 705
Collybista, 655
Collybus, 655
Colonus, 610. partiarius, 696
Comitia, 1000
Commecatus, 1212
Commendare, 551
Commercia, interna, externa, 1099. 1101. 1113. gentium

exterarum, 1109. 1110. in terris neutris, 1181
Commisum, 609. feudum, 746. 747. regnum, 1081
Committere, 551
Commixtio, 235
Commodum rei emta, 613. 614. 615.
Commodans, 515
Commodatarius, 515. 517. 519. 520. 521. 547.
Commodatum, 515. & seqq. 523. famuli, 962. rei alienæ, 530
Commorari in terris alienis, 312. 1131.
Communicatio operarum, 327. rerum & factorum, 469
Communio, 186. bonorum inter conjuges, 867. incidens, 692. mixta, 197. negativa, 191. positiva, 196. 254. 345. primæva, 186. 191. 194. 301. & seqq. 334.
Comcedie, 1027
Compensatio, 756
Compositio causæ debitæ, 790.
litis, 765
Compromissum, 770. 790
Concludere, 843
Conclusum, 843
Concordia, 847. civium, 1086. gentium, 1124. fociorum, 847.
Concubitus promiscuus, 855
Concursus ad actionem alterius, 26
Conditio causalis, 315. conditiones copulative adjectæ, 399. disjunctive adjectæ, 399. honesta, 315. melior, 608. mixta, 315. negativa, 315. resolutiva,

- va, 315. 609. potestativa, 315. 400. quæ per se p-
 cto inest, 439. suspensiva,
 315. iacita in aditione he-
 reditatis, 919. in guaran-
 tia, 1149. si res maneant,
 quo sunt, loco, 814. tur-
 pis, 315
Condominatus, 995. 996
Condonatio offensæ, 157
Conductor, operarum, re-
 rum, 620. 621
Confirmatio tutorum, 1023
Confiscatio bonorum, 1039.
 1053. rei particularis,
 1039. rerum hostilium,
 1198.
Confusio rerum propriarum
 & alienarum. 235. debiti
 & crediti. 761
Coniuges, 858. novorum cura
 circa liberos prioris matri-
 monii, 871. c. obligatio
 & ius, 858. pacta succef-
 foria, 947. successio, 943
Consecratio, rerum, 1025
Consensus, 9. expressus, 27.
 præsumptus, 27. 30. 459.
 686. 689. tacitus, 27. cu-
 ratoris, 905. domini in
 contubernium servile, 959.
 parentum in matrimonium
 liberorum, 912. præf. in
 fideiussionem, 570. locio-
 rum communis, 841. tu-
 toris, 905
Conservatio æquilibrii inter
 gentes, 1172. corporis,
 112. generis humani, 854.
 gentis, 1093. salutis
 ciuitatis, 847
Consiliiarii rectoris civitatis,
 1076.
Consilium, 561
Consociatio, 197
Constituarius, 660
Constituens, 660
Constitutio civitatis, 972. feu-
 di, 736. habitationis, 723
 juris censitici, 733. emphy-
 teuseos, 727. pignoris, 679.
 superficiarii, 734. reipu-
 blicæ, 1017. servitutis,
 710. subfeudi, 741. usufr-
 uctus, 713. usus, 721
Constitutum, 660. 668. 758
Consules in emporiis mariti-
mis, 1118
Consultatio, 6
Contemptus, 146. legatorum,
 1241. rectoris civitatis,
 1120.
Contestatio, 375
Continuatio belli, 1219. so-
 cietatis negotiatoriæ, 648
Contractus, 514. 667. æsti-
 matorius, 658. 659. aleam
 continens, 668. avertendi
 periculi, 679. chirographa-
 rius, 652. censualis, 733.
 compositus, five mixtus,
 696. do ut des, do ut fa-
 cias, facio ut facias, 667.
 emphyteuticus, 725. 727.
 exercitorius, 665. feudalis,
 736. 739. fœnebris, 650.
 fœnebris nauticus, quasi
 nauticus, 680. institorius,
 662. & seqq. libellarius,
 732. lusorius, 678. metal-
 licus, 683. onerosus, 580.
 pignoris & hypothecæ,
 704. sortis electricis, 670.
 divitiarum, 671. attributri-
 cis, 672. subvassalli, 731.
 superficiarius, 734. traje-
 cti-

Atii, 680. *vitalitius*, 682.
usurarius, 650
Contributiones militares,
 1200.
Controversia de dominio,
 548. in ecclesia, 1064. eas
 inter gentes componendi
 modus, 1157. 1159
Contubernium, 959
Contumelia, 146
Conventio, 437. tacita in
 omni negotio, 1154
Conventus sacri, 179
Convocatio comitiorum, 1000
Copia, 775. *vidimata*, 775
Copia auxiliares, 1179
Copula carnalis, 863
Corporis alieni cura, 141
Correges, 995
Correi credendi, debendi,
 promittendi, stipulandi,
 424.
Corruptio, 437. rei commo-
 data, 519
Creditor, 528. *jusejus ad bo-*
na defuncti, 820. *chiro-*
grapharius, 652. *pignora-*
titiis plures, 701
Crimen, 1030. *ambitus*, 1062.
læ læ majestatis, 1082. *per-*
duellionis, 1082
Culpa, 17. 19. 21. per leges
 civiles determinanda, 1072.
 in commodato, 510. 521.
 in concursu ad factum a-
 lienum, 26. *conductoris*,
 633. 634. *deponentis*, 542.
depositarii, 541. *plurium*
depositorum, 546. *loca-*
toris operarum, 634. *man-*
datariorum, 558. *media*,
 22. in pignore, 702. *servi*,
 954. *tutoris*, 904

Cultus divinus, *externus*,
 178. 1024. *idololatricus*,
 182. *internus*, 178. 1064.
superstitiosus, 182
Cupiditas vindictæ, 155
Curator, 858. 905. 907
Custodia legis, 58. 846

D

D *Annus*, dare, 269. in
 bello injusto, 1190.
casuale, 269. *coloni par-*
tiarum, 696. *ex consilio*
doloso, 561. in contra-
 ctibus, 560. *culposum*,
 269. *ex deposito*, 541.
 542. *dolosum seu volun-*
tarium, 269. in ludo ex-
 traordinarium, 678. con-
 tingens in re, vel usu rei
 locata, 633. *ex mandato*,
 557. 568. per electionem
 officialis publici, 1062.
 in operarum præstatione,
 634. in ludo ordinarium,
 678. *præponentis*, 662.
 in pignore, 702. in pro-
 missione, 405. d. *refar-*
cire, 270. per *repres-*
alias, 1166. a servo datum,
 954. in societate negotia-
 toria, 640. societati da-
 tum, 852. per transitum
 cum copiis militaribus,
 1182. a tutore, 904. *vitio*
rei emptæ, 618
Dare, 258. dandi obligatio,
 329.
Datio, 258. 331. 468. ar-
 rhæ spons. & munerum
 sponsalitorum, 865. ob
 causam, 694. *conditio-*
nata,

nata, in diem, 332. gratuita, 470. in solutum, 757.	<i>Delegans</i> , 759
<i>Dati repetitio</i> , 331	<i>Delegatarius</i> , 759
<i>Debitor</i> , 336. 528. chirographarius, 652. principalis, 569. 760. in servitutem redigendus, 950	<i>Delegatus</i> , 759
<i>Debitum</i> , 49. 72. 336. chirographarium, 652. civitatis, 1162. 1164. conjugale, 871. defuncti, 820. exigibile, 503. hostium, 1198. illiquidum, 756. 767. imperfecte tale, 336. inexigibile, 503. liquidum, 756. 766. perfecte tale per leges civiles, 1069. 1071. per pactum, 667. privatum regis defuncti, 1012. reipublice causa contractum, 1147	<i>Delegatio</i> , 759
<i>Decernendi modus in societate</i> , 841	<i>Deliberationes</i> , 766. comitiales, 1000
<i>Decisio litis</i> , 765. decisio provisionalis, controversie in ecclesia, 1064	<i>Delictum</i> , publicum, privatum, 1030. in Rep. puniendum, 1030
<i>Decorum</i> , 54. 115. 116	<i>Demeritum</i> , 153
<i>Dedecus</i> , 54	<i>Democratia</i> , 990. 999
<i>Deditio hostium</i> , 1192	<i>Denegatio debiti conjugalis</i> , 871. officiorum, 59. transitus cum copiis militibus, 1182
<i>Deductio aeris alieni</i> , 207. 918. impenlarum, 284	<i>Demonstratio belli</i> , conditio nata, pura, 1183. 1185. 1211.
<i>Defectus rectitudinis actionis</i> , 17	<i>Deponens</i> , 539. 542. 547
<i>Defensio</i> , 90. 158. 789. possessionis, 289. 1019. reorum, 1031. rerum suarum, 266. 1029.	<i>Depositarius</i> , 539. 541. 542
<i>Defraudatio</i> , 286	<i>Depositum</i> , 539. & seqq. rei alienae, 543
<i>Delatio hereditatis</i> , vid. <i>Hereditas</i> , imperii, 982. 985. 988. 997. 1007. juramenti, 783. juris, 339	<i>Derelictio</i> , 458. 460. Kuckum, 683. rei, 203. 208. 450. regni, 1081
	<i>Desertio conjugum malitiosa</i> , 871. militum, 1177
	<i>Destinatio rei ad certum usum</i> , 216
	<i>Detrioratio rei alienae</i> , 277. 278. commodatæ, 519. feudalis, 743. locatæ, 633
	<i>Dies festi</i> , 1024. dies emptioni, venditioni, 605. promissioni adjectus, 393. 395. solutionis, 751. 752
	<i>Dignitates civiles</i> , 992. 1061
	<i>Dilectio</i> , aliorum, 136. sui, 132.
	<i>Diligentia</i> , 21. depositarii, 541. mandatarii, 551. negotiorum gestoribus, 690. tervi,

INDEX.

ix

- Dimissio ab officio*, 1063
Discessus a civitate, 1019. a pacto, 442. 443. 619. a societate, 852. 853. a societate negotiatoria, 647. a transactione, 764
Discordia, 847
Dispensatio, 1046
Dissensus, 10. 28. 444. expressus, præsumentus, tacitus, 28
Dissimulatio, 349. 350. 359
Dissolutio compromissi, 770. mandati, 567. matrimonii, v. *Divortium*; pacti, 444. 609. 750. societatis negotiatoria, 648. sponsaliorum, vid. *Repudium*.
Distractio pignoris, 697
Directio in bello, 1201
Divinatio, 669
Divisio communium, 343. 344. hereditatis, 926 imperii, 983. 1009. 1010. divisio lucris & damni in societate, 645. 646. reddituum ex kukubus, 683
Dives, 486. 508. 1019
Divitia, 486. 504
Divortium, 871
Doctores publici in ecclesia, 1024.
Dolus, 17. 19. 21. bonus malus, 24. in bello, 1203. in commodato, 520. 521. in concursu ad factum alterius, 26. conductoris, 633. creditoris pignoratitii, 701. in deposito, 541. 542. 546. mandatariorum, 558. ex proposito, ex re, 25. fer vi, 954. tutoris, 904
Domania, 1040
Domestici, 964
Domicilium, naturale, adscititium, 1103
Dominium, 195. 198. 202. 334. ex communium divisione, 343. directum, 724. eminens, 1065. 1130. futurum, 589. gentis, 1125. plenum, minus plenum, 198. regis in fundos privatos, 1065. rerum incorporalium, 206. rerum opipnoratatum, 698. publicarum, 1130. universale, 916. utile, 724. in adibus superficiariis, 734. dotis, 913. morgengabæ, 915. dominiorum certitudo, 457. translatio, vid. *Translatio domini*.
Dominus, 195. 198. 947. census, 733. directus, 724. emphyteuscos, 725. feudi, 736. fundi, 734. subfeudi, 741. utilis, 724
Domus, perfecta, imperfecta, 964. & seqq.
Donans, 475. 617
Donatarius, 475. 476
Donatio, 475. & seqq. 639. conjugum, 874. mortis causa, 479. 481. 482. reciproca, 483. remuneratoria, 482. 617. propter nuptias, 914. inter vivos, 480. 481.
Donum, 475
Dos, 913
Duellum, 787. 789
Dux, (belli) 1178

Ebric-

E

- E** *Brietas*, 114
Ecclesia, particularis, 1026
 universa, 1026
Educatio liberorum, 855. 890.
 909. post mortem paren-
 tum, 897
Egestas, 487. 504. 513. 1021.
 1022.
Electio Regis, legitima, il-
 legitima, 1006
Elemosyna, 488. & seqq.
 1022. 1058.
Emphyteusis, 723. & seqq.
Emphyteuta, 725
Emphyteuticatio, 731
Emporia, 1115
Emptio venditio, 587. & seqq.
 emptio per averfionem,
 592. sub conditione em-
 toris pinguioris, 607. sub
 resolutiva, 606. 607. 609.
 fufpenfiva condit, 607. in
 diem & ad tempus, 605.
 emptoris cauffa, 601. gene-
 ris, 595. sub lege com-
 mifforia, 609. ad menfu-
 ram, 591. miffilium occu-
 pandorum, 68. operis ab
 alio perficiendi, 635. sub
 pcena poenitentiae, 606. re-
 rum extitutarum, 590. rei
 guftu probandae vel in fpi-
 ciendae, 614. fpei, 684
Emptor, 587. 628. pinguior,
 608.
Epiftola, 775. promiffio per
 epiftolam, vid. *Promiffio*.
Ergaftula, 1022
Erogatio pecuniae, 508
Error, 33. non puniendus,
 1050. externus, 113. in
 emtione commiffus, 604.
 circa jus naturae in legibus
 civilibus vitandi, 1074. in
 religione, 1050. in folu-
 tione pretii rei emtae, 602
Erymologia, 799
Evictio juris, rei, 617
Eurythmia, 117
Exceptio, 63. cedit vincit,
 ibid. tacita introductioni
 dominiorum adhærens,
 304. 310.
Exclusio ex civitate, 1050.
 ex focietate, 853. ex foc.
 negotiatoria, 648
Excusatio tutorum, 901
Excuffio granorum ex fpicis,
 227. 232. debitoris princi-
 palis, 569
Executio, 1043. poenae, 1033.
 1048. fententiae judicis,
 1029.
Exemplum, bonum, malum,
 139. 890. exempl. inftru-
 menti, 775
Exercitium juris, 66
Exercitor, 665
Exercitorio nomine agere,
 665.
Exequiae, 824
Exhereditatio liberorum, 928.
 in regno patrimoniali,
 1009. parentum, 928
Exillium, invitum, volunta-
 rium, 1106
Existimatio, 125. 822
Expensa extraordinariae, inu-
 tiles, neceffariae, ordina-
 riae, voluptuariae, utiles,
 505. 508.
Explorio juris, 793
Exploratores, 1208
Expositio liberorum, 886
 Ex-

- Expromissio*, 579
Exterritorialitas, 1243
Exul, 1106
F
Facere, 327. *facere gra-*
tis, 470. *faciendi obli-*
gatio, 329
Factum, seu *factum commis-*
sionis, *factum omissionis*
seu non factum, 2. *teme-*
rarium, 360. *turpe*, 563
Fallere, 356
Falsiloquium, 348. 350. 356.
 357. 368.
Falsitas moralis, logica, 348
Fama, 126. *an tuta per duel-*
lum, 789. *aliena*, 142.
 150. 822. *alienam dimi-*
nuere, 142
Familia avi, patris, *stipi-*
tis, 877. *familia segrege-*
regionem inhabitantes,
 1126.
Famulus, 960. & seqq.
Felicitas, 118. *subditorum*,
 1024.
Felonia, 747
Fenestra luciferæ, prospecti-
væ, 712
Ferarum occupatio, 217
Ferruminatio, 236
Feudum, 736. *quomodo com-*
mittatur, 746. *apertum*,
aperturæ proximum, 744.
de cavena, 740. *datum*,
 738. *femineum*, *francum*,
 739. *habitationis*, 740. *li-*
gium, *non ligium*, *mascu-*
linum, *mixtum*, 739. *obla-*
tum, 838. *oppignoratam*,
 739. *pecuniæ*, *soldatæ*, 740
Fideicommissum, *familia*,
 (*Vvolſi Inſtit. J. N. & G.*)
particulare, universale, 941.
in imperio delato, 988
Fidejussio, 569. & seqq. 660.
 758. *sub conditione*, *in*
diem, 571. *per epistolam*,
 578. *pro facto alieno*,
 576. *pro gente*, 1149. *in-*
definite facta, 579. *pro*
invito, 570. *jurata per mi-*
nistrum, 578. *pro præsen-*
te & patiente, 570. *in*
scripturam redacta, 578.
pura, 571
Fidejussor, 569. & seqq. 758.
 760. *indemnitate*, *inde-*
mnitate fidejussoris, 575.
succedaneus seu subalter-
nus seu vicarius, 574
Fidelitas feudalalis, 735
Fides, 389. *bona ad præ-*
scriptionem necessaria, 464.
expressa, 1154. *de pretio*
habita, 597. *rebellibus*,
hosti, *prædoni*, *latroni ser-*
vanda, 1235. *fidem ad-*
stringere, *dare*, 389. *falle-*
re, 389. 442. *juratam*,
 446. *emtoris sequi*, 597
Fiducia in Deo, 173
Finis societatis, 836. *civita-*
tis, 972. *domus*, 965. *nul-*
lo fine fieri, 360
Fiscus, 1039
Fœdera, 1141. 1142. 1144.
 1147. *æqualia*, *inæqualia*
ex parte digniori, *minus*
digna, *cum vel sine immi-*
nutione imperii, 1144. *ami-*
citæ, 1143. *belli offensiva*,
defensiva, 1180. *neutrali-*
tatis, 1181. *priora*, 1142.
personalia, *realia*, 1146.
rumpere, *vid. Ruptura*.
 Ll Fa-

- Fœminarum captivitas*, 1164.
 1193. *testimonium*, 779.
successio in regna, 1011.
 1013.
Fœtus nauticum, quasi *nauticum*, 680.
Factura, *fœtus*, 233. 827.
Fornicatio, 854.
Fortuna, 130. *liberorum*, 892.
Fraus, *confilii*, *eventus*, 286. 604. 667. *fraus legi*, vel *pacti facta*, 812.
Fructuarius, 713.
Fructus consumti, *extantes*, *industriales*, *naturales*, *pendentes*, *percipiendi*, 214. *percepti*, 224. 234. *ex feudo*, 742. *operatum*, 226. *per pacem restituendi*, 1224. *rerum*, 228. 229. 232. *usufructu finit*, 715.
Fundus liber, *optimus*, *servus*, 709. *vi fluminis imminutus*, 244.
Fur, 263. 267. 268. 269.
Furtum, *manifestum*, *non manifestum*, 263. 264. *possessionis*, 263. *usus*, 263. 264. 522. 539.
- G
- G** *Ehale*, (de moneta), 534.
Generis humani conservatio, 854. *generis pecuniae mutuum*, 53.
Gens, 974. *barbara*, *culta*, *docta*, *inculta*, *iusta*, 1096. 1907. *potens*, 1102. *tributaria*, 1147.
Gestio pro herede, 916.
Gewicht (de moneta), 53.
- Gloria*, 127. 1096. *gloriz divinæ illustratio*, 161. *obsecratio*, 165. *gentis*, 1096. 1097. 1109.
Grada cognationis in linea recta, 879. *superioris & inferioris ordinis*, 880. *in linea obliqua*, 882. *familia*, 881.
Gratiarum actio, 174. 474. *Deo debita*, 174. *mortuis*, 822.
Gratitudo, 474. 476. *liberorum*, 894.
Gratuitum, 470.
Gravamina, 1157.
Guaranda, *guarantia*, *generalis*, *specialis*, 1149.
Guarandus, 1149.
- H
- H** *Abilis ad officium publicum*, 1062.
Habitatio, 723. *advenis*, 312. *exulibus concedenda*, 1106.
Habitator, 723.
Habitus, 106.
Hereditas, 916. 918. *eius aditio*, 916. 920. *delatio in linea recta*, 923. *in linea obliqua*, 933. *si deficiat heres*, 934. *repudiatio*, *vid. Repudiatio*, *susceptio*, 916.
Heres, 916. 919. *defuncti in alieno territorio*, 1138. *ab intestato*, 931. 933. 936. *suus*, 221.
Herba emissaria, 240.
Heterogenea, 493.
Herus, *hera*, 960. 962.
 Ho-

- Homicidium* ; culpofum, do-
 lofum, 141. 156
Homonymia , 803
Honestum , honestus, 49
Honorarium ; 525. depofita-
 rii 540. tutori dandum ,
 906.
Honor ; 125. 128. civilis ,
 1041. 1601. Dei , 172. hu-
 manitatis , 823. legatorum ,
 1241. mortuorum , 822
Hora fufcivæ fervi , 954
Hospitia militum perfonalia ,
 1057. 1176.
Hoftes ; 1184. tempore pu-
 blicationis belli in terri-
 torio verfantes , 1197. in
 territorio pacato , 1196
Hoftilitates ; 1191. privatae ,
 1210. 1211.
Humare mortuos , 824
Hymni , 176
Hyperochæ , 697
Hypocryfis , 167
Hypotheca ; 697. conventio-
 nalis , 704. 705. genera-
 lis , fpecialis , 704. folutio ,
 707.
- I
- Infatio rei fuæ* ; 204
 208.
Infaturationem fuam facere , 269
Idololatria , 181. gentis num
 cauffa belli , 1173
Id , quod intereft , 415. 416.
 vid. *Interesse* .
Ignominia , 154. 1011
Ignorantia ; 31. fimplex , com-
 pofita , 33. circa folutum
 pretium rei emtæ , 602
Ignoscere , 157
Illicitum ; 49. 72. per leges
- civiles , 1059. 1071. per pæ-
 ctum , 667
Illustratio gratiæ diviniæ , 161
Imbrevisatura , 775
Immissio in poffeffionem ; 322
Immutatio rei , 256. feuda-
 lis , 743. rei ex libellario
 contractu , 734. locatæ ,
 636.
Impartialis ; 768
Impedimentum inevitabile ,
 infuperabile , 418
Impenfa ; 279. in bellum ju-
 ftum , 1190. in rem com-
 modatam , 526. impenfas
 deducere , 284. in rem de-
 pofitam , 542. 550. in rem
 locatam , 636. in negotium
 mandatum , 537. mixtæ ,
 neceffariæ , 279. negotiorum
 geftoris , 690. in pignus ,
 703. in rem fequeftratam
 fructuofam , 550. impenfas
 tollere , 282. tutelæ cauf-
 fa , 907. voluptuariæ ,
 earumque prædominium ,
 279. ad ufuarium perti-
 nentes , 721. ab ufufu-
 ctuario factæ , 717. uti-
 les , 279
Imperare , 833
Imperium ; 833. 834. 838.
 abfolutum , 983. 984. civi-
 le , 979. 980. in domo , 966.
 in familias fegrege , 1126.
 gentium , feu univerfale ,
 1090. herile , 955. 1205.
 limitatum , 983. marita-
 le , 870. patrimoniale ,
 986. plenum , minus ple-
 num , precarium , 983. in
 focietate , 838. fummum ,
 981. 984. temporarium , 983.

- in territorio, 1125. vicariorum regni, 1005. in vi-
 ctos, 1205. usufructua-
 rium, 986
imperfectio, 10. appetitus &
 facultatis averlandi, 109
Impietas, 167
Impletio modi, 404
Impotentia utendi, 20
Improvidentia, 21
Imprudencia, 21
Impudicitia, 862
Imputatio, 3. 4. 5. 6. 17.
 20. 26. 34. 60. 557. inju-
 riæ a cive gentis unius,
 alterius civi factæ, 1133.
 factorum a parentibus &
 liberis, 873. moræ, 418
Indificatio, 237
Inequalitas in contractibus
 onerosis, 580. 581. homi-
 num, 70. in permutatio-
 ne, 584
Incarceratio delinquentis,
 testis, 1033
Incendia, 1035
Incogitantia, 21
Incola, 974
Inconsiderantia, 21
Inculpatus, 1032
Incuria, 21
Indebitum, 693
Indecorum, 54
Indemnitas in contractibus
 beneficiis, 1154. cura-
 toris, 907. in mandato,
 557. 565. 566. tutoris,
 907.
Indigenæ, Indigenatus, 1020
Inducie, 1211. 1217. particu-
 lares, universales, 1211
Insania, 148. 1048
Infelicitas, 118
Infendatio rerum, 736. 740.
 imperii, 987
Inhabilitas tutorum, 901
Ingenium, 354
Ingratitudo, ingratus, 474
Inimicus, 137
Iniquitas, 86
Iniquum, 83
Injuria, 87. 88. 89. civis in
 civem alienum, 1133.
 gentis per contemptum re-
 ctoris civitatis, 1120. pri-
 vata, 1029. specialiter di-
 cta, realis, verbalis, 143.
 144.
Injustitia, 85. 86
Injustum, 83
Inobediens, 885
Inquilinus, 620
Inquisitio, inquisitus, 1031
Infitor, 662. 663. infitorio
 nomine agere, 662
Institutio heredis, 935
Instrumentum, originale, 775
Insula ab agro facta, 247.
 in mari vel flumine na-
 ta, 250
Intellectus, 108
Intentio, 23. directa, indi-
 recta, mediata, imme-
 diata, 23
Interesse, 415. 416. adjecto
 præstandum, 661. in con-
 tractibus, 560. in emtio-
 ne venditione, 594. in si-
 dejussione pro facto alte-
 rius, 567. in operarum, 623.
 rei vitiosæ locatione, 637.
 in mandato, 557. 566. 568.
 moræ, 419. 616. propter
 rei promissæ interitum, 420.
 propter promissionem non
 impletam, 416
In-

Interitus debiti, 820. rei, 243. mutuatæ, 537. oppignoratæ, 707. promissæ, 420. speciei, 243
Interpellatio, 752. Dei, 175 debitoris, 752
Interpretatio, 794. & seqq. ex antecedentibus & consequentibus, 805. authentica, 1044. extensiva, 811. 812. juramenti, 370. latior, 808. legum civilium, 1073. ex motivis voluntatis, 806. pacis, 1222. & seqq. pacti, 796. & seqq. restæ, 797. regulæ generales, 810. restrictiva, 813. strictior, 809. ex verbis cum relatione ad alia sumtis, 807
Interregnum, 1005
Introductio dominiorum, 194 304. 310.
Invasio, 263. 265
Invasor, 263. 265. & seqq. invasor imperii, 1083. 1084. 1220.
Inventarium, 902. 919
Inventionis premium, 285
Invocatio Numinis, 175
Inviolabilitas legati, 1243. 1244.
Inundatio agri, vid. *Jus inundationis*.
Focus, 677
Ire, iter, 712. subita quando reditus, 1212
Judices, 1028. 1029. 1030. 1060. 1132.
Judicium de se & statu suo, 129. judicia sinistra de aliis, 147
Juramentum, 361. & seqq. 446. ejus delatio, 783. recu-

satio, relatio, 784. 785. remissio, 786. in animam alterius, 373. assertorium, litis decisorium, 782. fidejussoris, 578. necessarium, promissorium, purgatorium, 782. scriptum, 372. suppletorium, 782. temerarium, 367. testium, 778. voluntarium, 782
Jurandi formula, 364
Jus, 46. absentis, 844. abolendi, 1055. abrogandi leges civiles, 1045. accrescendi heredum & legatariorum, 939. acquirendi jus perfectum ab alio, 97. 1089. acquisitum, 100. in actiones alterius, 76. ad ædium extractionem, 116. æqualitatis, 1120. aggratiandi, 1054. alienandi, 257. 714. feudum, 748. alluvionis, 251. & seqq. antichreticum, 1150. in arborem vicini, 241. aræ fodiendæ, 712. avulsionis, 245
 — belli, 98. in bello injusto, 1189. injusto, 1190. 1192. in causa dubia, 790. & seqq. 1158. in civitate, 1066. gentium naturale, 1089. voluntarium, 1215. pactitium, 447. propter possessionem, 790
 — calcis coquendæ, 712. censiticum, 733. ad cibum, 114. civitatis, 1010. civium universorum in singulos, 975. & seqq. collectandi, 1058. comitiorum, 1000. commorandi in alieno terri-

- torio, 312. 1131. 1181.
 comparandi sibi res æquo
 pretio, 307. 1098. 1181.
 commune ad actus, 189.
 commorandi, habitandi,
 transeundi, 190. ex com-
 munionē primæva resi-
 duum, 300. & seqq. con-
 natum, 74. 95. conferen-
 di jus ad actum vi domi-
 nii licitum, 150. dignita-
 tes civiles, 1061. 1062.
 officia publica, 1060. con-
 stituendi alteri genti jus
 in territorio suo, 1135.
 consules constituendi, 1118.
 contra jus fieri, 83. con-
 tributiones militares exi-
 gendi, 1200. controver-
 siam in ecclesia provision-
 aliter decidendi, 1064.
 item de successione in re-
 gno, 1016. controversum,
 762. convocandi comitia,
 1000.
Jus dandi rem, 258. defen-
 dendum alios, 151. se, 90.
 gentibus competens, 1089.
 res suas, 268. in republi-
 ca, 1029. pudicitiam &
 virginitatem, 862. de-
 struendi res, 184. dimit-
 tendi ab officio publico,
 1060. dispensandi circa le-
 ges, 1046. domini in fer-
 rum, 951. & seqq. do-
 nandi, 477
 — eligendi regem, 1006.
 emigrandi, 1107. eminens,
 1065.
 — futurum, 589
 — gentium, consuetudina-
 rium, 1092. internum, seu
 necessarium, seu naturale,
 1088. 1089. pactitium,
 1091. consuetudinarium &
 pactitium quoad legatos,
 1246. voluntarium, 1090.
 gladii, 1048. glandis le-
 genda, 712
 — hereditarium, 916. 917.
 heri, 960. 961. in ho-
 stium personas, 1192. &
 seqq. 1206.
 — immutandi leges civiles,
 1045. fundamentales, 984.
 societatis, 846. rem, 256.
 imperfectum, 80. incolatus,
 indigenatus, 1010.
 infantes exponendi, occi-
 dendum, 886. infinitum,
 94. innoxie utilitatis, 311.
 intercedendi pro subditis
 alienis, 1121. interpre-
 tandi leges civiles, 1044.
 inundationis, 249. juvan-
 di alios in exercitio juris
 puniendi, 151
 — lapides cædendi, 712.
 leges ferendi, vid. *Potes-
 tas legislatoria*, legatos
 mittendi, 1236. 1238. 1239.
 legati quoad actus priva-
 tos, 1243. libellarium, 732.
 liberorum ex concubitu il-
 licito natorum, 945. li-
 gnandi, 712
Jus majestaticum, 998. 1042.
 & seqq. ad medicamenta,
 114. meræ facultatis, 1100.
 militare, 1178. militem
 conscribendi, 1174. mo-
 narchæ, 1002. monetam
 cudendi, 1039
 — naturæ, 39. 56. homi-
 num & brutorum commu-
 ne,

ne, 56. natura datum, 81.
 necessitatis, 308. & seqq.
 non patiendi, ut impe-
 diamur, 50. 1069. ut gens
 se regimini imisceat, 1121.
 nondum natorum, 827
 — obligandi sibi alterum
 perfectio, 97. genti com-
 petens, 1089. obligandi li-
 beros, 389. servum, 951.
 in obfides, 1151. 1152.
 officia humanitatis peten-
 di, 82. 1108. onera im-
 ponendi, 1057. 1114
 — pacem pangendi, 1220.
 paciscendi cum gentibus,
 1067. parentum in libe-
 ros, 887. pascendi, pe-
 damenta sumendi, 712.
 perdendi rem, 255. 269
 in peregrinos in territo-
 rio, 1131. circa perfectio-
 nem animæ, 107. 111.
 perfectum, 80. persona-
 le, 400. pignoris, 697.
 possessionis, 287. & seqq.
 299. 334. possidendi, 200.
 potentiam augendi, 1102.
 potestatum minorum, 1155.
 ad potum, 114. prælatio-
 nis inter plures credito-
 res, 701. 758. privilegia
 dandi, 1047. prohibendi
 commercia, 1111. pro-
 prium, 101. 102. 194. 195.
 hominum proprium, quo-
 rumdam aut unius, 56.
 proponendi in comitiis,
 1000. protimiseos, 611.
 puniendi, 93. in republica,
 1048. delicta, 1029. 1030.
 exploratores, 1208. fu-
 rem, 267. gentium, 1089.

1160. liberos, 389. per-
 cussores, 1209. servum,
 951. societati competens,
 846.

Jus quæsitum, 340. ex
 foedere, 1147. ex pro-
 videntia majorum, 831.
 1115.

— ramos aridos colligen-
 di, 712. rectoris civita-
 tis, 892. regis electi,
 1007. regis in regnis le-
 gitimis, 1005. reluendi,
 699. ad rem, perfectum,
 imperfectum, 335. in re,
 334. in re sua constitu-
 tum, 260. in rem quæ usu
 consumitur, 187. rem in
 futurum usum asservandi,
 185. removendi ab offi-
 cio, 1063. representatio-
 nis, 921. 923. 926. in
 successione in regnum,
 1011. repressaliarum, 1163.
 resistendi impedire conan-
 ti, 50. superiori, 1079.
 1080. genti, 1102. 1121.
 retractus, conventionale,
 legale, 611

— sacrorum, seu circa
 sacra, 1064. secundum jus
 fieri, 83. securitatis, 89.
 sepulturæ, 824. specifi-
 candi, 256. stapulæ,
 1117. succedendi liberorum
 & parentum, 924. 926.
 cognatorum collateralium,
 930. 933. in regno 1011.
 1013. & seqq. superficiei,
 seu superficium, 734.
 supplicandi, 1080. su-
 spendendi ab officio,
 1063.

— tallionis, 156. 1160. in
territorio & in territo-
rium, 1136. transitus per
territorium alienum, 312.
1131. cum copiis, 1181.
1182. ad transactionem
adigendi, 767. 790. 1158.
transmissibile, non trans-
missibile, 819. 821. 828.
tutoris, 908
Jus venandi, 712. venden-
di rem apud aliam gen-
tem, 1098. 1112. ad ve-
stimenta, 115. vicariorum
regni, 1005. rem suam
vindictandi, 262. 264. vi-
res hostium diminuendi,
1193. vitæ & necis, 1048.
universale, 68. 69. uten-
di, fruendi, 198
Julitia, universalis, parti-
cularis, 85. 86. in Rep.
administranda, 1028
Justum, 83

K

K Orn, (de moneta) 534
Kuckus, 683

L

L Abor, 124
Lacus, 253
Lætio, 88. 89. 97. 143. 1072.
præcavenda, 91. 92. gen-
tium, 1121. subditorum
alienorum, 1134
Lagium, 615
Laudemium, 728
Laudum, 770. 772
Laus, 125. 128. divina, 172

mortuorum, 822
Legata, 929. 931. 935. 939.
943.
Legatarius, 929
Legati, 1236. 1240. assi-
dui, 1239
Lex, divina, humana, na-
turalis, positiva, 39. ci-
viles, 1041. 1068. & seqq.
civ. permissivæ, 1069. ci-
viles in civitate maxima,
1090. lex commissoria in
genere, & in specie in
emtionem, 609. in delatione
imperii, 1007. 1081. in lo-
catione, conductione, 628.
in pactis commerciorum,
1110. leges domesticæ,
967. fundamentales reipu-
blicæ, 984. 1043. 1044.
1064. 1079. 1107. lex na-
turæ, 40. seqq. 67. 1070.
1045. 1046. decori, 55.
permissiva, permissiva,
præceptiva, prohibitiva,
47. & seqq. legi nat. ad-
versa in republ. 1046. 1069.
lex oblivionis, 1056. lo-
cietatis, 846. successionis
in regno, 1008. suprema
civitatis, 976
Libellus famosus, 149
Liberatio hypothecæ, 699.
a jure naturali, 42. a
jure gentium necessario,
1088. obsidum, 1152.
ab obligatione, 452.
661. 749. & seqq. tutoris
vel curatoris, 907
Liberi legitimi, spurii,
vulgo questiti, 361. li-
berorum successio, 921
Libertas naturalis hominis, 77.
78.

78. 835. gentium, seu civitatum, 977. 980. 1089. civilis populi, 990. societatum, 850
Licentia, 84
Licium, 49. 72. per legem civil. 1069. per pacta, 667.
Linea cognationis, recta ascendens & descendens, obliqua, 876. æqualis, inæqualis, 882
Lis, 762. & seqq. 1072. litis compositio, decisio, 765. 789. a lite gratuito decedere, 763
Litteræ aduvsoriæ, 656. cambiales, 656. credentiales legati, 1245
Litigare, 762
Locatio conductio, rerum, operarum, 620. & seqq. 664. 723.
Locator operarum, rerum, 620. & seqq.
Locus natiuitatis, 1105
Locupletatio ex re aliena, 271
Locupletatiorem fieri, re alterius, ex re alterius, 271
Logice verum loqui, 347
Lotaria, 673. 674. 1021
Lucrum, 414. 560. 646. abruptum, 1112. cessans, 414. certum, incertum, 414. primum, secundarium in ludo, 678
Luctus mortuorum causa, 826. naturalis, voluntarius, 826
Ludus, 677. 1021
Lutio pignoris . hypothecæ, 699
Lusores, 1021
Luxus, 509. nimius, 1021
 (Voolfii Instit. J. N. & G.)

M*acula ex illegitimo concubitu natorum*, 873
Magister navis, 665
Magistratus, 1060
Majestas, 998
Majores, 832
Maleficium, 1030
Malitia intrinseca actionum, 14. 15.
Malum, 12
Mandans, 551
Mandatarius, 551. & seqq. quod occasione mandati eidem obvenit, 556
Mandatum, 551. & seqq. 664. ejus adimpletio ex bono & æquo, 552. in forma specifica, per æquipollens, 564. mandatum arcanum, generale, cum libera, sine libera, manifestum, 552. 553. speciale, 552. tacitum, 555. turpis facti, 563
Manifestum, 1187
Manumissio, 958
Maritus, 858
Mastupratio, 854
Materfamilias, 964. 969
Materia durabilis pecunia, 501.
Matrimonium, 856. & seqq. inter collaterales, 946. inter parentes & liberos, 895. matrimonii indissolubilit. 944
Mediatio, 768
Mediator, 768. 769
Medicamenta, 114. eorum cura in civitate, 1034
Medii in bello, 1181
Melioratio feudi, 743. rei, 279
 LI 5 Mem-

- Memoria societatis*, 836
Mendacium, *mentiri*, 351
 352.
Mendicitas, 487. 488. 489.
 504. 513. 1021. 1022. tem-
 poraria, 487
Mercas, 500. 524. æqua
 627. in assecuratione, 679.
 in commodato, 524. in de-
 posito & sequestro, 540
 550. in locatione, 626
 627. 630. in socida, 638
Mercetrix, 854
Meritum, 80. *meritum pœ-*
næ, 153
Merx, 587. 681. *vid. Com-*
mercia.
Metalla, 714
Metas ex vicina potentia,
 1172.
Militer, *milites*, *conducti-*
tii, 1174
Mineralia, 714
Minister, *acceptandi*, 426.
 432. *obligationis contra-*
hende, 426. 432. *promit-*
tendi, 429. 430
Miser, 492
Misericordia, 492
Missilia, 685
Missionarii, 1122
Moderamen defensionis, 158
Modus acquirendi dominium,
 295. *derivativus*, 313. *re-*
rum universitatis, 1128.
originarius, 210. 448. *jus*
perfectum, 95. *possessio-*
nem, 294. 320. *dominium*
utile, 724
Modus conferendi in societa-
te negotiatoria, 644. *com-*
ponendi gravamina & con-
troversias gentium, 1157.
 1159. *computandi gradus*
cognitionis, 882. *consti-*
tuendi feudum, 739
 — *deceraendi in societate*,
 841. 842. *disponendi de*
imperii translatione, 982
 — *finiendi lites in statu*
naturali, 762
 — *habendi imperium*, 986
 — *instituendi heredem*,
 935.
 — *obligandi se alteri per-*
fecte, 380. 381. *obligan-*
di sibi alterum, 97
 — *pangendi pacem*, 1221.
 1222. *pangendi foedera*
commerciorum, 1110. *pri-*
vilegia dandi, 1047. *pu-*
blicationis belli, 1186.
propagandi genus huma-
num, 855
Modus relinquendi legata,
 935.
 — *succedendi ab intesta-*
to, 933. *hereditarius in*
regno, 1011
 — *testamentum faciendi*,
 932. 935. 936.
 — *tradendi rem*, 322
 — *transferendi dominium*,
jus quoddam, 314
Monarchia, 991. 1002
Moneta, 502. *moneta proba,*
reproba, 534. *monetæ bo-*
nitas intrinseca, extrinse-
ca, 534. *cura circa eam in*
Rep. 1036. 1059
Monogamia, 857
Monopolia gentium, 1112
Mora, in mora esse, 417. &
seqq. 541. 753.
Moraliter, *falsum loqui*, 348.
invincibile, vincibile, 17.
 ne.

necessarium, possibile, im-
possibile, 37. m. verum

loqui, 347

Morbus, 113

Morgengaba, 915

Mortis causa capio, 484. do-
natio, 479. mortis effectus
quoad jura & obligatio-
nes, 818

Mortuum, 35

Munera publica, 1057. spon-
salitia, 865

Mutatio capitulationis recto-
ris civit. 989. debiti, 758.
domicilii, 1103. legum ci-
viliū, 1045. fundamen-
talium, 984. rei condu-
ctæ, 636. testamenti, 927

Mutans, 528

Mutuatarius, 528

Mutuum, 528. & seqq. rei
alienæ, 529

Mutuum adjutorium, 848.
869.

N

Nati ex ancilla, 959

Naturalia feudi, 737

Nauta, 666

Negligentia, 21

Negotiatio questuaria, 662

Negotium bilaterale, unila-
terale, 775. negotium ge-
rere alicujus causa, 560

Negotiorum gestio, 690

Neutralitas, 1181

Nexus feudalis, 747

Nondum nati; 827. & seqq.

Nosocomia, 1022

Novatio, 758. 759

Nummularius, 655

Nuptia secunda, 871

O

Obedientia, 168. 835.

Deo præstanda, 168.
liberorum, 889. servorum,
956. subditorum, 1079.
1086.

Oblatio conditionis, 753. de-
biti, realis, realis nuda,
solemnis, verbalis, 753

Obligatio activa, 35. acce-
ssoria, 569. communis, 101.
connata, 74. contracta,
100. derivativa, 62. for-
tior, 65. hominum mutua,
44. imperfecta, 80. natu-
ralis, 36. 38. passiva, 37.
perfecta, 80. personalis,
402. primitiva, 62. princi-
palis, 569. propria, 101.
realis, 402. universalis,
68. 69. voluntaria, 377.
378. obligationem tollere,
135. 749.

—admittendi legatos, 1238
excipiendi & tractandi le-
gatos, 1241. excipiendi mi-
lites hospitio personali,
1176. feudalis, 747. ex fœ-
dere, 1147. heredis pro
debitis defuncti, 820. re-
gis, 1012. 1147. jurantis,
368. ex lege permissiva,
1069. minoris partis socio-
rum per majorem, 843. in
civitate, 978. ex quasi con-
tractu, 687. recipiendi con-
sules, 1118. singulorum &
universorum in civitate,
975. 836.

Obscuratio gloria divina,
165. 166.

Obsides, 1151. 1152

Ll 6 Ob-

- Obtentus*, 349
Obtestatio, 374
Obtrectator, 150
Occupatio, 210. 212. & seqq.
 hereditatis, 934. territo-
 rii, 1127. 1136. bellica,
 1204. 1211.
Odium, 155
Oeconomia, conjugum, 866
Offensa, *offensio*, 154. 157
Officia, 57. 103. erga alios,
 57. 59. 73. erga Deum,
 57. 160. 177. erga mor-
 tuos, 822. erga posteros,
 832. erga seipsum, 57. 103.
 erga se & alios eadem,
 130. humanitatis, 61. 73.
 79. humanitati debita,
 869. in domo exercenda,
 971. famuli, 961. gentium,
 1088. 1123. generale gen-
 tium erga se invicem,
 1108. conjugum mutua,
 869. liberorum erga pa-
 rentes, 894. 911. paren-
 tum erga liberos, 890. &
 seqq. 911. mutua inter Re-
 ctorem civitatis & subdi-
 tos, 1024. 1085. servis de-
 bita, 952
Officium publicum, 1060
Olla fortuna, 674. 1021
Opera matrimonii, 868. onus
 promissioni adjectam, 409.
 435. Reip. ordinaria, ex-
 traordinaria, 1037. 1057.
 1114. rei feudalisi, 743. in
 usufructu obvia, 717
Opera eadem pluribus loca-
 ta, 630. operæ serviles,
 953. usufructuarii, 717.
 operarum communicatio,
 327.
Operationes bellica, 1183.
 1191.
Optignoratio, 697. 698. 700.
 701. bonorum gentis pro
 debitis civitatis, 1162.
 bonorum mariti pro do-
 te uxoris, 913. bonorum
 sponsoris, 1156. tutoris
 pupillo facta, 904. do-
 maniorum, 1040. inter
 gentes, 1150. naturalis,
 705. necessaria, 792. rei
 alienæ, 700. rerum uni-
 versitatis, 1129
Optimates, 992
Opulentus, 486
Oratio, 175
Organa corporis humani sen-
 soria, externa, interna,
 motoria, vitalia, 112.
 141.
Ornamentum, 117
Orphanotrophia, 1022
Ortus civitatis, 972. im-
 perii, 838

P

P *Adiones*, 438. gentium,
 1141. de reditendis ca-
 ptivis, 1194
Pactum, 483. 816. 817.
 pacta donationi, 734.
 478. emptioni venditio-
 ni, 605. 734. locatio-
 ni conductioni adjecta,
 628. relocationi adjecta,
 631. ex intervallo ad-
 jecta, 608. quatenus le-
 gi assimilatur, 816. ex-
 pressum, tacitum, 439.
 temporarium, æternum,
 440. juratum, 446. an-
 ti.

- tichresticum inter gentes, 1150. commerciorum, 1110.
 1111. pacta dotalia, 913.
 guarandigiatum, 1149. cum
 invasore regni, 1084. 1220.
 liberatorium, 755. de non
 petendo, 755. de redimen-
 do, 612. resolutivum ex
 nunc & ex tunc, 610. de
 retrahendo, 611. de retro
 vendendo, seu retrovendi-
 tionis, 6. 2. in scripturam
 redactum, 445. successo-
 rium, 942
Paderastia, 854
Parere, 835
Parentes, 880. parentes in
 liberis punire, 1053. pa-
 rentum jus in liberos, 887
Partes imperii potentiales,
 983. subiectivæ, 1010
Pars metallica, 684
Partium studiosus, partia-
 lis, 768
Paterfamilias, 964. 969
Patria, 1105
Patrimonium, amplum, te-
 nue, 207. 208. quomodo
 æstimandum, 503. dilapi-
 dare, 208
Paupertas, 487. 504. 513
Pax, 99. 1217. 1227. 1228.
 1129. pacis factio, 1220.
 & seqq.
Peccatum commissionis,
 omissionis, 58
Pecudes ferreae, 638
Peculium servi, 954
Pecunia, 494. 501. 507. &
 seqq. 527. 740. allodialis,
 feudalis, 740. foenebris,
 650. pecuniæ mutuum, 533.
 535. 536. nautica, quasi
 nautica trajectitia, quasi
 trajectitia, 680. numera-
 ta, 503. subsidiaria, 1179
 usuraria, 650
Pejoratio, 371. 376
Pellex, Pellicatus, 860
Pensio, 620
Perceptio fructuum inchoata,
 consummata, 224
Percussores in bello, 1209
Perduellio, 1082
Peregrini, 974. in civitatem
 recipiendi, 2020. in alie-
 no territorio commoran-
 tes, 1125. 1181. 1132.
 1137. delinquentes, 1132.
 tempore publicationis belli
 in eo versantes, 1197
Perfectio in genere, 9. ac-
 cidentalis, essentialis, 11.
 alterius, 140. animæ, 106.
 hominis, 112. intellectus,
 108. voluntatis & nolan-
 tatis, 109. corporis, 112.
 gentis, 1094. 1095. sta-
 tus gentis, 1094. societa-
 tis, 851
Perfidia, 390
Periculum debiti oblato,
 753. fructuum in feudo,
 742. in re commodata,
 item deposita remittenda,
 547. rei emtæ, 613. 614.
 615. in mandato, 562.
 567. in socida, 638. vi-
 tæ, 131
Perjurium, 371
Permutatio, 582. & seqq. rei
 alienæ, 585
Persona certa, 325. mora-
 lis, 96. 850
Personale, 400
Pictura, 239
 Pie.

- Pietas*, 167. rectoris civita-
tis, 1077
Pignus, 697. conventiona-
le 704. 705. pignoris ca-
pio; 792. pignoris solu-
tio, 707
Plagium, 1175. 1177
Plantatio, 238
Plumbatura, 236
Pæna, 93. ejus condona-
tio, 157. emendatrix,
exemplaris, 93. legibus
civilibus addita, 1043.
1048. 1049. promissioni
adjuncta, 410. 758. 709.
genera, 1048. capitalis,
1048. parentum, libero-
rum, conjugum ob facta
mutua, 873. 1053
Penitentia in emtione, ven-
dictione, 606. 607. pro-
missis, 427. in tractati-
bus, 769
Pollicitatio, pollicitator, 382.
885. 389. 390.
Poligamia, 857. successiva,
871
Ponderatio votorum, 483
Populus, 974
Portus, 1116
Possessio, 200. 320. 348.
291. 791. absentis, 292.
amissa, 105. clandestina,
furtiva, violenta, 290.
immemorialis, 1139. ju-
sta, injusta, 456 rerum
mobiliū & incorpora-
lium, 293. titulata,
295. possessionis defensio
289.
Possessor, 200. bonæ & ma-
læ fidei, 101. 230. 272.
& seqq. rei alienæ, 229
Posteri, 832. tui, ibid.
Posthumus, 731
Postliminium, 1214. 1216
Potestas, 833. civilis, 979.
1078. dominica, 947.
951. 955. eminens, 1065.
legislatoria in societate,
846. in Rep. 1043. ma-
ritalis, 870. patria, 888
910. 911. summa, minor,
1140. in potestate nostra
esse, 60. 100
Præcedentia, 75. civilis,
1041. 1061. gentium,
1089. 1119. sociorum,
840.
Præcipitanti in agendo,
21.
Præda, 1102
Prædium, urbanum, rusti-
cum, dominans, serviens,
709.
Prædo, 263. 267. 268. 269.
1189. 1235.
Præfecti militum, 1178
Prælegata, 938
Premium, certantibus pro-
positum 675. inventionis,
285.
Prænumeratio mercedis, pe-
cuniæ, 694
Præponens, 662
Prærogativa, 71. gentium,
1049. 1119. loci 839.
Præscriptio, 451. 452. 463.
464. 1100. 1101. inter gen-
tes, 1139. juris commer-
ciorum, 1101. juris meræ
facultatis, 1100
Præsentans in cambio, 656
Præstatio, 328. mutua, 442.
transitoria, 1141
Præsumptio, 27. 30. 453.
781.

781. absoluta, conditio-
nalis, hominis, juris, ju-
ris & de jure, 453. con-
fensus ex silentio, 459.
derelictionis, 450. 458.
460. & seqq. ex silentio
gentis, 1139. in negotiis
humanis, & pactis, 449.
pro possessore, 455. pro
protocollo, 775. in suc-
cessionem regni dubia, 1008.
pro teste jurato, 778
- Præteritio* collateralium,
930. liberorum in testa-
mento, 931
- Prætextus*, 349. 350. 359
- Precarium*, 333
- Preces*, 175
- Pretium* rerum & opera-
rum, 493. 498. 1011.
redemptionis captivorum,
1213. rei in emptione spei,
684. in libellario contra-
ctu, 732. rerum immobili-
um, 1057. rei venditæ,
600. & seqq. rei emtæ per
lotariam attribuendæ, 673.
schedularum in olla for-
tunæ, 674. æquum, 499.
in commerciis, 1112. de-
rivativum, 497. eminens,
495. 587. iniquum, 499.
primitivum, 497. in sen-
su strictiori, 500. taxatio-
nis, venditionis gratia ad-
jectum, 659. vulgare, 493.
495.
- Principium Juris natura*,
42.
- Privilegiarius* seu privilegia-
tus, 1047
- Privilegium*, 1047. com-
merciorum, 1115. fami-
- liæ 1047. immunitatis ab
hospitio militum persona-
li, 1176
- Probatio* per bacilla fissa,
777. per instrumenta, 775.
per juramentum, 781. per
testes, 778. 779. dominii,
266.
- Procurator*, 551
- Prodigalitas*, 509
- Profanatio* rei sacræ, 1025
- Prolem* agnoscere, 872
- Promissio*, 379. 385. & seqq.
407. absenti facta, 403.
coram tertio, 433. ob
causam ante debitam,
408. conditionata, 393.
398. & seqq. sub certa,
395. impossibili, 392. 411.
potestativa, 396. resoluti-
va, 397. suspensiva, 396.
turpi conditione, 391. sub
pluribus conditionibus,
399. in diem, 393. 395.
398. per epistolam, 428.
431. errantis, 405. sub
facto turpi tertii, 394.
hostibus rebellibus, tu-
multuantibus facta, 1235.
mere liberalis, 425. per
ministrium, 429. & seqq.
onerosa, 425. personalis,
400. pluribus conjunctim
facta, 423. poenalis,
410. pura, 393. 398. rea-
lis, 401. rei alienæ, 412.
ejusdem rei bis facta,
421. rei futuræ, 420. vi
vel metu extorta, 406.
vires nostras transcendens,
411.
- Promissor*, 379. 405. 416.
quid, si promissione se-
mel

mel juvalida stare velit ,
436.
Promissum , pœnale , 410.
servare promissum , 338.
latroni , prædoni , 1235
Promulgatio legis , 67
Propagatio finium imperii ,
1136. religionis , 1122.
scientiarum , artium &
virtutum ad posteros , 832
Proprietarius , *Proprietas* ,
198. restricta , 724. 727
Prorogatio societatis , 647.
termini solutionis , 758.
572.
Protocolum , 775
Providentia parentum circa
educationem liberorum in
casum mortis , 896
Prochotrophia , 1022
Publicatio belli , 1186. 1187.
induciarum , 1211. pa-
cis , 1231
Pudicitia , 862
Pugna , 787
Pupillus , 898. pupilli jus ,
905.
Pulchritudo naturalis , artifi-
cialis , 117
Pulchrum , 117
Punitatio , 775
Purgatio moræ , 418. 758.
reorum , 782

Q

Quantitas canonis em-
phyteutici , 726. cen-
sus , 733. debiti in chiro-
grapho exprimenda , 653.
donationis propter nuptias ,
914. dotis , 913. eleemo-
synarum , 489. fœnoris

nautici , 680. honorarii ,
525. lagii in cambio ma-
nuali , 655. laudemii , 728.
lucris & damni in socie-
tate negotiatoria , 645. mer-
cedis in assecuratione ,
679. mercedis , 627. item
pretii tacite conventi , 598.
moralis , physica rerum ,
493. 496. onerum publico-
rum , 1037. pœnarum ,
93. 1049. reddituum vi-
talitiorum , 682. vectiga-
lium , 1114. usurarum ,
649.

Quasi affinitas , 885. quasi
contractus , 686. & seqq.
quasi emptio , 691. quasi feu-
dum , 740. quasi locatio ,
conductio , 691. quasi ma-
lescium , 1030. quasi mu-
tuum , 691. quasi pactum
inter tutorem & pupil-
lum , 908. quasi possessio ,
298. quasi sine causa ac-
ceptum , 695. quasi usus ,
722. quasi usufructus ,
719. & seqq.

Quittance , 654

R

Rapina , 263. 267
Ratihabitio , 29. 31.
mutationis rei alienæ ,
519. quod per mandatum
arcanum actum , 553.
pro quo sponfor sponpon-
dit , 1156
Ratio . 493
Rationes belli iustificæ , quasi
iustificæ , suasoriæ , 1171.
ratio legum civilium , 1073
Ratio -

- Rationem reddere*, negotii
 gesti, 559. administratio-
 nis tutelæ, 390
Reatus, 153
Rebellio, 1232
*Receptio legum peregrina-
 rum*, 1068. peregrinorum,
 1020.
Restitutio actionum, 16. 52.
 53.
Reitor civitatis, 982. 1076.
 1077.
Rectum, 52
Recuperatio possessionis,
 289.
Recusatio juramenti, vid.
Juramentum.
Redemptor, 620
Redemptio captivorum, 1194.
 1213. obsidum, 1152
Reditus, annui, statim, va-
 riabiles, 507. 682. vitali-
 tii, fructuarii, pecuniarii,
 682. kuckuum, 683
Reflexio, 108
Refutatio feudi, 748
Regimen, bonum malum,
 1075. regimini gentis se
 immiscere, 1121
Regnum, 994. asymmetricum,
 1002. electivum, 1005.
 1007. herile, 997. Laco-
 nicum, 1003. legitimum,
 1004. patrimoniale perfe-
 cte, imperfecte tale, 1009.
 successorium, 1008. si com-
 mittatur, 1081
Religio, 1024. apud gentes
 alias propaganda, 1122.
 religionis cura in civitate,
 1024. diversitas inter gen-
 tes non attendenda, 1148
 1123. 1153.
Relocatio, expressa, tacita,
 631.
Remissa in cambio, 656
Remissio census, 733. debiti
 337. 766. felonix, 747.
 gravaminum gentis, 1157.
 juramenti, vid. *Juramen-
 tum*, juris, 337. 342. mer-
 cedis, 633. pensionis, 637.
 pignoris, 707. promissionis
 tertio factæ, 433. 434
Remittens in cambio, 656
Remotio ab officio, 1063
Renovatio pacti, 441. taci-
 ta, ib. contractus emphy-
 teutici, 727
Resentiatio arbitrii, 771. de-
 biti, 766. evictionis præ-
 stationis, 617. juris succe-
 dendi in regno successorio,
 1015. juri suo, 340. 342.
 libertatis naturalis in sub-
 jectione, 835. locationis,
 631. mandati, tempeſtiva,
 intempeſtiva, 568. pacti,
 441. pro nondum natis,
 830. societatis, 648
*Representatio populi in ari-
 stocratia*, 992. in monar-
 chia, 991. in regno, 994.
 representationis jus, vid.
Jus representationis.
Repressalia, 1163. 1165. &
 seqq.
Repudiatio hereditatis, 920.
 939. juris, 339. 342. ju-
 ris ad nondum natos
 transmissibilis, 830. juris
 succedendi in regno, 1015.
 legati, 939
Repudium, 864. 865. 871
Res, 121. alienæ, 199. 277.
 278. 448. 525. 530. 543.
 585.

585. 593. 700. amiffa ,
 220. artificiales, 181. cer-
 tæ, 325. communes, 186
 1128. conjugum, 867. con-
 sumtibilis, 521. quando
 quasi inconsumtibilis, 740.
 corporales, 111. & feqq.
 earum ufucapio, 451. de-
 relicta, 203. 219. dome-
 fticæ, 866. dubiæ in ufu-
 fructu, 714. ecclefiafticæ,
 1026. an fubfint dominio
 eminenti, 1065. emphy-
 teuticæ, 725. extiturarum
 emtio, 590. feudales, 736.
 743. fructuofæ, 218. 550.
 fungibiles, 517. furtivæ,
 264. hoftiles, 1184. 1196.
 & feqq. jactæ, 211. im-
 mobiles, 211. 213. 1199.
 incorporales, 121. & feq.
 206. 214. earum ufuca-
 pio, 451. induftriales,
 121. limitari & defendi
 nefciæ, 303. litigiofæ,
 548. 762. mobiles, 211.
 212. 1198. 1204. 1222.
 fe moventes, 211. 218.
 neceffariæ, 121. 305. 306.
 nullius, 191. 209. 246.
 250. 251. principales,
 242. profanæ, 1025. pu-
 blicæ, 1128. 1130. pure
 naturales, 121. raptæ,
 264. facræ, 1025. an fub-
 jectæ juri eminenti, 1065.
 an eas vaffare liceat, quod
 fuperftitiofæ videntur,
 1195. fingulorum, 191.
 1128. ftériles feu fructuo-
 fæ, 228. fuæ, 195. 206.
 univerfitatis, 1123. 1129.
 voluptuariæ, 121. ufus

inexhausti, 302. in ufum
 futurum affervandæ, 185.
 utiles, 112
Rei vindictio, 261. 448
Reffiffio contractus, 581,
 602.
Refervationes mentales, 355.
 800.
Refignatio, 752
Refpectus personarum, 772
Reipublica, 973. mixta,
 993.
Reftitutio arrhæ, 619. ar-
 rhæ fponfalitæ & mune-
 rum fponfalitiorum, 865.
 quod datum poft difcef-
 fionem a pacto, 443. fru-
 ctuum, 274. & feqq.
 1224. fr. ex re depofita
 vel fequeftrata fructuofa,
 550. impenfarum, 281.
 283. 285. vid. *Impenfe*,
 indebite foluti, 693. rei in
 genere, item in fpecie,
 515. rei alienæ, 261. 530.
 541. 543. & feqq. 593. re-
 rum fungibilium, 527. rei
 mutuatæ, 518. 531. 532.
 537. 538. rei fequeftra-
 tæ, 549. 550. fine cauffa
 vel quafi accepti, 695.
 fpoliati, 288. reftitutione
 per pacem, 1222. 1225.
 pecuniæ mutuatæ, 536.
 quod plus acceptum in
 contrahibus onerofis, 581.
 item per expletionem ju-
 ris, 793. item per repres-
 falias, 1168. quod plus
 minufve in emptione folu-
 tum, 602. pretii emptione
 commiffa, 609. item ob
 vitium rei emtæ, 618

- Retentio pignoris in aliud debitum*, 706. inter gentes, 1150. possessionis, 291. 293.
Retentio, 351. 352
Retorsio juris, 1161
Reverentia erga Deum, 172. filialis, 894
Revocatio commerciorum juris, 1110. delegationis, 759. dominiorum, 1040. donationis ob ingratitudinem, 476. donationis mortis causa, 479. 481. donationis remuneratoriæ, 482. feudi, 748. mandati, 565. privilegii, 1047. promissi, 427. 428. 432. & seqq. testamenti, 917
Reus, 774. convictus, 778. debendi, 424. promittendi, 424
Rex, 994. electus, 1007. quomodo privatus fiat, 1081. per eum captivum pax facta, 1270
Rogare, 551
Ruptura induciarum, 1211
foederis, pacis, 1230
- S
- Servire in servum*, 955
Salarium pro officio publico, 1034. tutoris, 906
Salus civitatis, 972. societatis, 837. 847
Salvus conductus, 1033
Sanctitas fidei, foederum, 1153. 1154. legati, 1243. 1244.
Sanctum, 1153
- Sanitas*, 113. subditorum, 1034.
Satio, 238
Scelera in Rep. punienda, 1052. gentis an causa belli iusta, 1173
Schrot (in moneta), 534
Schola, 1024. pauperum, seu piz., 1022
Scortatio, 854
Scriptura, 239. in pactis, 445. in fideiussione, 578
Sectio cadaverum, 825
Securitas, 80. civitatis, 972.
Senatus, 999
Sepultura, 824. 1051
Sequester, 548
Sequestrum, necessarium, voluntarium, 548. & seqq.
Serium, 677
Servitia feudalia, 739
Servitutes rerum, reales, personales, affirmativæ, negativæ, 708. prædiorum rusticorum seu prædiales, item urbanorum, 709. in feudo, 743. servitus altius non tollendi, tollendi, aquæ educendæ, cloacæ habendæ, cloacæ immittendæ, luminum, ne luminibus officiat, oneris ferendi, projiciendi, prospiciendi seu prospectus, ne prospectui officiat, sterquilini habendi, stillicidii avertendi vel recipiendi, non avertendi, tigni immittendi. 712
Servitus, perfecta, imperfecta,

- fecta*, 947. voluntaria, 948. coacta, 950. captivorum in bello, 1194. obsidum, 1151. sponforum, 1156
Servus, 947
Signare pecuniam, 507
Significatus etymologicus, 799. figuratus, 809. proprius, 798. 799. varii gradus, 802
Silentium, vid. *Præsumptio*.
Simulatio, 349. 356. 359
Socida, 636
Societas, 836. & seqq. societates quomodo spectandæ, 850. bonorum, omnium bonorum vel fortunarum seu universalis, generalis, particularis, 641. composita, 839. conjugalis, 855. 856. herilis, 960. illicita, 849. inæqualis, 839. leonina, 640. negotiatoria, 639. 640. 647. patria, 909. scientiarum, 1024. simplex, 963
Socius, 836. ejus exclusio ex societate, 853. testimonium in causâ socii, 779. socii in bello, 1228. in societate negotiatoria, 639. ejus exclusio e societate, 648.
Sodomia, 854
Solarium, 734
in Solidum teneri, 422
Solvendo esse, 503
Solum, 237
Solutio, 751. canonis emphyteutici, 726. debiti adjecto faciendâ, 661. debiti liquidi, 756. particulâris, 751. pecuniæ, 598. pretii rei emtæ, 596. 602. 609. solarii, 734. indebiti, 692
Sors, in oppositione ad utrasque, 643
Sors, electrix, attributrix, divinatoria, divinatoria, 669. ejus usus in causâ dubia privatorum, 790. gentium, 1157. in debitis illiquidis, 767. circa vota paria, 843
Spatium atmosphæricum, 241. deliberandi in expletionem juris, 793
Species, 227. interitus speciei, 247
Specificatio, 226. 227. 231
Specificatio jurata, 919
Spes debitum iri, 396. 401. spes jus per nativitatem acquisitum iri, 829. lucri & damni, 668. 678
Spolium, 288
Sponsa, *Sponsus*, 864
Sponsalia, 864
Sponsio contractus, 676. 677.
Sponsiones, 1156
Spurius, 861
Stagnum, 253
Status, externus, internus, 8. moralis, naturalis, 96. originarius, adventitius, 102. popularis, 990
Stipendium militum, 1176
Stipes in cognatione, communis, masculinus, femineus, 875
Stolones, 240
Stratagemata, 1203
Stuprum, 854. 872. violentum, 862. 1206
Sub-

Subdit in civitate, 996
Subemphyteusis, *subemphyteu-*
tatio, 731
Subfeudum, 741. 743
Subinfeudatio, *subinfeuda-*
tus, 741
Subiectio liberorum, 910.
gentis, *genti*, 1102. *pere-*
grinorum, 1125. *potentia*
utendi, 192. *reitoris civi-*
tatis & populi mutua, 985
Subiectus, 835
Sublatio impenfarum, *sine*
detrimeto rei, 282. *ob-*
ligationis, 749
Sublocatio, 624
Subscriptio instrumentorum,
775. chartæ blanca, 776.
testamenti, 932
Subsidia in bello, 1179
Substantialia feudi, 737
Substitutio heredis, *vel le-*
garii, 940
Subvassallus, 741
Successio in bona defuncti,
916. in bona regis priva-
ta, 1012. *conjugum*, 943.
in feudo, 743. 747. *ab in-*
testato, 931. 933. *libero-*
rum, 921. 931. *parentum*,
912. in regno dubia, 1008.
in regno patrimoniali,
1009. hereditario, 1011.
linealis, *agnatica*, *cogna-*
tica, 1013. *plures possibi-*
les, 1014
Successor feudalis, 743
Sufficientia vite, 972. 1021.
1022. 842
Suffragium, 842
Summa pecunia mutuo data,
535. 536.
Summitas imperii, 981.

984. 1145.
Superficiarius, 734
Superficies, 237
Superfluum, *item respectu*
rerum, 485
Superior in civitate, 996
Superstitio, 182
Supplicatio, *Deo facta*, 175.
superiori, 1080
Suspensio ab officio, 1063
Sum, 195
Sylva caduæ, *non caduæ in*
usufructu, 714
Symbola metallica, 683
Symmetria, 117
Systema, 62

T

T *Alio*, 156. *in penis*, 1049.
inter gentes, 1160
Templum, 1024. *eorum cura*
in republica, ib.
Termini technici, 802. *eorum*
explicatio fideiussori, 578
Terra neutra, 1181
Territio, 1032
Territorium, *civitatis*, 1010.
gentium, 1125. *pacatum*
tempore belli, 1196. *ter-*
ritorii accessio originaria,
1127.
Testamentum, 927. 931. 936.
937. nuncupativum, *scri-*
ptum, 932. *in alieno terri-*
torio conditum, 1137. 1138
Testimonium, 780
Testis, *auritus*, *falsus*, *inte-*
ger, *juratus*, *oculatus*, *in*
propria causa, *suspectus*,
verus, 778. 779
Thesaurus, 223
Timor


- Timor Dei*, filialis, servi-
 lis, 171
Titulus, 295. iustus, falsus,
 lucrativus, onerosus, pu-
 tativus, verus, 454
Tituli civiles, 1041. 1061
Rectorum civitatis, 1119
Tolerantia, religionis, 1064
Tortura, spiritalis, 1031
Tractatus, 769
Tragedia, 1017
Transitio, 310. & seqq. 518.
 582. 596. 598. ad certum
 usum, 518. longa manu,
 324. brevi manu facta,
 323. symbolica, 326
Transactio, generalis specia-
 lis, 764. 765. 766. 767.
 790. 1158.
Transgressio legis, 58
Translatio dominii, 316. 317
 310. 319. dominii futuri,
 589. dominii in contractu
 estimatorio, 659. in em-
 tore, 597. inter socios
 facta, 642. in jactu mis-
 silium, 685. translatio im-
 perii, 982. 985. 988. 997.
 translatio juris, 316. in
 nondum natos transmissi-
 bilis, 827. 828. translatio
 servitutis usus, 721
*Transmissio bonorum & ju-
 ris defuncti*, 819. & seqq.
 917.
*Transitus per alienum terri-
 torium*, 312. cum copiis
 militaribus, 1182
Trapezita, 655. 1036
Transiens, in cambio, 656
Transitus, 656
Transit, in cambio, 656
Tributum, 1057
Tumultus, 1134
*Turbatio communionis pri-
 mæ*, 193. possessionis,
 297. verbalis, realis, 297.
 quietis publicæ, 1172.
 1218.
Tutela, testamentaria, legi-
 tima, dativa, 898. 900.
 908. 910. 911. 1057. cu-
 ræ in civitate habendæ,
 1023.
Tutor, 898. 899. 901. &
 seqq. administrator, edu-
 cator, inspector, infe-
 riores, superior seu ho-
 norarius, 900
 V
Agabundus, 1104. 1105
*Valuation der Muerz-
 Sorten*, 534
Valuta, 656
Vasallus, 736
Vastatio rerum in bello,
 1195. in direptionibus,
 1021.
Vestigal, 1057. mercibus im-
 ponendum, 1114
Venditio, 587. liberorum in
 servitutem, 949. alii fa-
 cta, quam cui promissa,
 594. bis facta, ibid. rei
 alienæ, 593. rerum alter-
 nativa, 614. rei locatæ,
 624. 629. rei oppignoratæ
 677. & seqq. sui in ser-
 vitutem, 948
Venditor, 587. 588. 601.
Veneno hostem interficere,
 1107.
*Verba in pæctis interpretan-
 da*,

- da, 796. & seqq. magis attendenda, 817. temeraria, 360. 367. aperta, tacita, 355. a paciscentibus adhibenda, 798. a testibus, 780
- Veriloquium*, 347. 350. 352
- Veritas* moralis, logica, 347. eam celare, 352
- Verum* contra loquentem habendum, 318
- Via*, 712. viarum publicarum cura, 1034
- Vicarius*, 899. vicarii regni, 1003.
- Victor* in pugna, 788. inter certantes de premio, 675
- Victus* in pugna, 788. totaliter, 1219
- Vigilantia*, patris & matrisfamilias, 968
- Vindicatio* rei, 262. 448
- Vindicta*, 155
- Vir* bonus, 772
- Virginitas*, 862
- Viricatio*, vid. *Androlepsia*.
- Virtus*, 85. ad ejus culturam liberi, perducendi, 890. servi, 952. subditi, 1024. virtutes rectoris civitatis, 1077
- Vis* compulsiva, expulsiva, turbativa, 297. in bello licita, 159. in personam hosti non competens, 1206.
- Vita* commodè ac jucundè transigenda, 119. vitæ genus, 891. honesta, 49. vitæ privatio inter poenas, 1048. vitam salvam in prælio paciscentes, 1192
- Vitium*, 85. ab eo liberi, 890. servi, 952. subditi avocandi, 1024. vitia fœda in republica punienda, 1052. rei emtæ, 618. locatæ, 637
- Vituperium*, 146
- Universitas*, 197
- Voluntatis* determinatio generalis, 164. voluntatis ab intestato defuncti præsumtio, 933
- Voluptas* innocua, 118. transitoria, 120
- Votum* affirmativum, negativum, 842. decisivum, 843. vota consentientia, diversa, unanimia, majora, minora, paria, 842. meliora, 843. absentium, 844. votorum inæqualitas naturalis, 845
- Usuarius*, 721
- Usucapio*, 451. 463. 464. inter gentes, 1139
- Usufructuarius*, 713
- Usura*, 647. mordentes, 649. ordinariæ in contractibus trajectitiis, 680
- Usuraria* pravitas, 649. a republica arcenda, 1021
- Ususfructus*, 713. & seqq.
- Usus* domini, 102. imperii rectus, 1078. juris sui, 68. juris donandi, 477. usus loquendi communis, 346. usus profanus, sacer, 1025. usus rei, 721. sibi innoxius, 310. usus rerum necessarius, 183. communis in communione primæva, 187. 188. proprius in communione primæva, 192. in extrema necessitate.

necessitate, dominiis in-
 troductis, 305. 306. 307.
 rei depositæ, 539. rei lo-
 catæ, 622. rei locatæ do-
 mino necessarius, 628.
 619. rei publicæ, 1130.
 rei universitatis, 1129. pi-
 gnoris, 702. prædii rusti-
 cus, urbanus, 709


Ufus (pro servitute,)
 plenus, minus plenus,
 721.
Utilitas in contractibus, 560.
 domini in negotiorum ge-
 stione, 690. sola belli caus-
 sa non est, 1171.
Vulgo quasitus, 861.
Uxor, 10878


FINIS INDICIS.





11734





UNIVERSITÀ DI PADOVA

Ist. di Fil. del Diritto
e di Diritto Comparato

III

G

42

hanc legem nihil facere licet (§. 438.) Et quoniam qui dominium revocabile habet, rem restituere tenetur, qualem accepit (§. 314.) consequenter liberam, si libera fuerit; is prædio suo servitutem imponere nequit, nisi quæ dominio resoluta expirat.

Qu

da

al

qu

na

ra

q

m

P

d

Quot

sint ser-

vitutum

species.

quæ

cogn

quæ

De spe-

ciebus

servitu-

rum reg-

dialium.



alienæ aræ, aut eidem superstrueto imminet, in vicinis tamen ædibus nusquam requiescit. Servitus altius non tollendi est, quæ dominus prædii dominantis prohibere potest, ne dominus servientis ædes suas altius tollat: ex adverso Servitus altius tollendi appellari potest, quæ quis in

